



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.


Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.





Klaus Groth's

Gesammelte Werke

Dritter Band

Plattdeutsche Erzählungen

Drittes Tausend


Kiel und Leipzig
Verlag von Lipsius & Tischer
1898

Drei plattdeutsche Erzählungen

zum Teil Erlebtes und Erinnerungen von 1848 aus
Schleswig-Holstein.

Trina

Um de Heid



Vorwort.

Die umfangreichste der nachfolgenden Erzählungen, die erste, wurde im Jahre 1854/55 niedergeschrieben. Sie erschien, mit der zweiten, unter dem Titel „Vertelln“, wurde sogleich vergriffen, wieder neu aufgelegt und nochmals ausverkauft. Sie war aber eigentlich nicht geworden, was sie nach meiner Absicht werden sollte: eine Schilderung Schleswig-Holsteinischer Zustände vor, während und nach 1848, ein Bild des allmählichen Erwachens deutschen Nationalbewußtseins in unsern mittleren und unteren Volksschichten, des vergeblichen Kampfes um dasselbe und der Ergebung ins unbezwingliche Schicksal nach der Niederlage und während der Reaktion, dies im Spiegel eines jungen Ditmarschers, der sich allmählich mit entwickelt, es zur Ruhe und zu einer freundlichen Lebensstellung bringt.

Zu meiner Hauptfigur saßen mir, so zu sagen abwechselnd, ein Bruder (Min Johann des Quickborn) und ein Freund. Ich nannte meinen Helden nach dem Freunde „Detlef“. Meine Zeitgenossen aber werden mich verstehen, wenn ich sage, daß ich damals nicht im Stande war an die alten Wunden zu rühren: ich wäre in der lebhaftesten Vergegenwärtigung unserer Kämpfe, die umsonst, und unserer Demütigung, die unverdient war, verzagt.

Bis endlich Deutschland sich erhob, bis Hoffnung und Gewißheit kam, daß das Blut der Unseren nicht umsonst geflossen. Dann erst kam mir der Mut, im Sinne etwa meines teuren heimgegangenen Bruders, der auch an den Folgen der Feldzüge 1849 bis 1850 starb, aufzuzeichnen, was wir in den Jahren erlebt, gedacht, gelitten. So erst bekam mein „Vertelln“ seinen Kern.

Meine Landsleute werden diesen als echt erkennen, denn ich habe kein Wort niedergeschrieben, das nicht aus treuer Erinnerung stammt, sei es Selbsterlebtes oder was ich in unmittelbarer Gegenwart von Allernächsten vernommen.

Der Kern hat nun freilich die alte Schale fast gesprengt, der alte Titel paßt nicht mehr und ich darf meine Erzählung als eine ganz neue bezeichnen.

Sind's ja doch auch 25 Jahre, seit der erste Band „Vertelln“ zuletzt erschienen und verkauft ist, eine neue Generation wird meiner Erzählung zuhören.

Daher gab ich endlich dem Drängen meines Herrn Verlegers nach und trete wieder einmal vor das Publikum. Die Geschichte III „Witen Slachters“ erscheint zum ersten Male in Buchform.

Eine Bemerkung sei mir noch gestattet, da es doch einmal nötig wurde mein Büchlein zu bevortworten: Plattdeutsche Prosa war 1854 seit Jahrhunderten nicht geschrieben. Eine gewisse Schüchternheit und Unsicherheit in meinen ersten Versuchen mag daher ihre Erklärung finden, erst im zweiten Bande meiner „Vertelln“, in der „Trina“ und dem viel späteren „Ut min Jungsparadis“ hatte ich sie überwunden. Daß ich dies schon damals empfand, mag die „Priamel“ beweisen, die ich damals entschuldigend voranstellte und die ich deshalb mit ihren Daten wieder abdrucken lasse:

Platt is nich fin,
Beer is keen Win,
Win is keen Beer,
Aller Anfang is schwer,
Schwer is aller Anfang:
Gev Gott en guden Fortgang.

Riel, 24. April 1855, 1. Juli 1855, 1. Juli 1880.

R. G.

Inhalt.

A. Drei plattdeutsche Erzählungen. (Vertelln I.)	Seite
I. Wat en holsteenschen Jung drömt, dacht un beſeßt hett, vør, in un na den Krieg 1848 (1855, um- gearbeitet 1880)	1
II. De Waterbörſ' (1855)	73
III. Witen Slachters (1877)	105
B. Trina (Vertelln II. 1856)	129
C. Um de Heib (1871)	267



Wat en Holsteenschen Jungen drömt,
dacht un belejvt hett vœr, in un na den
Krieg 1848.



Erstes Kapitel.

Detelf bi sin Vetter de Scholmeister un bi sin Grotmoder.

Am lebsten wull he Landvagt warren. Dat düch em dat nettste. Sin Vetter weer Scholmeister, dat düch em nich so pläseerli. He weer bi em inne Kost, un de Obberste inne Schol, denn he kunn banni lehrn. Awer am lebsten wull he doch Landvagt warren; un wenn de op sin Witten um de Ede vörbi ree, de Bedeenter op en Brun en beten achteran, un he un Jan Pee legen int Gras — Jan Pee weer de Grötsste inne Schol, awer man dumm, he hölp em int Reken, un Jemann stunn em bi, denn he kunn sit ni wehrn — legen int Gras un simeleern, so sä he: Jung', Jemann, wenn it Landvagt weer, so wull it nix eten as Botter in Bri! Denn sprungn se beid op un lepen um de Ede un segen wa de Witte blenker. Awer bald weer he se ute Dgen, un se lē'n sit wedder hin.

Dat Dörp leeg ni wit vun de Heide, man kunn den langn Thorn sehn, wo de Landvagt jeden Abend op to ree, de blanken Wullen seten der achter, un wenn't dämmeri war, so hör man dat Getöf' vun den Ort un de Jungs, de Jäger un Tid speln.

düch: dächte. banni: sehr. ree: ritt. achteran: hinterher. Reken: Rechnen. simeleern: träumten. Bri: Buchweizengröße. lē'n: legten. de Heide: Heide, Kreisstadt, damals Hauptort von Ditmarschen. der achter: dahinter. Tid speln: greifen spielen.

Sin Better weer man en lütten Mann, atwer en groten Geist. He de jümmer as de Paster. Wenn he recht vermahn wull, so pad he sin Pult ganz vull Böter, dar stunn he achter as de Prester op de Kanzel; he dreih jümmer hin un her, atwer blot de Kopp weer to sehn, denn he weer verwossen. Detels much wul bi em wesen, denn in Winter reken se Abends Algebra tosam. Dar weern se liker wit in, dar seten se beid bi achtern Disch, wenn de ol Husholersch de Schüttel wegnahm harr, wo all drie ut eten; atwer he kreeg blot Mest to den Bri.

Jan Pee hö' in Summer Schap un Detels muß towiln bi't Heu hölpen. To Feld much he geern, atwer harken much he nich, vel lewer hö' he Schap mit Jan Pee. Mitünner kreeg he Verlöf. Denn maken se sit Scheernfleiten, Sprütten, Grasshüpเปอร์hüs' un all wat mögli. Mal smeten se mit Slippflappen, dat gung! Detels kunn tolekt fast de Koppel lant un smet dær de Heed oppen Wall dat dat fus'. Do keem en ol Fru ant Dor un scholl: „Si Slüngels! smit je 'n ole Fru binah de Ogen ut!“ un wat se noch mehr sä. Atwer Detels hör nich wider, he dach blot bi sit sübn: Jung', dat mutt fus't hebbn! Em düch he kunn General warren! He dach nößen an nig, as wa he en Gewehr oder en Pistol krigen schull.

As he noch lütt weer, leb he bi sin Grotmoder. Dat weer en ol magere Fru, de jümmer mit den Mund kneep. Sin Grotvader seet blot achtern Aben. Sin Vader broch em op en Sünndag hin. Erst gung he em bi de Hand, nös harr he em oppen Arm. He weer ganz möd un ween, as he ankeem. Sin Vader harr en ruge Mütz op, de schür em anne Wad, as he em oppen Arm drog. Nös keem wul Sünndags en Mann de em Roken broch, de küß em of, atwer de Mann harr keen ruge Mütz op, he löv ni, dat dat sin Vader weer.

Lütt: klein. **He de:** er that. **dreih:** drehte. **verwossen:** verwachsen. **wesen:** sein. **liker wit:** gleich weit. **wo all drie ut eten:** woraus sie alle drei aßen. **hö':** hütete. **Verlöf:** Erlaubnis. **Scheernfleiten:** Flöten aus Kälbertropf, Anthriscus. **smeten:** warfen. **Slippflappen:** Schleudern. **fus't:** kaufte. **nös, nößen:** nachher. **löv:** glaubte. **kneep:** kniff. **achtern Aben:** hinterm Ofen. **rug:** rauh. **rut:** hinaus.

As he den annern Morgen opwat ween he banni. Sin Grotmoder geb em Kaffe mit Zucker in, un as se mal rut wesen weer så se: Dar is Hans Lemp, de will di besöken! Do keem en lütten Jung inne Stub, de dat ganze Gesicht lach; he stülter æwern Drüffel un harr sin Müß oppe Hand, dar keet he rin. He så awer nig un keem op Detels to. Awer de Grotmoder så jümmer los: Nu sühe! nu sühe! Do pipen luerlüttje Bageln in en Nest, de weern ganz nakelt, de Ogen weern to un de Röpp fulln jümmer um. Se speln den ganzen Dag darmit. — He hett den Jung un de Bageln sin Dag' ni vergeten, awer ant Hus dach he ni wedder. Son schöne Bageln gift dat nu gar ni mehr! Dat weer man Schad, des Abends weern se all dot.

He harr en lütten Stohl un en lütten Disch, dar kreeg he of sin Eten op, awer he war ni eenmal recht satt. Sin Grotmoder seet an den groten Disch un sin Grotvader derachter. Em düch se eet banni, dat Kinn gung er jümmer op un dal. Wenn he denn sin Teller mit beide Hann in de Höch heel un så: Gosche, mehr! so så se: Kinner un Kalwer Maat mæt ol Lüd weten! Sietdem bedur he jümmer de Kalwer.

Do keem mal en Mann mit en brun Kasten oppe Naß so grot as en Brotschapp, den harr he mit twee Reems æwer de Schullern. He raf de Etschütteln ane Sit, stell sik mit den Buckel gegen Disch un sett den Kasten derop, do stæhn he. De Jung seeg, dat de Kasten richti los funn, of funn he apen mit en Dær wo en Slætel in paß, un Tweern un Band un all wat mægli weer darin. Sin Grotmoder wißch de Hann inn Platen af, kneep mit de Lippen un fat allerhand mit de Fingern an. Grotvader weer ni binn. As se mal rut gung, så de Mann: „Du sühst je gar ni her, Du sühst je ümmer na de Schüttel!“ Do så Detels, he weer ni satt. De Mann så: „Du büst so fin, du kriggst wol ni eenmal recht satt?“ „Ne,“ så Detels, „Kinner un Kalwer Maat mæt ol Lüd weten!“ Sin Grotmoder keem jüs in Dær, do kreeg he mehr un dennös of jümmer genug.

stültern: stolpern. Drüffel: Schwelle, Thüirschwelle, engl. threshold. luerlütt: ganz klein. fulln: fielen. sin Dag': in seinem Leben. kreeg: bekam. op un dal: auf und nieder. Gosche: Großmutter. Brotschapp: Brotschranz. Reems: Riemen. raf: schob. Etschütteln: Etschütteln. apen: offen, geöffnet werden. Slætel: Schlüssel. Tweern: Zwirn. Platen: Schürze. fat: faßte. fin: zart, schwächig. dennös: nachher.

To don harr he nix as wenn Grotmoder Kantüffeln op-
freeg, denn muß he sammeln. Op den Wall wussen Hasseln-
stöck, de snee he sit un ree darop. Dat Meß harr de Mann
em mitbrocht, de em jümmer küß wenn he keem un em Kofen
gev, un wa he Vader to sä. — De Mann hal em of un broch
em na sin Better.

Do seeg he toerst wa grot de Welt weer! Se gungu
den ganzen Dag un jümmer keem na een Koppel de anner,
denn wedder en Wall, un denn wedder en Koppel. Vanni
vel Hasselnstöck wussen op de Wallen un so vel glatte Elhorn
to Knappbüßen! He wunner sit, dat de Jungen de ni all
affneden harrn, he harr se gern all mit nam'. Een vun de
Hasselnjufers weer doch gar to schön, den muß sin Vader em
sniden, den neem he op de Schuller, de weer so lant, — em
dünkt noch, wenn he daran denkt, en ordentli Huslatt is
körter. Darmit keem he möd bi sin Better an un war glit
to Bett brocht as he wat eten harr.

Sin Grotmoder hett he ni wedder sehn, de is bald dot
bleben, sin Vader of. Se ween ni as he weggung, awer se
kneep vel mit de Lippen, un Thran'n lepen er beide Waden
hendal. Grotvader blev achtern Disch sitten, de is of dot
bleben. Wa lang he dar wesen is weet he ni, doch hett he
menni mal Kantüffeln mit opsammelt. Of mutt he lesen und
schriben lehrte hebbn, dat kunn he al ganz gut, un as he
to Schol keem gung dat heel lusti. He harr besunners Lust
to't Reken. Wenn he tosam tell, doch he jümmer an Hasseln-
stöck, wa he so vel vun sehn harr, un ref sit ganz rik, of
tell he Arsen inne Tash tosam, un bi't Kopprefen bedrog
he sin Better darmit, denn he ref ni eenmal uten Kopp, he
ref jümmer inne Tash. Doch sin Better mark dat ni, un
so war he bald de Bawerste inne Schol.

snee: schnitt. hal: holte. Koppel: Ader, Landstück. Elhorn: Flieder.
Knappbüßen: aus ausgehöhlten Fliederzweigen, in die ein Einschnitt ge-
macht und ein Stück Fischbein geklemmt wird, dieses schnell Erbsen fort.
Hasselnjufers: Haselstock, Haselgerte. Huslatt: Latte zum Dachdecken.
dot bleben: gestorben. hendal: hinab. al: schon. heel: ganz, gar.
tosamellen: addieren. ref sit rik: rechnete sich reich. Arsen: Erbsen.
Kopprefen: Kopfrechnen. Bawerste, Obberste: der Oberste, der Primus.

Zweites Kapitel.

Detelf sin Reif na Slensborg.

Sin Better harr en Broder, de handel mit Per. De keem mal to'n Besök. Dat weer en ganz annern Kerl as de Scholmeister, un wenn man't ni wuß, kunn man't ni löben dat dat Bröders weern. Lütt weer he ok man, awer dick, un dat ganze Gesicht weer roth. He weer heesch, awer he prahl, dat em dat weh de un annere ok. He harr en bunten Wulldok ævern Rodkragen um'n Hals, den beheel he ok inne Stuv um, un sin Pudelmütz schov he blot oppen Kopp hin un her. He slöt Detelf binah to dull. Awer wat he vertell vun sin Fahrten dær Dick un Dünn, leet so drulli, fogar de Perzepter keem ni ut Lachen. He weer allerwegen to Hus, harr op jeden Krüzweg handelt, kenn jedes Perd inn ganzen Lann, weer in jede Weerthshus Nacht wesen, un de Geschichten de he dar belebt harr weern all so pläseerli: Detelf dach sit en Weerthshus as en verzaubert Sloss mit luter wunnerlige Minschen un Herlichkeiten.

Den annern Morgen baller de Koflkammer mit de Hand op sin ledbern Büg — he smöl al wedder un heel de korte Pip mit den annern Arm hoch inne Höch, de Ellbagen mit de Pudelmütz lit, as wull he sit de Tähn vun de Sit rut riten — un sä to Detelf, de do al en arigen Jung weer: Sæn, sä he, un kraz de Stimm un prahl, dat Detelf tohop fahr, Sæn, sä he, un spuk ut: wullt mit? so kannst Du en Perd ut Hægen afhalen un dat na Slensborg achterna riden, it will na't Tonder Markt!

Wenn Een em fragt harr, ob he König warren much, so kunn he ni hillen ja seggt hebbn. As wenn op eenmal en grot Saken dær de Welt wegtrocken war, un darachter leeg se in helln Sünnschin, de he noch gar ni sehn harr: so war em to Sinn. He seeg nix mehr als Krüzweg' un Wis'pahln un wunner schöne Weerthshüs'. Em dück de roten Backen vun

man: nur. heesch: heiser. prahlen: schreien. flöken: fluchen. to dull: zu arg. leet (lieh): erschien. Perzepter: Schullehrer. ledbern Büg: Lederhose. smöl: schmauchte, rauchte. lit: gleich, gleich hoch. Tähn: Zähne. arig: ziemlich, artig. Hægen: Dorf in Ditmarschen. Tondern: Stadt an der Widaun, bedeutendster Marktplatz im nordwestl. Schleswig. hillen: eiliger. Wis'pahln: Wegmeister.

fin nien Better blentern orndli vør Minschenlev un Großmuth, de Perzepter seeg ganz gnitti un gnatti bi em ut, as de noch lang innen Kopp kraz un sit bedach. Doch endli gev he dat to un så: Detels wull je doch einmal na't Seminar, so kunn he of Tondern mal besehn. Do steeg de Kofstämmer to Berd, doch lang he noch inne Tasch un gev Detels twe Drüttels. Denn ree he weg, he keem Detels ordentli smud vør as he em naseeg, so vel heel he vun em.

Den annern Morgen steek de Husholersck em in jede Sidentasch en Strump, un en grot sauber Papier mit Botterbrot in de Binnertasch vun't Jack, knöp em dat dicht ann Hals to, bunn em noch en groten wullen Doz deræwer un gung mit bet vør Dør. Do så se: Nimm di in Acht! un Detels gung alleen los.

He weer ganz vull Kaffe un Freid. Dat weer en kolen Morgen inn Parfst, awer klar, un de Sünne keem eben op. He dach jümmer an Flensborg un Tondern. He så de Nams bi sit sülsen her, denn klungn se beid as Musik, „Tunnern“, wenn man't recht lang så, binah as en Trummel. Wa't dar lusti her gan much! He wunner sit dat em Büd entgegen keemn, dat se ni all na't Morn gungn; sogar de Bst lep darhin, frili man bet an de Eider.

He keem na Hægen un kreeg dat Berd, riden kunn he so gut as man Jan Bee. Erst gung dat Deert of ganz sinnig. Awer na en Stunstid hiim dat alle Ogenblick un stunn still. He slog dat, he pitsch dat, he strafel dat — allens hölp nig, dat Thier stunn still. Denn rement dat op eenmal un böm sit un juch, as wenn't unklot weer. Detels muß afftigen, awer dat leet sit of ni treden. He prahl un ween un reep: keen Minsch weer to sehn. He weer ganz vertwifelt, he dach dat Thier war em angan, so verdreih dat de Ogen, he keem in Dovensangst, he keem sit vør as de Mann in de Wüste, wo he vun lest harr, de vør en nüttli Kameel in en Sot krop:

gnitti un gnatti: verdrießlich. Drüttel: alte Münze, zweidrittel Thaler, 2,25 M. wert. steek de Husholersck: steckte die Haushälterin. Binnertasch: Tasche auf der Innenseite. na't Morn: nach Norden, Tondern zu. Bst: Bach. Deert: Tier. hiimen: leuchten. strafel: streichelte. rementen: lärmten, strampeln. böm sit un juch: bäumte sich und wieherte. unklot: toll. treden: ziehen. nüttli: toll, stößig. Sot: offener Brunnen.

Das Thier, mit grimmigen Geberden,
Auf einmal anfang schon zu werden,
Und that so ganz entseztlich schnaufen —

He wull jüs of den Tægel wegsmiten un utneihn, do keem um de Eä en Mann in Drav anlopen, de sä: Jung' dat Þerd hett den Kuller! Hol em man wiß! Un as Detelf siß wedder besunn' un vertellt harr, do sä he: Dat Þerd is nich to brufen, bring dat op min Wort man wedder torügg. — He harr of nog vun't Riden un trock dat truri wedder na Hægen.

Wat de Bur sä, hett he vergeten. He keem siß so erbärmli vær as en König, de vunn Thron fulln is. He dach jümmer an Napoleon op Sanct Helena, wo sin Better em oft vun vertell. So sleek he ut Dörp. Do full em op eenmal in, dat he twee Drüttels inne Tasch harr, damit düch em, kunn he of to Fot na Flensborg reden, un he muß je doch sin Better, de Koflämmer, Bescheed bringn. Un so gung he noch mal den sülvigen Weg na't Horn herut.

Bald harr he dat Þerd mit den Kuller ut den Sinn. He war ganz vergnügt un dach æwer Allens, wat he seeg. De Sünn war warm. He snee siß en Handstod, de he int Gan ganz bunt maß, un so keem he an de Eider. Dar war jüs en Wagen in den Brahm æwersett, he keem mit in den Brahm. Do frag he, ob he nich op den Wagen stigen kunn? He sett siß op den Stohl un grüwel: Ünner em weg leep de Eider, de Fährnechts gungn hin un her un trocken, de Brahm gung langsam værwarts, man kunn ni sehn, ob siß dat Öwer beweg', oder de Fähr. He dach siß, wenn nu noch de Wagen leep, un he gung op den Wagen, un de Wulken haben em, un sin Better sä, de Eer dreih siß — de Fährnechts wussen man nich, warum he so gau ras steeg un siß anne Kant wiß heel! To'n Glück stöten se jüs ant Land, un Detelf neem sin Stod un gung wider.

Op de Heiloh, de he nu bald drop, weer dat nüßli. De Sünn schin jümmer warmer, dat weer allens bomstill, de

jüs: eben. Tægel: Baum. utneihn: weglaufen. Drav: Trab. wiß: fest. nog: genug. fulln: gefallen. sleek: schlich. reden: reichen, hinkommen. int Gan: im Gehen. Brahm: Fähr. Öwer: Ufer. haben: oben. Eer: Erde. dreihn: drehen. gau: schnell. ras: herab. stöten: stieken. Heiloh: Heide, Heideiland. blöm: blühte.

Heid blöm rosenroth, de Bram heßgel. Sin un wedder seet der noch en blaun Fleeerlint op, oder en Bagel slog rut, de jedesmal pip, wenn he mit de Flünken toslog. De Fahrweg harr so'n depe Spör, wenn man darin gung, redt de Remel Een fast bet an de Kneer; meer der en Wagen kam, man harr achterop petten kunnt un heraf, as vun en Schemel. Un de Bargaen gungn so eben to höch, hindal kunn man tründeln. He dach blot an sin Botterbrot, anners harr he't versöcht. Awer he knöp de Jack op, sett siß baben hin un eet dat op. Darbi keet he in de Feern, wa de Sünne spel, un an de Rimming spegel de Lust as meer't Water un de Bargaen dartwischen bewern as Wellen. Dat war em ordentli flimmern vör Dagen, un he sleep to. As he opwaß, gung he wedder los, nu as dar en Stegelsch æwer en Bøt keem, stunn he still un leet dat Water ünner siß dærløpen, bet he füllsten mitfeil, denn smeet he Blæd rin un seeg se na, toleß drunt he un gung wider. Endli drop he en Koppel mit Botweten, de stunn so dünn, man muß em wol Spil bi Spil mit en Scheer affniden, wenn man dar wat vun hebbn wull. Denn drop he en Mann, de Lørf ünner'n schirn Sand grav. He stunn lang vör Berwunnerung still, dat meer em, as wenn Een Kantstüßeln ünner Water uten Dit kleit harr. He sproß mit den Mann, he seeg inne Feern en groten Sotßwang un en lütt Hus, un wil de Sünne bald ünnergang wull, so frog he, ob he dar ni Botter in Bri krigen un Nacht bliwen kunn. De Mann wiß sin Spaden af, un Detels gung mit em. He eet banni un sleep gut, muß veer Schilling utgebeu, un wannen wedder los na Flensborg to.

Flensborg is en Stadt, dar löppt dat Water ut grote Söb vun't süßen haben rut, un de Fischfrunß ropt so wunderli, se muchen siß wol scham! Oi Lüß, un jauelt as wenn man en Melodie schriggt all wat 'en kann oder op en Rinnertrumpeet

Bram: Ginster. gel: gelb. Fleeerlint: Schmetterling. Flünken: Flügel. toslog: zuschlug. depe Spör: tiefe Wagen Spuren. Remel: die Erhöhung dazwischen. petten: treten. tründeln: rollen. anners: sonst. Rimming: Horizont. bewern: zittern. sleep to: schlief ein. Stegelsch: Steg, Brett als Übergang. drop: traf. Botweten: Buchweizen. Spil: Halm. schirn: rein, unvermischt. Dit: Leich. klei'n: graben. Sotßwang: Brunnenschwengel. Botter in Bri: Buchweizenbrei mit Butter. Spaden: Schaufel. veer Schilling: 30 Pf. Söb: offene Brunnen. Fischfrunß: Fischweiber, die in Flensburg dänisch ausrufen. jauelt: heulen. all wat 'en kann: so laut man kann.

blaßt! Un se kunn dat geern laten, en orndli Minsch versteit se doch ni! — He keem des Namdags an. He keem ganz hoch hindal — dar leeg de Stadt! nich blot een Thorn, ne, dre oder veer, de See gung bet dicht heran, un Schep legen opt Water. Un se seeg so værnehm ut! He weer lewer rin reden! Oder harr he man en Rock anhatt mit blanke Knöp! Wat schulln de Flensborgers seggn wenn so'n Dörpsjung dar rin keem? Wenn se dat nu maken as sin Better wenn en Hund inne Schol keem: denn fahrn glicks Alle inne Höch un repen: Rut mit em! rut mit em! Un sin Better maß de Dær op.

Lises seeg he Burn ganz glickgülti rut fahrn, do gung he der op los. — Hüß' weern der genug un doch noch to wenig, dar warn noch jümmer mehr bu't, he vergeet sik ganz wa hoch, he stunn bi jede Hus still. Do seeg he, dat man of Stuten un Backwart kopen kunn. As he dat wies war föhl he sik ganz seker. He stell sik breet vær en Ladenbisch, koff sik of wat, eet dat ut de Hand un graß' sik so allmali langs de Stadt.

In dat Weerthshus wo sin Better wen schull — he funn dat gegen Abend — seeg de Fru em eerst ni vær vull an as he Botter in Bri un en Nachtquarteer förder. Do klæter he mit sin Drüttel un de Schillings, denn he weer al slan warn, un as de Fru dat mark, så se, Botter in Bri harr se nich, (Detels löb dat munnerli Minsch kenn gar keen Bri!) awer se harr noch Bratwuß, ob he de much? Dar noch na to fragen! He eet banni un sleep gut.

Sin Better weer al güstern weg na Tondern, un he neem morgens sin Stod un frag wat he schülli weer, denn he wull wider achterna, dat Reisen gefull em; he keem sik ordentli seker vær un as en Kerl. Awer wat kreeg he en Schreck, as de Drüttel binah weggung un kleen Geld harr he nich vel mehr! So dürr harr he't ni dacht inne Stadt. Ganz værnehm harr he sin Summ in de Hand nahm as he betaln wull: nu war he op eenmal so schlagen, he harr in de Ger sacken kunnt vær Scham un Demoth. Em keemn de Thran in de Dgen, un de Fru, de em eerst ganz lächerli ankitt harr, så nu mit en

hoch hindal: von oben herab. Lises: gleichwohl, dennoch. vergeet sik: vergaß sich, entfeste sich. Stuten: Weißbrot. wies war: gewahr ward. graß' sik: fütterte, sättigte sich. wen = wesen: sein. klæter: rasselte. löb: glaubte. Bratwuß: Bratwurst. schülli: schuldig. dürr: teuer. schlagen: niedergeschlagen. sacken: sinken.

fründli un mitlibi Gesicht: Wat feilt Di, min Junge? Do klag he sin Noth. Se sä, er düch he schull man wedder umkehrn, un dar weer noch en Kofklammer, de sin Better kenn. — De weer der of. De lach em int Gesicht un sä, sin Better wuß lang vørher Bescheed vun dat Berd mit den Kuller. He schull man mit em kam, he fahr glit in en Genspanner torügg bet an de Eider.

So gungn all sin schön Hoffnungen to Water! De Welt seeg em ganz trurig ut, dat Wedder weer düster un neweli, he keet jeden Minschen verdächti an, ob de of æwer em lach oder op em scholl, un as de Kofklammer prahl: So Jung, legg di man achter int Stroh! do dach he an sin Grotmoder un de arm Kälwer. He harr ween' mucht! Weer he man bi sin Better de Berzepter un de ol Husholerssch! Dar weer't doch warm un man kunn tofreden an de Tafel sitten un reken. Wenn't of man Wess to den Bri lohn, so harr man doch keen Angst vør Minsch un Beh un dat Geld wat all war!

He krop int Stroh un hett slapen bet an de Eider. He hett sit schamt as Jan Reisch, do de Fährknecht em frag, ob he all wedder torügg keem? He harr wol domals vun en grote Reif' spraken. He keem of ni ehr wedder to sit süln, as bet he sin Better sin Hus seeg mit de twee Schösteens un de dalrangellen Walln, mit den Garn derachter un Weg' herum, un in de Feern den langen Heider Thorn, wo de Landbragt jeden Abend op to ree. De keem of jüstement vørbi. Awer em düch, he much nich mal Landbragt wen, dat Berd kunn kulleri warrn un de Minschen häßli.

He gung sachen int Hus un weer glückli un tofreden as de ol Husholerssch em blid anseeg, em Kaffe kat wo he bi stunn, em de Steweln ut hölp un em frog, ob he ni möd weer. Sin Better weer ut. He sleep al as de to Hus keem, un den annern Morgen gung dat all sin Gang, as wenn gar keen Flensborg in de Welt un he ni ut de Dør weest weer. He weer of satt bunt Reisen, awer he vertell geern darvun.

Nu gung he noch flitiger ant Lehrn as sunst; sin Better sä, he war noch mal en düchtigen Scholmeister. Na un na muß he em al en beten hölpn. He seeg de Lütten er Tafeln

lohn: gab. Jan Reisch wird immer angeführt als einer, der sich schämte. all war: zu Ende gegangen war. Schösteens: Schornsteine. dalrangelt: niedergetreten, =geessen. derachter: dahinter. blid: freundlich. Lütten: Kleinen.

na un leet se opsegg. Awer dat war em bald lantwili. He wuß je den Koptiffen utwenni, warum schull he dat noch all wedder hörn? Wel lewer hör he wat Nies. He much of geern recht kruse Exempels reken, awer ni een twee mal, un nu schull he all de Krabaters er Bon un Zu un Mal un In nareken: dat war em gressi! He stunn oft ganz in Gedanken. He dach an Nürnberg, wo se de nüdlichen Saken utsneen, utsnien much he sübn geern, oder an „Barcellona“ dat klung so prächtig, of harr he en groten Grundriß vun de Stadt, anne Sit int Water swumm Meerfrunz, half Fisch un half Minsch. Denn dach he an all de wunnerligen Thiern un Böm de dar wul opt Land un in See weern, vun wüde harr he Willer, in sin Bibel weer en Behemoth un en Lorbeerfigenbom wo Jebedäus in seet. Em düch, dar much he of noch herum klattern un Figen eten, oder so as Robinson na en Insel. He wull awer sin Goldklumpen beter wahn! Den wull he mit to Hus bringen, un denn en Palast buden, so grot as de in Flensborg. Dar schulln Treppen buten rund rum gan bet an de Spitz un binn schull wedder en Trepp dal gan bet na sin Stuv. Dar wull he en Tafelage anbringen, wo he an rop un hindalrutschen kunn. Wenn denn mal sin Better keem, so schull he boots! full em de Tafel ut de Hand, un sin Better war mitünner recht böß. He weer ganz unglücklich!

Drittes Kapitel.

Detelf op de Mael.

In disse Tid schied de ol Husholersch em towilen mit en Achendeel Rogg na de Mael, de en gude Halfstunn Wegs vun se af leeg. Dat weer jümmer en Freib. De Weg gung bald dær en Sandstreck; wenn't recht drög weer, leep dat Sand em in de Schoh, he muß ordentli hindær waden. Dat ma em awer nig. Anne Sit weer en Kul, wo man of dær gan

Koptiffen: Katechismus. Nies: Neues. Krabaters: kleine Kinder. gressi: schauerhaft. snien, sneen: schneiden, geschnitten. Behemoth: Nilpferd. Hiob 40, 10. buten: draußen. binn: drinnen. Achendeel: Achteltonne. Kul: Loch, Sandgrube.

kunn. De Ranten weern ganz steil, denn dar war jümmer gravt, un de Steenswölken harrn dar depe Böcker rin wöhlst, as wenn se bahrt weern mit en Pumpenbahr. Dar lang' he mit den Arm rin. Of wuß dar allerlei wunnerli Maas un Krüder wat he beseeg un plüdt un wa he wat mit vun to Hus broch. He bedrop sogar mal en Swinggel, de harr sit ganz in en Dutten Heu vernüßelt un bewümpelt. De sleep sin Winterslap un he broch em of mit to Hus. In disse Gegend dach he sit in „Arabien“, un bi en lütt Dannholt wider weg dach he an Norwegen un Sweden, un so kunn jümmer anner Gedanken, een noch netter un gruliger as de anner; bet he toleht de Mael achter de Eck vun en Krattbusch rut seeg. Se stunn ganz alleen, en lütt nüdli witt Hus nich wit derbun, dat Döörp in de Neegde.

Gewöhnli seet de Möller sin Søn, de of dat Geschäft lehr, un sung. Denn sett he sit bi em hin un sung mit, he wuß banni vel smude Leder. De Jung much em liden. Se vertellen sit wat, stegen of wul in de Rapp un telln all de Thorns in Ditmarschen, se kunn sogar, wenn't jüs blenker, dat Haf sehn. Dat weer en pläseerli Leben! Alls weer still un ruhi bet op de Steen, alls weer wul stöwi, awer witt un drög, sogar de leddern Tüffeln.

Mal sä de Möller to em, ob he ni Lust to de Möllerie harr un bi em in de Lehr much? Dat weer em noch ni eenmal in Sinn kam! Awer he harr banni Lust un dröm sit dem vun nix as en Mael un wo he vun de Rapp ut inne Feern keek. Dat mag wul en temli Tid so gan hebbn. He leep oft na de Mael, of wenn he dar nix to don harr, un weer dar mit to ganze Sünndagsnamdags. Ob he dat dennös sin Vetter seggt hett ober de Möller de mehrmals na Schol keem, schall he ni seggn. He weet ni wider as dat 't asfalt weer un he na de Confermatschon ingan schull. Un he dach daran mit all sin Freid.

He weer den lehten Winter awer doch bi den Pastor banni nadenkli warn. Wenn de em sin Plichten und Globen utle,

Steenswölken: Uferschwalben. bahrt: gebohrt. Bahr: Bohrer. wuß: wuchs. Maas: Moos. bedrop: traf, entdeckte. Dutten: Haufen. vernüßeln: sich in etwas festlaufen. bewümpeln: umwinden. Krattbusch: Unterholz, Buschwald. Neegde: Nähe. Rapp: Ropf, Spitze der Mühle. Haf: das Meer. stöwi: staubig. Tüffeln: Pantoffeln. temli: ziemlich. mit to: mitunter. ingan: zugehn zum Dienst. utle: auslegte.

so neem he sik vör en düchti Minsch un braven Christ to warren, un as he vun sin Better Affscheed neem, do stunn em dat Leben vör as en sware Opgav un en sure Arbeit.

Mit jon Gedanken keem he to Mael. Den Möller, de dat mark, gefull dat. He weer fründli un gut gegen Detels. Detels weer sinni, heel sik nett un rennli, un dat paß to't Geschäft dat he reken un schriben kunn as sunst niems int Hus. So föhl he sik bald ganz tofreden, seter un glücklich. Dach he of eerst fast to vel an sin Better un an sin Paster, so sung he doch bald wedder an sin Leder to singn, ja he sung de ganze Reeg dör bet se all weern un he wedder vun vörn anfangn muß. Wenn denn dat ol Krüz recht swunk, so dat jümmer, as de Möller sä, een vun de veer Roden vört Maelnsinster weer, un de Schatten darvun within æwer de grüne Koppel jagen, wenn de Steen dreih un klung as en lisen Musik, wenn de Lojeri de Kornsäc herop hal so licht as weern't Dunküssens, un de frische Mehldunst rül as en feine Blom: so lach em de Seel in Liv, so weer em as harr he süln de Lust un de Kraft de en Pferd nich hett un Moth as keen Fal. De Möller læv em, wenn he em drop mit Sweet umt Gesicht. De Burn keemn un snacken. He hör alle Geschichten so to seggn uten ganzen Lann, he lehr Jedermann kenn, un alle de dar keemn, de harrn dat sure Gesicht to Hus laten, oppe Mael war blot lacht un vertellt.

Am schönsten weer't æwer menni mal nachts, weun de Ostwind man lisen köhl. Denn gung de Möller to Bett un æwerleet em dat Geschäft, sä recht vertrut to em: Paß en beten gut op, Detels! un he weer denn ganz alleu. Int Dörp waf niems as de Nachtwächter, sin Horn tut bald neger, bald wider, de Maan schin oder de Nacht leeg op de ganze stille Gegend un dat Gewerk un de Steen inne Mael klung lisen. Denn gung he rut oppen Barg un dat Hart war em wit, he sung sachen bi sik süln, un all wat in unse smuden Leder steit vun true Leb un vun Scheiden un Meiden, dat trock em as Musik dör un dör, un rein so fierlich! Erst

sinni: bedächtig, ruhig. niems: niemand. Reeg: Reihe. dat ol Krüz: die Mühlenflügel, die Mühle. Roden: Flügel. Lojeri: die Kornwinde. Dunküssens: Daunenissen. Fal: Füllen. læv: lobte. Sweet: Schweiß. snacken: plaudern. æwerleet: überließ. waf: wachte. tut: blies. Gewerk: Räderwerk.

wenn he afbunn harr un to Hus sin warm Kaffe un Stuten eet, war em wedder græwer to Moth, atwer noch oft in'n Drom leem't em vœr, as weer't en Klingn un Singn, un op de Welt bewegen sit Gestalten, de dat Og sunst ni sîht.

So war em de Mœl leef æwer allens. Rich mal Sûnn-dags much he utgan, he blev lewer oppen Barg un seeg sit um. Int Dôrp rôkern de Hûf, de Rôh grasen op de Roppeln, un langs den Weg fahr mit to en Wagen vull smucke Lûd: dar fahr he in Gedanken mit. Oder he plant wat in den Gern, he frei sit, wenn dat wuß, he seeg na jede Blom, ob de al wider kam weer, he sett sit toleh in de Sûnn un dach: dat's nargends so schön as hier!

De Mœller harr sin Hæg deran. He kunn sit op em ver-laten un em allens anvertrun. Likes sâ he doch mal: inhûfi weer nett, sin Sœn harr leider vels to vel lopen, atwer Detelf much of keen sûnnern Klas warn. He muß mit mant Lûden, dat hœr dar eenmal mit to in de Welt. — Detelf kunn em keen Unrecht geben.

Viertes Kapitel.

Detelf un ol Klazen.

Int Dôrp wahn en Bur, de weer of Landmeter un en ganz ebûfigen Patron. De harr Detelf al mehrmals seggt, he schull doch mal hintam un em mal besôken. De Mœller verwunner dat, denn sunst heel he egentli keen Umgang. De Ol kunn atwer drulli snacken, na em harr Detelf noch am eersten mal Lust hintogan, un de Mœller ra' em to.

Op en Sûnnagnambag mak he sit denn mal torecht un gung los. — Dat Hus weer old un leeg en beten torigg achter de Bôm. Dat Dack weer op de Norfit ganz mit Maas

afbunn: abgebunden, nämlich die Segel vor den Flügeln der Mühle. græwer: größer. Hæg: Freude. Likes: gleichwohl. inhûfi: einhäusig, der zu Haus bleibt. sûnnern Klas: Sonderling; eigentlich Sinte Klas, d. i. Sanct Nikolaus. mant: unter, zwischen. ebûfig: eigentümlich, eigensinnig. ra' em to: riet ihm zu. Dack: Schilf, Nied-gras. Norfit: Norbsette.

bewuffen; awer allens weer dicht, un Detelf seeg glit dat all dat Holtwart eken weer. Man gung in en Grotbaer, wo blot de ünner Hälft vun apen keem, langs de düstre Lohbgl. Op den Achterenn schin en beten Helligkeit ut dat runne Stubendærfenster mit en witt Gardin. Dat weer en optreppte Stuv.

As Detelf herin keem, do verschr he sit binah. Oppe Mael weer de ol Klafen en Bur un as de annern Burn. He harr den groten Hot deep in de Ogen un en egenmachten Rock an. Dar snack un lach he nich vel anners as de annern, blot en beten sachter un nich so luden Hals; likes kunn man em jümmer gut verstan. Detelf wuß ni recht wa dat to gan much. He kenn em bundag' gar ni wedder un war rein verlegen, so bærnehm seken den Oln de grauen Luden ünner de witte Toppelmütz rut. Awer he keem fründli in sin bunten lattun Rump ut en groten Armstohl op un sä: Süß dar, endli, min junge Fründ! Rum hier man ant Fenster un sett di op de anner Sit. It seeg hier jüs en Kart vun de Broklandsau na, it much doch weten, ob dar ni mit wenig Hölz lüttje Fahrtüg' vun de Eider bet na'n Aufrog rop gan kunn dicht bet de Heid; dat muß doch dull wesen! Darbi trod he mit de een Hand noch en eken Stohl mit en los Rüffen op den Sitz an den Disch, de düsterbrun un spegelblank bonert weer, man rül noch den Terpentin, un wiß mit de anner op en grote Landkart, de he darop utbreedt harr. Dat de he all rasch un seker, dat seeg gar ni na en Bur ut, un Detelf seeg dat he ganz magre witte Fingern harr. Darto pick de Wandkloß so lud in de grote stille Dörnsch, dat Licht full so egen dær de Böm int Fenster, opt Schapp stunn son snatsch Geschirr, he seeg man glit en blanken Dreesot un en grote Kugel in en mischen Rink, he dach richti dat muß en Eerdkugel wesen.

Doch verhal Detelf sit bald un keem wedder to sit süßn,

Holtwart: Holzwerk. eken: eichen. Lohbgl: Dreschbiele, Tenne. Achterenn: Hinterende. optreppt: aufgetreppt. verschr sit: erschraß. egenmachten: von der Hausfrau selbst gesponnen. luden Hals: laut. to gan much: möglich wäre. bundag: heute. Rump: Oberjacke, eigentlich Rumpf. Die Broklandsau ist an der Nordgrenze Ditsmarchens. Aufrog: ein Hof und Wirtshaus an der Broklandsaubrücke. dat muß doch dull wesen: das müßte doch arg sein! nämlich wenn's nicht ginge. trod: zog. rül: röh. Dörnsch: Wohnstube. Schapp: Schrank. snatsch: seltsam. mischen: von Messing.

so egen em of to Moth west weer. He teel mit op de Part, as ol Klafen em dat wiß, un as he sit dar man eerst en beten umsehn harr, keemn se beid, denn Detels wuß genau in de Gegend Bescheed, int Snacken as ole Bekannte. Do hör he denn wunnerlige Ding', wo he bi sin Better nig vun hört, in sin Scholböcker nig vun lest, bi sit süßn nich æwer dacht harr. Dat weer hier ganz anners. De Ol kreeg noch mehr Landarten her, Detels seeg dat he ganze Baders darvun int Schapp in en Kamer harr. Se snacken bald vun fremde Länder, as Detels dat gern much, se snacken vun Amerika, wo domals de ersten Lüd ut Ditmarschen hin utwannern. De Ol, schin't, wuß dar Bescheed as to Fuß. Se snacken vun Reisen, se keemn op de Schepfahrt, opt Bercken vun Läng' un Breeb, vun Parallelzirkel un Polhöchde, un nu gar, as de Ol markt, dat dat Detels nich all fremd weer un dat he sogar en beten Geometrie un Algebra verstunn, harr dat Klæn un Snacken gar keen Opholn. He wiß em ole Rekenböcker mit Figurn un Willer, dar weern Pumpen un Maschin darin, Detels kunn sit ni satt daran sehn. Un eerst as en ol podenaari Diern Licht op en Tinnluchter broch, full em in, dat dat of mal Tid war weg to gan, so harr he sit vergeten. Awer do muß he noch mit den Oln to Abend eten, un rein verbistert keem he eerst lat to Mael un to Fuß.

He kunn gar ni inslapen, so vel gung em dær den Kopp. He weer as dun, he kunn sit gar ni torecht sinn, he besunn sit eerst de neegsten Dag' na un na bi de Arbeit, so vel harr he to denken. Böcker un Wetenschop! — Dat harr op eenmal en ganz annern Klang un Smack dær em. Wat dærn Lust un Freud steek darin! Wat dærn Gewalt! Weer dat ni of noch dær em to reden? Schull he noch studeern? Schull he't ni künn so gut as vele Annere? Awer bi sin Better harr he oft en oln Candidaten sehn mit en rothpifi Gesicht un en kalen Kopp: wa hungri un lungri seeg de Mann ut! Un doch sän de Lüd dat he wat lehrt harr. Wenn em dat mal eben so gung? Un lehrn much he wol, awer anweisen gar ni. Dat keem em dær as dat Edderkaun bi't leef

verhal: erholte. Klæn: Sprechen. podenaari: podennarbig. Tinnluchter: Sinnleuchter. rein verbistert: schier verwirrt. lat: spät. as dun: wie trunken. Smack: Geschmack. reden: erreichen. rothpifi: rothfledig. lehrn: lernen. anweisen: lehren. Edderkaun: Wiederfäuen.

Beh, dat harr he versöcht bi sin Better. Dar harr he keen Wagen to. Ja, still vör sik sitten un bereken wo de Sünne un de Maan löppt, achter sin Gerdfugel inn Löhnstohl, as ol Klaffen, un lesen, wa't in de Welt her geit! Un doch, den heeln Dag nig anners un binn inne Stub — dar weer em sin Garn to leef to un Lust un Heben. Of harr he keen Geld, beden gan wull he nich. Un æwerhaupt weern of al Innere wat warren, warum schull he verzagen? Dat Glück muß doch to allns darto, keem Tid keem wul Rath, tröst he sik mit dat Sprichwort, noch weer he jung un vergnügt, vör de Tokunft sik quäl'n, de man doch nich opdenken kunn, dat wull he nich.

So doch he sik to Ruh. Ol Klaffen harr seggt, he much öfter wedder kam, em weer't nich to vel jeden Sünndag. Dat leet he sik nu nich tweemaal seggn. He weer al de neegste wedder dar. Dat Spreken un Lesen reet dar nich af. De Ol gev em sogar geern Böker mit to Hus. So harr he, wenn he sik bedach, all wat he wünsch. En Möller is al so en Glücksvagel, de Wind arbeitd vör em, un wenn de flau is, so kist he ut de Luf oder lehnt æwer de Dær, denn is en Bot as en Fründ. So harr he sin Freid ahn Koppbreken un de Tid leep em lusti derhin. Keem mit to mal en beten Sorg, so tröst he sik wedder mit Bispilln. Sin Meister harr of nig hatt un weer doch to wat kam. He kenn nagraad Korn so genau dat he de Tünn Beten op en Bund tageer. Wenn he mal en lütten Handel anfang, nadem he sik eerst en beten umsehn harr, so kunn em't, düch em, ni fehslagen. Un denn trod em wedder de Lebenslust dær vunn Kopp bet in de Hacken, he sung wedder sin Leeder vunn Barg hindal, dat dat schall æwer de Gegend, un Wet na Wet, un Monat na Monat gungn weg as wenn't Stunn weern.

To Fröhjahr vergeet he binah sin ol Klaffen mit sams sin Böker æwer de Garnarbeit. De Ol weer frili of en Tidlang weg Kantüffelland uttometen. Detels maek dat Graben un Planten in de warme stille Fröhjahrstid so vel Vergnügen, dat em't weer, as weer't all sin egen, un de Arbeit nig as en Sünndagspläseer. As trod he em den Pingsstroch an, den

heel: ganz. Heben: Himmel, engl. heaven. beden: betteln. al: schon. Luf: Fensterloch, Fensterladen. weer to wat kam: hatte es zu etwas gebracht. frili: freilich.

fründlichen lütten Bladen, so betrach he den Garn, bepuh de paar Blombetten, wo nig Absunnerligs in weer, snee dat Sprock un de foren Twigen ut de Rosenbüsch, sammel de verolmten Blad un Strünt vun dat junge Krutwart, wat al den Kopp herut steek, un wona he seeg mit en Art Andacht. Wa felen de dicken Silgentknuppens herut un de brun Tulkenspijen, so frisch un junk, so driest un kräftig. Menni Krut wat rut segg kenn he noch gar ni, un bi menni anner muß he sit lang besinn, as bi en olen Fründ de inne Fremdn wesen is un den man in en Jahr ni sehn hett. Wel weer't æwrigens all nich, awer desto vertruter. Wa lusti summ darbi de eersten Im herum, un sungn de Surken un Fritschen as freun se sit mit em. Twischen in gevt mal Wind un muß dar en ganzen Dag oder en paar malt warnn. Dat dur en temli Tid, ehr he mit sin Garneern fertig weer. Un do sung al dat Unkrut an to wassen, de Blöth un Blöm keemn op Böm un Büscher, Stäckbein un Kirschen wussen un warn roth, de Im swarmn, un de Summer weer dar — ja, un weer hin, ehr man em recht wis war.

Wenn na Johanni de Kantüffeln toript, so waht de Klümp ünner de Ger. Denn brukt de Lüttmann wenig Mehl un de Möller wenig Wind, vær't Geschäft is dat de flaue Tid un vær de Geselln de fule. Wer keen bliben Sted hett de wannert, as de Sniders na Pingsten un de Swölken na Micheli. In son Tid harr ol Klafen op en Heiloh to vermeten de opdeelt warnn schull. He brukt en Hölpmaat darto de en beten vun de Saken verstunn un harr geern Detels mit hatt. Harr sit dar of mal op en Sünnaabend inne Heid bi den Möller na befragt un de harr der nig gegen, wenn Detels Lust harr. Dat weer awer jüs Water op den sin Mæl, as de Watermöllers to seggn plegt, un dat weer noch kum Sünndag warn, so wanner he al mit Sack un Pack op enige Tid ut na den Din.

Bladen: Flecken. Sprock un fore Twigen: dürres Reisig. verolmt: vermodert. Strünt z. B. Kohlstrünt: Kohlstämme. Silgentknuppens: Silientknochen. Tulken: Tulpen. menni: manch. Surk: Lerche. Fritsch: Hänfling. Garneern: Gärtnern. Stäckbein: Stachelbeeren. toripen: zureifen. so waht de Klümp ünner de Ger: so wachsen gleichsam die Mehlsklöße (die Kartoffeln) unter der Erde. de Lüttmann: die kleinen Leute. bliben Sted: bleibende Stätte. Swölken: Schwalben. opdeeln aufteilen. he brukt en Hölpmaat: er brauchte einen Gehilfen.

Dat Geschäft gung fröh morgens los, weer awer mehr spazeern gan as Arbeit. Se harrn en paar Lüüd mit, de en Metßeb, Markstöcker un en lütten Metbüsch drogen, petten mit de den ganzen Dag in de Wildnis herum un klæn. Proviant harrn se mit. Wenn se sit to Fröhistüch, Middag un Vesper darbi op en Anüll lagern, so beteken un beschrev de Ol de ganze Gegend an Detels, un wat se ni genau mit bloten Ogen sehn kunn, dat war dærn Rifer, den se to't Vermeten mit harrn, opsocht; de ol Landmeter wuß't utwenni un beteken na jede Thorn oder Mæl oder Riesenbett oder Galgenpahl de Richtung as en Schipper na Baten un Füertekens. Wa harr sit dat ännert sit Minschengedenken! Blot de Tekens bleben meistens bestan, wenn nich en Mæl asbraken, en ol Gelbom utrodt, en Hünengraff verschwunn weer. Wa weer dat ganze Land anners warn dörch Minschenhann. Alle Törfmoorn saken af, warn Wischen un Kornland. Ol Kläsen wiß' in de Feern den Weg vun de Milau, de he dær dat grote Fieler Moor, vun Dubenheid bet de Möldörper Haben, mit den ol Tiedemann tosam vermeten un affsteten harr. Sitdem drög de Rand af op en Quadratmil rum, de Törf war na Millionen herut schafft, dat ganze Flad weer grön warn un begrast vun Beh, sad awer allmähli dal as en Disch, wo man de Föt vun förter makt, Jahr um Jahr un tollwiß'. Ganze Moorstellen binn Sands weern al verschwunn. Man seeg noch na Nienkarlen dal, twischen de un de Wesselsburner Thorn, as en lank lank Gebüß, den Rest vun dat wunnerlige Wittenmoor, wat sit fröher links un rechts bet fast na de Börner un Schülper Sit æwer de ganze Bærmarsch utdehnt harr. Dat weer vun alle Ranten weggrabt un as Törf verbrennt. Dat weer as en groten Maasknüll, vertell de Ol, twintig Fot hoch un mehr, wat baben op de Marsch muß opdræben sin, man sä, in urolen

Metßeb: Meßkette. klæn: schwachten. Anüll: Rasen. beteken: bezeichnede. Rifer: Fernglas, Stecher. Riesenbett: Hünengrab. Baten: Schifferzeichen. Gelbom: Eichenbaum, Eiche. utroden: ausgraben von Bäumen. saken af: sanken tiefer. Wischen: Wiesen. die Milau, an der das alte Meldorf liegt. Fiel: Dorf mit See, s. Quickb. I. de Fischtog na Fiel. Dubenheid: die Taubenheide, ein wildes Moor. Tiedemann: Geometer, noch berühmter als Agitator gegen die Dänenwirtschaft. drög de Rand af: trocknete der Rand aus. tollwiß': zollweise. Nienkarlen und Wesselsburen (Hebbels Geburtsort): Flecken in der Marsch. Börner, Bördener: Böhrenden südwestl. von Heide. Maasknüll: Moosrasen. opdræben: aufgetrieben.

Tiden. Dat schull vun Schottland afreten un mit en grote Springflot herspölt sin. Man sä, en ol Königin harr dat vun Ditmarschen wedder torügg förbert, un de Acht un Beertig Landesherren to domaliger Tid inne Friheit harrn er antworten laten: Se much dat hahn, dat harr dat Land blot Schaden brocht, denn Hüser un Dörper legen darünner begraben. Man funn noch de Blogforn ünnert Moor, as man dat opgrav, un sei de Weten so to seggu dar hinin, de vör duusend Jahren muchen trocken sin. Iesen un Holt weer lang darünner verrött, awer man funn noch Saken ut Gold un Metall, de Ol harr en Rink sehn mit en plattbütsche Inschrift darop: „Min Leb“. Wer em wul mal ann Finger dragen harr? Seter weer dar fröher de Elf lant gan, denn dat heet dar noch de Elfweg, Deltweg, un he harr noch en olen Mann kennt, de bi de grote Flot 1750 weer inne Weeg vun Diksand bet an den Rugen Barg anne Geest anspölt, harr in sin Rüffens legen un an en Brotrinn knabbelt as man em funn harr, se nömn em Peter Klev, wil he ann Klev funn weer, un de Klexer Jungns in Süberra stamm vun em af.

As de Moorn, so warn ol de Seen jümmer weniger un lütter. He wi' Detels, wa bi Windbargen un Feddern rum een lütt Waterplacken na de anner verswunn weer. Dat leep toleg all af in Pipgröben un Sielen. Allns kreeg de Minsch ünner de Föt un ünner den Blog. De Heiden nu gar! Leider verswunn awer de Hölter noch mehr. Man kenn de Gegend kum wedder, wenn man lang leb un mal torügg dach. Wa menni Streck harr he al mit asmeten! De Mergel alleen harr de ganze Geest sit en twintig Jahren umwandelt. As de Moorkuln to, so weern de Mergelkuln apen kam; wo fröher Tachs un Boß wöhl'n oder en eensam Rätthnersmann sin Heid busch um dat na Marsch to'n Diken to fahrn, oder sin Schalltörf steek vör de Föhrung, dar wog un damp nu de Rogg achter de nien Walln mit Knicken vun Hasselnbüsch; jede Knüll war

afreten: abgerissen. de Acht un Beertig: die alten gewählten Landesherren der einstigen Republik Ditmarschen. Blogforn: die Pflugspuren. sei de Weten: säete den Weizen. Diksand: flache Insel im Wattenmeer, deren nördl. Teil jetzt eingedeicht ist und Friedrich VII Koog heißt. Weeg: Wiege. knabbelt: genagt. Klev: der Dünenzug zwischen Marsch und Geest. Pipgröben: kleine Zuggräben. Kuln: Grubenlöcher. buschen: hauen. Diken: Deichen. Schalltörf: Dorf den man oben abschält. Knicken: wilde Buschdüne zur Einsammlung der Ackerstücke. Knüll: begraster Hügel.

inhegt. De nie Towasß innen Dörpen reß as Glöffer haben de spöfeligen oln Hüser herut, un de besten Weg' föhren jüs dar, wo man noch mit de Fingern wisen kunn wo wit de Wösteni gan meer.

So snack de Ol, un Detels hör em to mit Bertwunnerung un Vergnügen. He kreeg ganz nie Ansichten æwer de Welt un de Minschen. Se warn em gröter un kleener, all as de Red full. Dat weer em towilen as weern se dar um ut de ganze Eer so to seggn en Garn to maken, un he harr Lust un Freid daran mit to hölpen. Wenn se abends tosam achter ol Klaffen sin blanken Disch seten un dat Snacken neem noch keen Enn, so dach he wul daran wat værn Glück dat wen muß, so'n Hus un Hof to hebbn, so'n grote Vinn vært Finster, so'n gröne Wischen um de Dær. Awer he dach weniger as sunst recht an sit jülbn, he leet de Welt ern Top gan, as muß dat Glück em mal kam, un to'n Wünschen weer't noch to fröh.

He gung wedder an't Geschäft, doch keem he nu regelmäsig to Sünndagsbesöf. He weer driester un frier warn, besöch of anner Lüð, Burn int Döörp un Umgegend, gung of dann un wann ins na en Gelagg mit junge Lüð. Doch weer he dar jümmer wat fremd un blöð, he wuß ni recht wat to seggn un sä ni vel un de Annern of ni to em. Doch wenn't ton Singn keem denn stunn he sin Mann, denn leten se em of nich, un mennigmal sä sogar de Bullmacht sin Wibke mit er roden Backen un er depe Stimm truharti to em: Du warst nu doch ni weggan, Detels? Denn seet he man! se un sung mit. He kunn ni anners seggn, dat gefull em, em war ganz warm darbi umt Hart. He harr of wul de een oder de anner vun de jungn Mädens to Hus bringn mucht, as se alle dat den. Awer he keem nich darto, he keem ni mal bi de to sitten de he liben much. He weer dwattsch. Jüs wenn en Mäden em neeg keem weer he —: He harr ehr as Kind de ol Husholdersch um wat quält bet to'n Ween' wat se em ni geben wull, bet se endlich weekharti war un darmit an hært kem; awer jüs denn stegen em de Thran

Towasß: Zumachs. haben: über. spöfeli: spulhaft. ins: einmal. as alle dat den: wie alle es thaten. dwattsch: wunderbar. Jüs: just, gerade. ehr: mitunter. an hært keem: angetragen kam.

ganz boshafti bet dicht inner de Pehl, he muß er op de Hand slagen, anners weer he sticht, un denn kunn he schrigen, dat weer ordentli en Lust —; so ungefehr weer em of to Sinn, wenn he blot den Arm harr utlangn schullt um den annern to faten, de se em geern recht harr. Uwer he weer derbun un alleen op den düstern Weg, he slog mit de Hann as slog he de ol Husholerich er Gav weg. So geern he umkehrn much, he kunn ni, he schüttel dat af in de koke Luft, he sung dat weg inne Nacht, he sleep in half selig un half untosreden, un wenn he utslapen harr muß he eerst na un na an de Arbeit sit torecht sinn.

So verlopen Jahr. Sin Lehtid weer lang to Gnn. De Meister harr em as Geschäftsführer beholn. De Sæn weer op en egen Stell. He kreeg en Burken ünner sit un regeer so to seggn dat Ganze. He slot menni wichti Handel, muß vel mant Lüden, oft Sünnaabends to Markt na de Heib, mitünner na Friedrichstadt un Tönning, gar mal in en knappe Korntid na Kiel un bet Niestadt, um russchen Roggen to kopen, un seeg un lehr darbi ni wenig.

Dat Garneern blev darto sin egen Vermaß un Tier. De Möller leet em darbi sin Willn. He hal sit alle Arten vun Stidbein, he hal sit Risen vun Appeln un Bern de em gefulln ut jedermanns Garn de he kenn, un he kenn ungefehr alle, he plant un propp na sin Gefalln, sett of bi een un anner Bur en Ris' op. Mit de Rirschen wull em dat ni recht lücken un gar ni mit en Ros' op en Ekenstamm, de swart warrn schull, as em seggt warn weer, so vel he't of versöch un jümmer nie sett un daran spandeer: dat Holt war blau vun't Meß un dat Ris' verdrög.

Fünftes Kapitel.

Detels un de Koptein.

Ganz selten harr he bi sin oln Fründ en Mann drapen, de em opfull. De Mann harr en krusen Kopp un en gewaltige

Vermaß: Vergnügen. Tier: Vergnügen, eig. Rier. Risen: Reiser, Pspopfreiser. propp: pspopfte. lücken: glücken. Meß: Messer. drapen: getroffen.

Stimm, as en Bar. He wahn oppen Kley twischen Marsch un Geest, jüs ni wit af, un harr en temlige Landstell. He weer fröher bi de Soldaten west un heet noch Koptein. Detelf weer meistens Namdags kam, wenn de Mann riden wull, un harr em weni spraken. Em full blot op dat he em binah sühsch vun de Sit anseeg vun'n Kopp bet to Föten. He snact noch enige Wör dat dat gnaster un denn sä he adüs. Detelf harr nagrad al to vel Lüd kenn lehrt as dat he darvun verblüfft war, em full dat blot op. As de Avisen nu unruhi warn, blev de Koptein mal bet to Abend, un Detelf hör em den ganzen Namdag. He kunn jüs ni vel mit snacken, awer he hör nip to un frag na. Dat muß de Koptein gefallen, denn he leet sit genauer mit em in, vertell em vun allens un geb em vun allens Bericht.

Vun do an drop he em öfter mal bi ol Kläßen un kreeg vel vun em to hörn, wa't to stunn un hergung in de Welt; denn de Koptein wuß noch op sin Art ganz anners Bescheed, as Detelf dat kennt harr. Wa gungn em de Ohrn op! denn de Koptein, wi' sit, vertell geern, he kunn blot ni hebbn dat jümmer dartwischen oder gar dargegen ansnact war, denn kunn he knastern as en Redenhund gegen en Schösteenseger. Darvør weer he bekannt, Detelf harr't of mit belcvt. Awer gegen em weer he ganz tamm un weefhaarig. Sä dat leet sogar as wenn he em recht mal vør sit un alleen hebbn wull, as he gegen't Fröhjahr ins sä, Detelf schull em doch mal besöken un sin Garn besehn, kunn em je sacht of en paar Bomrifen opsetten wenn't en Dag Windstill geb gegen Himmelfahrt ut. — Dat versprok he.

So keem he richti denn op en stillen Morgen an bi de Koptein. — Hus un Schün stunn noch ganz oppe Geest, weern awer na den Marschsnitt bu't, allens lit un veerkanti, mit rothfogte Brandmürrn, en grön Stadet um de ganze Hoffstell. Achter legen een bi't anner de langn Stüden vun de Marschkoppeln mit snorgrade blanke Gröben dertwischen. Detelf much sunst de depe Marsch ni liden, dat weer em dar allns to lit un to platt. Awer hier leeg noch de grote Garn vull Büsch un Böm half op de Geest, prächtige ole Eschen stunn

Bar: Bär. sühsch: giftig, wohl: veninsch von venin Gift. gnaster: frachte. verblüfft: eingeschüchtert. Avisen: Zeitungen. nip: genau. to stunn: die Zustände wären. knastern: brummen. taxim: zahm. dat leet: es ließ, es schien so. lit: gleichmäßig.

int Stadtwark, dicht vør't Hus gung de sannige Fahrweg værbi, Kniden un Reddern trocken sit sitwärts, dat dat schatti un bunt utseeg as bi en Krattholt, un wenig Schritt na den Pleß opwärts trocken sit de grauen Sanddünen to Höch un de wille Heiloh dehñ sit ut, dat dat schöne Gewes' nüdlich daher leeg, as op den Som vunn Wösteni un Gensamkeit.

Detelf gung dribens na de Garn. Dat weer en hannu schön Rum, awer dat stunn dar wunnerli man' enanner. Dat kunn mit weni Mög gut warrn. Wat wull he dar ut maken, wenn't sin weer! He dach sit richti, dat de Koptein hier of süßn regeer un vellicht mal darmank bell, wenn't to unrichtige Tid weer.

As he so ganz langsam wedder torügg slunter un allens genau beseeg, keem in de bawer Port vun't Hus her en temli lankbeenti Diern vun en veertein föftein Jahr steil as en Soldat anpetten, se harr wat wilß düster Haar un Ogen un so'n beten vun dat Fühnsche vun den Koptein, man seeg glik, dat dat sin Dochder wen muß. De keem lik op em to, dat he binah verbligt war, se gung of in son wat wunnerli fort Tüg. Do sä se awer blid, as wenn se em kenn, un mit en smidige Stimm, de man gar ni vermuden weer: er Watter weer nich to Hus, ob he de junge Mann weer, de Böm risen wull? Denn schull he man rin kam un eerst en Botterbrot un en Glas Mest nehñ, nös wull se em Bescheed seggn. Un so gung se bi em her, steil un inn Schritt, un vertell vun de Böm, wat se drogen: dat weern Eigenbern, dat weer en Grabensteener. De een Eck vun den Garn hör er to. Detelf sä, er Bom weer wul en Bischon. Dat weer't richti, un se verwunner sit, dat he dat sehn kunn. As se dat hört harr, much se em vør en Kenner holn vun allens wat den Garn angung. Se wiß em de Gerd- un Stickerbeern, wull weten wa man de recht grot un rikli treden kunn, snack denn awer ahñ recht totohörn æwer de Blöm, stapp æwer de Rabatten un Betten un seeg em fühnsch as de Ol vun de Sit æwer de Schuller an dat he nakam muß, un leet sit Rath geben wa

Stadtwark: Städt. Kniden: Bäume auf den Erdwällen. Reddern: Wege dazwischen. Krattholt: Buschwald. dribens: geradeswegs. darmank bell: dazwischen schalk. slunter: schlenderte. bawer Port: die obere Pforte. petten: treten, schreiten. lik: gerade. verbligt: erschreckt. blid: freundlich. smidig: geschmeidig. vermuden weer: vermutete. risen: pfsprossen. nös: nachher. stappen: schreiten mit großen Schritten.

se de Eer lüdern oder verbetern kunn. Darbi vergeet se sit ganz, se püttjer mit de Hann bi en Blompull herum, de er besunners leef schin, snack darbi as wenn se ern Hund fischel, un wenn se sit oprich, straf se mit de ewrige reine flache Hand dat wille Haar ut' Gesicht. Denn awer sä se rasch: ik vertünnel mi je gänzli, un be Detels mit to kam, un streb vör em an, ewer't Steg, dör de Port, na't Hus herin. Se wis' em in de Stub un gung sübn um em Mest un Botterbrot to hahn, womit se bald geschickt op en Teller mit an keem. Er Batter keem eerst to Middag wedder, sä se, se wuß awer un wull em vun de jungn Böm Bescheed seggn. Darbi nödig se em to sitten, wisch un stell an de Stöhl herum, keel ut Fenster un harr de Ogen allerwärts as Een de Ördnen un Regeern al lang dägli Geschäft is, harr awer noch de Hann as en lütt Kind. Denn muß se noch wat buten to bestelln hebbn, he hör er smidi Stimm inne Ræk, un as se wedder stramm in Dör keem un Detels fertig weer, marscheer se mit em na'n Garn un wis' em de Böm, rasch un basch, vun een Stell na de anner.

Doch as Detels nu an de Arbeit gung un de Ogen op sin Saken hebbn muß, mit sin scharp Garnermeß een jung Stamm na de anner de Kopp affnee, dat Vork spalt, Risen vörlichti insett un vertleu un verbunn as harr he Wunn' iinnern Hann, do stunn se eerst lang still un seeg to, meist de Hann oppen Rügg, denn hör he er smidi Stimm as en Kind snacken un fragen: Ob dat den Bom wol weh de, wenn man em affnee un int Vork pul. Ob dat Ris of oppen Kopp insett wassen, ob man so nich en Truerbom optreden kunn? Se harr so geern een, se wull em hebbn vör den Lunderer Rarkhof, dar leeg er Mutter begraben, de al lang lang dat weer, vertell se, un war ganz weel un trurig darbi. Och, Batter drog dat noch swarer as se. Se keem ganz int Snacken un Vertelln. Detels hör er mit Verwunderung an un keem bald darop mit int Snacken. He wuß er jümmer wat to seggn un to antworten. Wa seeg se em an as he er tröst un vellsicht wat Absunnerligs sä! Dat kunn he wol, dat ver-

püttjern: fragen, kramen. Blompull: Blumenbusch. fischeln: streicheln. straf: strich. ik vertünnel mi ja gänzli: ich bin ja ganz wirr, weiß gar nicht, was ich sage. streb von streben: schreiten. basch: barisch. Vork: Rinde. Wunn': Wunden. pulen: fragen, schaben. insett: eingeseht.

stunn he. So wat harr he all vør sik bæracht, dat weern sin egen Gedanken sit sin Kinnerjahn her, de brul he blot to vertelln as man morgens en Drom vertellt. Dar passen de lütt Diern er Geschichten darto, as harr se mit drömt oder dröm noch. De Eensamkeit drifft Lüð tosam as de Wind Heu un Stroh, de sit awer verstat de kennt sik opt Ansehn as Landslüd inne Fremdn. Eensam weer't op den Hof, Een kann wol mal grueln. Ob Detels wuß wat dat weer? Ja wol muß he! He harr mal as Jung in Düstern en Blogked to Hus haln muß, dat Emm darvun weer herafgleben un rassel lisen achter em an int Gras. Wa harr he lopen int düstre Redder! Ja he kenn't. Un se vertell wa se so oft abends alleen vør Dær spelt harr, wenn de Boff anfang to bru'n langs de ganze Marsch hin, denn trocken de Lüten hoch æwer her, man hör er Gleiten bet fast na Büsum na de See hendal, sunst röhr sik keen Lut un keen Minsch weer to sehn, wa't denn wunnerli weer! Ja, man seeg er dat an deep in de Dgen. — Doch denn snack se wedder vun't Fröhjahr. Wenn toerst de roden Peperblöm keem! De eersten Fleerlinken darop, na den langn Winter mit Snee un Is! Se snack vun de jungn Næt, wa de ut de Eluf seken jüs as en lütt Gesicht ut en gröne Hub mit Spizen. Se snack æwer den Kruthof, æwer Petersill un Suppentrut, se snack un frag oldklof un vernünfsti as en echte lütt Husfru. Detels keet eerst gar verwunnert na er op. Do lach se op eenmal lud un sprung lang den Stig: er Vatter keem to Hus.

Mit em keem se bald wedder torügg, se hung em inn Arm, se keem' steil tosam den Stig entlant, dat Mäden ernsthaft un wichti mit lange Stapp, um Schritt to holn as en Jung de Soldat spelt. Se sä keen Wort mehr. Detels muß mit den Oln noch den ganzen Garn herum. He hör em gedüllli an wat Detels to seggn harr, em gefull dat, dar weer Insicht un Verstand in. Dat muß he. He wull sik dat marken. Dat leet sik hörn. — He neem em noch wider mit rut na en Koppel mit en nien Wall, dar wull he Paten setten. Detels muß em sin Meenung seggn. Daran grenz en Rappsaatkoppel. Weer ni recht wat, vertell he Detels. De muß

drifft: treibt. grueln: grauen. de Boff bru't: der Nebel steigt. Lüten: Regenpfeifer, Charadrius. Peperblöm: Kellershals, Daphne. Næt: Nisse. Eluf: Keld bei Nüssen. Hub: Haube, Frauenmütze. Kruthof: Gemüsegarten. Paten: Pflänzchen, besonders Dornbüsche.

he sehn. Wat' wul togung? Dat verstunn Detelf nich. Awer he gung mit. De Dochder stapp jümmer bi an. De Tid gung weg. Detelf muß to Hus ehr se to Een weern un verspreken dat he bald mal wedder keem. Wenn mægli much he mal enige Dag' inn Garn hölpen un nasehn.

Wa't vun keem muß he wul swar to seggn, dat he so vel torügg dach an sin Dörp, an sin Better, an de ol Husholerssch, an sin Grotmoder! Much dat vun den Weg kam, wo he nu torügg wanner, dat de eben so sanni eenfam un verlaten utseeg as de bi de Schol herop? He föhl sit so eenfam. He harr dat noch ni eenmal so föhlt, dat de weg weern de de Dod oder de Tid weg nimmt. He harr je oft an se dacht, awer he muß ni dat he je na se lengt harr as nu. Se stunn em jümmers tröstli vær, wenn he mal vær de Tokunft sorg, dat weer as wenn se em verträsten: dat war wul kam, de Wünsch muß sit gebulden. Un denn harr he wedder los leyt as wenn man inn Winter hæpt op den Summer, de schall allens gut maken. Awer he kummt un deit dat ni, he geit un hett dat ni brocht, he kummt wedder un wedder, bet man sit je wul tolek anne Wärm begnügt. Un menni Een sacht doch noch kold innert Gras, ehr de Sünne wedder stegen is. Schull't em eben so gan? Wat gung he tolek Annere an, dat he seggn kunn: Rath' un hölpt, it hör dar of mit to? Weer't nog vær em, sit mit ol Klagen an de Landkarten to frein? mit sin Möller ant gude Geschäft? Un he jülbn? Harr he man of en Klutt Ger inner de Föt, de sin weer!

Warum dach he hüt so vel daran? Harr he nich noch eben mit dat lütt Mäden klänt, as weern se beid en Paar Spelkinner? Un jüs barna keem em disse Gedanken? — Ja! He, he harr de Kinnerhoch längst uttroden oder schull't dan hebbn, schull lang en Kerl wesen sin, wat Egens hebbn un don, un weer egentlich uns Herrgott sin Hoffegut un tehr jümmer ut den tokünftigen grotten Glücksfach. De war em noch mal as Betelsack umme Schullern hangn. He seeg, dat gung ni mehr. He muß sit jülbn raden un brieft warrn, he muß

bi an: nebenher. sanni: sandig. lengen: sehnen, „langen und bängen.“ Goethe. hæpt: hofft. sacht: sinkt. Klutt Ger: Häufchen, Klumpen Erde. Spelkinner: Spielfinder. wat Egens: etwas Eigenes. tehr: zehrte.

alleen den Weg söken, wenn't een geb. Un dat wull he ok!
He sat sin Handstod faster un rich siß höger op, as he weg-
gung, un siß noch mal umseeg æwer de Koptein sin Hus,
Garn un Hoffstell.

Wa dat Schicksal mennimal mitspelt, wenn de Minsch
meent, he neem ernstast de Karten inne Hand, und dat schull
nu angan! To Hus op Mael funn Detels Bad, dat sin
Better opt Lek leeg un em noch mal sehn much. He il glif
wedder darvun. He funn em noch ann Leben un drück den
tru'n braven Mann de Ogen to, de he schüchtern so lang vær
Bele apen hatt harr, ahn vel Dank darvær, ok vær em. Un
nu söhl Detels: So snee uns Herrgott de letzte Streng' af,
he stunn nu alleen un dat goll Ernst to maken, dat he ok
alleen gan lehr!

Sin Better harr em doch en lütt Arffschop nalaten. De
Koschkammer weer storben un de ol Husholersch trock tofreden
mit en paar Saken, en Kuffer, Komod un Stöhl na er Suster.
Un he harr also, as't all verkofft un klareert weer, en lütt
Summ to'n anfangn in de Hand jüs ni grot, awer doch en
eersten Insatz.

Dat geb em en egen Art vun Sekerheit. Awer he keet
siß nu allens twee mal so nip an. He frag Bäcker un Bruer
ut, he tageer de Koppel mit de Koh darop, dat Hus mit de
Fru darin. Doch wuß he je ok recht gut, dat he Credit un
Totrun erworben harr, ok en Kaptal, vellicht gröter as sin
Geldsumm. De ol Klagen funn em awer binah to nadenkli.
Em düch dat gung ni. Doch as Detels em mal allens uten-
anner sett, do klopp he em op de Schuller un sä: So recht,
awer denn man ahn Sorg, un wenn Du mi bruckst, Detels,
denn sprick op mi, hier's min Hand!

Intwischen leep Detels vel bi de Koptein. De Möller
leet em mehr Spelrum, he seeg geern dat Detels siß ok na
wat Egenz umde. De Burß war gut un he funn sach na
Jahrstid un so mit den alleen klar warren. Bi de Koptein

Bad: Botschaft. il: eilte. Streng': Strang. goll: galt. Arf-
schop: Erbschaft. sprick op mi: rufe mich an. umde: umthat. klar
warren: fertig werden.

gefull em't. De ol Bruskopp weer nett, gnafter wul mal wat gegen an, wenn Detels em wat gründli vørslog. Awer he harr Verstand un gev em geern Recht, denn he wuß recht gut, wa wenig he vun Land- un Garnbu verstunn. Ünner Detels sin Opficht kreeg de Garn en ganz anner Gestalt, mit weni Mög Schick un Ansehn.

Dat lütt absunnerli Mäden seet un leep meistens bi de Weiden er Snacken swigsam darbi, stütt geern dat Kinn in de Hand un smeet er groten Ogen sitwärts na Detels oder de Ol um höch. Dat weer er Mod so, so keet se of ut Finster langs de wiede Marsch oder in Garn na de Böm um höch. Se kunn awer of op eenmal int Räsonneern un Bertellen kam, mennimal trurig, mennimal spaßig, man wuß ni warum. Of mit er much he wul spraken hebbn, wat he süch un antofangn dach. Denn se ra em, as se mal na Heid to Markt west weer, he schull en Handel mit Band un Eid anfangn, sit en Hus buden mit grote Schiben nn schöne Saken derachter.

Weer't Eernst oder weer't Spaß? Dat wiß' sit bald, denn se sä, un de Ogen warn er lusti: Du büst en Narr, Detels, Du schust man bi uns bliben. Ober wullt Du Snider warrn? Un denn lach se un sä: Se muß doch of wat to don hebbn, se harr Lust to en Kalwerhandel.

Glit darop hör he er, as en echte Husmadam, in de Ræt befehl, de Deensten in Ordnung bringn, dat se vær er smidi Stim in Drab lepen, gauer as vær den Oln sin Gnastern.

Sechstes Kapitel.

Dat Unwedder draut.

Noch weer he mit sin Verhebbn nich wider kam, as de Winter intré, un de Tid unruhig war. Jedermann vergeet do half sit süßn un sin Kram.

Dat weer en wunnerlige Tid. Wi weern as en Drift Schap oppe Weid, wenn en Gewitter opkumt. Wi buseln all

gnafter: brummte. smeet um höch: warf in die Höhe. ra: riet. de Deensten: die Dienerschaft. gauer: schneller. intré: eintrat. Drift: Trupp. buseln: träumten, waren halb im Schlasfe.

mit enanner un edderkau'n unse Gedanken, wo wi alle gar vel vun harrn. Mennig Een harr sin absunnerligen still vær sit. Un blot hier un dar drop Een un de Anner en Hagelstorn in de dicke Wull, dat he opfohr un sin Nawers stör, de eben so drömn; de söchen sit en anner Stell un legen wedder opt dicke Fell. Wat gung se dat an, wenn se't ni drop? Wenigstens, wer kunn't ännern? As værn Dod keen Krut wussen is, so vær menni annere Uwel of ni. Wen't drop, den drop dat. Nich dat wi keen Mitliden harrn, man mehr as to vel, awer wi harrn keen Remedi. Wi snacken mit Schudern vun den arm Postillon, de int Snellmarker Holt æwerfulln un schändli dot slagen weer. Keen Hus, keen Schün, keen Kartenbesöf int ganze Land Sleswig-Holsteen, wo nich darvun redt war, bet Een dat Hart bewer vær Wehmoth mit de arm Seel, de hinut mußt harr op Königs Wagen mit Königs Geld, un nich mal een vun de Dreguners anne Sit, de in Ikehoe rumfuln — oder wi snacken vær Iwer un Luft dat noch mal de Schüllige funn un op Galgen un Rad öffentlich hinricht war, wo wi gewis op Milen wit hinreis't weern, um Gottes Gerechtigkeit to sehn, un to Hus unse Gedanken wider to denken.

Doch in Ditmarschen weer dat Snellmarker Holt wit vun uns af, un de Schuder, womit jede Scholkind un jede Postbad den Nam utsprok, weer jüs desülwige, de uns bi allens æwerfull, wat wi Gruligs wussen. Dat is all as 't is, tröst sit ol Bullmacht Hartnack, do leb he noch. Dat weer all as't weer. De Unruh weer jümmer buten. Wi lesen vun den Darm nerrn in de Türki oder günt baben in Spanien, ebenso as wi uns vun den Besub vertellen, de nu wedder Füer speeg, dat dat op Hüser un Dörper dal regen. Bi uns harrn wi weder füerspigen Bargaen noch Krieg un Kriegsgeschrei. Wer schull't anfangn? Keen Minsch, den wi kenn. Napoleon weer dot un leeg still begraben op sin eenfame Insel, de keen nich wedder, un in Paris harrn se en Börger-König, op en Art as wi en Börger-Depenteerten. Dar weer't of verbi mit de Revolutschons sit den natten Summer Achteinhundertbürtig, wo't bi uns regen dat man kum mal uns Herr Gott sin leef

edderkaun: wiederkäuen. menni Een: mancher. Nawer: Nachbarn. Uwel: Übel. Remedi: Heilmittel. Dreguners: Dragoner. rumfuln: faulsenzen. Schüllige: Schuldige. Bad: Bote. nerrn: unten. günt: jenseit. baben: oben.

mussen Korn inbringn kunn un menni Morgen Weten oppen Stempel utwuch, en gressigen Summer! — Ne de Mann seeg ni derna ut, dat he wat anfangn war as Bonaparte un sin Generaln, de jümmer as op't Theater gungn, Pelzmantels um bi de Pyramiden. He lit mit sin Haarpull mehr en Frankfurter Frisör, oder en Hamborger Bankier. De de't ni. Wi harrn æwerhaupt nig mehr beleet, sit General Chassée Antwerpen belagert harr un de nie Art Risenmöser Bumben vun Dufend Pund int Süderdeel (Citabelle) smeet, de dær de Rasematten fulln, un de haller dat de Kanoneers dat Blot ut de Ohren leep. Dat weer dat Letzte, wat wi noch lebndi ut de Afsien les't harrn, wi, de nich jüs to de Dülsten hörn. Worigens also of, as all dat Anner, wit weg un lang her un blot wat æwer to snacken. En würligen Soldaten — nich ut Bli un nich op en Ruppin'schen Billerbagen — harr mennig Een vun de Jüngern in sin Leben nich sehn, dat schull denn al wæn, dat en Dörpsjung, de in Kopenhagen bi de Garr stunn, so vel vun en Marrn in sit freten harr, dat he mal to Hus keem in den roden Rock mit en Swülkensteert un en Rees'meß anne Sit, um sit to wisen. Denn kunn he awer of seler wæn, schregen de Rinner vør em weg in Dovensangst, de to Noth den Schösteenfeger Gundag sän, un de Frunslied flüchten achter de Dær, um natotiken, wo de Mann natotstür: denn en roden Rock broch nig Guds wo he keem, Bagtsdeener un Stodmeister weern de eenzigsten, de een drogen, frili en langen — bet sit dat oplär: he weer Geesche Wold ern oln narrschen Bengel, de of wat beters don kunn as Smuckbürg speln, schull man de Dlsche sin paar Schüllings schiden, wenn he wüß æwer harr.

Also wer war bi uns dat Für anböten? Denn unse Königs schulln of keen Büd bang maken, wenn man mal een seeg. De lepen eben so as wi na de Scholn un de Kart, höchsten of noch na't Stodhus, wat wi lewer bilang' leten. Darvør interesseern se sit un wi mit se. De ol Friedrich mit dat smalle Gesicht un de sneewitten Haar, de fröher mal flassengel west weern, as man noch seeg, leep as en Tüt

oppen Stempel: auf dem Halm. utwuch: auswuchs. gressig: schauerlich. lit: glück. Afsien: Zeitungen. Garr: Garde. Swülkensteert: Schwanz, eig. Schwalbenschwanz. Rees'meß: Rasemesser, Stäbel. natotiken: nachzugesen. Stodhus: Gefängnis. natotstür: hinsteuerte. Smuckbürg: Ged, Fleidernarr. wüß: welche, einige. anböten: anjünden. flassengel: flachsgelb.

fogar oppen Dörpen mir nig dir nig vun sin Wagen ut op dat Hus to mit twe Schösteens un de velen Finstern, wat jümmer dat Scholhus bedüdt un sin ganzen Tropp vun dicke Herrn inn Drav achterna, as lepen se vör'n Regen int Schur. So weer he mal bi Detelf sin lütten Better rinkam, de vör Angst kum so vel Wind harr opdriben kunnt, um mit de Jungs „Heil unserm König Heil“ antostimm'. He keem jümmer to fröh. De dicke Krüschan de Achte keem jümmer to lat. So wessel dat bi uns af. Doch kunn wi dat wol liden. Unse Scholmeisters keem' inn Drav, unse Scholhüser inn Staat, unse Scholn inn Swunt. Wi snacken mit vun de Method un den „wechselseitigen Unnericht“, wo dat soldatsch bi her gung un unse lütten Bäckers „Gehülsen“ warn. De Perzepters vun Dörpen müssen na de Heid un na Wölborp de Kunst natolehrn un lange Register to föhrn mit vel Linjen, rode un blaue, vör langs un vör dweer, de Scholstuben müssen der na bu't, de Dischen der na inricht warn. De Jungs warn nummereert, wat menni Een arger, de en guden Nam harr, un Lüttjelüd hæg, dat ere eben so gut weern. So lepen wi denn na de Scholprüfungen as na en Parad', un hügen uns so gut an unsen Perzepter un de Pastor, de em de Vofred heel, as an unse Jungs er Antworten. Denn wi harrn em sülb'n wählt, den Prester un den Perzepter, dat gung unse Ehr neeg wenn se sik utteken: wi wussen den Unnerscheed twischen en Autodidakten un Seminaristen un twischen en Candidaten mit den drütten Charakter nicht ohne Bedenken bet to den hinop mit den eersten cum laude oder in Ermangelung eines Bessern.

Dat weer wat uns angung. Un dat weern jüs de Büd de uns vertelln vun all wat vörgan weer, al dunne Schol ut, un wer nig wuß lehr noch as Zohörer na bi de Prüfungen. Wi hörn vun ole Geschichte un nie Geschichte, vun 666 vör Christo bet 1799 na Christo, vun dütsche Geschichte un dänsche Geschichte, vun Karl den Groten un Gorm den Gamlen, un dat full kum mal op dat uns Königs inne Schol na den letzten fragen. Wat denn? Weer't nicht en Spaß wenn so'n lütten pudligen Kerl als Detelf sin Better grote Landarten mit Farben op de mittkalkte Scholstubenwand telt harr, un

Schur: Scheune. Bäckers: Bübchen. vör langs un vör dweer: in die Länge und in die Quere. hæg: erfreute. Vofred: Lobrede. utteken: auszeichnen. Gorm den Gamle: Gorm der Alte, dänischer König † 986. telt: gezeichnet.

mit en Stod as en Bohnschecht lang op de runn Pladens wijs' un alle Gern wussen wa de Rams heten? De Schol-
værsteher harr't sogar geern, denn he bruk in't Fröhjahr
man de halwe Schol falken to laten. Un wenn wi uns
Sünndags na de Predigt inn Krog stridt harrn, ob dat na
Klas Harms sin Ansicht weer oder nich wat de Candidat uns
predigt, wo wi op en Milwegs na hinlopen weern um em
to hörn, so keem de vellsicht nadem bi en Kinddöpp merrn
mant uns un vertell uns uterdem, wo't inne Welt utseeg, so
wit wi't ni ut dat Ijehoer Wochenblatt un den Altonaer
Merkur lest harrn.

So weer de Tid. En schöne Tid! Wi leben in en Ruh
as leeg de Welt in't Ünnermeel un an Opstan weer nich to
denken as to en ruhige Vespertid. Wen mal en Hagelkorn
drop, de schreeg wul lud op un weck de em neeg weern.
Awer an en Gewitter dach keen Minisch, of he nich. Un
denn war't wedder vergeten. Wer sin groten Jung vun
saeben Fot Läng mit Veen as Lünpahln un en Kopp as en
Flasschappel dörrch Physikus sin Hölp un Rasselvagts Lüg-
nis mit Spetschendalers vörher un Ducaten bi den Kriegscom-
missär ni dertobringn wuß, dat se em oppe Seschon nich na
Kopenhagen trocken un dar vör alle Arbeit in Tokunft verdor-
ben: dat muß en dumm Kerl wen oder en arm verlaten Wefru.
Un wer frag dar tolek vel derna, denn wülke müssen doch hin.

Frili wat den Geldbütel angung, dat drop al Bele op
eenmal. De Geschichte mit de Kopenhagener Bank un de
blauen Zettels weer so arg, dat de rikste Bur inne Marsch
ni wuß, wo de Stüern hernehm'. Dat weer en Wirthschaf
so slimm, as man't sik nu ni denken kann un kum weet wa't
mægli, dat de Lüd ni rebellisch warrn. Kaptal weer nich to
krigen. Wi hebbt erlebt, dat en Burhof, de nu nog is,
vör en Fürsten op to sitten, vör en Bund Toback is verstofft
warnn. Un doch slepen wi wedder los un snacken un ver-
telln as vörher, vertelln uns sogar, dat en Bur den oln
magern König harr in sin Berstall söhrt, wo he sin Ritperb

Bohnschecht: Bohnenstangen. Pladens: Fleden. Krog: Wirtshaus.
Klas Harms: berühmter Prediger in Kiel, geb. 1778 in Fahrstedt
bei Marne in Ditmarschen, † 1855. merrn mant: mitten zwischen.
Ünnermeel: Mittagssruh, Siesta. Wer: wen. neeg: nahe. Lünpahln:
Baumpfähle. Flasschappel: Kürbis. Wefru: Witwe. wülke: einige.
blaue Zettels: dänische Kassenscheine. vör en Fürsten op to sitten:
daß ein Fürst auf dem Hof hätte sitzen können.

mit blaue Bettels streut harr staats mit Stroh, un beide harrn nix seggt, ol' de König ni.

Wat schulln wi maken? Revolutschon? Wenn bi de Geschon inne Heid unse groten Jungs harrn Stöhl un Dischen twei slan un opt Mark ropen: Wi do't dat nich! Wi sünd Landskinder un wüllt inn Lann bliben! so heeln wi dat doch vör Unordnung. Wat schull dar na kam? Wi tru'n op unse Abgeordneten, de wi wählt harrn as unse Pastorn un Scholmeisters, un de dat gründli beraden in Ijehoe. Frili gung dar bald en Seed vun um, wo de reisen Schoftergesell bericht:

Ijehoe, seggt he, anne Star, seggt he,
Sitt de Nawers, seggt he, vör de Dör, seggt he,
Un de Stänn, seggt he, oppe Bänk, seggt he,
Kriegt di Eten, seggt he, un Gedränk.

Awer dat weer tolek doch blot en Spottleed as wi se sübn to maken verstunn in jede Dörp un Flecken op jeden Minschen, de uns nich gefull. Vergliken wi doch en lustigen groten Regelsfründ mit Robespierre:

Was Jener dort im Großen war,
Stellt Dieser hier im Kleinen dar,

un wat wi sunst vör Schabernack utöben, denn dar weern wi stark in.

Awer nu op eenmal keem Blich un Dunnerslag togli, wi flogen hell op uten Slap, un de Ahnung keem uns All mit eenmal: dat 't losgan war. In Paris harrn se ern König wegjagt. Wa stunn't mit unse: harrn wi Gen? Wat? weer't nich en Dän un harr uns cunjeneert sit Minschen-gebedenken un länger? Weer dat ni de Kerl oder Sønssøn vun em, wo wi Ditmarscher uns mit hau't harrn op jeden Placken, de en Namen hett, vun de een Grenz bet de anner? un harrn em afkloppt int Swinmoor 1500 un mennimal vörher? Wa het he noch? Johann oder Hans, mit sin Bröders darbi. Un endli harrn wi uns bögen mußt, blot wil wi to Wenige weern, anners harr he't sin Dag' ni tregen. Un do harr he't Land verbeelt as bi't Inslachten,

staats: anstatt. twei slan: entzwei geschlagen. reisen: reisende.
Stänn: Landtagsabgeordnete, Stände. di Eten: (dir Essen) Wortspiel
für Diäten. utöben: ausübten. cunjeneert: kunioniert.

do harrn wi de Friheit verlarn, do harrn se uns de Kerls hinfett, Vagt un Vagtsdeeners, vun den Landvagt an bet to den Armvagt. Schreb nich de Een darvun: Ich Anton Christian Friedrich Griebel, Königlich bestallter Statsrath und Landvogt befehle Dir dem Eingefessenen Anton Pipip, daß Du bei Vermeidung . . Gott verdor! Dat harrn wi so lang leßt un uns gefallen laten un warn buten darvør utlacht, wenn wi mal buten keem', wi, de frien Ditmarscher — dat weer je infamicht! Un dat weer desülwige Art Kerls, de hier int Fröhjahr op Holtshoh mit jüsen Swin na Heid to Markt keem', mit swarte Bütt op den Rumpelwagen, Büttjüten, gräßige Kerls, mit er Sprak wa Hunnbelln angenehm gegen weer. Un so'n Sprak schulln wi am Ende lehrn. Harrn min Dag' keen Wort darvun verstan, al ut Mitliden gar ni dar na hört, de Kerls seegen je gottsverlaten ut, toreten, mit Haar as weern se vun Müs rugweg asgrast' un en Ramm harrn se mit Ogen ni sehn. Mit de uns tosam to koppeln, wat de Mann incorporeern nöm, dat weer je arger as uns mit de Kerls an een Disch to setten. Weer kum to löben, harr de Mann 't ni schreben in sin apen Breef. Dat heet uns dat beten Privilegen wat wi noch harrn sinnern Jöten wegtreden. Frili wüssen wi nich wat vør Privilegen. Awer dar kunn Jeder sin Deel bi denken, en beten darvun harr wul en Jeder un weer't man fri Weid vør en Schap oppen Butendil, oder fri Schaltorf oppe Heiloh oder fri vun Utgisten vør den König vun de Papagojen-Gill. Dat arger uns.

Oppe Mael weer recht de Plag darto, dat all to beßlæn'. Dar keem en Barg Privilegen tosam un en Barg vun Berdruf, wenn de schulln verlarn gan. De Nachtwächter harr dat Privileeg, as Gedswar Maat un Gewicht oppe Mael un bi'n Häker natoßehn. He seeg se frili sin Dag' ni an, awer he hal jede Nijahrsdag sin Duppelmarkstück darvør, dat he mit en Ladung vun verruchte Wagschaln, Löth un verolmtte Maatkann ankeem un de Frag de: ob't all in Ordnung weer. De Schösteenfegeer harr dat Amt, alle nien Gebäuden „into-

jüsen: mager. Büttjüten: Lopsjüten, Züttländer. toreten: zer-
 rissen. rug weg: (rauh) fort) oberflächlich. asgrast': abgegrast', abge-
 weidet. nöm: nannte. löben: glauben. Butendil: Außendeichsland.
 Gill: Gilde. beßlæn: beschwären. Häker: Kleinhändler. Gedswar:
 Geschworener. verolmt: wurmstichig, vermodert.

schau". Darvør dat he dat ni de, harr he dat Privileeg, siß sin Spetschenbaler intosteken. Wa scholln de Lüd op den König vun Dänemark! Wa scholln se op de Jüten!

Genige weern wul mal wider na't Korn, in Handel un Wandel as Schipper, Handwerksburß oder Soldat mit de Lüd in Beröhr west. De Soldaten vertelln vun dat dänsche Commando, wat se harrn lehrn mußt, eerst gar nich verstan un bi Heure un Winstre eerst menni Ohrfig vun de graben Korporals insammelt harrn, ehr se't richti begrepen. Dat weer je niederträchdig! En lütt Mürmann, en heel dumm' Kerl, awer cernsthast un wehmüdig, frag fast jedesmal, wenn he mit sin Achendeel Rogg keem un so lang töv, bet Detelf dat dærmalt harr, un jeden de keem opt Nie: Ob he wul de Lüd kenn? Ob he se liden much? He, Mürmann Sind, much se gar ni liden, dat weer en hāmisch Volk, he kenn se. He harr je domals mit sin krank Been, wat se hier ni harrn heeln kunnt, na Kiel int Hospital mußt. Dar weer't of wedder beter warn. Awer dar harr he in en groten Saal mit vele Annere legen, jeder in sin Bett. Un dar weern of Dän' manß west. Nu weern vun de er Ramcraden abends na Fierabend kam un harrn se besöcht, of jedesmal wæher erst aune Dær kloppt, bet man herein sä, denn op en Art weern de Lüd hößli. Awer denn harrn se jedesmal Go Asten seggt, of to em, Mürmann Sind, Go Asten! Nu harr he wul später hört un siß seggn laten, dat bedü in er Sprak Guden Abend. Awer he harr meent, se schimpen em mit en eernsthast Gesicht wær en Ap, un he leeg dar mit so vel Wehdag! He harr siß græßi argert un de Lüd dat sin Dag' ni wedder vergeten. Ne, dat weer en hāmisch Volk, de böchen ni! Un nu schulln wi mit de Lüd tohopen jücht warrn. Dat weer je, as schulln wi mit de unsaubern Geselln an een Disch eten, oder keem' gar mit se in een Bett to liggn. Dat wulln wi nich. Wi marken nu eerst, dat wi Dütsche weern un mit de æwer de Elf tosam hörn un nich mit de ævern Belt un achter Flensborg rop.

Nu sung wi denn of an Schleswig-Holstein meerumschlungen un Was ist des Deutschen Vaterland oppe Strat un int Weerthshus to singn, wat wi uns fröher inne Nieder-

Veröhr: Berührung. Heure og Winstre, dānisch: rechts und links. heel: ganz. Ap: Aße. Wehdag: Schmerzen. græßi: schauerhaft. böchen: taugten. jücht: gejocht. hörn: gehörten.

taseln ebenso as anner Leder un ahn vel to denken inövt harrn, un wenn dat en dänschen Korporal, de nu bi uns Stodmeister oder Bagtsdeener wer, arger, oder en dänschen Conterlöör oder Brandrector ute Stub dreb, so jungn wi dat mit um so mehr Vergnügen. Ja wi æwerfetten de dänschen Hauptleder, as Kong Krüschan stob bi heuhen Mast in Rög un Dampf, so fürchterli int Plattbütsche, dat of en Hochbütschen harr weglopen kunnt, wenn he't verstan harr.

Denn de Mann arger uns besunner's. Wi harrn em niz towedbern dan. He eet geern Sprittbadelsch de ganze Nacht dær, as man sä. Dat günn wi em. He kunn unsjetwegen so vel eten as he verdragen kunn. Dar harr em't gewis ni an mangelt, wenn he uns mal besöch. De ol Friedrich harr frili man jümmer en Stück drög Brot eten un Handvuß Backwart mank de Pinner verdeelt. Dat weer netter. Un drunk Water staats Champagner. Doch dat kunn en König holn as he wull. Wi harrn em of noch dat lextimal, as he in Ditmarschen weer, bunne Grenz mit en Garr to Per aßhalt un vun Dörp to Dörp leidt, Bærspann lewert, op jede Mil veer Spann nie Per mit dree Bærriiders in Hirschleddern Büzen, schaten ut alle ollu Böllers, de wi opdriben kunn, mit de Kloten lüdt wo wülf hungn, reden un fahrt vært Störten, un dat weer sin Schuld dat he jümmer to lat keem un inne Heid vellicht dat Eten kost warn weer, denn dar keem he eerst Merrnacht. Detels weer jülbn dar. De Fackeln un Bidkränz weern gewis al twee Mal vernü't, dat ganze Mark een Qualm, de Ohrn binah dof vun't Gehimmel sæben Stundn lang, as he endli langs de Schohmaferort rin klabaßtert keem. Keen Minsch sä noch en Wort. He nüß jümmer uten Wagen un de Bagtsdeener Sönsen leep al wat de Been heeln bi an un reep alleen Hurah, bet, bi de Landvagt sin Fuß Enige mit instimm. Annere repen: Swigt still! as weert inne Kart un de Andacht war stört, un oppe anner Sit 't Mark brochen se den Prinzen vun Mör en Bivat ut, wat en Mann wesen schull de op de bütsche Sit stunn. Wi kenne den Mann æwrigens gar ni un lepen bald alle möd to Fuß. Unsjetwegen

inövt: eingeübt. stob bi heuen Mast, dänisch: stand beim hohen Mast. Sprittbadelsch: Sprüßgebades, Konfekt. günn: gönnten. wülf: welche, einige. vært Störten: bis zum Stürzen. vernü't: erneuert. nüß: nicht. al wat de Been heeln: so gut die Beine es nur aushielten. bi an: nebenher. oppe anner Sit 't Mark: auf der andern Seite des Marktes.

brut he nich wedder to kam. Un dat de he of nich. Wi hebbt keen dänſchen König wedder ſehn.

Noch weern wi mit dat Snaden un Schelln ni vel wider kam' as na en ſlechten Berhandel, wo ſit of nig bi maken lett, un noch weer de grote Kanonſchuß in Paris ni fulln, do lüden op eenmal wedder in ganzen Lann de Klocken, awer nich um en König to begrüeten. Sunnern de Mann weer dot, un de na em ſeem, ſa man, weer eerst en rechten Dän, verdreih ſogar ſin dütschen Nam in Frederik, de arf den Kram un den apen Breef darto. Wi dröm' ſo wat as vun Zerobeam un Nehaveam ute Bibel: mein Vater hat euch mit Ruten geſchlagen, ich will euch mit Scorpionen züchtigen. Nu war't eernſthaft.

Dat blev nu nich blot oppe Mael ünner Lüden, de geern wat ſnaden wüllt, wenn ſe mit er Roggnpaß' ankamt. Wenn Detelf Sünndags ſin oln Klaffen beſöch, ſo drop he dar oft nadenkliche Bunn de eernſthaft æwer de Saß ſproken: wo dat hinutföhren un wat dar ut warren ſchull. Sogar wenn de Ol alleen weer, bleben de Böker opt Bord; nich Volten nich Biethen war hindallangt oder en Landkart beſehn wegen Strom un Grenzen, keen Luſterempel mit Voßſtaben oder Figurn beſeent. De Gedanken gungn all den annern Weg. Detelf ſülbn ſteek bet an den Hals vull darvun un harr nog to fragen, wa ſe Weid an to æwerdenken harrn. Macht un Recht, Regeern un Volk, Geſetz un Pflicht: dat war all oppen Mal Exempels to bedenken, as de eerſten Reſenopgaben na de Scholjahren, wo man op eenmal markt, dat darvun keen Facit achter in't Voß angebn is, dat man richti reſen mutt op ſin egen Gefahr, un wenn wat ſeilt, kann man ut ſin egen Taſch toleggn. — Kunn de Mann in Kopenhagen don wat he wull? Harn wi blot to betaln un to gehorchen? Kunn vellicht mit beraden, as uns Lüd in Iſehoe inn Ständesaal den, un denn ſa de königliche Commiſſar: dar war nig ut? Muſſen den roden Noß antreden un denn vellicht mal gegen enanner ſtan? de na de Lüneborger Heid to Manöver weſt weern, de to'n dütschen Bund hör'n, de Holſteener, gegen de Sleſwiger?

Ol Klaffen wuß op ſon Fragen nich jüs lit ut to ant-

arf: erbt. Roggnpaß: Roggenbeutel. Volten und Biethen: geſeene alte Chroniſten Ditmarschens. Luſterempel: Rechenaufgabe. lit ut: gerade auß, ſogleich, daſſelbe: lit dær.

worten, denn he seeg nich vel deper hindær as Detelf, man! sin Böker un wat he les', dar funn he nich jümmer wat he söch. Dat Ijehoer Wochenblatt war glik verbaden, wenn't mal driefst war, un keem mal en Kieler Blatt to em, so schien em, dat de Olshausens Jung doch fast to wit gung. He, de ol Landmeter, æwerle sit de Salen jümmer na twee Siden, wenn Detelf lit dær wull un meen, Unrecht muß ni wæn un döß ni leben warrn. De Ol meen Unrecht weer nich all to verdriben, dar weer ni jümmer utdrücklich Een schuld an, dat broch de Welt mit sit. De Mann in Kopenhagen kunn nich vel dargegen. Dat weer natürlich, dat he en Dän weer un toeerst vør de Dän sorg. Dat gung æwerall so, leet sit gar ni ännern. Dar seten de Lüü um em un dicht an de Raß, jeder lang to, so gung dat. So keem't, dat man in Kopenhagen Slösser bu vør den König un de Prinzen, Kasernen vør de Soldaten, dat dar de Mürlüd un de Malers vør de Slösser un Kasernen weern, de Bäckers un de Schosters vør de Soldaten, de Soldaten vør de Bäckers, de Ofzeers vør de Prinzen un wa dat so tohopenhung as een Himphamp. Wa schull dar Een jüs vel Schuld hebbn, wenn se dar All Nutzen vun harrn? Je neger bi den Grapen, je warmer de Happen. So snadt de Ol, un Detelf kunn ni mal rut hörn, ob he dar argerliger bi war ober mehr tofreden. As Landmeter wuß de Ol vun Weg' un Stæg', Waterlöp un Ström genau Bescheed un vertell, wa dat bi uns all torügg weer. De nie Begeordnung fung bi Kopenhagen an to betern, denn gung't æwer Seeland, denn keem Jütland, Nummer ölstein keem' wi; wenn wi Schosseken hebbn wulln, müssen wi se sälbn bu'n, betaln awer to alle. Muß doch jeder arm Scholmeister, de sin Bestallung freeg, 53¹/₂ Reichsbankschilling utgeben „zur Vergoldung des Knopfes an der Marienkirche in Kopenhagen!“ De Ol lach, wenn he so wit kam weer, un de Reichs-Bankschilling maken gewöhnlich dat Schlußkapitel, wa Detelf bi argerli war. — So gung't her. —

Dat weer in'n Februar un März. As na Hollebb de Flot, so jag de Unruh vun Westen æwer't dütsche Land. As

Theodor Olshausen: ein Hauptagitator. æwerle: überlegte. döß: durfte. leden: gelitten. Happen: Mundvoll, Bissen. öltein: elfzehn, überlegt. Hollebb: tiefe Ebbe, hohle Ebbe.

de grote Wagg æwer de Watten, so schum se op an jede hoge Sted. Wi lesen un hörn vun Berlin, vun Wien. Wer kunn't ruhig hörn?

In'n Utgang März en Morgen gung Detels umn Maeln-barg na den Garn, um to sehn, ob de Frost al ganz ut't Land weer. Dat weer en schön still Morgen mit hoge Luft. He frei sit æwer de eerste wille Blom an'n Wall vør de Sünn, de as en lütt golln Knop ut den Lehm rutkeet, as de Fahnsföt se drievt, de breiden Blad kamt eerst na in'n Summer. He plüdt se un beseeg se mit Andacht, de Lurt sung darto, of man noch eenzeln, un he dach an Spreen un Habbarn un en schön warm Fröhjahr. Do keem æwert' Feld sin ol Scholkamrad Jan Bee, den he sit Jahrn kum sehn harr, in'n ivrigen Gang op em to, bög af un Detels seeg nu eerst, dat he sit en Bart harr wassen laten æwert' ganze Gesicht as Maasklütt op en Strohdach. He weer Timmergesell warn, en groten farrigen Kerl, un harr sit al temli wat herumdreben inne Welt, weer nu wul wedder to Hus. „Nu geit' los!“ reep he Detels to, ehr de noch recht in't Lachen kam weer æwer sin Jan sin rug Angesicht, noch weniger to en Frag, ob he de Blomsche Wilbnis pacht harr. „Nu geit't los!“ un darbi swunk he mit sin Dornhandstod as en Hauer mit de Setel. He seeg op sin Art grimmi ut. „Wat denn?“ sa Detels, noch half in't Lachen un heel em de lütt Blom hin: he meen dat Fröhjahr gung los un de Reis' inne wide Welt. Awer Jan Bee leet sit sin Ingrimmi ni entwei maken: „De Krieg,“ seggt he, „de Danz mit de Dän! mit de Puttjüten, mit de Smörbröder! Den König hebbt se al affett.“

Wer denn? frag Detels, de nu doch nich blot nieschirig war, sunnern dat trock em dær nn dær, as war dat Blot in em umjagt un he hal op eenmal en anner Art Luft, nich blot Vørjahrsluft, noch wat anners.

„De Kieler!“ sa Jan Bee, de vør de Kieler, wo he mal arbeitd harr, de Kieler Jungens, Kieler Studenten un Professors un dergleiken groten Respect harr; de Kieler! güstern

Wagg: Woge. schum: schäumte. Fahnsföt: Hufslattich. Spreen: Stare. Habbarn: Störche. ivrig: eifrig. Maasklütt: Moosklümpchen, -Häufchen. farrig: fertig, stark. temli: ziemlich. rug: rauh. De Blomsche Wilbnis: damit verglich Detels Johannis Bart. Setel: kleine Sense für eine Hand, womit die „Hauer“ das schwere Korn in der Marsch mähen, während sie in der linken Hand einen Haken halten, um das Korn aufzurichten. Smör (dänisch): Butter, davon Smörbröder: für Dänen.

Abend! Hebbt em affett! Is en grote Versammlung west opt Markt, Hartwi Bessler un de Annern hebbt em affett un en Professorische oder wa't heet insett. Nu regeert wi uns süßen, hal mi de Pisacker, un de Danz geit los! Schast man sehn!

Un darmit arbei he værbi, ahn op Detels sin Fragen un Ropen, wo he hinstür, wider to achten, as dat he tolek noch mal umdreih un dær de Hann reep: Na de Heid! awer ik kam noch wedder, denn kannst du ok foorts mitgan.

Detels seeg em na: dat leep em hitt æwer un æwer. — Also nu weern wi dicht an dat Geschäft, wo mit Blot betalt ward! Wer war't hergeben? Wer harr den Handel anfangn? Wat war der vær infokt? Wa sunnerbar lepen de Saken! „Dat geit nargends so bunt her, as inne Welt“, plegg de ol Klaffen mitünner to seggn, un sett den hinto: blot in Bullerwiß, harr en Eiderstedder seggt, weer't noch bunter. Un darbi keem' de Blöm un de Spreen, un de Luft leeg so unendlich un ruhig æwer dat Feld, so wit sin Dag red un sin Scholamrad verfolgen kunn, as dröm de ganze Gegend en Morgendrom. War de ok waken warrn, wenn nu de Flinten knalln un de Kanon dunnern un Minsch störrt op Minsch, um em umtobringn?

Detels blev ni lang alleen mit sin Gedanken. Denn dat Gerücht gung as en Fär æwer de Heiloh. Jeder broch dat vun en anner Kant as dat Nieste, jümmer noch mit wat Nies darbi, wat de Annern nich wussen.

Detels hör dat Gespräch meist still to. Vær em keem dat darop an, wat he don oder laten schull. Egentli weer't em gräuli, wenn he daran dach, dat he sin Mael, sin still Geschäft, sin Gedanken un Utsichten verlaten un opgeben schull, um velliicht eenerwegens opt Feld oder inne Strat æwer'n Hüpen schaten to warrn as en mild Beest un beklei't, wo man em funn. Un so Dufende mit em. En still tofreden Glück keem em vær as weer't heilig, as weer't en Frevel, dat to störn. He arger sik æwer de Darmmachers, de dummen, as de groten Stöhmers Jungns, un de kloken as ol Klaffen sin Kolleg', de Landmeter Tiedemann, de al lang' int Land herum reist weer un harr mit sin Reden de Lüd den Kopp

Schast man sehn: sollst nur sehn. foorts: gleich, sofort. Welt un Bullerwiß: zwei Dörfer in Eidersted, daher das Wortspiel. beklei't: begraben.

hitt makt æwer de Koppstüer, de Holsteen alleen noch betalen muß, de Dän all sit lang' ni mehr, un æwer de Filialbant in Flensborg. Wat weer nu dat Enn darbun?

Se stimm ol Klaffen bi, wenn he sä, de harrn den Riß so grot makt, dat he nu ni mehr to needen weer, un he söhl mit em, wenn de Ol vun de Tid vertell, as he mit Tiedemann tosam de Milau dært Moor vun Dubenheid bet Melldorp utmeets un regeleert harr; wa se dar abends to Dörp na Hasted oder Heid weern int Quarteer gan un harrn Hahnrei spelt um Hasselnæet un Tiedemann nich daran dacht Darm to predigen. Denn wat schull dar toleht ut warrn, wenn wi't ok dærhahn? Wulln wi preisch warrn? Man sproot je darbun, dat de uns hölpn warn, dar weer't atwer ok ni beter, warum harrn se sunst Revolutschon makt?

De Koptein muß den Oln bistimm, dat he dat Enn ni affeeg un den Utweg ni muß. Awer wenn de Ol nadenkli war, so war he argerli un scholl sit wedder torecht. Se scholl op den dütschen Bund, den he denn jümmer Hund nöm. Ja, wenn wi in Preißen noch en Kêrl harrn as Friedrich den Groten mit sin Stod un Snustobacksdos! Un he bruf' sin Haar op. Awer dær muß't nu. En ordentli Kêrl döß sit ni op de Näs' speln laten. Hau um di, dat ward wul sam!

Un Detelf harr den wedder de ganze Wef to denken.

Siebentes Kapitel.

Dat Unwedder bricht los.

Intwischen gung't wärkli los. De eersten Narichten teem', dat uns Bild vun Rendsborg na Schleswig rückt weern, dat se op Flensborg gungn, dat de Dän heranrück, un endli dat erste Jammergehörigg æwer 't Land, dat bi Bau de Schlacht verlarn, dat unse Studenten un Turner inne Flucht, dat de Nest darbun inne Flensborger Isenfabrik vunn Haben ut mit Kardätschen weer tosam schaten, bet Blot un Bregen

Koppstüer: Kopfsteuer. needen: nieten. Hasselnæet: Haselnüsse. dærhahn: durchsehten. preisch: preussisch. bruf op: strich empor. dær: durch. döß: dürfte. Bregen: Gehirn.

anne Wand sprütt. Darmit keem de Angst æwer't Land, dat wi dat graufame Volk nu bald bi uns hebbn warn un wat denn derut warrn schull.

Denn keem' de Preußen un de Slacht bi Sleswig, un de Bundestruppen achterher, un mit se de Hofnung æwer't Land un dat Geföhl, dat wi nich alleen un dat alle Dütschen Bröder weern. Ja würlki! Jedereen vun uns harr den oln Wrangel Batter nöm mucht un wi wussen kum, ob de groten Gardeofzeers ut Berlin oder de lütten Kerss haben vun'n Rheinsfall hindal, de jümmer lebndi weern un jümmer möd, de oppen Disch stegen man! uns ruhige Jungs un sit ni scham' to reden un to singn as opt Theater, uns lewer weern. Wi fodern se, bet se æwer Liffweh jammern, un plegen se, as harrn wi Gös' to nudeln. Sunnerbar, denn wi legen uns süßn eben vørher innen Haarn, wo man en Pull to faten weer. Wi Ditmarschers argern uns æwer de Eiderstedder Junkers oppe een Sit un æwer de Wilsster Reesburn oppe anner, schimpen æwer de Heimer „Reevsaat“ un de Swarten Holsten as æwer de slauen Angler, de en Mulwart harrn as Ierri lopen Kaffemæln un prätendeern dat er Melkföhl seiner Naas as unse weern. Weern de Kerss ni mit wen, as de Dän Ditmarschen erober? Weern se ni halwe Jüten? Verlagen Volk weer't, nich to tru'n, harrn noch vør nich tein Jahn mithölpen, dat unse Ditmarscher Tollfreiheit ophör. Grotprahlers! De Wilstermarschers harrn de Ditmarschers noch vør enige Winter int Ijehoer Blatt to'n Wettsmitten rutföddert. Disse lütten Bækers mit er blauen Wagens. Awer unse Smid ut Offenbüttel harr se torecht wißt. Se kunn sit bi em melden, harr he int Blatt schreben mit sin Nam, se harrn dat Gewicht vun de Bökeln vergeten, wer mit Sunnertpundslöth smiten wull, much sit angeben: Klas Andrefsen, Grobschmied, Offenbüttel. — So weern wi tolek, wenn wi buten nig to striden harrn, Norder-Ditmarscher gegen Süder, Marsch gegen de Geest, de Heid gegen Möldorp,

fodern: füttern. plegen: pflegten. Gös': Gänse. Pull: Schopf, Haufen. Reesburn: Rüsebauern. Heimer Reevsaat war der Ausruf der Weiber für Holmer Rübsamen, aus Holm jenseit der Eider. de swarten Holsten: aus der Gegend von Rendsburg, meist Lorfbauern. Mulwart: Maulwerk. Ierri: leer. tein: zehn. to'n Wettsmitten rutföddert: zum Wettwerfen 'rausgefordert. Bæker: Kinderchen, Bückchen. Bökeln: Kugeln zum Wettwerfen.

inne Heid de Destereggen gegen de Wester, un de Jungs kloppen sik stratenwis!

Sleswig-Holsteen stramm anne Wand, sungn wi nu, un dat weer as söhln wi de beiden Bindestrecken, de de Dän uns wegstrifen wulln, as en Brügg æwer de Eider un toglik een æwer de Elb, de uns na't Süden wis'. Wi müssen en Feer hebbn! Geld hebbt wi, sän de Marschburn, un uns Jungs sän: denn man los! Wo int Weerthshus en Tropp tosam keem, dar heet dat: „Wullt Du mit? It stell mi.“ Un Mennigeen æwerle sik dat hin un her, bera' mit Vader oder Better. Wenn en Tropp darvun gung, so gung 't nich mit groten Larm. Se repen wol noch en Bekannten to, de se mit Koppeschütteln nasceg. Dar war nix gegen lud, dat muß Jedereen weten; denn dat weer keen egentlige Soldatenlust. Wi den unse Plich.

So betrach sik of Detels de Sat. Dat weer em menni mal lichter west mit to gau as torügg to bliben, wenn wedder vun sin Bekannten mit Gesang de Mael verbi keem' un em toreepen. Wenn man eerst man mal bi sik seker weer, wat'n muß, so weer't nich so schlimm, dat man't ni ansaten kunn. Awer dat heet hier: süßn verantworten. Ol Klaffen ra' af. De Koptein meen allerdings Alle müssen mit, sik wehrn mit Ehrn, wat der na keem, muß sik sinn. Awer he weer gegen all't Frivillige. Dat broch nix, broch weder Geld noch Lüüd. Befehl muß kam, Befehl weer Ordnung, denn weer't Lid, so lang muß Jeder bær sik un't Sinige sorgen.

So töv denn Detels, as de Meisten un nich de Schlechten, bet he ropen war. Awer jede Naricht gung em bet darhin duppelt an. Leid un Freid, Hofnung un't Gegendeel gung as Wulken oder Sünnschin æwer't ganze Lütt Land. Hofnung un Freid war frilich selten recht grot bi uns, dar sorg man buten vør: in London, in Paris, in Petersburg, un bi unse Besten keem jümmer mehr de Gedanke op: En Kaiser, en Kaiser, de se mal wedder torecht sett dar buten, un uns in Respect! Wi wähln to't dütsche Parlament mit en Lust as niemals fröher en Prester to uns Kanzel. Awer nargends hett man't of wol mit so'n Jammer to nix warrn sehn as in Holsteen.

æwerle: überlegte. bera': beriet. wat'n muß: was einer mußte
ra af: riet ab. töv: wartete.

Achtes Kapitel.

In Krieg un Moth.

Glückgüti seeg Detels den Bagtheener ins Dags in roden Rock un mit en groten Bagen in dit un dat Hus in un ut gan un of oppe Mael tokam'. He wuß, wat he broch: de Order siß to stellen. Dat weer em al recht, he much ni länger tosehn. He söhl siß op en Art licht, dat neem em den Zweifel vun't Geweten, he bruk nich mehr to fragen, ob he schull oder wull. „Muß“ is en streng Krut, hett awer mitünner en Smack as en gesunn Appel, kumt blot op den eersten Bet an.

He pack ruhi sin Saken, de he ni mitnehm wull, in sin Kuffer, gev den Stetel un sin æwerlöbi Geld an den Möller, of Bescheed, wat dar mit warrn schull, wenn he nich wedder keem. Denn verbruk he den lekten Dag, um bi en paar Rawers abüs to seggn un vun sin oln Frünn Abscheed to nehm'. Erst darbi söhl he nu frili so recht, wat he verkeet an sin Möller un sin ol Klafen. De Koptein versteek sin Geföhl mit Gnastern vun Dumben un Kartätschen. Sin Anna keek ut Finster æwer de wide Marsch, as gung er't man half an. Awer as he do gan wull, dreih se siß rasch um, gung steil op em to, seeg em klar an un sä: Nimm Di in Acht, Detels!

Wa sunnerbar! Em weer wedder jüs to Moth, as do he vør Jahrn as Jung sin eerste Reis' na Flensburg antre, un eben so dun düßel he weg un seeg siß ni um. Domals harr de ol Husholerich de sülwigen Wör to em seggt, as nu dat lütt egendömlig Mäden: Nimm Di in Acht! He weer doch of nu op en Art vull Freid, oder wenigstens doch so vull, dat dat Hart em klopp. Wat war se seggn, wenn he torügg keem?

He weer also Soldat. He vertell't ni geern vel darvun, Annerlud hebbt of nog darvun spraken. Awer de Tid is æwer Keen hingan, de ni ut en Jung en Kerl warn is, oder dar steek keen in em, un menni brav Kerl hett se Ger oppen Ropp schütt oder Snee oppe Haar un Kräkeln inne Backen.

ins Dags: eines Tags. Bagen: Papierbogen. Bet: Biß, Wissen. æwerlöbi: überflüssig. dun: trunken, besinnungslos. düßeln: taumeln. Kräkeln: Runzeln.

He muß sit in Nendsborg stelln. Op Bergfähr drop he al Kameraden in allerlei Optæg, mit allerlei bepackt, wat sur to dregen weer, oder so lerrig un baar mit en Stod uten Knid inne Hand, as gungt int neegste Döörp to'n Markt. He harr also nich vel Gelegenheit an fröhre Tiden to denken, as he al mal æwer de Fähr kam weer. Enige leem' mit Lachen, Annere fast mit Ween. Enige harrn al slimme Föt, Enige harrn al to vel brunten, Enige nu al keen Schilling vun ęr Reis'geld mehr, ahn dat se recht wussen, wo't bleben weer, un Detelf muß mit uthölpen. Dat gung awer an't Fragen un Vertelln: Woher? Wosüd? Wodennig? En groten Marschbur=Saen weer oppe anner Sit, wo sin Vatter em to Wagen hinfahrt harr. He weer en Winsch as en Bom, heet Stark Boß, un war glif Flügelsmann döfft, as he naher jümmer heet un blev. En wunner schöne Gestalt un en Winsch as en Lamm, mit den Detelf glif Kameradschaft maß. Ot de Spaßmaker funn sit, de sin Amt al hier æverneem un tru verwalt hett, bet he bi Stolt int Lopen en Kugel kreeg. Man muß min Dag' ni, lach he ut Lust oder Vertwiflung. En snurrigen Kerl.

Un, sunnerbar, as de Tropp sit in Marsch sett, folgen se all Detelf, as harr he wat to befehl, un hebbt em of so jümmer folgt, so lang' se tosam weern, beter as Leutnant un Koptein, ob he glif sin Dag' nig to befehl harr un of nig befohl. Welmehr plegg he noch später to seggn, he harr jümmer darvør sorgt, dat weder Fiend noch Fründ, am wenigsten en Ofzeer je um em wis war, dat weer dat beste vør en Soldaten.

Awer he sorg of al vun do an vør all de Menigkeiten, de em, un de na em hörn wulln, dat Leben licht oder erdrägli maken kunn', much't gut oder slim laten: vør sin Föt, vør sin Brotsack, vør sin Flasch, vør sin Lager. He harr jümmer en Drunk, en paar Kirschen, en Stück Wust, en paar Roth Kaffe, un to Roth vør en Kameraden wat af. Frili leem em darto to Hölp, dat he jümmer Geld harr to rechter Tid to lopen. Awer he harr sit 't of markt, wat de Koptein em öfter seggt: Sogar in't Gefecht muß man de Dgen apen hebbn, un en ordentlichen Soldat weer nie blot

Optæg: Aufzüge. Knid: Baum. Wosüd, wodennig: wie. döfft: getauft. int Lopen: im Lauf. um em wis war: ihn gewahr ward, beobachtete. laten: aussehn. wat af: etwas übrig.

Ranonfober oder en dode Maschin. Un he plegg bi flimme Eiden sit de Wör to seggn, de em bald nadrückli as ut de ol Fussholerisch er Munn int Ohr keem, bald as vun lütt Anna, sunnerbar, oldbelti: Nimm di in Acht, Detelf.

In Rendsborg warn se inkleedt un inereert. Dat weer em greß. Wa weer he oft dod möd vör gar nix! Un wenn de Kerls dat noch verstan harrn! Awer an Plöcken öben se sit dat abends in, wat se annern Dags as Ofzeers bibringen schulln. Wat war derut warrn, wenn't richti Losgung un brukt war! Am tröstlichsten weer't em noch, dat he mit vele Schollamraden tosam int Glib stunn, Jan Pee weer sogar sin Nebenmann, de harr ok richti töbt, bet se em repen un de groten Stöhmers Jungs arbeiden mit er Flinten rum to'n Zweibrecken.

Dat weer en fürchterli hitten Dag as Order ton Utmarsch gebn weer, na't Korn to, toerst na Schleswig. — Dat gung ni morgens los inne Köhlen, as Detelf dacht harr un dat vernünfsti west weer. Detelf harr in Rendsborg bi en lütten Häker in't Quarteer legen, de mit Lebensmittel, Grütt un Mehl un so wat en kleen muntern Handel drev. Dar weer he bald ganz hüßli west, as hör he to't Geschäft un de Familje: dat Geschäft slog je bi em in, de Waarn kenn he un kunn mal mit en Handreden don. Dat weer en vergnügt lütt Hüßlichkeit un he föhl sit dar glückli un tofreden, kenn al de halwe Rundschoß, wo he mit to kleen verstunn un geern mit snad, denn he erfahr sin Deel darbi, wenn he vellicht mal wat Aehnliches bedriben war. He brü un narr de Kinner, snad en spaßi Wort mit ole Fruns un en anpassen mit junge Mädens. Dar harr he den Griff op, so dat wul mal een mehr keem um mit den jungn Möller ut Ditmarschen to spaßen. Darvun keem't nu ok, as he al lang sit den Morgen sin Ranzen packt, Portwein in sin Feldbutteln, en paar Stücken Schokolad inne Tasch koftt un vun sin Weerthsfru en Wurst mittregen harr, wat he man insteken wull — dat dat um em rum stunn, als weern't de Sinigen. En smud junk Mäden ut't Fuß bian keem noch, as endli de Trumpeten blasen un he mit sin Bepackung oppe Rad un de Flint innern Arm rund herum de Hand ton Adjüs geb. Dar warn wul den

oldbelti: altlich, altflug. Plöcken: Plöcke. Zweibrecken: zerbrechen. Handreden: Handreichung, Hüße. brü: nechte. narr: hatte zum besten. bian: neben an.

Dag vele Thran vergaten, de en Hart müchen weel matt hebbn. Detels heel sit tapfer, as se em Glück wünschen un hæpen op Weddersehn. Awer he harr lang to don um de Ogen vun de junge Raversdochter wedder uten Gedanken los to warn. So weel un truri seegen se em an. Wat de wul in'n Stillen vør em söhlt harr? Wellicht noch lang dropen sit nu ər Gedanken, un denn? Wa junnerbar is de Weltlop un dat Minschen-Schicksal!

Also nich inne Morgentöhlung de Marsch los, dat weer nu al lat Børmdag, un noch sammeln sit eerst de Dufende oppen Markplatz. Dar stunn se denn, pall inne Sünne, mit en Gewicht as en Halsack Mehl oppen Rugg, in de enge Mondur, den blanken Helm op, dicht tosam drängt as Schap ton Berkop. So stunn se. Woto? Ofzeers lepen un reeden hin un her, um se rum, man se dør, rop an't Rathshus, dal vun't Rathshus, hier langs de Strat, dar wedder torügg. De Luft war to'n Sticken, dat dur Stunn, hin un wedder full Een vun se in Ohnmacht, war wegdragen oder keem mit Water oder en Drunk wedder to sit. Of de Starcksten kunn kum mehr oppe Been stan, as endli en graun Kopp ut een vun de apen Finstern wat herut re, wat keen Minsch hör, as de der neeg bi weer, un as en Erlösung klung dat Kommando, wat sit dusendmal wedderhal: Vordwärts, marsch! Un as de Waggen op See blentern de Reegen vun Helms op un dal, de de langen Straten fülln, dicht an dicht so wit dat Dg red vordwärts un rückwärts. Trummeln un Trumpeten gungn un dræhn, Hurrah war ropen, Döcker un Fahn winken, un as en Orgelton de jümmer toneem un æwer de Köpp wegtrod, ja as en Storm klung uns ol Leed dusendstimmig inne Luft un bald ut' Dor int Feld rut: Schleswig-Holstein meerumschlungen, deutscher Sitte hohe Wacht — un is wul selten en Gesang mit mehr Melion sungn warn.

Awer nu de Marsch! De Gegend is fanni, kal un bomlos. Dat is de Heidrüggn vunt Land, truri un öd. Distant löppt snorgrad de Schofee. De Stuff steeg as Wulken inne Höch vun all de Föt, all de Wagens vør, achter

hæpen: hofften. uten Gedanken: aus den Gedanken. al lat: schon spät. pall: direkt, gerade auf. reeden: ritten. apen: offen. herut re: hinaus redete. Waggen: Wogen. Reegen: Reihen. op un dal: auf und nieder. distant: gerade aus. Schofee: Chaussee.

ut to Sit. De Sünn leeg darop as to'n Braden. Harr man noch alleen gan kunnt! Awer Jöt vør un Jöt achter, hitten Dunst vun den Vør- un Sidenmann. De ewige Bewegung na'n Taft, wat doch am lichtsten gung, awer en Indruk maß as en Bootfahrt, wer't ni wennt is ward vun't Ansehn seefrank. De Sweet leep in Ström dal, de Stuff sett sit in allens fast. De Lüd seggen bald ut as keen Minschen. Dat dur ni lang, so harr Jedereen sin Feldbattel lerrig un bē sin Kamraden um en Drunk, de of nig harr. Dat war stumm un dump in de grote Minschenmasse, un- heemli war't un greßi. De Marsch harr noch nich en paar Stunn durt, so len al Wülf sit sitwärts inn Schoßeegraben as fulln se hin, un dat hölp nig, dat Ofzeers heran reeden un se opcumdeern mit gude Wör oder Mordschelln. Man seeg se't an, se kunn ni mehr. Towilen leep Een mit en fürchterli Geschrigg, wat garni menschi klung, ute Keeg inne Heid to Sit herin un störrt mit de Arms inne Luft dal. En Flüstern gung um: dat weer de Sünnstich, de keem nich wedder op. Denn warn vun de Wagens ran befaßn, un de Starksten drogen de Unglücklichen an Been un Schullern as en Sack, um se darop to packen.

Detelf sin Scholkamrad Jan Bee war bi't Griz vun sin Kamraden meist vør'n Burn brukt. He seeg mit sin Bart, de em æwert ganze Gesicht na alle veer Winn' wuß as Bessenheid op en Moorfnüll, mehr as en Wilden ut. Darto harr jüs he sit to en Redner rop arbeit. He harr sit op sin Reisen en beten vun Berlinsch Blickensläger-Dütsch op- sammelt, wat Handwärtsburschen do geern mit to Fuß brochen un mant uns Pæfers un Kramers as Hochdütsch utgeben, womit he nu Vaterlandsgefühl und Soldatenanstand utsproß mit Handslagen darto. Recht de Mann vør den Spaßmaker, de gegen em an arbei. „Sterben für's Vaterland! ni wahr Jan Bee? Kein schöner Tod ist auf der Welt! Junge, awer Mehlsbütel mit Swinskopp of nich to verachten, wat denn?“ Bet towilen Detelf em torecht wisen muß: „Marßt ni? Se narrt di je! Paß man op din Banjenett, dat du mi ni stichst“.

wennt: gewohnt. bē: bat. len: legten. Wülf: Einige. opcumdeern (aufkommandierten): Befehl geben zum Aufstehen. Griz: Exercieren. vør'n Burn brukt: geneckt. alle veer Winn': alle vier Winde. Bessen- heid: Bessenheide. Moorfnüll: Moorhügel. Blickensläger: Bleichschläger, Klemptner, Flaschner.

Jan Bee weer bi dissen Marsch de Mann. Küll un Gitten sat nich op em. Menni arm Döwvel, de kum mehr jappen kunn, lē he un de grot Starl Boff æwer de Leddern oppen Wagen as drogen se frante Rinner. He harr darvæ spåter dat Recht mitto sin Geföhl Lust to maken, ahn dat man em brüden döß. He kreeg sunst den innerligen Sünnsich, så de Spasmater. Sogar int Gesecht kunn he't ni laten, rich sit achtern Wall op, wo de Red achter leeg, de Dän vær sit, un sech mit de Arms: Wir wollen fallen wie die Helben! So nich, Jan Bee, så de Anner, buch di man dal un scheet man. Wat he denn ruhi as en Geschäft besorg.

Och, de Marsch weer fürchterlich! Detelf harr nog to don, dat he sit bi Besinnung heel. Towilen fung em de ganze Gegend an to flimmern, as man't wul inn Fröhjahr æwer en Husdach süht oder langs en nie plögt Land, as stunn dar Water haben æwer wo de Lust mit spel. Denn vergeet he ganz, wo he weer. Stimm' keem' em int Ohr, as he wul Dreihorgeln hört harr vun de Heid her, as he noch bi Grotmoder weer, to Summer Permark oder so, Stimm' as vun vele Lüð, wo doch wülke vun rut klungn as de finsten. Dat weern Mädensstim! De smuck Rawers Dochter ut Rendsborg keem mit en Schal Water, rein so kold! un wa seeg se em an! He wuß frili dat't Inbildung weer. Nimm Di in Acht Detelf! så denn lütt Anna mit de ol Husholersch ern harren Ton. Un he muß sit oprichten, na Ogen un Ohren föhln, mit sin Nebenmann spreken, wa sur em't ol war, denn dat rüttel em op as en Minsch oprüttelt ward, de dat Feuer hett. He fror ol mehr as dat he hitt weer. Op en groten Sootswang beweg sit dat halwe Regiment to, as Mireems æwer en Fotstig treckt, — wa lang dur't, ehr man dar weer! Detelf dach an sin Reis' as Jung na Flensborg, ungefehr æwer desültwige Gegend, un sack wedder torrüg as man in en Drom torrügfallt, un sin ganze schöne Tid vun fröher stunn em lebndi vær de Seel. Bet he denn endli ol an den Ammer ran keem, wo de Minschen vær legen un sit drängn as goll't dat Leben. Wat't ol wul de. — Dat weer de Anfang. —

sat nich op em: packte ihn nicht. lē: legte. mitto: bisweilen. brüden döß: necken durste. Red: Rette. nie plögt: neu gepflügt. Sootswang: Brunnenschwengel. Mireems: Ameisen. Ammer: Eimer. Wat't ol wul de: wie es auch wohl that.

Dat harr sit doch wul all dregen laten, harr man en gut Enn affehn. Ja, wenn dat vun uns afhung' harr! vun uns egen Lüüd, vun uns egen Willn! Awer de muß je en Brett vør den Kopp hebbn, de ni sehn kunn, dat de Fadens ganz annertwärts trocken warn, wo hier de Poppen na danzen, un wi weern toleh of nix anners. Wi wussen all, dat England uns verkopen war vør en guden Bott, un hörn bald of, wa man in Berlin ünnern Disch trop, wenn de grot Ruß mit de duppelte Fust darop slog. Unse Generaln müssen jümmer na twee Siden kiken, zweien Herren dienen, staats op den Fiend los to gan un em dat Jach vull to haun. So keem keen rechte Freid in uns, dar hung nix vør uns ut, weder grote Ehr noch jüs en anner Lohn, as dat wi unse Pflicht dan un de Kers mit enanner wißt harrn, wat en Holstenjung is.

Doch he denkt ni geern daræver, ob he't glit mit to Enn brocht hett, so gut as disse eerste Marschdag. Dat gev en Tid, wo man nich daræver denken kunn, ahn dat Een dat Haar grau war. Of domals hõlp nix, as dat man de Best gan leet as se leep un sit darmit tröst dat man sin Pflicht dan harr.

Un doch, wer mucht't entbehrt hebbn? Wer much wünscht hebbn, dat weer nich so kam oder he weer nich darbi west? Dat weer doch en schöne Tid, en grote. Dat weer en Tid, de dat Hart mal umkehr un allens utbörrest wat anrußt weer, un oft dat Beste keem denn eerst to Dag'. Wer hett do ni mehr dacht un föhlt as sunst sin ganz Leben lang? Dat weer en Tid, wo de Minsch dörchsichtig war bet op sin lekten Blotsdrapen. Do lehr man Minschen kenn, un wahrafft achten, wenn noch wat to achten giff. Dat weer ganz wat anners, son Kamradtschaft op Leben un Dod, as sunst en beten gude Nawerschop un en beten guden Willn. De Minschen warn dør enanner wültert as Karten bi't Spill, un oft keem Spanbur bi Treffkönig neeg bi to liggn un weer en beter Kers. Em hett menni Grafen-saen de Hand drückt un he hett sehn, dat eben all' Lüüd Minschen weern. Sit sülbn lehr he schägen, un as he ni mehr hang weer vør den Dod, wat schull he dat beten Leben

Bott: Gebot, Angebot. trop: troch. utbörrest: ausbürestete. Drapen: Tropfen. Nawerschop: Nachbarschaft. wültert: gewälzt. Spanbur: Pitbube. lehr: lernte.

fürchten vær de Tokunft? So hett of em de Tid to en Mann smedt as vële Annere.

Wa geern denkt he noch an dat eerste Lager na den hitten Marsch in de kölige Nacht in en Gaudiem dicht bi Sleswig oppen frien Feld ünner den hogen Himmel! Wa söt hett he slapen! As he mal opwat, seeg he mit Bertwunnern de blanken Steern æwer sik so still blank geruhig un fründlig, as lachen se em to oder winken em, un he hordh æwer de ganze Eer hin un hör keen Lut as sin getruen Jan Bee inn deepsten Rinnerlap un wit af en Ton, as wenn en Hund bell. He hett sik oft dacht, so muß de Minsch egentli jümmer husen un slapen künn.

He weet noch den Morgen, mal, dat he eben vær Dag Posten stunn buten Döörp an en Feldweg. Inne Schummern keem' en paar Hasen, spelen, as wenn se danzen. As wenn se darop tövt harrn, fungn de Surken an to singn. De Dag steeg int Osten op so still, as wull he de Welt ni störn, un as he Werda? ropen muß, denn he seeg Wen den Weg lant gan, do fahr he binah ebenso vær sin egen Stimm tosam as de Anner, de en smud junk Mäden weer, dat na Melken wull. Se beiden waken, as't schin, mit de Hasen un Bageln alleen. He kunn't ni laten, dat schüchtern arm Kind so wit sin Maal 't toleet, lant to bringn un vun er to hörn, wa't Vader un Moder gung, as weern dat sin egen. He seeg er lang na un dach torügg, as se mit blanke Föt vær den Dau darvun il. — Un mit de Sünne hör he Trummel un Pipen un fast in Ogenblick blenckern Helms un Banjetten in en lange Linje twischen de Knicken sit af, un en lustigen Gesang schall wit æwert Land hin. Weer't Krieg?

Ja wul weer't! Wer bi Idsted un bi Friedrichstadt mit wen is, de kann dat seggn. He süht noch de twintig Bataillons oder wa vel't denn weern, as man se op eenmal æversehn kann, oppe Heiloh. All uns Lü. Wat vær Kerls! As de Böm! Achter sin Stark Bos seeg Detels mennimal, dat en Ofzeer de Hand mit sin spiken Finger inne Höch heel um to mesen, ob he mit sin Pidelhuv lik kam künn. Un weern se of nich all so: wat vær Lüd harrn wi to Ber, wat vær Ber harrn wi darünner! Wat værn Artillerie! Sä doch

smedt: geschmiedet. Gaudiem: Geuhausen. buten Döörp: draußen vor'm Dorf. Schummern: Dämmerung. Wen: Jemanden. toleet: zuließ, erlaubte. il: eilte. Heiloh: Heide. lik kam: gleich hoch kommen.

General Willisen sülbn, dat he se nich so gut sehn harr. Een kunn wol dat Hart inn Lüd lachen, se antosehn. Un wer wull ni dacht hebbn, mit so'n Heer jag' man den Döwel inne Netteln, wat denn nich den Dän' uten Lann. He süht noch den vertwogen Gastrow sin Pip smöken as snüffel he inn Wind, ob man noch nich Pulver rük. He hett den öln von der Horst as vör Ogen mit sin fluddrigen Bart un en Stimm as ut en lerrige Beertünn, as de merrn int Für reep: Man ruhi Lüd, töbt man! Nich minner den lütten Leitnant Borgfeld, en Möldorper Jung, mit man Een Arm, wo he jümmer den Säwel mit inne Luft heel un sung luden Hals väran, un de lerrige Ärmel fludder as na'n Takt an de annere Sit na sin egen Willn bi an. Wer harr ni mit sungn, weer ni mit gan?

Sunst vun Moth un Courag' to spreken is en egen Ding. Mit de Angst geit 't as mit de Seekrankheit, keen Minsch will se hatt hebbn. Dat weern lang' ni de leegsten Kerls, de dar ansung' to ween' as toerst de Kanon' brumm', un dat hölp Jan Bee nix, dat he vun de eerste Granat, de in sin Neegde plak, en Stück opammel un värtwiß in sin Nednerton: Mit solchen Dingern da schießen sie! Denn wenn man öf vör sin groten Bart ni sehn kunn, ob he roth oder bleef warrn de, so harr de Ned doch keen Ton, un de Spaßmaker kunn't ni laten em to seggn: Du meenst wol, Jan Bee, se schulln bi mit Appelsina smiten. Jnn Grunn weern wi all lit, wenn warrn kann man allns, as de Bäcker sä, as he den Aben mit en Ratt utwisch, awer de Kreatur jankt doch, un't beste is toerst, dat de Minsch ni gut umkehrn kann. Nös ward 't anners. Doch bringt dat bi uns ni licht Een so wit, dat dat Kriegsgeschäft em en Handwarf ward. Wenn dat Moth heet, so waßt dat Krut ni bi uns. Awer wenn't Moth heet, sin Pslicht to don, much de Kreatur öf in Een sit umkehrn, wenn't Moth heet an sin gerechte Sat löben, wenn man öf süht, dat de unrecchten Hann de Raar sat hebbt un se vellicht in Dred fahrn ward — as 't bi uns so weer —: denn hebbt wi em. Dat hebbt uns Lüd bewißt in de Hauptflacht de wi Iwert hebbt — bi Jbsted — un wi harrn se wunn', seler, mit en General an de Spiz as wi em nich

smöken: schmauchen, rauchen. fluddrig: flattrig, nachlässig. leegste: schlechteste. Neegde: Nähe. wenn't warrn: gewohnt werden. Aben: Ofen. Ratt: Raze. jankt: freischt. nös: später.

harrn un en paar mehr gude Ofzeers. Dat kunn bi uns jede Wurlung sehn, de de Ogen apen hatt harr.

Dat Feld, dat dar düngt is mit Blot vun Holsteener un Dän inn Summer 1850, dat Slachtfeld vun Idsted liggt oppe Höchde vun Sleswig, an beiden Siden vun de Flensborger Schofsee, de dat merrn dær snitt, dat Dörp Idsted eben rechts af to Osten. Dat grote Westergeheg redt bet fast ran anne Schofsee, un links süht man noch dat Poppel- un Elmholt, of Hüf' vun eenige lütt Dörper, as Helligbet un annere. In disse Gegend leeg uns Heer den Abend vør den 25sten Juli, süden to, Detelf mit sin Kamraden in de drütte Brigad na't Südoften, in un bi en Dörp Guldholm, Breckling un dar hinto. Man wuß dat dat los gan war.

Den 25sten, al lang vør Dag, ka Detelf sit sin Kaffee. Dat plegg he to holn na de Koptein sin Rath: Sit eerst vermünnern un vernüchtern, mal an uns Herrgott denken, vør sin Wagen un sin Föt sorgen un denn na sin Saken sehn. — He weer awer ditmal noch kum darmit fertig un lur darop, dat de Dörpäckel veer slagen schull, do hör he al dat Teken to'n Opbruch. Mennig slaprige Kamrad muß sit mit en köin Drunk un en Stück Speck un Brot behölpen. — Dweer vør streckt sit fast en Mil Wegs rechts un links, vun't Osten na't Westergeheg, de Langsee, bi Guldholm föhrt dar an de smallste Stell en Loppbrügg ræwer. Dat weer de Weg, wo in en lange Linje de ganze Brigad hinæwertroch, noch in'n Morgenschummern. Dat weer en grau wætrige Luft, dat weer ni düster un weer ni hell, awer de Köhlen de gut na de langen hitten Julidag' vørher. Dat damp æwer de Reeg, de langs de Brügg marscheer bet se bewer; as vun frische Per de eben uten Stall kamt, un as en warm Daf troch dat æwer dat blanke Water. Dat weer lusti antosehn west, harr man nich an wat Anners dacht. Awer se weern noch nich all passeert, so hör man links ræwer de

uns Heer: unser Heer. süden to: nach Süden zu. vermünnern: ermünnern. dweer: quer. Loppbrügg: Brücke für Fußgänger. wætrig: wässrig. Köhlen: Kühle. Daf: Nebel.

eersten Kanonslåg', un Jan Pee greep sit mit de fiv Fingern in sin Bart un sä: „Nu geit't los, Detels! Dat se kam'n!“

Dat den se frili so gau nich, obglif de Kanondunner bald vör de ganze Front langs bræhn un man meen, bald dat dat Gesecht neger, bald dat't wider weg trock. Man formeer sit, leet en Deckung anne Brügg un trock langsam gegen den Dän an. Op eenmal keem denn ut en Krattholt en Ofzeer rut jagt, dat Berd in Schum, op den General to. Dat heet halt, dat heet Rechts in en Ogenblick drop, un nu weer't as weer dar Bul in den Dln fahrt, denn he reep mit sin Stimm as ut en lerrige Linn: „So Jungs, ausgelangt!“ Un vörwarts gung't na Westen an Fahrensted verbi de Gegend to, wo man vun Stolt inne Feern eenige Hüf' harr bemarken kunnt. Se weern wedder verschwunn, denn dat fung an to regen, eerst lisen, bald in grote Drapens, denn as got dat ut Ammers, dat dat vun de Röd un Steweln leep un bald de Weg' twischen de Kniden warn as toröden Lehm bi en Tegeli. Doch dat heel uns Lüd ni op. Man schüttel mal dat Water vun de Ärmeln un de Pidelhub, man wisch mal den Hahn af, um de Flint faster to packen, man trock mal den Keem um'n Liv tosam un föhl na den Buttell un de Patron-tasch un harr de Ogen vörut un na alle Siden mank de Büsch dör, ob he bald opdaken much, den man söch. Achter de Feldmark vun Fahrensted seeg man eenmal of links af vun de Höchde, wo jüs de Krüzweg äwer löppt, en Knul Minschen hin un her wogen, as man wul Meiers süht op en grot Wetensfeld bi een vun unse Hæv in't Holsteensche; dat buck sit un rich sit op, dat drung vörwärts un keem torügg, Gewehrsalven knattern un braschen dartzwischen, as wenn man Säd Arsen oppen Fusßbæn utgütt, Qualm steeg darvun op as in't Bærjahr bi't Heidbrenn. Äwer dar gung de Marsch nich op to. En paar Wagens, de darher keem', müssen holn bliben, bet dat Detels sin Bataillon vöräwer weer. Jan Pee leep nieschirig heran, um intofiken, un Detels bög of en Ogenblick af, as he seeg, dat dat de eersten Verwundeten weern. Wa schreckli! Dar leegen se in't Strohl! Dat Blot

gau: schnell. Krattholt: niedriges Gebüsch, Unterholz. Schum: Schaum. Bul: wer, jemand. toröden: zugeritten. Tegeli: Riegelei. Keem: Riemen. opdaken: auftauchen. Knul: Knäuel. Meiers: Näher. Hæv: Höfe. buck sit: blühte sich. braschen: trachten. Arsen: Erbsen.

leed dar dær in't Wagenspor un war wegstremmt vun den Regen as vœr de Dær vun en Slachterhuß. He seeg man en Ogenblich hin, wo dar Een achter leeg as in't Verscheeden, un vœr em seet en Annern mit en bleet Gesicht un Blot anne Hann. De harr he sohlst un så to Detels: „St heff Fru un Rinner un seeg se wul ni wedder. Uwer,“ så he un wenn' de bleken Ogen gegen den Regen nan Heben, „dat mutt sit wul all hølpen, wenn nu uns Sat man gut geit!“ Detels kunn em natürli nix seggn as en lerri Wort, dat he't of hæp. Denn muß he wider un jin Plaz holn. Denn dat gung fast in't Lopen na Stolt to. Dat seeg man wul: dat goll dat Dörp to besetten, ehr de Dän dat neem. Dær de Knicken brot man, wat to sin Afdeeling hör, æwer de Koppeln leep man, dært lange Korn wo't Een natt umme Been slog un ünner de Föt tosam sack as gung dar en Wülp æwerhin. Det man wedder en Ball drop, æwer de Gröv sprung, sit in de Hasselnbüsch fast greep, rop weer, hindal — as störrt de Ger in vun en Sandkuhl, un süden op dær de Hæb un Garns op de Hüf' to störm. Dar störkten de arm Lüd herut un uns langs ەر bekannten Garnstig' entgegen. Fruns, Mädens, Manns in Hemdsmau'n mit lüttje Rinner oppen Arm, ol Lüd de dat Draben sur full — all mit Dovensschrecken in't Gesicht. Wülke harrn sit in en deepe Sandkul verfrapen, wo süden vun't Dörp achter de Garns Detels in't Lopen dicht verbi keem, velliht al sit de Morgenschummern dar seten, denn se weern as uten Slap opjagt, deelwis' in Nachttüg un man half antrocken. So hucken se in'n Regen achter't Dwer. Detels seeg man inne Flucht en oln Mann mit en witte bomwulln Tippelmütz op un mit grote Winterhannschen an, sunst awer Hemdsmauen, un de Regen leep em langs sin grisen Bart dal. Dicht bi em seet en junge Fru mit en Kind anne Bost, velliht Dochder un Enkel. Achter en Busch hucken ünner en groten Regenschirm twee halswuffen lütt Dierns, de gewis ni harrn utslapen kregen, Angst un Müdigkeit strecken sit um se. En paar veer-, fivjährike Bækers baden mit vel Vergnügen Roken ut den natten Sand. Dat weer man mit en Blick bi't Bæræwerlopen, dat Detels dit seeg, as en Bild

sohlst: gefaltet. hæp: hoffte. Wülp: Walze. süden op = süden to. verfrapen: verfröhen. Hemdsmau'n: Hemdsärmeln ohne Hand oder Facke. Wülke: einige. Dwer: Ufer. Bost: Brust. hucken: hockten. Bækers: Buben.

in en Glasbær, de sit vær Een umdreih: awer wat he of sehn hett innen Krieg vun den Krieg, nix is em düttiger un schredlicher bleben as disse Ole un disse Kinner in'n Regen inne Sandkul. He doch gar ni mehr an sit un de egen Gefahr, de dar neeg nog bi weer, nich an sin Kamraden. He sprung achter Jan Pee an æwer Heden un Tun weg, un weer een vun de Gersten de in't Döör rin keem un mit Enige mehr en Hus besett: so weer er Befehl. Dat halwe Döör kreenen se vull Mannschaft, oppen Noorenn maken de Dän dat eben so, un man seeg, ehr man sit ordentli umsehn un inricht, so dat man wuß, wo man seker stunn un seker schot, dat vun darher en ganze Brigad intrück un dat dat hier hitt hergan war.

Detels keem mit Jan Pee un en half Duß Kamraden vun achtern in en lütt Hus, jüs eben værher, ehr de Dän dat vun værn redden. Jan Pee weer de Gerste, de glif där de Ræf, wo man rinkeem, op de Husdær losstörret, sit dagegen stemm un sä: Dat's dat grötste Loch, wüllt dat eerst mal toholn. Dat weer mul dat richtige Manöver west, denn he stunn man eben binn ann Plaz, so war der vun buten anfat. Doch harrn Detels un de Annern kum de Finstern recht, um vun dar den Jngant to verwehrr, so weer al de Tropp Dän ævern Weg dervun, um dat neegste lerrige Hus to faten to frigen un to besetten. Dat gev denn uns Jungs so vel Tid un Lust, sit ordentli umtosehn un intorichten, denn dat war hier sach en Spill warrn as „Harbarg is min“. Dat weer en lütt Ræthnerhus mit en Stuv un Kamer vær, de op de Döörweg seegen, links gung awer of noch en Snittweg verbi ut' Döör, en lütt Eckfinster seeg dar rut. Na Detels sin Plan, de dat all rasch æwerseeg un de dat nu to'n Vordeel keem, dat sin Kamraden geern den, wenn he blot wat sä, haken se de Finstern ut un stoppen se bet op lüttje Löcher mit Bettlög vull, wobun de inlaten Bettstellen vull legen, noch warm vun de arm Lid, de dar eben rut jagt wen muchen. Gegen de Dær bunn' se de Wænsledder, stellen Banker, Stöhl, Dischen, Brød un wat los oder los to frigen weer, dagegen

neeg nog: nahe genug. Noorenn: Nordende. Ræf: Rüche. recht: erreicht. to faten frigen: erfassen. Harbarg is min: Herberge ist mein, ein Kinderkampfspiel etwa um einen Sandhaufen. Snittweg: Schnittweg der abschneidet. inlaten: in die Mauer eingelassen. Bettstellen: Bettgestelle.

un gegen de beßern Fackmüern un len sich derachter, de Flintenlöp gegen den Weg rut.

Mi lang so slogen de dänſchen Spitzkugeln gegen de Fedderbeßen un Bürn, as gegen Mehlsäck, of wul mal twiſchen dær un gegen de Wand, dat dat Kalk ſe um de Ohren flog. Denn de Haupttropp vun de dänſche Infanteri ſtürm in dicken Strom vun't Korn de Dörpſtrat lauk. Hoge Ofzeers in en ganzen Klumpen dicht achteran. Wo haun unſe Kugeln dar hinin! As gunz nich een feil! Detelf hett man eerſt naßer hört, dat dat de dänſche Generalſtab weſt iz, de Hauptgeneral Schleppegrell mit dermant, wovun de meiften hier bleben ni mit vun den Krüzweg. Se fallt, as wenn man Bohn meiht, ſä Jan Pee. Awer in den Pulwerdamp un Darm fült man niz jüs genau. Doch deit man denn koldblödi ſin Plich. De dicke Knuel war torügg drängt, gewiß slogen unſe Kardätschen dartwiſchen, de vun't Südoften den Weg beſtreken. Vun't Huſ ut ſeeg man blot, dat en Getümmel norden ut gung. Awer dat keem wedder torügg. En dänſche Batterie jag bet in den lütten Sidenweg dich bi an, harr awer kum mal aſprocht, ſo drängn unſ' Jungns dar heran dær de Tuns un Kniden, haun un ſchoten de Kerts dal un jagen mit de Per un Kanon darvun rüggwärts. Doch gung dat mit de wilb warn Deerten langſam. As Detelf ſe ut dat Sidenfinſter naſeeg hör he op eenmal en Dunnern as wenn de Ger bep. Dar jag en Swadron dänſche Draguner achter na, de Kanon wedder to haln. Do hör he lud op plattbütsch ropen: Anne Walln Jungs, ruhig, lat ſe kam! Un as en Waterschuß langz de Glüßbet ſo klabaſtern de Rüter in den Weg hinin, Sämvel æwern Kopp. Denn ſchall dat Kommando: Feuer! Un hin ſtürrt dat as en Knuel æwer enanner, Miñſch un Per in een Hupen. Unſe Jungens warn deelwiſ' bet in den Wall un Knid rin reben. Doch weern ſe kloſ weſt un ſtunn meiſt an de linker Sit, ſo dat faſt nümz vun ſe mit de Pallaschen to recken weer. Awer vun de Dän keem of Keen lebndi torügg. Mit en furchtbar Hurah dräng' unſ Bataillon nu ut beide Weg' herut, ut de Hüſer keem' ſe, de ſe beſett harrn, of Detelf mit ſin Kamraden, un æwer de Doden un Halfboden weg drehen ſe mit Vanjenetten un

beßern: dünn. Ledder: Leiter. Bürn: Riſſenüberzüge. dermant: dazwiſchen. Deert: Tier. Glüßbet: Schleſengraben. klabaſtern: ritten ohne Ordnung und Geſchicklichkeit.

Rolben de arm Lüd vør sit her, as man Schap langs de Weid driift — Dat wœer de Slacht bi Oberstoll. Se weer wunn'. Di General von der Horst steet sit sin Pip an.

Uwer dat Blot womit dat betalt weer! De Pris! Un de Gewinn de dar vør inkofft! Schüllt wi't vœrreken?

In den Sidenweg legen de Doden schichtwijs, meistens Dän — of Minschen. Inne Dörpsstrat legen se, as weern se streit, vele as harrn se sit noch en netten Plaz utsöcht, menni Een as wenn he sleep, dat Gesicht op de Arms, oder den Kopp gegen den Wall; man harr em wecken mucht, wenn nich en Blotstrom ut de Sit, dær en Loch inne Mondur oder en roden Pohl rund um sin Lager wi'st harr, dat 't de lekte Slap weer, wo man nich wedder opwaft. En jungen dänschen Ofseer, en smucken Minschen, de Kopp vull kruse brune Haar, wo em de Tschakko vun affulln weer, leeg so still as rau he sit, harr eben en lütt Bild besehn, wat he inne Hand gegen de Vost drück un denn de Ogen en beten tomakt. Detelf erinner sit, dat he em fast vør en Ogenblich vœrher harr de Dörpsstrat mit sin Tropp hendal kam' sehn. Bellicht een vun de Kugeln ut sin egen Harbarg much em drapen hebbn. He harr nig to liden hatt. Nich wit darvun leeg of de Spakmaker vun sin egen Bataillon, noch mit en Sacken inne Wien! Uwer dar legen of Wülf, as harr de Bertwislung se hinsmeten, Kopp to ünners, Been to hoch, Wuth in't Gesicht, oder of nich mehr to kenn. Un dat weer noch nich dat Slimmste. Dat Slimmste weern erst de, wo noch Leben un Stimm in weer! Detelf hett noch Jahren to don hatt, se ut de Gedanken los to warrn, so fürchterli weer't. Huln und Schrigen is denn fast noch ehr uttoholn as Stæhn un Wimmern, denn dat verfolgt Een noch in'n stillen Slap, wenn lang de Tiden anners warn, Winter un Summer darœwer verlopen, Gras wussen is op de Blotstelln un Bergeten œwer den Jammer. To'n Glück — oder Unglück — harr he of keen Tid wider, as dartwischen dær to gan un to sehn, wo sit de Ogen nich vun afwenn' leten. Hölp müssen Annere bringn un hebbt se sacht brocht, so wit Minschenhölp recht. Vør Detelf sin Afdeeling war Sammeln blas't, un dat Commando lu: Sit af ut't Dörp südwesten to.

Do se man ut' Dörp herut weern, leem dat Detelf vør,

rau: ruhete. streit: gestreut. huln: heulen. uttoholn: auszuhalten.
lu: lautete.

as harr he't all drömt, wat he dar eben belebt: so still ruhig legen de Kornfelder, to beiden Siden vun dat Rebber, wo se in marscheern, grasen Röh un Ber, as weer gar nig Absunnerligs los west, sunnern leem' nieschirig ant Dor, noch en Happen natt fuchti Gras int Mul un sehn sit dat Volk an. Dat Wedder klar sit op, de Kanondunner schall ut de Gegend vun Idsted oder Helligbeß ræwer as vun en Gewitter, wat astreckt. Darto kumt Hunger un Dörst den Minschen jümmer mal to Hölp, wenn he sunst vellicht to Schann gan kunn in de grausame Welt mit sin weel Hart merrn twischen. Jan Pee eet al int Gan an en Stück Speck un Brot ut de Hand, dat harr en Döschter Ehr matt na de eerste Morgenarbeit, un bald eet de ganze Reeg vør un achter, un de Feldflasch war lerri matt bet op den lehten Drippen, de rut to drücken weer.

Dat gung wedder na de Brügg to bi Gölldenholm, wo se morgens æwer den Langsee gan weern. Warum? Dat friggt en Soldat nich to weten. Seggt war in de Reegen as man marscheer, dar harrn sit Dän in'n Rüggen vun de Horstische Brigad wißt. En Ordonnanz harr dat lut toropen. Dat weer je frili natürlisch, denn se harrn se ut enanner sprengt, so müssen sacht wülf na'n Süden kam' wen. Doch dat müssen de Ofzeers weten. Awer de Soldat föhlt dat, wenn't rüggwärts geit, dat war still inne Reegen, un Jan Pee frag' Detels: „Knippt wi ut?“

Ja wul, dat den wi: wi knepen ut — op Befehl, General Willisen harr den Kopp verlarn, wi nich de Slacht. De twete Brigad heel noch still op den Placken gegen't Westergeheg, wo se hüt morgen holn harr inn Regen. Vør de heet dat so gut: Kehrt um! as vør all de annern. As man sit oppe anner Sit Gölldenholm un de Langsee oppe Schoßee na Sleswig drop, do seegen sit alle Kamraden verwunnert an: dat weer en Rüggtog! So wat hebbt wi erleben mußt! Wi troden frilig mit lustige Musik derbun un in Sleswig rin, „mit klingendem Spiel“ as man seggt: atwer mit wat vør Gesichter seegen de Börgerz uns an! Un op den annern Einn vun de Stadt fahr dat herut den Weg æwer Bustorp, wo mal de Preißen rin kam' weern, an Beamten un wat sunst Hannemann to fürchten harr, to Wagen un to

Döschter: Drescher. wißt: gezeigt. toropen: zugerufen. kam' wen: gekommen sein.

Jot, un en verstännigen Minschen kunn sit seggn: Is Allens umfunst west! Allens! „Unter den Mauern von Rendsburg wollen wir uns sammeln und sie schlagen“ meen Herr Willisen. Wi kunn uns dar geern sammeln, dat wussen wi noch, awer se warn keen Narrn wen un nakam, wenn se ganz Sleswig harrn. So vel wussen wi ok.

Detelf seet torüggbleben op den Weg na Rendsborg den 26sten Juli an't Ower, wo en Familje ut Bustorp em en Butt vull warm Arsen rutbrocht harr, as Willisen mit wüll to Per værbi keem. Schmeckt's, Ramrad? reep he em to. Sta ni op, Jan Pee, sä Detelf, un se langn beid in den Butt un eten er Supp.

Menni Ramrad sehl dar, as se sit in Rendsborg sammeln. Wa seegen de meisten ut! Düster oder ingrimmi! Dat weer as harr de Spaß man! Detelf sin Tropp en Enn hatt sit de Spaßmaker hin weer. Darto Rendsborg sübn! Detelf söch glif sin liitt Hækersfamilje op. Em weer as kenn he de Strat nich wedder, as em en fremd Gesicht oppe Del antwor. Do keemt eerst langsam rut, dat de ganze Familie — as menni een mehr — an de Cholera utstorben weer. Detelf leep as folg em de Dod as en Gespenst, dat he ut de Gegend keem.

Un doch weer dit noch nich dat Argste. Dat Argste keem eerst as man inn Harst wenigstens noch wat don un den Dän wat wisen wüll, ehr man sit de Flint ut Hand nehme leet. Dat weer de Geschichte bi Friedrichstadt. Dat dar nix ut warren kunn as en Minschenlachteri, wussen sogar de, de't ansungn. En Minsch, de as Detelf de Marsch kenn, muß't as en reine Dullheit værkam. Dar sünd uns Lüüd denn ok inne Gröben stürrt un verdrunken as Rötten. Dit inne Nacht, æwer natt Land, wo man nich mal los kam kann bi Dag' mit en Kluerstaken inne Hand. Detelf is dær en Loß vun den Diß stegen, wo de dänschen Granaten, de de Stell genau kenn, so vele tosam schaten harrn, dat he æwer en Hupen Dode weg muß. He hett in Klei wadt, dat he wol nich mehr en Minschen ähnl seeg: un darbi pipen de Rugeln um em rum as Hagelkorns. Awer man ward glifgültig ton Erbarmen. He steet sit mit en Riivsticken en Cigarr an, as he op eenmal de linker Arm dalsacken föhl, ahn dat he em wedder opheben kunn. He harr en Kugel frögen. Em weer't ganz Recht, he

Arsen: Erbsen. Rötten: Ratten. Kluerstaken: Springsst. Klei: Grabenerde, Schieß. wadt: gewatet. Riivsticken: Bündhölzchen.

harr nu sin Deel betalt un döß umkehrn. Em wunnert blot, dat vun den Bliregen em Kopp un Hart verschont bleben is. He krabbel in Düstern alleen torügg, bunn sit en Taschendoß um den Arm un töv achtern Dis den Morgen af.

Bele Lüd ut Ditmarschen, vun Lunn, Hennisfied, sogar ut Heid weern mit Et- un Drinkwaarn kam, um vun de Erigen en Erquickung to bringn. Vær Detels weer der Nüms. He söhl sit flau un fürchterli verlaten un eenfam. Do, he denkt noch mit Schudern daran, seeg he en lütten Schoster ut Heid, den he recht gut kenn, en spaßigen lütten biden runn Mann, mit en Armtorf, wahrschinkl mit Spisen, vun Tropp to Tropp gan un na sin Johann fragen. De stunn of in de drütte Brigad, eben so'n lütten biden runn Kerl. Detels hör em, dat weer noch inne Morgendämmern, so dat he em nich seeg: Hebbt jüm min Johann ni sehn? Hebbt jüm min Johann of sehn? Un he war denn wul wider vertröst, bet Detels em wedder hör: Min Johann ni sehn? Em war gressi darbi to Moth, man kunn je nich weten, wa't toleß luden war. Detels dach jümmer an den Vers, de em noch vun sin Better ut de Scholtid her mit en lütt Mennerung vær den Kopp un't Hart gung:

Er frug die Reihn wohl auf und ab,
Er frug nach seinem Namen,
Doch keiner war, der Antwort gab
Von allen die da kamen.

He hör em toleht of noch seggn: Na, denn mutt it wul alleen wedder to Hus gan. Un he sett sin Korf dal, sit darbi in Moraz un ween bitterlich.

Alleen to Hus gan! Dat weer ungesehr of dat lekte wat Detels vær sit dach. He funn sit eerst wedder, as he in Rendsborg in't Lazareth verbunn war. Glücklicherwis' weer't keen Wunn, de em en Lid stif maß, wenn se em of en Tidlang de Besinnung nahm' harr.

Of hett he deshalb nich mit belept, as wi de Flinten aflewern mußten, wat noch mennig Gen dat Hart braken hett, de vær alle Kugeln heel mank vær kam weer. Un wa Bele hett dat uten Lann drehen, wovun menni Gen noch inne Wildnis in Brasiljen de Kugel fregen hett, de he lewer hier hatt harr.

döß: durste. vun de Erigen: von den Jhrigen. Nüms: Niemand. runn: runden. Lid: Glied. mank vær: zwischen durch.

Un doch hebbt wi de Hofnung nich fahrn laten, dat't an't Mal föhrn war, dat't nich umfunst weer, wat wi dan un leben harrn.

Sogar as de Lüüd wedder keem' mit de Wassenröck an, de se uns uttrocken harrn, mit de Flinten womit wi op se schoten; as de Farkenjüten wedder keem' mit er netigen Haar un er jüsen Swin un bi'n Handel lud mit uns sproken, as reden se unse Moderspraak, de wi blot noch ni richti verstunn awer nu bald lehrn warn, as menni rothköppi Gesell, den wi as dänischen Korporal sin Tid kennt harrn, as Controleur oder Brandrecker wedder keem un æwer't Heider Markt spazeer as Napoleon æwer't Feld von Marengo, as de ole dütsche Bund, de seli abdankt harr, fröhli wedder introck, un de dütsche Kaiser, de wi binah opweckt harrn mit unse Kanon „an den Grenzen des Reichs“, in sin Barg wedder inslapen weer, as dat Märken vertellt, mit den Bart dær den steuern Disch wussen: bi uns blev de Hoffnung waken, dat't wedder los gan war sin Tid un to Enn föhrt. Wer noch en Büß beholn harr, de öl se in as na de Jagdtid un slot se in't Schapp oder le se inne Lad, dat breeflört Band darbi, un wer æwer sin Fuß dær dat Holsteensch Wappen harr anmaken laten, de nagel en Tafel swart Blied æwer dat Rettelblatt, seter in Gedanken, dat he oder sin Een dat mal wedder abdecken war sin Tid, wenn't wedder los gung, um to Enn brocht to warn. Wet dahin faten wi wedder den Plogsteert an oder den Spaden, den wi verlaten harrn, um de Büß oppe Schuller to nehm, grepen na Hamer un Elß, je na unse Geschäft un arbeiden as weern wi dar ni vun west. Wi kunn dat, denn wi harrn unse Pflicht dan.

Awer allerdings harrn wi de Hofnung of nödig. Dar weern noch sware Tiden uttostan. Wat weert en trurige Wihnachten 1850! Wat weert en truri Niejahr! Detels sin Arm weer nich so slimm west, awer he harr sit wul verkölt in de Nacht ann Dis ober wa't sunst kam weer; he leeg lang int hihi Feuer in Rendsborg. Nadem weer he swack as en Kind, un allens drop un röhr em duppelt un dreesach. He hett in sin Leben nich so vel weent as in'n Anfang vun't Jahr 1851. Dat weer aftmaakt, dat de Destriker de Oldstadt

netig: nitzig. jüsen: mageren. Enn: Ende. Schapp: Schrank.
breeflört: dreifarbig. Blied: Blech. Plogsteert: Pflugstern, Pflugende.
Spaden: Schaufel. Elß: Ahle.

in Mendsborg besetten schulln, de Dän dat Fronwart. De Lazarethn warrn utrümt, blot wat to swach weer blev liggn. Detelf hör darto. Dag vör Dag marscheern uns sleswig-holsteenschen Bataillons mit vulle Musil döer de Stadt, Detelf hör se een na't anner vörbi treden, he harr starben mucht, so truri weer he. Abends söch em denn wul een un anner Kamrad un Bekannte op, um Affsheed to nehme. Dat enn meistens mit en Jammer, denn menni Een wuß ni mal, wat ut em warrn schull, vun't Land un de Saak nich mal to spreken. Dar weern Lüüd ünner, de Stunn lank bi Detelf seten, de twee groten Hann op de beiden groten Kneen, as kunn se dar nix wedder mit ansaten. He hör vun nüchterne Lüüd, de daglank brunken harrn, ganz still op desülwige Stell, as wulln se sik dot drinken, un weern denn vun en paar Annere anne Arms ut Süderdör trocken, as man en Schap treckt, un se gung doch to Hus. Och dat Slimste vun de, de ganz to Schann gungn, kreeg he ut Barmhertigkeit al gar ni to hörn; harr't of wul ni afluunt. Sin Schollkamrad Jan Pee keem mit en ganz verwillerten Bart. He kenne em kum wedder ahn Mondur. He wull inne Fremden. Sā egentli nix as: Na, Abus, Detelf! wul twinti mal.

Neuntes Kapitel.

Alles to Eenn.

Weer't al truri nog, so war't bald vör Detelf of noch lankwili. Lesen kunn man nich jümmer. He harr vun en Kamraden, de't versunn, en beten Lesen lehrt, wat he fortsöhr. Awer he doch tolek so vel an sin Heimat un söhl sik eenfam as en Waisentind. As Wiler inn Goldrahm stunn sin Spelplatz vör Betters Dör vör sin Ogen, de Weg na de Heide to, de Mael un Garn, sin ol Klafen, de Koptein — och, wat ni all! Un as mal vun de Ol en Brees keem, de dar vörfrag, ob he nich bald torügg keem un bi em de Fasslabend verbringn un enige Wäken bliben kunn, do full dat as en Funken

utrümt: geräumt. enn: endete. to Schann gungn: zu Grunde gingen. afluunt: ertragen können. ahn: ohne. Lesen: zeichnen. Fasslabend: Fastnacht.

in en Pulvertünn. Sin ganze Seel brenn em vør Heimweh, un dar weer keen Plaz so wit dat Dg redt harr oppe Mæl, vun de blauen Hüchden oppe Geest hendal bet deep inne gröne Marsch, de stunn em innerli vør so hell un heiter un doch so wehmödi, dat de Athem em stooken kunn inne Bofs. He dach an nix mehr as to Hus, he kunn kum de Tid aftöben, un wenn he of ni mehr dröm vun Krüzweg' un Wis'pahn un Weerthshüs' as verzauberte Slösser, so weer he doch in Slapen un Walen oppe Reif'.

As endli de Dag leem gung he al vør Sünnopgang derbun. En guden Fründ schull em innerwegens en Stred fahrn, denn hør he to Abend na sin ol Klafen hintorecken. — Wa war em to Moth, as he nu na un na an de Grenz keem, de he as Kind un Burß kennt un nu, in Jahren, ni sehn harr! Recht bekannt war't em eerst as't al dämmer un he wedder alleen gung. He gung ni mehr, he leep. Dat war düster, do keem he toerst an en Koppel wo he sübn op arbeit harr. Dat Dor stunn apen, he kunn't ni laten, he muß mal rin gan. Do war he en Licht int Dörp wis. Denn keem de düstern Böm gegen Heben ton Werschin; de Hunn belln; un endli stunn he würtlk lebendi an Klafen sin grot Dær, un vun den Sot her sä de bekannte Stimm vun en oln Knecht in Düstern ganz fremd Gunabend. He schütter darvun un mal de Dær apen. Do keem de ol Mann ut de Stub mit Licht op em to, de paar Jahrn harrn em bögt un witt makt. Detels kunn nix seggn, atwer he scham sil ni, full em umn Hals un ween mal recht vun Harten.

Den annern Dag leep dat bi Klafen in un ut as bi en Krogwerth. Detels muß vertelln. Gegen Middag keem of de ol Koptein. He ree eerst innert Finster un keel dær de Schiben. Nüs keem he inne Stub. He stunn en Ogenblick inne Dær still, as de junge Soldat in Mondur op em to keem, den Arm inne Binn. He seeg em sühnisch vun Kopp bet to Föten an. Detels neem sil nett ut, vørnehm, denn he weer hoch wüssen un bleel vun Gesicht. Awer do greep he em op eenmal an de gesunne Hand, schüttel se em düchdi as

Bofs: Brust. Wis'pahn: Wegweiser. Sot: Brunnen. schütter: erbehte. ree: ritt.

en Kamrad un så mit sin gnastrige Stimm: Willkommen, willkommen to Hus! Di Klaffen seeg darbi ut as en Vader wenn sin Søn lævt ward. As he wegree så he noch, Anna lett of gröten! se will Se geern mal sehn, kam Se man bald! — Detels klung dat, as wenn man na en lange Tid toerst wedder de Thornkloß ut de Heimat hört: ganze Jahrn sacht weg, un wat wen is steit vør Een mit den Klang op, as weer dat nie anners wen. He versproß bald to kam, un dach an den Morgen as dat lütt absunnerli Mäden toerst langs den Stig op em to keem. He frei sit er wedder to sehn; he wuß dat se anners wen muß un lang keen Kind mehr wen kunn, awer doch kunn he sit er ni anners denken, un he muß sit vormaln wat se em nu vertelln war.

Wert Fest kunn he ni vun de Di gan, de gar ni nog trigen kunn vun sin Detels un towilen ganz weckmödi ut sin Armstohl na em opkeek. Nös mal he sit en Morgen oppen Stig. De Koptein sin Hof leeg noch as domals stuf achter den jannigen Weg, allns lit un veerkanti, blot de Garn weer smuder, dat weer mit sin Wart. He gung dør dat gröne Stadtwart ünner de hogen Eschen nat Hus herin.

Awer wat verkehr he sit, as en grot slant Mäden langs de Del op em to keem! Se gung as de netten Marschburdöchter, fast noch feiner, wul steil, awer doch binaß schüchtern, un dat brune Haar weer mit en Kamm slicht dalstrecken. Se keem awer blid op em to un de düstern Ogen weern fründli, as se så: dat is nett, dat Se uns nich vergeten hebbt. Do kenn he er eerst wedder ane Stimm. Awer he kunn doch ni recht wat seggn, un eerst as se op er bekannte Sitz anfang von fröher to snaden un wat se oft wul vør wunnerli Lüs verbrocht harr, keem em de Sprak. Se snaden all de schöne Tiden dør, un he vertell vun de slimm' de nafolgt weern; de harrn awer of de drapen, de to Hus bleben un oft noch arger, un so vergung em de Tid, he wuß ni wa gau un wa glückli, bet de Koptein halt war un to Hus keem.

Natürli meer der ni an to denken, dat he em den Abend weg leet. He harr vels to vel mit em to snaden wat he bi anner Lüd ni los warren kunn. De hörn ni to Enn, so wussen se al wat gegen an, un ehr se sit recht verstunn, gnaster un braster de ol Brustkopp dat se man lewer still

lævt: gelobt. sacht weg: schwinden. stuf achter: gleich hinter. sit verkehrn: erschrecken. Lüs: Zeugß.

swegen, wenn't keen Darm geben schull, un so seet he in sin Gensamkeit fast gänzli alleen. Detelf harr al vun fröh an wat, dat de Lüüd antrock, bi de Soldaten kunn he sit oft ni bargaen vör all de em anhungn, Rinner un Oln machen em liben, de Koptein weer dat eben so gan. Nu seeg de em gar vüllig as en Kamrad an. Detelf föhl dat wul herut un wuß of, dat he in de Twischentid nog erfahrn un sehn harr um mit spreken to künne: awer doch stree he nie, un lites kreeg he em gelinn herum, un dat de den Oln gut, denn egentli broch he blot dat Dullste vör um sin Arger los to warrn. He harr hanni mit leden, dat ganze Leben weer em düster un verbroetli warrn, un wa geern leet he sit ophelln, wenn man't blot antofangn wuß. He hör ruhi to un bell der gar ni mank, wenn Detelf ut' Lager vertell, nich as vun en Krieg; dat de he nich, dat weer em to grot ton Gnaden. Awer he harr of dar op sin egen Art de Dgen apen hatt un sehn wa Annere nich an denkt. Wenn he vertell vun de Nachtfüern bi düstere Nacht, un de Jägerleden in hellen Sinnschin mit æwert Feld, wa man all de lütten Dampfufeln opstigen seeg un dat Knappern lankweg heræwerkeem: so leet de gräßlige Krieg as en lusti Jägerleben in Freid un Freuden, de Koptein war blid, un Anna harr lang dat Reihn vergeten un de Hann inn Schot falln laten.

Se gung bald un leet em en Stuv un Bett torecht maken. — He le sit eerst ganz glückseli dal, he wuß, dat he vel Leb op Eern harr, un dank sin Schöpfer darvör. Dat weer doch ganz anners inne Heimat, wo man nich klok to wien brukt un doch mit Minschen tosamhangt recht innerli, un nich blot mit Minschen, sogar mit jede Busch un jeden Klutt Eer, de een bekannt is. He keek den annern Morgen wit æwer de Gegend, sin Stuv leeg baben, un sin Dgen gungn vun Punkt to Punkt, un bi jeden war em warm umt Hart. Dar weer he gan un dar weer he stan, un an jeden Pladen harrn sit Gedanken fast sett, de nu wedder keem as ole fründlige Bekannte. As he awer, do de Dær gung, nan Hof hendalkeek un Anna in en witte Morgenmüz opt düstre Haar un en dicht warm Winterkleed an, sink æwer de Steen-

stree: stritt. lites: gleichwohl. Dampfufeln: Dampfwollen. Klutt Eer: Fled Erde.

brügg gan seeg, do leep em dat hitt æwer. He maß sit rasch torecht un neem sit vœr, ni länger to bliben as nödi weer; he wull sit bi sin ol Klaffen besinn, denn he söhl: hier kunn he velliçt unglückli warren as nie tobœr, oder ol unehrli gegen en ehrli Fründ.

Awër de Koptein weer noch lang ni to Enn, un Anna he so fründli, un wa tofreden seet sit dat ni in en helle warme Stub. Dar kumt keen Lut, de Een stört, denn man kennt jeden un weet wat he bedüdt, un wenn mal in wider Feern en Wagen oder en Minschen wantt, so denkt man vel darbi woher un wohin, un geruhi treckt he vœræwer. Doch en glückliche Seel hört derto oppen Lann.

Endli gung he. Et besunn he sit bi sin oln Fründ. Awër he broch nix rut in sin Gedanken as en Glück oder en Unglück, so grot, dat sin egen Will to swaß weer to wahlen. De Ol muß sit richti dermanß mischen un em utfragen, denn de Jung war em gänzli wunnerli. Do snack he dat banni drög un korthari mit em dær un schüttel oder nück mitten Kopp, schick em awër doch af un to fast mit Gewalt nan Aßebal, un frag em toleß mal oppen Knop: ob de Diern em ol liben much? Do så Detelf as he sit bedacht harr, he löv. Do seet de Ol in sin Læhnstohl un grumel.

Wat Döwel? reep de Koptein den Sünndag vœr Palmarum, as de Dær op gung un ol Klaffen in sin besten bergensopzom Rod un blanke Steweln in Stub keem, dat is selten Besökl! wa kumt man dar to! dat bedüdt doch keen Friwarben? De ol Landmeter leep awër ni glif anne Rêd los, he sett sit eerst ruhi dal un sung glifgülti vun wat anners an, as harr he gar nix hört. Na un na rück he rut un så, de Koptein harr doch keen Lust mehr alleen to hucken, he harr lang sin Hof verkopen oder verhürn wullt um denn na sin Schwester inne Heib to treden, he weer doch man en halwen Bur, ol nagrað keen Kind mehr un kunn je so leben: nu wuß he em

bg: bat. wanken: wandern, gehen. korthari: kurz und klein. Friwarben: Freiwerben. verhürn: verpachten.

en Pächter, de gut weer, of seler, denn he, Reimer Pläßen, weer sin Borg. Awer de Mann muß en Fru darto hebbn un dar paß sin Anna to, de kunn he doch ni jümmer bi sik beholn as sin rechter Hand oder sin linker Og, eenmal muß de of er egen warnn, un en betern kreeg se nich, se much em of liben, dat weer sin Detelf.

De Koptein weer bi dat lange un langsame Drücken ganz unruhi warn, opstan un harr gegen an gnastern wullt, awer de Ol tüsch em mitte Hand un sprok eerst byllständni to Gnn. Awer do baller dat los! He harr as vele Ollern gar ni an so wat dacht, sin Kind vør en Kind holn un so los lebt. Nu scholl he op Gründ un Fiend, op Minsch un Beh, schon of de oln Friwarwer nich, de awer ganz gedüllli darbi seet un mit sin Handstoc, de he nich wegfett harr, Figuren maß. De kenn em. Toleß grummel he blot wat inn Wart, denn stell he sik lik op ant Finster un keef int Fels. Denn gung he noch en paar mal langs de Stuv, maß do de Dør op un reep sin Dochber. As se rinkeem frag he er ruhi, magst du uns Detelf liben un kunnst du em nehm', wenn he um di vørfrag? Un as se em umn Hals full un lud snuder, da sä he forß to ol Pläßen: denn is't asmaß, awer schid em süßn, un æwer dat Annere wüllt wi spreken . . .


Dar liggt en Hof oppen Alev twischen Marsch un Geest, de langn Stücken mit blanke Gröben derachter, de graun Sandbargen darvør. In den smucken Gern to Sit wannert en glückligen Minschen; warum schull he't ni wen? Dar hört men to, wenn de Kopp apen un dat Hart gesund is. He mag ni umsunst smustern, wenn mal de Sandbag op sin Witten verbi ritt, as jüs vun Abend, un de Bedeenter op en Brun en beten achteran. De Büsch künnt vør den ni frischer grönen un de Wullen an Heben ni goller wen. He süht em na un wünscht nich to tuschen; denn vun sin Hus her dør de bæwer Poort kumt en slanke Gestalt op em to mit Gesundheit

Borg: Bürge. betern: bessern. tüsch em: beruhigte ihn. grummel: brummte. lik op: gerade aufrecht. snuder: weinte. smustern: schmunzeln. goller: goldiger. bæwer Poort: obere Pforte.

oppe Backen un Lev inne Dgen, un wenn he de umfat, so
holt he seker dat Glück mit beide Hann'.



Nord un Süd:
De Welt is wit!
Ost un West —
Lo Fuß is best.



De Waterbörſ.



Dat weer banni warm. Dat weer op en Sünndag-nambdag in Juli, as de Stäckbein toripen un dat Korn gel war. Achterum arn Jümfernstig, wo all de niebu'ten Hü' stat, schin de Sün'n pall op de roden Pann'. Een lütt Dackhus en beten buten de Reeg war man gewöhnli gar ni wiß, dat versteek siß ganz achter en Koppel Böm, grot un lütt, as weert de Rest vun en Krattbusch, de hier vellicht in olen Tiden anfangen harr. Unner de Böm leeg dat ganze Jahr en Stapel Ellern un Barken, de bald grot un bald lütt weer, denn in dat Hüschen der achter wahn Geertohm un maß holten Tüßeln un Lpeeln un Slev.

Wenn man langs den Stig geit, süht man jümmer vun een smuck Finster nat anner; wer kist wul jüs ünner den Bomklus dær, ob dar noch wat achter hus't? Man süht höchstens an Summerabends wa de Holstapel vull junge Lüd sitt, baben un nerrn, of wul splettbeent, denn das en netten Plaz to sitten.

Awer vundag' keet man achter en Hautwagen an, de jüs ünner de Böm dærfohr un in den Kastanje stuf vært Hus blev en Deel behangn, en groten langbeenten Bengel sprung gau hemdsmauden achter ras, sunst weer he vun de Tilgens dalsegt, en paar annere, de mit Forken achteran keem', of mit

banni: sehr. Stäckbein: Stachelbeeren. toripen: reifen, zureifen. Achterum: hintenum. pall: direct. Dackhus: Haus mit Strohdach, von Dack: Keth, Schüs. Koppel: Hausen. Krattbusch: Unterwald. Stapel: Hausen. Barken: Birken. holten Tüßeln: hölzerne Pantoffeln. Lpeeln un Slev: Löffel. Bomklus: Baumgruppe. baben un nerrn: oben und unten. splettbeent: rittlings. das: da ist. vundag': heute. stuf: dicht. gau: schnell. hemdsmauden: in Hemdsärmeln. achter ras: hinten hinunter. Tilgens: Zweigen.

Wuppen un Hausaat bestreit op Höb un Schullern, lachen lud dat se sik anheeln, as de Grote mit bisterige Ogen un half in Slap achter ras fahr, un en öllerhafter Mann stunn anne Sit, reep mit en drang' pipi Stimm: „Anton, Jung' Jung'! nimm di doch in Acht!“ Denn him' un host he en beten un heel de Post an. He harr merrn in Summer en kalmuden Rod bet dicht ann Hals toknöpt un en warme Mütz op. Dat weer Geertohm.

De Grote stunn al fast op sin Been, he lach hartli un sä: Geertohm, wi bargt uns wull! Denn red he de Leden mal düchti ut as wenn he den Slap affschüttel, lang na en Fork, dräng sik twischen För un Hus dær, un keem bald wedder ut de Luf babn op sin Posten: he harr den swarsten, dat Affstaken, un reep mit en Bassstimm herin: So Jungs, nu man to!

He weer wul en smuden Kerl, as he so gelaten mit de sware Fork hanteer un een Barg Hau nat anner inne Luf schob. Geertohm keel ut sin bleke Ogen mit Wolgefalln na em op un sä blot af un to: Uwerdriv dat ni Anton, se künnt der binn' ni gegen an! Awer wenn de denn sä: Wi mæt de Waterbörj' doch mal wißen wat en Hart is, Geertohm, lat se man mal sweten, so him' un pip de gegen de Luf an: Beten gut na'n achtern, Rinnerz, dat För is bald lerril! Darbi harr he de Ogen allerwärts un sammel jeden Dutten de to Sit full sorgsam tohopen.

He harr twee Röh un nich to vel darvæer inne Krübb. Bundag' war sin ganze Arn inbrocht, he harr Glück mit't Wedder, un de ganze Börj' hölp em, ton Pläseer, dat gung jede Jahr so. Dat weern luter junge Bengels de Abends op den Holtstapel hungn un klæn'n, oder in Winter bi em inne Stuv seten, wo dat nu vunt För so düster war, dat sin ol Süster kum de blaun Tassen int Schapp finn' kunn; se harr al den Kaffeetel vær de jungn Lüd oppen Disch, un snüffel un wisch half in Blinn' herum.

Dat Commando harr Geert al jümmer föhrt, fröher man! sins Lifen, nu as allermanns Ohm. He weer sin Tid

Wuppen: Heurispfen. bisterig: wirr, träumerisch. drang: leuchtend. himen: leuchten. Kalmud: langhaariger Fries. Leden: Glieder. För: Fuder. affstaken: abforken. Waterbörj': Wasserclub. Dutten: Haufen. tohopen: zusammen. Krübb: Krippe. Arn: Ernte. Schapp: Schrank. man! sins Lifen: unter seinegleichen.

en dærdreben Gast un æwermöbigen Patron wæn, de keen Dornheß torügg heel, wenn en ol Fitel streken war. Do heet he jümmer de Bur. Denn tot Hahnbeer, Fastabend, drog he en Dremaster un en roden Rump, as de Geestburn toväern, he weer de Kreiler, heel awer ol Ordnung as nu keen roden Rod, un wenn he man reep: Rinnerß, Rinnerß! so broch he de argsten Hixköpp to Ruh. He harr awer domals en helle Stimm, de man mant alle rut hör, un man hör se, bet toleß de Rugsten satt un möb weern un heemli achterum brocht warn. Do heet he de Bur. He wuß sogar de Frunslüd to regeern, un harr alle Mädens ant Band. Wenn Sünndags de Melkdierns vun de Koppeln un Wischen torüggsteem', so mussen se all bi de Rausted töben, bet der keen feil. Denn cumdeer he: Hatt in! un so sungn se tosam den Langn Weg herop, he mit sin Drach wærut; sin Ol heel ol al en paar Röh un Geert de dat Melken. Wenn man Rlod sæben en Gesang hör, so sän de Lüd: das de Bur mit sin Kalwer!

Nös weer he frant warn, se sän, he harr sit bi en Hochtid toschann' danzt un en enge Bost fregen. Wüde sän ol, he weer mismödi warn, de rife Witt sin Dochter harr em verspraken, em to neh'm' wenn er Vader dot weer, nu harr se awer den dæssigen Roogsbur neh'm' must un weer ganz unglückli warn. Awer de weern all dot, ol sin Vader un twee Bröders, de bi em wohnt harrn. In twinti Jahrn weer denn sin Finster ni apen kam, kum de Dær. De Böm op sin Wærplaz harrn wild wussen un dat Maas op sin Dad. Dar harr sit nix ännert as de Holtstapel, de bald grot un bald lütt war, denn he nähr sit mit holten Löffeln un Lepeln maken, awer se sän, sin ol Süster muß dat meiste darbi don, he kunn oft keen Lust frigen un seet krumm un stumm inn Armsstohl.

So wuß en ganz nie Anplant op, de blot vun er Olen hörn vun Geert de Bur, de lustigen Gelagen vun früher her,

dærdreben; durchtrieben. Hahnbeer: altes Landesfest mit Wettwerfen um Fastnacht in Dittmarschen. Fastabend: Fastnacht. toväern: früher. Rump: Oberjacke. Kreiler: Schiedsmann. rode Rod: Polizist. de Rugsten: die Wildesten. Rausted: Ruhestätte, Ruhezit. feil: schelte. Drach: Tracht, Schulterjoch mit Ketten an den Enden und Eimern (mit Milch). Nös: nachher. toschann': zuschanden, zumichte. Wüde: welche, einige. dæsi: stumpf, dumm. apen: offen. Anplant: Anwuchs, Generation.

wa se Faßlabend mit en Fahn umt Mark trocken weern un de Bur mit en Dremast un roden Rump værop. Dat weer nu all værnehm un lantwili warn, nich mal de Welfdierns kunn' en orndli Leed mehr as een vun de lumpen Dreiorgel. Menni junge Burß harr wol dacht, son Kêrl much he wen, un Sünndags ansungn de Dierns to reegen, awer dat stunn em ni an, un he war utlacht.

Do heet dat op eenmal, Geert weer wedder beter warn, de Nawers harrn em vœr Dœr sitten sehn un mit em snacht. He weer banni old un bleet warn, doch harr he meent he war noch mal wedder junk, as en Kunschen de rugt harr. Dat weer in Summer. De langs den Stig gungn, segen bald mit Bertwunnerung en Mann in en kalmuden Rod un warme Mûß op den Holstapel sitten un Lepels pußen. He reep mit en drang' pipi Stimm bißsen un jenen an un frag na er Din un Verwandte, he kenn alle, wuß vun se to vertelln un wull vun se hörn. Lang' kunn he awer ni snaden, towilen keem der gar keen Ton rut, denn hõlp he sit mit wisen mit Schrapmêß un Lepel. Awer wenn he mal host harr, so vertell he wedder los. Darbi weer he jümmer fründli un munter, un de he liden much, de müssen wedder kam, de sãn Ohm to em. Dat weern awer blot junge Lüð. So harr he bald en ganzen Tropp, de keem' jeden Abend wenn se Tid harrn, wenigstens Sünndags weert vull bi em.

Dar seet he in Summer merrn mank op en Stohl mit sin Lepelkorf, oder wenn em de Vost recht Ruh leet, haben op den Holstapel. He sã denn awer selten vel, sundern leet se wirthschaften, er Knep un Zug utöben, oder er Kräften probeern. Doch all er Hauptsaken warn bi em bereedt, un denn gev he sin Meinung. To't Hahnbeer heel de Fõhrer bi em Prov mit en Vessenstœl, bi em hungn de Angeln un dat Lamm, wennt mal ton Fischen gung, un bi't Isboßeln smeten se vun em ut. Mitgan dẽ he awer gar ni mehr. Sobald dat in Summer kõi war, gung he rin, un in Winter keem he nich ut de Stub. — Dar weert mennimal en Heidenlarm, un de Lüð stunn still, wenn se verbißpazeern, dat kunn em ni lich to dull warnn, awer dat Drinken lee he nich un smõken

lumpen: lumpig. reegen: reißen, ordnen. Nawers: Nachbarn. Kunschen: Puter. rugen: federn, mausern. wisen: zeigen. Schrapmêß: Schabemesser. merrn mank: mitten zwischen. haben: oben. Zug: Schmerz. utöben: ausüben. Lamm: Fischneß. Isboßeln: Wettwerfen mit Holzsgeln auf dem Eise oder gefrorenem Boden. lee: litt. smõken: schmauchen, rauchen.

kunn he ni af inne Bost, un Swinegels lee he dörcgut ni inne Börß.

So föhr he dat Regiment manß se as fröher manß sin Kameraden. — Bundag' hölpn se em sin beten Hau to Hus fahrn, as jeden Summer, un he harr Schoh an. Dat keem noch twee mal mehr int Jahr, wenn he na de Marsch föhr, eenmal to de Arn mit Bepeln un Slev un eenmal to Harß mit holten Tüffeln.

Gewöhnli harr he en Dgappel manß de jungn Bengels. Dar weer he egen in. En lange Tid weer dat en lütten veerkantigen Möller, de fürchterli snaden un striden kunn. De heel sit nu int Holsten op. De harr em mal bi en Sahn-beer en Bibat brocht mit en lange Red. Do weer Geertohm op sin Tüffeln vör Dær kam, harr de warme Mütz vunn Kopp nam un op plattbütsch antwort, se sän as en Prester, de Lüd harrn sit verwunnert un Thran'n inne Dgen hatt. — Nu weer Anton sin Schotkind, en Kerl, umpaß mal so grot as he sülbn un ganz dat Gegendeel. De seet gewöhnli still op sin Platz ant Finster; he harr sunst mehr lehrt un les am besten vör, of harr he de Kräften, doch bruf he se ni geern.

Bundag' harr he doch de Waterbörß' mal wißt wat en Harß is. As he den Wagen wegschob un se haben en beten Tid kregen, do seken en paar Gesichter ganz sweti un stüwirut, un Geertohm pip: Uns ünner Water? as de Bofs sä, do sweet he vör Angsten. De Grote is en Rader, ni wahr Wendel? — Anton smuster un keel mit nan haben. De Gen, de ras seeg, heel den Kopp vunne Sit, man seeg glit, dat he ni scharp hör, he drog Ohrringn un seeg doch al banni slau ut.

De sä: Dat maßt nix, wi frigt em wul mal wedder inne Knip! Un as he nu so ut de Luf plitsch hin un her glup, sä he mit en heemli ili Stimm to Anton: Rit mal langs den Stig, dar kumt de Pennmeister sin nie Diern, de smude Marie ut Börn! Darmit verschwunn sin Kopp inne Bænluß, un glit darop keem he mit sachen Schritten gau un nieschiri

lee: litt. manß: zwischen, unter. bundag': heute. Harß: Herbst. veerkantig: breit. int Holsten: im Lande jenseit der Eider um Hohn und Rendsburg. umpaß: beinah. smuster: schmunzelte. inne Knip frigen: in die Enge treiben. plitsch: listig. glupen: gucken. ili: eilig. Pennmeister: Rahlmeister, Ginnehmer. Börn, Börden: Dorf in der Marsch. Bænluß: Bodensalltür, Bodensufe.

nerrn ut de Dær, leep eben so sinner de Böm lant un stell
sif ganz glifgülti pall ann Gotstig op.

Do keem en Wäden in Linnwullnrod verbi mit en Arm-
korf, se harr wul wat halt un weer noch nich int Sünndags-
tüg. Awer allns weer so sauber un drepli, un de witte Mütz
seet er so rund umt Kinn un de roten Backen, dat weer en
Lust to sehn. Se harr wul as Bele gar ni daran dacht, dat
hier en Hus un Minschen weern, se seeg vør sif dal un straf
wat an ern witten Platen torecht as se rasch vørøvergan be.
Do så Wendel opp eenmal: Das en Leben oppe Geest, it ga
min Dag' ni wedder na Marsch! Do keet se em verfeert an
un war roth bet an den Hals hendal, se seeg binah fee as
en Kind ut de blaun Dgen, un de schüchtern Stimm pass gar
ni recht bi ern sturen Gang, as se blöb Sundag så un wider
gung. — Anton stunn noch mit de Fork inne Hand annern
Rastanje. Se harr em mit en Glup ansehen, he weer glif
heran kam, awer se weer al weg. Do så he argerli to
Wendel un prahl ari, dat he dat hör: Du heft doch din Rapp-
snut jümmer to unrichten Tid apen, du heft je de arm Diern
rein verschüchtert, wat schall se denken? Awer Wendel lach
un så: Wef' man ni bang, dats frisch Blot, de fallt ni in
Umdam as Schritwers Mamsell bi't Rosenbaden, de hett al
ehr Lüüd sehn, wi sünd nich de eersten! Awer'n smude Diern
weert doch, Anton! Un darbi keet he em plitsch sinner de
Dgen.

Do reep Geertohm: Nu Pinner's, verget ju nich, sunst
ward de Kaffe warm, an kold warrn is wul nich to denken,
as de Ratt så, do gung se um en hitt Drischüttel rum; kamt
man in!

Se stöben sif de Spiln un dat Hausaat vun Röpp un
Schüllern un gungn inne Dær. Anton muß sif bucen; inne
Stub, wo man noch en Tritt dal gung, red he jüst ann
Balken. Wüde Mann seten al achtern Disch un stippen Eier-
maan inne blauen Tassen, de Geertohm sin Süster jümmer
wedder vull schenk. Gott geb, dat en König dat so smed,
wenigstens sin Ministers warn dat gut hebbn! — Anton kreeg
sin Platz ant Fenster, Geertohm harr dat hilt mit Bertellen,

nerrn: unten. pall: steil, gerade. strafen: streichen. Platen: Schürze.
verfeern: erschrecken. fee: schüchtern. stur: steil, stolz. Glup: Blick. ari:
ziemlich. Rappsnut: loses Maul. in Umdam: in Ohnmacht. Spiln:
Palme. Hausaat: Heusaamen. Eiermaan: Feingeback in Ringform.

Alle keem' int Dachen un narrn sit, bet en niet För inböög, mehr hitte Gesicht' keem' anne Ruten un in Dær, dat Gelächter war noch lüder. Awer bald heel dat vœrt Finst'er, dat de Stub düster war, un Geertohm sin pipi Stimm drev de Annern to Bæn: Erst dat För lerri, denn kumt an jüm de Keeg! Anton weer stumm, he seeg inne Dämmern de smucke Marie er schüchtern Ogen, un em düch son Stimm harr he noch ni hört, Geertohm sin weer em min Dag' ni so pipi vœrtam. Doch as bald dat lechte För afladt un wegbrocht weer un de ganze Waterböör' Aarnfest heel, do keem he mit int Jubeln un gung erst lat mit Wendel to Hus.

Anton harr vel Opflag mit Wendel un leep gewöhnli mit em. De meisten Annern muchen em ni liden un heeln em vœr en Siker. Awer he kunn æwer allens snaden, un Anton meen, sin glupi Utsehn keem blot darvun, dat he ni recht hörn de. Se wussen of jüs nig op em to seggn: he drunk un spel ni, de keen Minsch wat towedbern un heel Fræden mit Alle. Un doch, wenn he Abends in Dær keem un mit en Glup æwer de ganze Stub keef, so harr he wat vun en Spitzbogen-gesich, of in sin luri fliri Gant un Spreken. Awer Anton leet nig op em kam, un de beiden gungn gewöhnli tosam to Hus; wenn he opstunn, so grep Wendel glif na de Mütz un gung mit. Denn snaden se, as junge Lüd do't, æwer Bader un Moder, æwert Geschäft un er Leben to Hus, of wat se sunst rat un röhr, un wat se mal antofangn dachten.

Anton harr en wunnerligen Oln, dat weer en rechten Projectenmater, wa he jümmer æwer lachen oder op schellu muß. Dat much he ni jedermannn klagen un doch muß he't los wen, un Wendel hör jümmer gedüll' to un gev sin Rath. — De harr al vel dærmakt. He harr en Steefvader, de sit ni verdregen kunn, de kunn em awer of ni entbehrn, denn Wendel harr en beten Geld un sin Ol wirthschaf dermit. He much wul nich vœr sin Moder, sunst harr he em dat kündigt un sülbn in Hann' nam. So lehr he toerst de Stöfferi to Hus; se sän, he weer en Baas in sin Geschäft, mehr as sin Ole; de lewer na sin beten Land leep un püffel. Dat weer Wendel awer towedbern, alleen arbeidn wull he

narrn sit: neckten sich. Ruten: Fensterscheiben. lat: spät. Opflag: Umgang. Siker: Schleicher. glupi: schielend: scheu. fliri: schleichend. rat un röhr: berührte, anging. Baas: Meister. püffeln: framen.

nich. Do gung he vunt Hus un Lehr dat Rothgetern. Dat dur awer of ni lang'. Nös harr he dat Schirm- un Weddergläsmaken lehr't un weer en Tidlang bi en Juden in Friedrichstadt. Of harr he intwischen roßlammert. Nu seet he doch wedder to Hus, Gott wuß wat he vörharr, dar sproß he ni vun. Sin Taschengeld verdeen he sik licht, wenn he wat inne Keeg maß, wat anners keen Minsch kenn', denn he verstunn sik op allns. Sin Moder weer swach, man meen, he töv op er Enn, so war he sin Bader utkopen un en Handel anfangen. He hunger wol na en rike Brut, denn he harr dat smucke Meismäden, wo he lang mit leep, sitten laten, of in Friedrichstadt schull he en Leeffte hatt hebbn. Sin Ramraden argern sik, dat de Dierns em doch so nalepen, he weer je en ol Knipohr, un seeg temli verdrögt ut.

Anton much mehr vun em weten, de sä awer nix na. De sin Ol harr nu dat Project na Australien uttowannern, um Gold to graben, un Anton wuß ni, ob he mitgan schull oder nich. Dar harr he vel mit Wendel æwer spraken. He weer Timmermann as sin Bader, un beid weern düchdi. Uwer de Ol harr narbens lang Ruh bi. Denn toff he en tosam Roh un rät sik rik an Botter, bet he wis war, dat se fähr weer; denn en mager Stück Land, broch der Knakenmehl op un sei swedsche Kaffebohn, de muß he toleht süln opdrinken, nich mal Anton hölp em, obglit he jedesmal smack un vertell, wa schön de Kaffe to drinken gung. Nös lehr he Proppens sniden, wo he in Winter sik alle Fingern bi toschann maß. Twischen in arbei he as en Pferd bi't Timmern un weer tag as en Keem un ni umtobringen. Nu wull he Gold graben! En Windsack vun Glaser mit sæben acht grote Jungs de eben so prahln un logen as er Ol, wulln los. Dar keen en Bliedensläger, en rechten Schesterbütel, un en eben so fuln grotprahligen Slachter de allemann schüll'i weern, de harrn Böker, wo dat Gold un de Rohm in bi Schepels utmeten war. De seten tosam bet deep inne Nacht un schregen un reden, dat de Nawers keen Og to fregen. Dar smöt Anton sin Ol merrn manß, sitdem blot doßkellige Zigarrn, de he süln dreih,

töv: wartete. Knipohr: harthöriger Mensch. narbens, nargens: nirgend. tosam Roh: Ruh, welke kalben soll. fähr: trocken, unfruchtbar. sei: säete. schwedsche Kaffebohn: Traganth, Astragalus, damals beliebtes Kaffeefurrogat. smacken: schmazen. tag: zähe. Bliedensläger: Klempner, Glaschner. Schesterbütel: Schwäger, Herumläufer. doßkellig: taubhölig.

de steef he bet halfwegs inn Mund, so dat he man stotwis mal mitspreken kunn. Morgens fröh rē he denn desto mehr bi de Ez un arger Anton, denn he frag jümmer: Wat, wat? is ni wahr? wat meenst, Anton? Un doch heel de so vel vun em, dat he em ni alleen gan laten much un ni ut noch in wuß. Ton Glück kunn de Ol sin Hus ni los warren, un verkopen de he ni lich wat to billi. Anton harr of binaß noch Lust, he doch blot de „glasern Luch“ schull eerst mit sin fransöschén Jungß un de gelehrte Klempner aftreden. So lang ra' he jümmer af vunn Berkop un maß sin Ol grotharti, wa vel Hus un Garn werth weer.

Anton weer lustiger wen as gewöhnli, nu war he wedder stiller as sunst, un doch weer em so licht to Sinn, as trock en Musik vunt sülsen dær em hin. Man hett dat so mit, wenn man junk is. Dat kumt æwer Een as mennimal en Schin æwert Feld, man weet ni, wo he herkumt. So wenn man toerst wedder en grön Saatkoppel süht manß den Snee, de wegdaut, oder en Lurf singt Een um Faßlabend unvermoden ævern Kopp: dat is man een Ton, un doch steit de ganze Summer mit em op, sogar schöner as he warren kann.

De beiden Kamraden gungen stumm bi enanner fort. Man brukt of ni jümmer to snacken un hett doch gut vun sit, de Gedanken sünd ni alleen un man kann se los warren wenn man will. Anton leet se wannern, se weern all licht un sorglos. He kunn sogar an den Glaser denken ahn Arger, un vel annere Gestalten trocken so verbi, all fründli. Doch as de letzte Namdag væræwer gung, do weer dat blidste Gesicht doch dat vun de Pennmeister sin Maria, un wo he of anfang, dar gleden de Gedanken jümmer wedder na to as en Rad in en blank Spor. He muß sit er værstellen wa se stur un adrett værbigung, wa dat Rinn er rund ut dat Mühenband teet, un en Paar Dgen, blau un fee as vun en Kind, stunn' em vær, he kunn se ni los warren.

Do så he to Wendel: De Diern hett doch mal wat Absunnerligs inne Dgen, awer so smuck kann it er ni fin! Wendel much awer of sin Gedanken hatt hebben un harr vellicht an ganz wat anners dacht, dats verscheden bi den Minschen. He hör man kum un så ja as in Slap. So gungn se wedder stumm bi sit hin, bet Anton anne Dær weer,

Ez: Art. grotharti: stolz. blid: freundlich. gleden: glitten. stur: steil, fauber. fee: schlichtern.

do sän se sif Gunnacht, un as Anton in sin Kamer keem un sin alldagli Reitschop liggn seeg, doch he deran dat morgen Warkelddag weer, he schull op en acht Dag' na de Marsch to en Bu. Arbeit is de beste Wis'pahl vör de Gedanken inne Fremden, de bringt se licht wedder op den gewöhnlichen Weg. — He le sin Saken torecht un sif int Bett, un sleep, bet sin Ol em mit Sünnooggang weeden de. —

Dat is wat eenförmig inne Marsch; sogar dat Eten un Drinken is swar un eenerlei as de Arbeit un de Born, wo dat op drift un drehen ward. As Bullmacht Witt mal sin Arnslüd aflohn, frag he: Na Ridders, wa lang sünd jü hier wen? Do antwor de mulsarri Amlink: It weet ni, awer sechentein mal hebbt wi Mehlsbütel eten! un de Bullmacht sa: Denn lett sif dat utrecken, dat gift sechentein Dag'. — Awer wat Verännerlichs will de Minsch mit hebbn, un wenn't to selten kumt, so maht he't towilen wat buntig. De Knechten un Arbeitslüd sünd meistens ari rog, un de Born sitt wol mal mit en Nacht dör int Wüsumer Markt un sinnt den annern Morgen, dat se bet anne Knorn in Win sitt. Se sünd of mit an Sünndagabend in Wesselborn achtern Kartendisch kam' un eerst Mittwoch wedder opstan, wenn de Lüd to't Wetenmarkt fahrn. Inne fetten Jahr, vör disse, plag redi dat ganze Land de Uvermoth, do tründeln er Jungs mit Speetschen oppe Del un de Oln mit Ducaten oppe Regelbahn; en Bur hett inne Heid mit sin Grotknecht achter twölft Lichten un twölft Buttel Win seten ganz alleen, un dat weer keen Wunner wenn mal Een den Hals brot, de vunn Roog rut lifewer na de Geest riden wull, oder ewer en Barg Stroh anne Mür na sin Schindach rop. De ganze Marsch harr den Rappel, un as de schlechten Tiden keem', do schoten se koppheister un vun Hus un Hof heraf, de fröher meen' dat stunn as op en Wosborn. Domals is menni Knecht to en Besiz kam un menni old Husholn anne Arnkass. Dat hett vel Unheil brocht un doch mit Gotts Hölp sin Guds. Vele

Reitschop: Gerätschaften. Wis'pahl: Wegweiser. I: legte. Born: Boden. Bullmacht: gewählter Bauerschaftsabgeordneter im Ditmarschen. mulsarri: maulfertig. Mehlsbütel: großer Mehlsack in einem zusammengebundenen Leinentuch (Beutel) gefacht. ari: ordentlich, ziemlich, recht. rog: rauh, roh. Markt: Markt. Knorn: Knöchel. Mittwoch: tründeln: rollen. Speetschen: Thaler. lifewer: gerades Wegs hinüber. Schindach: Scheunendach. koppheister: kopsüber. Wosborn: Ahlboden, Eisenfand. Husholn: Familie.

de in Armoth fulln, de sünd of wol ganz dalsack, wenn se sik ni bögen kunn' un de Arbeit don vør er Blogjung vun fröher, oder mit anschn dat er Kinner dat den, un de Brannwin hett hølpen un de Krankheit darto; aver of sünd dar wüd sunken un heeln doch den Ropp haben un de Nam rennli mit Flit un Fliden. Nich Alle hebbt vergeten wa se herstammt, un ni Een wa wackeli dat Glück iz. Wi künnt noch mit en Bullmacht nöm, wa de Grotöllern in Füll seten un de Bader oppen Knüll, un de doch mit en Spaden sik den Weg grab na den Hof, de sin Moder em mit Thran wist harr as de Stell vun er Weeg. De Tid hett Iesen prövt un Stahl utsmedt: seh man uns Volk an, mit Leden as Böm, un bi de Wefern iz noch dat Og apen bleben un de Hand vør de, de fröher in Bullleben toschann' gan sünd. So mag dat noch all gut wen, so bunt dat of iz.

Anton much der wol op en Tidlang wen, he pass der mank un spel sin Kull mit sin Kraft, he arbei vør Twee un verdeen darna. Oppe Läng' war emt frilli eensam. Man mutt inne Marsch barn un tagen sin, anners hollt man't ni ut. As de Sünn un Maan so löppt dat Dagwart dar af, so gat of de Gedanken jümmer densülvigen Weg, darum ward se of hart un fast, un bi Bele deep un klar, dar brnk sik en Gelehrten ni vør to scham'. In Summer kaunt prächtigen, wennt all as en Sammt eben iz oder vun de Kappsat as gele Sib, de Himmel unendli un de Seelenruh op Winsch un Beh. Dat vergitt de Marschmann nich, un mank Busch un Brof un in en Paradies ward em dat enl un bedrückt um't Hart, un he frigg dat Marschweh na disse wehmödige Pracht. Meent jüm, dar hört vel Klavier un Böker to, hier en Seel apen to maken oder dat Hart to lengn?

Anton arbei op en eensam Hof. Dat weer en wunner-schön Wedder. Wenn he Abends möd op de glatten Balken seet de he Dags behau, enige Knechten bi em, sacht to klæn', denn dat weer so still, dat man de Wagens bunne Heid hendal klatern hör, un de Dämmerung le sik allmäli op de Gegend, eerst oppe Geest as en bleken Newel, denn æwer de Mölborper

dalsack: versunken. Flit: Fleiß. wackeli: unsicher. nöm: nennen. Knüll: Rasen. Weeg: Wiege. Iesen prövt: Eisen geprüft. Leden: Glieder. Wefern: Weicheren. der mank: dazwischen. barn un tagen: geboren und erzogen. Busch un Brof: Holz und Wald. hendal, eig. herunter, hier: von dem höher gelegenen Heide her. klatern: rasseln.

un Heider Thorn un de annern de man seeg, as en Det un Flor: denn war em to Moth, as wenn man sit wünsch man weet ni wat; he harr dat so geern, wenn de Bur sin lütt Dochder em oppe Aneen krop, en weekli lütt Diern mit Haar as Sid un himmelblau Ogen. He dach sit er as grot un slant upwussen, denn düch em kunn se en Mäden wen, wa he vør arbeitn much un er leef hebbn as he nu nix harr. Un sin Ogen lepen æwer de wide Gegend un bleben hangn an den düstern Heider Thorn, wo dat noch hersumm as vun en Getös', un em weer as harr he dar sehn, wat he sit dach.

Do frag he na Wörn rund, un kreeg licht to weten dat dar en ol Wefru wahn ut en rit Familje; de slog sit sauber dær mit er smucke Dochder. Se kunn wol noch mal en Arffschop don, awer de Diern harr sit ni trocken in de düre Tib to deen', un weer bi den Pennmeister inne Heib. Dat weer se wen! He küß de lütt Flaschkopp un dach an Maria. He kreeg ok to weten, dat se en ol Meddersch inne Heib harr, de he recht gut kenn mitsams er Dochder, de sogar mit bi sin Vader keem, un he dach, he wull sit dar en Warf maken un er mal drapen. — Darmit gungn em de Abends hin.

Sünndagsmorgens keem he mit sin Reitschop wedder to Hus. Sin Ol stunn al int smuck Tüg vør Dær mit en Sigarr bet achter innen Mund un de Bæden holl vunt Eugen, de sä em glif, nu weert richti, nu harr he en Kopmann to Hus un Hoffstell de wat orndligs geben wull. Anton war verdreetli, dat dat glif wedder los gung mit Hahnpotensanlæg' un Grabben un, as sin Ol dat mark, sä he: Wat? wat Anton? wat meenst? is't ni wahr? un nu keem dat ganze Register achterna. Doch hör he gedüll to, so lang he't utholn kunn. He war awer ganz dæsi un wranti, as he so na en acht Dag' ruhi Arbeit un Denken op eenmal herum-bistert war. He gung glif na Middag argerli ut un wull na Wendel. Den drop he nich. As he dach wa nu hingan, full em de ol Meddersch in, wo Maria Timm mit in un ut leep, dat keem em as en Licht op en düstern Fotstig, he gung glif vør. De Ol'sche fung awer al oppen Drüffel an, ob he

krop: froch. Wörn: Wöhrden, Kirchdorf westl. von Heide. Arffschop: Erbschaft. trocken: dem entzogen. düre: teure. Meddersch: Muhme. Warf: Gewerbe, Vorwand. Eugen: saugen. Hahnpotensanlæg': Hagebuttenanschläge, d. i. nichtsnußige. achterna: hintenher. dæsi: verwirrt. wranti: ärgerlich. bistern: irren. Drüffel: Thürschwelle.

jo'n Narr weer un mit sin rappeli Vader na de anner Welt
will um Gold to klei'n? un wat ni all! He leep dat he
wegkeem. Do gung de Dochder, en olbbelti Diern de en
beten hint, mit vør Dær. Awer he kunn er nig fragen,
denn en Nawersch keem, un he leep to Feld, argerli op alle
Minschen.

He kunn sik kum æwertinn', dat he na de Börst un
Geertohm stür, as dat Abend war. Doch de he dat.
Geertohm frei sik; he weer de Wef wat swach un pipi wen,
un de Ramraden weern stiller as sunst. Dat pass em noch
am besten. He snach de Ol wat vør, bet he wedder smuster
un sä: Drang' Bost un lusti Hart mæt tosam holn, Anton!
So seten se un vertelln, un Anton sweeg, Wendel weer ni
dar. Anton lur op em, he harr geern mit em alleen wat
rum lopen un sik verlüstert.

As de Maan op keem un dat bald Tid to Hus to gan
war, klapper noch de Husdær, un he dach al, Wendel keem
noch. De Dær war awer ni wedder tomat, un Geert sin
ol Süster steek den Kopp twischen de Dörnschdær rin un sä,
Anton much mal rut kam'. He stunn op. Oppe Del hint
em en Diern entgegen, daran kenn he Weddersch er Dochder,
anners harr he't ni sehn kunnt, denn dat weer düster. Doch
seeg he noch, dat en anner ari wat gröter mit en Doß ævern
Kopp inne Stratendær stan blev, wo dat en beten heller weer.
De Hinken sä blot: Anton, wullt ni mal rut kam? un humpel
væran, de anner dreih sik of um, un so keem' se ünner den
Kastanje dær op den frien Platz. De Maan full hell æwert
Husdach. Dar stunn de Mädens still un as se sik umkehrn,
seeg he ünner den Doß en paar verweente Dgen so schüchtern
un see na em op sehn, dat em blöd umt Hart war, un he
föhl glit, dat kunn keen anner wen as Maria er. De Hinken
sä: Anton, du kennst wol Maria Timm oder heft er ehr sehn,
as se seggt, se kumt eben bi uns an un weent, er Moder is
dotkrank, se will noch na Wörn, awer se is bang alleen un
se kennt Niems, Moder hett seggt du warst dat don un er
hendalbringn. Das je düster Nacht Abend, wenn of Maanschin,
werkeen schall man darto frigen? ik kann je ni, un se will
absluts ni länger töben.

Klei'n: graben. olbbelti: ältlich. Nawersch: Nachbarin. stür:
sternerte. verlüstert: erleichtert. Dörnsch: Bohnstube. De Hinken: die
Hinkende. see: sehen. ehr: früher schon. Ni'm: Niemand.

Do seeg Maria em an: he weer mit er na de annere Welt gan, so beeden de Dgen in Angst un Totrun, un se sä lisen: Ist doch, du warst dat don! Anton sä: Geern Marie, ik hal man min Müß rut, un ili gung he rin, sä Gumnacht un he harr noch wat to frigen, un gung in Maanschin, dat Mäden anne Sit, langs den Fotstig na de Westerweid herut.

In de leßten Hüß' weern al keen Dichten mehr an, un op de lange Reperbahn stunn' de Schragens verlaten as Per, de oppe Koppel slapt. As se bi den Scheernsliper sin Rath verbigungn, trock Maria den Doß dichter ævern Kopp, un bald bögen se den Fotstig in, de liß na Wörn hendalsöhrt, dat is man kum en Stunn.

Se gungn stumm bi enanner her. Anton weer eerst wat hasti wen, em klopp dat Hart vør Freid un Angsten, as em dat dærn Kopp leep, dat he mit dat Mäden alleen bi Nacht dært wide Feld gan schull. He war awer glit ruhi to Sinn, as se man en beten gan weern. He dur æwer de arm Diern an sin Sit, un doch föhl he siß so glüclli bi er, he wuß nix to seggn, un gung stumm bi er an. Sobald se awer op den langn Stig keem', sä Maria mit en hasti Stimm un as feil er de Athen: Wenn se man noch lebt, wenn ik er man noch wedder seeg! Do frag Anton wat er deun feil, un Maria antwor un snuder: Se hett so vel leden, dar is dat Enn vun weg, se is ganz tonicht, se is al swaß, sit Watter dot is, un doch kann se siß ni schon'n. Denn wiß se siß de Dgen, un Anton hör, wa se innerli ween un dat ni marken laten wull, bet er na un na de Stimm keem un se dat verwunn. Do tröst he er, dat war noch gut warnn, un frag er neger, wa se dat gung, un se vertell em, wul truri awer doch gelaten, un er ganze Hart war apen vør em:

Se harrn dat mal gut hatt, un dat weer er nich inne Weeg værsungn, as se inn Roog op en groten Marschhof wahn', dat se noch mal ut muß bi fremme Lüß to deen. Se harr en Mäden hatt, de er wahr, un fregen wat er Hart siß wünsch; er Dellern harrn er an Dgen hungn, un de Lüß vør er dan, wat se er affehn kunn'. Awer lang harr't ni durt; do weer Bagt un Schriwer æwert Gut kam, se harr sehn,

Totrun: Zutrauen. Schragen: Holzböcke der Reiser, Schlächter zc. liß: gleich, gerade. he dur æwer de Diern: das Mädchen dauerte ihn. feil: fehlte. snuder: schluchzte. leden: gelitten. verwunn: überwand. wahr: hütete

wa er Speltüg oppe Bolen verkofft war, so vel se of ween; er Batter weer verkümmert un to Grav gan un se mit er arm Moder in't Elend. Erst harr se't ni so söhlt, denn se weer noch en Kind, un all Lüd muchen er liden. Awer bald weer er Moder anfangn to süken, un de Frönn harrn se verlaten bet op wenige ole, de noch mit en Schepel Beten schiden oder en Stück vun't Slachten, un as de düre Tid kam weer, harr se dat ni æwert Hart bringen kunnt, dat de ol Fru of noch hunger, mit Stücken un Reihn weer ni vel to maken, dat den de Mamsells nu all süln; so harr se en Stell annehm mußst, un se wull of ni klagen, se harr gude Lüd drapen, wenn se nu man noch er Moder beheel!

Se war wedder ganz truri, un Anton harr nog to don er man alles Gude vortosnacken un dat se je ni glif dat Argste vermuden muß. He dach darbi wider an nix, as wa leed em dat de um de arm verlaten Seel, un so sproß he of to er as wenn man tröst, recht vun Harten, de Ton hört si licht rut, un op de Wör kumt't ni an. Wenn se denn awer de natten Dgen dankbar na em op wenn', so fahr em dat dær de Seel, he harr er inn Arm faten mucht un er heemli seggn mit noch en ganz annern Ton: se schull ruhi wen un sit an em holn un Den dar haben, he wull er Allens wen mit den sin Hölp un mehr as Vader un Moder. Awer he schu si dabær, he heel si mit Gewalt dal un sproß si süln wedder hold. Doch seeg he nix op den langn graden Weg as dat bleke Gesicht in Angst un Sorgen, oder de sture Gestalt in Maanschin de vær em op æwer en Klamp swev: wer seeg de dat an, dat Kummer er dat Hart drück? Un as he noch dach, de Weg weer lant, se war noch ruhiger warrn un dat Wort war si finn', he muß er wat seggn: do weern se al an't Stegelsch bi de Wörner Mael, un en Jung leem jüs ræwer, de Maria kenn. De sä op er hasti Frag', dat weer wat beter mit er Moder, harr de Doctor seggt, he schull noch na Apthet in Heid un Drapens haln. Do vergeet se er Angst un Allens, se sä man kum Gunnacht un Dank to Anton, er stoß dat Hart un de Sprak vær Freid un Weenn. Gottlos un velen Dank un Gunnacht dat gung bærenanner, dat weer wul all een Bæd, de na'n Himmel hör: wa kunn Anton wat aners seggn as Gunnacht Maria, gude Bætern to

Bolen: Auktion, öffentlicher Verkauf. süken: kränkeln. nog to ton: genug zu thun. Klamp: Brücke. Bætern: Besserung.

Sus! un darmit fehr he mit de Jung um. Doch kunn he ni laten noch mal um to sehn, wa se hasti æwer en lütt Steg vun den Fotsig afböğ un dær en Garn op de Stigen hin un her, de se wul genau kenn, so rasch as mægli na Wörn togung.

De Jung sä, de Weg weer neger awer bisteri; se verswunn ünner de Böm un de Schatten. — Do fehr he rasch um. Dær un um em leeg de wide Marsch, de ripe Weten blenker gel inn Maanschijn, de Stig gung der merrn dær, de Jung, dær em ut, weer ganz int Korn verstecken; ut de Gröben damp dat, un de Thornkloß inne Heid weer man eben æwert Feld hin to hörn: dat muß öln wen.

Anton wuß ni wa de Tid un de Weg blesen weer, em düch, dat weer en Ogenblick, dat he mit Maria utgung, un he harr noch gar nix sehn vun allus um em rum. Awer he arger sit dat he nix seggt harr to rechten Tiden, so wat sunn sit ni wedder tohopen! Un sin Hart dräng em, he harr umfehrt un er nagan, harr he sit ni schamt un er schont dær de Jung bi em an. So wöhl de Gedanken in em rum. Un doch troch de Glückseligkeit dær em hin as en Grefen, un de Freid bet inne Hann', he reet de ripen Aarn bi Hannvull af un sei se æwer de Gröv, as weer allens sin un he harr Rikdom to verfleiden un weer keen Enn op dat Glück. Un lisen mummel dat Leed em dær den Sinn:

Min Anna is en Ros' so roth,
Min Anna is min Blom,

un de Nam veränner sit wenn he opteem un war Marie, er Gestalt sweb dær em un he dach sit dat weer doch sin egen!

De Jung kreeg eerst gar keen Antwort, as he wat vertelln de, un verwunner sit æwer den groten langn Minschen, de achter em de Aarn utreet, as weer he dull un jümmer bi sit süln snack, bet Anton toles ruhiger war un oppe Grenz vunne Geest noch to weten kreeg, dat de ol Timmsche wul wedder beter war, awer de Doctor harr seggt, se weer to swach un kunn ni alleen bliben, de Dochder muß wedder to Sus. Gude Frönn' harrn sit ol tohopen dan un warn dat sacht mægli maken.

bisteri: zum Verirren. ripe: reife. Weten: Weizen. merrn dær: mitten durch. öln: elf. bi em an: neben ihm her. Grefen: Grauen. sei: säte.

Darmit verleet he em, de nat Mark to gung, un slenker alleen achterum. Geertohm sin Hus leeg düster achter de Büm. Wa seeg em dat all anners ut, de ganze Heid un wat de Ogen reden! vun morgens so verlaten un eenfam un nu so vull un freidi, he harr de Büm inn Arm faten kunn! —

Sobald he den annern Abend vunne Arbeit keem, söch he Wendel op, he muß dat los wen un wull em't vertellen. Awer as he bi em keem un de sin luri Gesicht anseeg, do kunn he gar ni recht mit de Spraak værn Dag. He vertell blot haben hin, dat he Maria Timm noch inne Nacht na Wörn hendal brocht harr, un as he so mit anbroch, so weer en herrli Diern un so, do heel Wendel em dat gude Ohr hin un sä wat spijßinni: Wese Botter un warm Hart kann man licht inne Kruk frigen, lat bi man ni fangn, Anton! — Do snaden se vun wat anners.

Na enige Dag' frog Anton mal bi de ol Meddersche vær, de harr noch keen Naricht vun Wörn, doch meen se, dat war säch beter stan. Sündags weer Anton geern mal hendal gan, awer he harr tofälli to vel to don un kunn ni weg, un na Fierabend ann Warkelag much he nich, do he weni in Wörn bekannt weer un ni so dribens bi Timmsche værgan kunn.

Daræwer verleben enige Weten. Dat wunner em doch, dat Maria nich en Wort vun sik hörn leet, nich mal en Bad heropschid. He dach nich daran, wa sur se't vellicht harr bi er franke Moder, wa licht so wat versümt ward mit den besten Willn. As he mal wedder bi de Meddersch værleep un dar wat vun falln leet, do fung se an to schelln, dat weer en grotharti Volk, se harr ok noch keen Naricht! De kunn' ni vergeten, dat se mal wat wen weern! Se harrn nu en beten Innerstüthen kregen, nu blev Mamsell Dochber hochnäsi bi er værnehm Moder. He schull sik man ni ver-
fiken in en glatt Gesicht, dar weer em nig mit deent, de lur ok op ganz wat anners as op en Zimmermann, de hæp noch op Arschop un Risdag' un wenigstens en Prinzen!

Fat man Een bi den Stolt an; wenn he en Perl is, so tredst du em dærn Busch un blev ok Hut un Haar sitten oder dat beste Stück vun't Hart. Meddersch harr Anton sin

vun morgens: heut morgen. Kruk: Kruk, Topf. dribens: geradeswegs. Bad: Bote, Bottschaft. grotharti: stolz.

swacke Sit drapen; he löv er jüs ni ganz, awer dat kribbel em doch bet int Blot. Dat kunn doch w'en, düch em, un he wull Keen nalopen, de v'er em utbö; denn kunn he den Weg alleen finn'! He ma' sit sülbn hart, wa he't gar ni nödi harr, un quäl sin Gemöth, of wenn dat schreeg in sin Seel. He sna' iwri mit sin Ol vun de Kei' na't Goldland, so dat de rein glückseli war un em een æwert anner frag: Wat? wat meenst Anton? Un Abends inne Bör' weer he de Ludste bi't Lachen un Snack.

Jüs in disse Tid kreeg en egen Art Minschen sin Stig na Geertohm, en öllerhaften lütten Quicksteert vun Perl mit wille Dgen. De Perl harr en Mulledder as en Aflat un steel vull vun Pnep. Alle jungn Bengels hungn glif an em, he harr de ganze Bör' ant V'and, sogar Geertohm. Dat munkel ni vel Guds æwer em, dat wuss he sülbn un ma' dar sin Dünzens æwer. He schull fröher mit en Orgel-fasten lopen hebbn un egentli en Jud w'en. He harr of en beten krumme Näs', awer sin krus Paar weer flassentwitt. Dar ruffel he geern mit de Hand mant, wenn he recht vertell, of harr he en Snurrebart. He weer ut Elmshorn hertrocken un harr sit hier inhürt un en Laden inricht. He schull nette Saken hebbn, of en Halbswester oder Cousine, de Geld harr un banni smuck weer. — He weer glif as to Hus mant dat Junkvolk un nöm alle mit er Bärnams. Wendel muss em al fröher kennt hebbn, de harr em toerst mit na de Bör' brocht; he sä, he harr em ehr op Marken drapen. He heet Grewe.

Anton much den Perl ni recht liden, awer dat weer em nu je bunter je beter, un Grewe trock em glif v'er, sä of, he schull man mal hintam, man bruk je ni glif to lopen, wenn man en Handelsmann in't Nest rüt; un as he em mal Abends oppe Strat drop, ni wit vun sin Hus, kreeg he em mir nig dir nig mit rin. He wis' em sin Laden, wo he't banni anne Snor harr, un as Anton sit verwunner æwer all de nien Saken, ruffel he in sin Paar: he wull den Handel hier eerst oppe Strümp bringn! Darbi wipps un scheester he

löv: glaubte. kribbel: verdroß. Keen: Keine. nalopen: nach-lausen. utbö: ausbog. Quicksteert: Bachstelze, unruhiger Mensch. Mulledder: Mundwert. Aflat: Advokat. Dünzens: Dönschen. ruffel: fuhr hindurch. inhürt: eingemietet. op Marken; auf Märkten. rüt: räche. wipps un scheester: sprang und lief.

jümmer um em rum, un as he em allns wißt harr sä he: So, nu kumm man in un segg min Süster Gunabend! Anton trod sik darbær, he harr der eerst gar ni an dacht, he weer in't Arbeitstüg un much sit ni sehn laten, dat weer all so fein oppe Bærde. Awer Grewe harr de Klink tofaten un de Dær op un em bi't Jach: eenerlei, eenerlei! wi sünd nu eenmal Nawers un mæt uns of inn Alldagsrod kenn' lehrn! un schob em herin.

Do keem en Mäden vun en lütten Disch bi't Fenster op, de jüs er dicken Haarslechten faststeek. Se leet sik ni störn, weer glit in Ordnung un gung, as de Kopmann sä: bit is Anton, Mine! fründli op em to un geb em de Hand. Denn nödigen se em op en Stohl.

Weer he of eerst verlegen, so wussen de Lüd doch glit wat to snaden, so dat de Sprak togang' keem. Se weern man slicht Börgerlud, as se sän, awer as Kopmann musz man en beten vært Og don. In Elmshorn harrn se vær de Juden ni recht to Gang kam kunnt, hier hæpen se schull dat mit er lütt Kaptal, wat se gottlos harrn, wul gan. — Se warn ganz vertrut, hörn allerlei æwer Land un Lüd ut, dat weer nödi, sän se, un so vertellen se of allerlei wedder, besunners æwer Elmshorn. Grewe scholl op dat Judenvolk dar, dat Mäden harr awer doch en beten Heimweh, se sprok wat weefmödi, of mehr fremd inne Utrød as er Broder, dat klung nüdli nog vun den roden Mund, besunners as de Broder mal rut weer na en Kunden un se binah anfang to klagen.

Se harr sik fur dærslan muszt mit feine Arbeit ehr se to er Geld kam' weer un mit er Halsbroder en Handel anfangn kunn, se weer hier so alleen, doch hæp se, dat geb allerwärts gude Lüd. Un as Grewe mit Getüs' un mit en brenn' Lamp wedder in Stuv keem, seeg Anton dat er Ogen truri weern, se weern düster swart. De Kopmann broch noch en nie Art Zigarrn mit un bo Anton an, awer de seeg ant Licht, dat dat sin Tid weer un leet sik ni holn, so vel he of prampeern, un de Schwester sä: he kumt gewis mal wedder, he ward uns nich verkenn'! Anton klung dat ganz fremd un as en Klag'; he geb er de Hand un sä, an em schull't ni liggn, he war bald wedder kam'.

trod sik darbær: suchte sich dem zu entziehen. Utrød: Aussprache, Dialekt. hæp: hoffte. bo: bot. prampeern: lärmten.

En nien Antomm in en lütten Ort is as en Suerbeeg in en Bachelstrog, da kumt allns wat mit int Gährn. De ganze Nawerschop vertell vun Grewe un sin Swester, de Een un Anner leep ut Nieschir hin un koff wat. Grewe weer en Hauptkerl mit Alle to spaßen un to snaden, de Jungs mit en Gesicht bang un mit en Plumm vertrut to maken, man weet, dat geit se as de Sunn', wo man se am meisten brü't, dar lopt se am mehrsten hin. Dat dur keen Weten, so harr de nie Kopmann en Stig na sin Hus, wo keen Grasshaln piln kunn, un Jedermann læv de Waar un de Pris.

Grewe keem na en korte Tid süln na Anton un bē em un sin Ol op en Abend hin, he wull sin Hus inwihn. He harr de Ol sin Seel glif opt Sleptau. Natürli wuß he inne Goldländer Bescheed as op de Heider Straten un mak den Oln de Mund so föt, dat he sit um den Bart slied un Anton toplink, un nadem he weggan weer, sä he: Wat Anton? wat meenst? das en Kerl! en verbövelten Kerl!

Grewe harr noch enige Nawers mehr inladt, de seten temli stif un steil op er Plätz, as Anton un sin Ol ankeemn, enige junge Lüd un Mädens weern dar, Wendel feil of ni. Grewe büg der mank rum, räsonneer un nödig ton Roken un Thee, sin Swester harr dat Opwarn. Se weer blid awer man still, un wenn se Een de Tass' hinreck un de Ogen na em opslog, so harr se wat Abjunnerligs un Fremdz, un de Mund weer jümmer truri, wenigstens keem Anton dat so vær, he dach noch daran, wa se den eersten Abend mit so'n klagen Ton to em spraken harr, den hör he rut, wenn se of noch so blid fragen de. De Dierns kelen na er modsch Kleeß, wat er temli vun de Schullern glee un de værnehm schrege Haarscheed. Awer se drog dat so slicht un recht, un niel de düstre Kopp so ehrbar, as wuß se der nig vun, dat hör der to un se kunn ni anners.

Grewe schester en Tidlang na'n buten, reep of Wendel na Ræf un keem denn mit Getöf' un hemdsmauden mit en Punschtrin oppen Disch, de harrn de Beiden süln bru't, dat weer ganz wat utsöcht, dar keem en Hamburger Extract in,

wat: etwas. Nieschir: Neugier. Plumm: Pflaume. brü't: neckt. piln: aufschießen, von Pflanzen. slied: leckte. toplink: zuwinkte. büg der mank rum: lief zwischen ihnen umher. Opwarn: Aufwarten. blid: freundlich. fragen: zum Essen und Trinken nötigen. glee: glitt. Haarscheed: Scheitel. nieln: den Kopf neigen. hemdsmauden: in Hemdsärmeln, ohne Rock.

se schulln man mal pröben! Un denn warn de Gläs torecht stellt, un he schenkt in un maht en Larm darbi, dat dat Gludbern un Stohlrücken vun de Frunslüd kum hört war, de al vun den Geruch in Dprohr keemn, un de Dln prahln of lud un smöken starker. Do neem Wendel sin Glas un heel dat gude Dhr gegen Disch un leet den nien Kopmann leben un sin smucke Swester. Darop stötten Alle an un drunken, un dat geb en Getös', de Dierns wulln ni un den't doch un maken en Gesicht, as wenn't sur weer, oder hosten ganz erbärmli, weern awer doch banni vergnügt.

En Rundgesang keem ni to Stann'. De Dln stunn' bald op un gungu to Hus. As Grewe do wedder rintwippst keem, ruffel he in sin witten Haar un sä: So Kinnerz, nu stellt man en beten anne Sit! un in en Ogenblick harr he en Biglin halt un sä: nu en lütten Danz, dat is heiter: He spel op; as se stunn', so gung dat los, tofälli muß Anton bi de Swester stan, Wendel keem sunst jüs un wull er opnehm, Anton düch he glup em fort an un dreih sit forß um, do gung de Danz al los, un Anton vergeet Wendel un allens. He harr süßn en beten drunken, un sin Gedanken weern wannert, he harr na de Marsch dacht un den Abend na Wörn, he kunn em ni vergeten un den Arger ni verwinn', ni Arbeit harr hölpn noch Getös', em weer doch jümmer weh, un wenn he sit mal en Tokunst bu't harr, de em anlach, so mark he eerst nacher, dat de Spiegel darin Maria wen weer un dat se dot un düster war, wenn se feil. Doch en gesund Hart ward wul drückt awer ni bücht. He steil sit un he meen, he heel sit an sit süßn. Dat meen de of, de sit bi sin egen Ohrn ut en Däpel troch.

He weer lustiger as se Al. Dat Blot war em hitt, as he so herumsuf' un hendalseeg op de feine Gestalt, de mit em flog, as weert en Fedder. Se war of lebenniger, se seeg sunnerbar darbi ut un pass ni mank de Annern. Se weer jümmer lisen un behenn', un dat Gesicht weer ruhi, awer doch weer se hasti, un de Dgen harrn wat Wildz. Se seeg Anton an, dat em dat dargung.

Grewe weer ganz ut Rand un Band. He fung en wunnerli Melodie an to spelen as de Annern en Ogenblick puß

Gludbern: Richern. feil: fehlte. steil sit: richtete sich auf. Däpel: Sumpf. puß holn: verschmausen.

heeln, darbi danz he inne Stub rin un wint sin Schwester. De stunn eerst un besunn sit, awer op eenmal rich he sit op Töntjen op, sett de Hand inne Sit un sung son absunnerli Danzen an, knipps mitten Finger un swab op un dal, dat Alle still warn un to seegen. Dat weer, as wenn se sit bög na den Takt un rumküsel vun en Triller oder inne Höch wippt war. Darbi vertroß se keen Mien, awer se glänz, man seeg dat Witt inne Dgen. Denn de se en Schrigg, as war se angst, slog inne Eck un smeet sit oppen Stohl, de Hand vart Gesicht. Man seeg wa de Vossen er gung, ob er wat ankam weer oder dat se sit so angrepen harr; de Mäbens stunn' verbligt op un schu'n sit doch er to fragen un to hölpn, so wunnerli harr sit Allns, Anton weer as dun, dat dreih em vörn Dgen, awer Grewe sä glitgülti, dat war sit geben, dat weer man en lütten Anstot, se schulln sit man ni störn laten.

Doch dar weer ni an to denken. Enige harrn al er Döcker umflan, dat keem an't Ginnachtsegg'n op een Einn' as Grewe op den annern torecht stell un to sitten nödig, un de Gesellschaft weer verstabn, ehr Anton to sit süßn keem un of sin Müß in Hand harr. Wendel weer den ganzen Abend egen wgn un gung of. Do keem em oppe düstre Del en Schritt naslegen, Mine greep sin Hand un sä mit en wille Hast: „Nimm ni ungut Anton, du warrst mi ni verkenn'!“ un slog wedder inne Stub torügg. He seeg noch Arm un Schuller as se inne Stubendær bög, un gung verbistert to Strat. —

Dat keem em vör as en Märken, de he wul kenn, nich as en Geschichte, de he in Nawers Hüsen belebt harr, as de tole Nachtlust em anweih; dat weer al deper inn Harst. He kunn awer un much sit of ni besinn', dat Hart klopp em, un dat Geweten stree sit, awer he drück Allns torügg un leet de Gestalt vör sit swaben, much't gan ast gung; denn dat ni Allns richti weer oder vör em ni richti warrn kunn, dat föhl he as en dump Grefen vun binn', wat wul en Feuer bedübt. He le sit to Bett, vergeet Nadenken un Beden, un wilb Tüs in Kopp un Harten sleep he in.

Of de Arbeit wull ni smeden, he bu jümmer Lustlöffer,

Töntjen: Zehen. Küseln: drehen. angrepen: angegriffen. verbligt: erschrocken. sit schun: sich scheuen. dun: trunken. stree: stritt. Grefen: Grauen, Schaubern. Tüs: Zeug, Gedanken.

he wußs süßn recht gut, son ut Glas mit en ewigen Summer
 inner, de sit to de Ex schickt as Sammt un Sid to'n Fä-
 heerd, se müssen toleß tosam falln as Partenhüs' vør en
 Athen, awer se stunn' doch jümmer vør em op mit en
 Glanz, de em de Dgen verblenn as en Nachtlich en arm Ul.
 Egentli wußs he doch of ni warum he en slecht Geweten
 hebbn schull, he bruf sit nix vørtosmiten, dück em, he harr
 nümms wat verspraken un nümms wat braken, man kunn sit
 of wul mal warm', ahn sit de Fingern to brenn', eenmal
 mußs de Minsch rasen, un æwerhaupt wull he nix, am
 wenigsten wat slechts; schull man glit Minschen verdächti
 ansehen, wenn se ni weern as anner Lüd? Trili, as Grewe
 anlachen keem un em frag, wa em't gefulln harr, do keem
 he em vør as en ashartten Süner, de en Anfänger den
 krummen Weg wißt, de Kexl weer em inne Seel toweddern; awer
 as een un de anner vun de Nawers mit de Pip oppen Tim-
 merplatz keem un æwer Mine en verdächti Wort falln leet,
 do sprok he vør de Lüd, as weer he er Afsat un Wermund:
 man mußs doch ni glit æwer sin Nebenmischen herfalln, wenn
 se ni ganz to een passen, man mußs se eerst kenn' lehrn; un
 re sit süßn sin Plichten vør: he wull ni vør se weglopen,
 blot wil se hoge Sacken inner de Steweln drogen.

Se gung bald wedder hin, dat full nix Absunnerligs
 wedder vør. Se dach sit süßn to Ruh, so gut dat gung, he
 så sit ni wat egentli sin Gedanken weern, he kunn blot ni
 wegbliben. Se kunn dat ni entbehrn, Abends to kam un sit
 in en anner Welt rin to snacken un rin to sehn an de fremme
 Gestalt un düstern Dgen. Gut de em dat ni, wa't hinföhren
 schull, wußs he ni, awer laten kunn he't ni. Doch harr he
 Verstand nog of keen Gelegenheit to söken, of weer Wendel
 gewöhnli dar un meistens al ehr as he, de gung of mit em
 weg, awer se sproken ni daræwer. Wennimal schin em, wenn
 he keem, as wenn Mine verweent utseeg, se war awer jüs
 denn bald am muntersten, denn kunn se wul en Leed singn,
 wa er Broder to mit de Hand oppe Biglin spel as op en
 Guitarre ober Zither. Se sung wunnerschön, dat gung Anton
 dør un dør. Doch så he nix døræwer, awer Wendel hör
 nip to un wußs sin Wör to stelln, dat Anton sit arger.

So versüm he ganz de Börf' un Geertohm. As he
 nu noch wedder inn Harst op en Wef buten Ort mußs, full

Ex: Aft. III: Gule, Motte. vørtosmiten: vorzuwerfen. nümms: niemand.

em dat opt Geweten, un he gung bi em vœr; tofälli muß de Ol sin eerste Tour na de Marsch hendal wen un weer ni to Hus. Do gung he of noch na Grewe. Mine weer alleen, se seeg wedder ganz verweent ut, wisch sit awer de Ogen un söch sit ruhi to stelln. Se weer awer ganz absunnerli, Anton war snatsch darbi to Moth. Dat weer, as wenn se em wat seggn wull un dar ni mit rut kunn, se fung mehrmals an, denn stod er de Athen. Toles gung se op Anton to, as wull se em bi beide Hann' faten, do keem jüs er Broder inne Dær, de er wat bös anseeg un denn mit Anton anfang to snatern. De sä awer glit adüs un he seeg, as he ut de Stubendær gung, wa Mine de Hann' mit er Dot vœrt Gesicht tosam slog un op en Stohl sad, em war binah gruli, denn de Kopmann lach un schrachel oppe Del, as wenn he en rechte Freid an wat hatt harr un ganz utlaten weer. Anton gung nadentli fort un wanner den annern Dag mit vel Gedanten to Hann' herut.

Heide is jüs ni wat en Stadt heet, awer doch de Punkt, wo sit half Ditmarschen um dreiht in Handel un Wandel. Man brukt awer ni wit to gan, besunners na de Geest rut, so finnt man oder funn de echte egensinni Bur, de fast holt an Borrn un Seden, as Bid anne Fingern; dat is all tag un drang', awer dat duert ut. Wenn he Sünnaabends na de Heid wen is, so hett he sit mal recht utprahlt un dærschütteln laten vun all de glatten Tungen un grabbeligen Hann' vun de slauen Heider Börger. Denn sett he sit deep in sin Fivkamm-Rock in sin Wagenstohl un seggt so weni as sin dicken Per vœr em, de eben so to Hus lengt as he. Un denn hangt he sin Swep anne Wand, un allns geit wedder langsam un bedächti, sogar de Sprak. Son Art tage Lust weicht Gen an, sobald man den Fot op er Grenz sett, awer gesund is se, besunners wenn man Nerven hett, se deit Gen gut as en Morgentölen, wenn de Fingern of freert.

Anton arbei bi en Holtenkramer. Dar weern fast en Halsduß Sæns un enige Döchter darto, de ölfte al grau, un doch de Vader noch Herr int Hus. Alle arbei'n as Per, wenn't goll, oder legen oppe Stöhl herum, wenn't ni hilt

snatsch: seltsam. snatern: schwagen. schracheln: laut lachen. utlaten: ausgelassen. Borrn: Boden. Seden: Sitten. Bid: Pech. tag: zähe. drang': schwerbeweglich. grabbeln: zugreifen. Fivkamm: eigen gewebtes Zeug. lengt: verlangen. Swep: Peitsche. goll: galt. hilt: eilig.

weer, Keen hart ober weer wat egens, dat kunn einmal ni angan, de Dierns weern ni smud un de Jungs harrn keen Besiz, so bleben se all bi enanner hucken, dar war ni na fragt, ob dat Glück oder Unglück heet. Dat weern sunst verständige Lüüd, awer zart weern se ni. Dat keem Anton an as en isi Luft, as he eerst mant se keem; nig als koldgrünni Vernunft un hartmuli Bereten, wa man ehrli dærfam kunn bet an en seli Enn', denn dat Geschäft weer schlechter warn; em war dat Blot rebellisch vœr son Minschenleben as en Garn ahn en Blom, mit nig as Eten un Drinken in, un dat muß he jümmerlos hörn, un wat he ni hör, dat seeg he. Fröher war he deræwer lacht hebbn as æwer en Snurrip, wa sin Ol en ganz anner to blas', awer nu gung em dat an, sin Welt weer in leh Tid gar to blümerant wen, dat weer as wenn em in eens fort de Text lest war, un he kunn't sit ni bargaen dat de Prædigt em drop. Darto weer em ni recht wol, de Arbeit war em sur, wat he sunst gar ni kenn, he fürch, dat he krank warrn much. Do war dat Leben em grau un düster; een paar Jahrn un em düch, denn weer he nich mehr jung, denn muß he of isern un verdreetsli dær de Welt stigen, bet he den Kopp dal le, as so menni Gen, un doch harr he so vel hæpt! — De Gelegenheit fehl, un sin gude Natur heel em haben, sunst weer he in Gefahr wen mit Gier dat Glück to söken, wo so Bese de Dullbein finnt, de eerst dun maht un denn dörfsti, awer toleh elenni vœr ümmer.

He arbei verdreetsli los, mit en Art Ingrim, worop dat wuß he nich. De Holtentræmer meen, he weer krank, un as he na en Halftig Dag' klar weer, gung he of half quini na de Heid to. He keem sit sülbn jümmerli vœr.

Oppe Schanz drop he een vun sin Ramraden ut de Börf', en jungn Slachter. De seet achter en Glas Eierbeer un trummel mitte Fingern oppen Disch, he lur na en Kaltwerwagen. He war vergnügt as Anton rin keem, de mit al sin Reitschop oppe Naß man kum in Dær kunn un sä: Na, kumst du endli wedder? Du sühst ari afhæwelt ut, du heft wol en sure Wef hatt? Darbi maht he em Platz bi sit an, un Anton sett sit oppe Bank, leet sit of en Glas Eierbeer bringn. Em war wedder minschli to Moth, as he en frisch un

isi: eifig. hartmuli: hartmäulig. Snurrip: Schnurripse, Grille. Dullbein: Tollbeeren. klar: fertig. quini: siech. lur: wartete. Reitschop: Gerätschaft. afhæwelt: abgehobelt.

fröhli junt Blot wedder seeg, un de beiden teemn glif in't Snacken.

Anton harr fast mit Angsten ant Hus dacht. He weer so lang weg wen düch em, wat kunn ni al vœrfalln in so vel Dag'! He frog hasti na alle Bekannten herum; dat stunn noch all bi'n Olen, he harr sik umfunst Sorgen maht un inbillt. As he nu doch sik verwunner, ob denn gar nix Nies passeert weer, så de Slachter: Du hest doch al hört vun uns Muschü, Kopmann Grewe? Anton steeg dat Blot op, na em un Mine harr he gar ni fragt, he harr am leeffsten sehn, wenn se ganz inne Welt feiln un nix em daran erinnert harr. Dat teem em op as en bös Geweten un he så: „Wat is't mit em?“ Och så de Slachter, dat weer en Kujon! Wi hebbt al ehr vun dat Slag hatt, awer so arg doch noch nie. De hett umsmeten un is æwer de Watten! Un sin smuck Hals= oder Kahlküster? weest of noch ni? De is uns Knip=ohr, Fründ Wendel sin ehelige Gemahlin.

Anton schüttel dat dær un dær, awer he heel fik, un as he nu doch dat Enn' hört harr, so frag he ruhi un leet sik vertellen. De Slachter meen Wunner wat vœrn Gaudium he em maht, as he recht haarkleen utbree all wat he wuß un de Nawerschop klan.

Grewe weer en wahren Erzschem un Bedreger. Concurs maken, bunsendeern un affhandeln dat hör to sin Lebenslop as dat dægli Brot vœr anner Lüd. He schon' ni Fründ no Fiend, wenn he wat krigen kunn, nich mal sin egen Swester. De er beten Geld harr he of tum Deel versleibert, un binah er fülln darto verkofft. In Elmshorn harr he en Rumpen, de muß er beswakt un herumkregen hebbn, genug se harr fik mit em verspraken un he harr Grewe darvœr golden Vargen tosegg. As nu Grewe ut Elmshorn darvunlopen muß, much se doch wul nich er Broder verlaten, un harr do mit em vœr er egen Refen den Handel inne Heid anfungn. — Stapelbulz kamt nu de Gläubigers achter an un de Brüdigam darto, Grewe nimmt riet ut, keen Minsch weet wohin, se meent na Amerika, denn he harr alle Vaarschap mitnam un so vel darto lehnt, as he krigen kunn. Do sitt de arm Swester alleen vœr den Riß. Den Minschen harr se ni nehm kunnt,

Slag: Geschlecht, Art. umsmeten: umgeworfen, das Geschäft. æwer de Watten: (über das Meer) verschwunden. Kahlküster: Halb=halbschwester. bunsendeern: bonis cedieren. stapelbulz: ganz plöpflich.
riet ut: Responsum.

de weer er gressi warn. Nu harr Wendel sit darmant mischt, de weer of keen Haar beter as de Annern. De weer schestert vun hier na dar, weer noch inne Nacht na Möldorp wën, harr je wul de arm Diern verschüchtert un besnacht un er Angst maakt vør den Kerl un dat se de Rest vun er Geld darbi tosetten un gänzli an'n Bettelstaf kam kunn, un muß sit in Möldorp en Königsbreef wegslikt hebbn.

Genog, Sünndagsmiddags fahrt der en dichten Wagen bi Grewe weg. As de bi de Reperbahn ankumt, geit Wendel dar ganz glifgälti mit Fri Rasmus, op Tüffeln. Do hollt de Wagen still un Wendel seggt ganz munter: Na Frig, wullt mit? if will mi gau in Möldorp tru'n laten! Darbi lacht he, maakt de Rutsch apen un stiggt rin. Fri Rasmus denkt, he is je wul ni recht richti. Awer de Wagen fahrt in Galop darvun, un se seggt, Wendel hett sin Hochtidstüg in Möldorp liggn hatt un is glifs mit sin Fru na't Süden trocken; hett of sin Geld bi sin Bader kündigt, de ritt he of wul mit rum. Doch dar maakt de Slügel sit nix ut.

Anton war tolesh ganz kold bi dat Bertelln, dat snör em umt Hart, as wenn alle Bosheit ut de Welt sit dar rund herum le. He war sülbv verstenert un harr ganz kold en Minschen dalsteken kunnt, wenn em nu jüs een inn Weg treden weer. He neem sin Reitschop oppe Schuller un gung ahn en Wort weg, so dat de anner sä: Minsch, wat kumt di an? Do lach he ganz hartli un sä: Mi? gar nix! if will blot to Hus.

To Hus stell he sin Ol eernsthast vør, he schull sin Kram verkopen, he wull nu mit em, je ehr je lewer. Awer de Ol scholl of op de Bedregers: de Geen weer al weglopen, de Ewrigen gungn wul bald achterna, Grewe harr em noch tein Daler aflehnt, de Annern weern of ni beter un warn em uttrecken, ehr he hinkeem, he wull dörchut ni. As Anton do sä, denn gung he alleen, denn he war Eernst maken, un genauer mit de Sprak rutkeem, dat sin Bader seeg, he klæn ni blot: do war de Ol gänzli slagen un weekmödi. Wat, wat Anton? sä he, wullt mi verlaten? kannst din oln Bader verlaten? un grote Thran'n lepen em öwer de harren Backen. Dat röhr Anton so bet inne innerste Seel, dat op eenmal all

schestern: herumlaufen. Königsbreef: Dispens, Erlaubnis zur Heirat ohne Aufkündigung. wegslikt: erschlichen Fri, Frig: Friedrich. snör em umt Hart: schnürte ihm das Herz.

dat Is wegsmölt. He ween en Ogenblick, denn rich he sit op in sin vulle Lång, heel de Hand hin un sä: Vader, wi beiden wüllt mit enanner utholn! De Ol föhl all wat in de paar Wör leeg, he full em lud snudern um den Hals un sä: Min Søn, min Søn! Dat dur man en Ogenblick; de harren Hann' wischen sit de Ogen un se gungn anne Arbeit.

Weef as he weer, gung he fröh na de ol Geertohm, he leng na de paar Seeln, de he noch vær sin egen heel un klammer sit an se mit all sin Geföhl. De Ol war rein hittli vær Freid, as he sin grot Schotkind wedder in sin egen Hütschen harr. Awer as Anton en paar Wör to sin Entschuldigung seggn wull, dat he so lang ni kam weer un de Ol em ant Gesicht seeg, dat he bi all sin Kraft un Gesundheit leeden harr un small warn weer, do trock he em op en Stohl bi sit dal un heel de Vost an, as wenn em dat dar weh de, un sä ganz sachen: Anton! dar ritt wat mit entwei in' Leben, awer dat echte höllt vær, it heff dat fülbn erfahrn. It harr di geern de Hand recht, awer dat gift Weg' mit, de sünd so egen un small, dar kann man bot alleen gan un keen Hand faten as de, de vun haben dal langn kann; wat kunn't of hölpen? uns Herrgott sorgt of noch jümmer vær en weken Fallhot, wenn man mal snübbelt. It heff tru't op din gude Natur. Darmit geb he em de magere Hand un keef em truharti ut sin bleken Ogen an. — Denn brok he af un frog Anton, ob he morgen, dat weer en Sünndag, ni mit em na de Marsch fahrn wull, em war dat alleen sur, he kunn em en beten Handreden don. Anton kunn keen ne seggn; dat war em anners sur nog, denn he wuß, dat se of na Wörn keemn, un he harr lewer gar nig wedder sehn vun dat, wat em quält harr. He wuß dat as en Glück to schäzen, dat dat Unglück em ni Hus un Heimat düster maß, sunnern as en swaren Drom darbuntrock in en anner Gegend, dat he't ni to sehn bruk dägli un of ni darvær wegtorenn' in wille Fremdn. Un am meisten harr em't doch bitter drapen, dat Maria em ut Stolt versümt un vergeten harr, dar weer of all dat Annere ut herröhr't. Doch sä he dat to un gung.

Dat weer lat inn Harst, alle Kornfelder weern kahl un de Büsch oppe Walln warn gel, de Sünne keem roth op un de Gegend weer wit un hellhöri.

snudern: schluchzend. Hütschen: Häuschen. weken: weichen. snübbeln: stolpern, fallen.

Anton harr lang' ni sehn, wa schön de Welt is; vœr Lust un Last harr he keen Ruh hat de Dgen klar op to maken. As meer he ut en Drom opwaakt, as niet inne Welt, so teef he umher. De Seel weer em empfindli, innerli weer em weh, awer he leng na't heitre Leben un de frische Natur, as wull he vun nien anfangn, as en Kind Steen un Blöm sammeln un sit frein un vergeten wat güstern wen is. Hâlf kann man't of, awer doch fühlst man, dat der wat twei reiten is, dat mag wul toheeln, awer de Klar blüfft sitten vœr ümmer.

Wa blenker dat Gras noch un de glatten Röh darop, de Per stunn' slapri anne Dorn, selten sohr der en Wagen inne Feern un kum en Fotgänger wander langsam op den Stig: de Arbeit inne Marsch weer dan un de Rau lē sit æwer de Gegend.

In Wessellburen keemn de Lüd ute Klar, doch en temli bicken Strom un bunt nog, de sit glit buten de Dœr vun een troel as de Strahlen, wenn de Sün Water treckt.

Na Wörn keemn se eerst gegen Abend. Geertohm weer wat hilt un hittli, he leep sübn herum na wüde vun sin Kunden un keem mehrmals pipi un ahn Athen wedder torügg; denn teef he ili inne Schenkstuv, wo Anton wat verlaten seet, as söch he em, sâ awer nix. As dat al ari dämmer un Anton frag, ob se ni bald fahrn wulln, schester he noch mehrmals na de Dœrfahrt un Anton seeg, dat he noch en Jung wegstür un em nakeef.

Do gung de tolek lantwili na dat Pœrd to den lütten Genspannerwagen, de Geertohm sit vun de nie Möller lehnt harr, uu seeg noch mal na, ob Allens torecht weer, dat se fahrn kunn', so bald he klar weer, he wull gern to Hus. Dat Pœrd stunn sitwärts, un he kunn jüs ut de Grot dœr langs den Stig sehn. Do seeg he umme Ed en Mäden rasch æwer de Plank op den Stig kam, de na de Infahrt to sohr. Sin ganze Seel keem in Dprohr, denn jüs so bög sit Maria Timm, wenn se inne Dämmern vœr em op ævern Steg gung.

Se weer awer ni mehr to sehn, un he dwung sit to Ruh, as he oppe Husdel en schüchtern Frunsstimm na Geert Wieß fragen hör. So kunn keen Sprak klingn as Maria er, sin

niet: neu. Klar: Marke. Dorn: Thore. troeln: spalten. hilt: eitlg. hittli: sich übereilend, verwirrt. ari: ziemlich. Klar: fertig.

Hart un er Stimm verstunn' sif gar to gut. De Knecht sä, he weer inne Dærfahrt, un dar püffel he of bi'n Wagen, Anton harr dat gar ni markt. Do keem de Deldær apen, wa noch en beten Hells mit rinschin, un en Kopp mit en Doß umflan seeg herin, he kenn er man to gut, dat geef keen Twete, de so fram utseeg un doch so blid.

He trock sif still in't Düster anne Wand achtert Pærd torügg un heel den Athes an. Do frog se noch mal schüchtern: Is Geert Wief' hier? Jawoll, jawoll, sä de hasti un pipi, un keem krumm inne Höch. Och, sä se, gung rasch op em to un geb em de Hand, de Jung broch mi eben Bescheed, dat Geertohm wedder hier weer un mi spreken wull, wat maht Anton? Geertohm sä lekmalz, dat war noch all gut warren, wa heff ik lurt un hæpt! He's je wol unglückli, ik hör, dat Mäden hett em verlaten, he weer doch to gut darto. —

Do fung Geertohm banni an to him' un to hosten un heel sif de Vost an, denn keef he krumm mit sin bleken Ogen herum, gung na dat Pærd to, as wull he sif darmit wat to don maken un nig antworten, kreeg awer Anton mir nig dir nig bi de Hand, he muß em recht gut sehn hebbn, un trock em ant Licht.

Maria de en Schrigg, Anton fung er inne Arms op; awer Geertohm sä: Rinnerz, dar ritt wol mal wat twei im Leben, awer dat rechte hollt vær! Un twee seli Harten slogen an enanner um ni wedder vun sif to wifen, so lang dat Leben vær hollt op disse Ger.

püffel: framte. fram: sanft. blid: freundlich.

Witen Slachters.

Noch en Vertelln ut min Jungsparadies.



Wa sif dat all ännert in de Welt!

Dat fällt Een oft in, wenn man öller ward, dat full mi wedder in eben recht mit Gewalt, as if anfangn wull vun en lütt Mäden to vertellen.

Dat Mäden süßn — wa lang is se wul al hin! oder wenn se nich hin is, so is se nich mehr wat se weer, un Nims war er kenn' na min Beschriben.

Awer dat is't nich wat if meen. As if anfangn wull: En smuckere Diern . . . do stoden mi de oln plattdütschen Wör, un if muß mi seggn: Wat sif allns ännert in de Welt! sogar de Wör in de Spraak, un wenn wi noch datsülwe seggt, so hett't oft en andern Sinn oder wenigstens en annern Smack, un ward ni mehr recht verstan, as domals.

„Schön“ harr if Witen Proß nich nöm' dörfst domals, dat weer en Frechheit west. „Schön“ bruden wi nich vun en Minschenkind, schön weer de Ros' un de Garn, dat Hus un de Stuv, dat Eten un dat Wedder. Nich vun en Engel harr man seggn dörfst: de weer schön, eben so gut harr man lecker seggn kunnt, as de Holländer noch do't, of wenn se vun en Preßigt, en Bosk oder en Musik vertellt.

Un doch is't vör mi nu of nich anners uttospreken, nu se vör mi steit in de Erinnerung as lebndig, as wenn if segg: En schöner Diern heff if min Lebtag' ni sehn as Witen Proß, un dacht heff if dat al as Jung, do if er würlk seeg. Denn all de æwrigen Wör harrn ni paßt; se brukt sif ni smuck to maken, se weer as se weer, un as keen anner.

Wenn if awer so segg, so is't doch ni dat mi dat egentlig recht en Vergnügen mak er to sehn. Dat weer keen Wullgefallen — woran hebbt of wul Jungs Wullgefallen, wenn't

ni sunnerbar is oder siß eten lett! It harr en Art vun Gesöhl, wenn se Sünnaabends mank all de Lüüd æwer't Markt keem — Schrecken will it dat ni nöm'n, awer Hartkloppen harr it, as bedrev se wat Waghalsigs un kunn darbi to en Unglück kam', un doch weer't niz, as dat se mit bloten Kopp un bloten Hals æwer't Markt gung, um vør de Wæt intokopen.

Awer wat vør'n Kopp un wat vør'n Hals! It harr je ehr hört vun malte Backen, un wi maln ok, wenn wi bi Meister Bünslow, uns Tekenlehrer, mit Bliant un Wischgummi en Gesicht, wat he Madonna nöm, na en Bærslag mit sin Hölp to Wihnachten vør uns Oln fertig kregen harrn — maln wi heemli ut unsen Tuschkasten de Backen so schön an, as unse Kasten un unse Kunst dat toleet: awer dat weer all Backsteenroth gegen Witen Proß er Farv, an de it wenigstens jümmer darbi dach, wenn it mi Tusch inrev, un mit min Pinsel versöch in dat Madonnengesicht Fleesch un Blot antobüden.

It tröst mi darmit, wat min Grotvader sä, de all de Bewis' vun min Kunst un min Wetenschop jümmer mit Vergnügen un Adenken opneem: „de Natur weer de Meister, de Kunst weer blot en Lehrjung un broch dat nie so wit, dat he't mit er opnehm' kunn. Keen Musit weer so schön un gung so to Harten, as wenn int Fröhjahr de Durken wedder keemn un Een den ganzen Dag bi de Arbeit opt Feld ævern Kopp fungn. Keen Maler kunn en Farv namaken as de witte Lilg un de rode Provinzros', dat harr de lewe Gott vør siß alleen beholn. Darna getacht weer min Bild to'n Wihnachtsdisch ganz gut un brav, un it sung ok de schön Leder as „Willkommen o seliger Abend“ un „Meine kleine Gartenlaube“ heel nett, dat muß he seggn.

Maler harrn wi je nu frili nich, un Gemälde ok ni, wo man mal an nasehn kunnt harr, ob se so wit gegen den Lehrmeister torügg bleben, as de Ol behaupten de. Unse Lehrmeister, Bünslow, weer Anstriker un drog en Rock, wo he all de Farben, de em bi sin Geschäft an de Fingern keem', in afwiisch, un de hunter utseeg, as na de Beschreibung ut de ol Fabel de Steilitsch, de de lewe Gott toleh ut all de Farvpütt de Terri warn weern vør de annern Bageln, noch den

Bliant: Bleistift. Durken: Lerchen. Lilg: Lillie. getacht, eigentl. geartet. Steilitsch: Stieglitz.

Reft hier un dar anquast harr. Weer æwrigens gut un paßlich as Regenrock, denn dat weern meistens Olsarben un leten keen Matt dær.

Un wat de Kunstmusik anbedrippt, so weer de Sak vær mi na mehr as een Sit tweedüdig. In de Karf mak if se sülsen mit. Wi schregen all wat't Lüg holn kunn — inn Summer vær lange Wil, inn Winter vær Küll — am ludsten: Unfern Eingang segne Gott, denn denn weer't bald to Enn. Awer intwischen seeg if jümmer — denn if weer de Obberste un seet em grad gegenæwer — seeg if den Kantor bi jede Versreeg, wenn wi der merrn in weern, den Mund as to'n Sprung sit in de Pünt stellen, un ehr wi to Enn, twee oder dree Silben vun achtern dær- un natostimm, so dat dat heel bunt dær en anner gung: denn de Gemeen stimm ni mit uns, de Orgel ni mit de Gemeen, un de Kantor sett jedesmal an Enn en Art Nasslagg op, je krußer je beter, wogegen de Organist mit en Trillerie, wat Twischenspiß heet, gegen an arbei, bet wi ungesehr alltosam wedder int Psalmbock uns torecht bokstabeert harrn un fort sungn: Unfern Ausgang, unsre Werke.

Allerdings, dagegen weern de Surken ganz anner Musanten, un wi kunn't sülsen begripen, wenn wi vun de Schol achterut æwer de Börgerweid to de Supp to Hus lepen un se vun't gröne Feld ut singn hörn.

Ob de Ol mit sin „Farv vun Lilgen un Rosen“ doch ni vellicht of an Witen Kroß dacht hett, as he min Wißnachtsbild beseeg, dat weet if ni jüs, kann mi 't awer kum anners denken, denn wa slecht min Teferi of sin much, de Madonna, na de if arbeit harr mit Bliant un Farv, de harr ganz gewis, do se leb, utsehn as Witen Kroß. Vellicht ni so — if harr bald seggt: vergnügt, un doch meen if noch wat anners, —

Awer min Berschrift weer gewalti ernsthaft. Un wat mi am meisten opfull, wenn Witen Kroß Sünnabends æwer't Markt gung — ja, dat weer't — fast mehr noch as er blanke Kopp un er witten Hals: all Lüd bi uns sünd ernsthaft oder mal spaßi: awer se gung der manf dær, as harr se dat Glüd un broch dat. Un as man seggt vun de Sünn: se lacht

Matt: Nässe. Lüg: Zeug. Küll: Kälte. der merrn: da mitten. in de Pünt: in Form. heel: ganz. Teferi: Zeichneri. manf: zwischen.

Geen to, so weer't mit er, un jede ol Bur leet sit vun er beschinen.

Se seeg mal bi uns ant Finster dær de Schiben — se weer Nawers Kind un kunn wol so don — harr en lütten Dof æwer't Haar, as min Bild, heel de Hann an de Siden, um dat Licht af to holn, as man so deit, de blauen Dgen wit opreten, um in de lütt dämmrige Stuv to sehn, un of den Mund apen. Do seggt de Ol, as se Mund un Lippen gegen de Ruten drück — if seh't vær Dgen — seggt he: Schon' din witten Lähn, Witen, se fallt einmal ut!

Do rich se den Kopp torling un så mit en Gesicht jüs as op min Bærshrift: Mag sin, Obbe, awer if hæp værher to starben!

Mi weer't en Kapitel æwer Leben un Dod, wat if nie vergeten leff. De Ol binn mit en spaßi Gesicht, wat ni recht lüden wull, un — dar gung se hin, de Madonna mit de Farben as Lilgen un Rosen, de uns Herrgott alleen sit harr vær beholn.

Schreeg æwer den groten Plaz, wo wi an dat een Enn wahn, gung Witen Kros to Hus. En groten Hund keem er in Sprüngen in de Möt, as harr he of sin Freud an er, velliht op en anner Art as Obbe, de er naseeg. — Er Vader weer Slachter, se söhr em de Husholn, denn er Moder weer junk storben. Wenn man awer, as gewöhnli, Witen Slachters så, so dach man binah nich an Peter Kros, er Ol, denn harr man noch twee Anner mit inn Sinn, as wenn se de ol tohör; un man så wol mittünner: Slachters Witen harr keen Moder, awer dree Gevattern.

De een heet Rod'. He weer en ganzen Slachter! Lud mutt de sin, spaßig. So weer he. He weer al morgens mit den Dag to gang'. As man annerwärts oppen Lann vun de Hühner weckt ward, wenn de Hahns anfangt to freihn, so hörn wi al oft int Bett dat unbännige Lachen vun Ledohm Rod de Slachter æwer den groten Plaz schalln, un wenn man rut keem, so seeg man em Summer un Winter hemdsmaun un mit bloten Kopp rumwirthschaften, wenn't mæglich snacken un lachen. De Fotsig gung em dicht verbi. He reep Lüd an, vertell un leet sit vertellen; mit Mädens, de

Nawer: Nachbar. Ruten: Fenstercheiben. Obbe: Großvater. hæp: hoffe. binn: drinnen. lüden: glücken. in de Möt: entgegen. to gang: im Gange, bei der Arbeit. hemdsmaun: in Hemdsärmeln.

um Edeleem' — he wahn jüs an de Edele — fung he en Rakeln un Snatern an, Gelächter un Gejächter, as wenn Nanten op en Ganner drapt, un wenn he gar nix harr, foder he in Winter Kreihn mit Affall ut de Slachterei, scholl un re mit se, verfeker, dat he se eenzeln kenn, dat geb spaßige un argerlige Gefelln dermant, un man muß ordentli vör de schüchtern sorgen, dat se wat aftregen.

Muns ut luter Gesundheit un Leben³freid! Rinner harr he nich. Sin Fru weer en wunnerli lütt ol Trutjen, de he, ebenso as all wi annern, Gredenmedder nöm', as weer se en Art vun Verwandte. He brü un narr er as jede Anner, snae keen vernünfti Wort mit er, ol keen argeß, leet er püttjern un hüttjern, as se wull, saeben Mal Thee drinken ann Dag un Tweebad oder Zuckerkringeln gnabbeln, as se much.

Dat weer de een vun Witen Kropf er Plegvatters. De anner heet Ol. „Großer Gott, seggt Hans Ol!“ Wa oft hett Tebohm Rod dat wul seggt in sin lang Leben! Wenn he sik recht utlacht harr, keem dat achterher, as troch he en depen Athen. Dat hett wul selten fehlt, wenn he vun en gude Mahltid opstunn, un wenn he man dör't Finsten in't arge Wedder keet, so hör man sin: Großer Gott, seggt Hans Ol!

Gar, wenn de nu süßn langs den Jümfernstig dweert öwer den groten Platz langs keem in sin toknöpten Rod un likut, as söch he jümmer de richtige Balancierung, so reep he, un sin ganze rode Gesicht lach vör Vergnügen: „Großer Gott, sieh dar, Hans Ole! As en Graf! Wa he sik holt! Merrn inn Weeg! Würdig! Gravitätsch!“ Un man schull ni seggt hebbn, ob he em bewunner oder lächerli funn. Denn se weern ole Frunn, jümmer tosam, un he vertell vun em: „Ganz en Slachter, as he sin mutt! Zugenöpst, ernsthaft! It segg, wenn de Sünnaabends bi de Herschaften ant Markt nafragt, wat se beleebt vör den Sünndag, so spricht he „Braden“ ganz anners ut, as wi dat künnt, un Retsche un Madam frigt Respect. Dat segg ik. Wer kunn dar sunst wat utrichten? Großer Gott!“

To disse Beide hör Kropf as de Drütte, nich recht as

Rakeln un snatern: gackeln un schnattern. Ganner: Gänserich. drapt: treffen. Kreihn: Krähen. re: rebete. dermant: dazwischen. Trutjen: Trudchen, von Gertrud. brü, brüden: necken. püttjern un hüttjern: kleine unnütze Dinge thun. Tweebad: Zwiebad. likut: gerabeaus. Markt: Markt. Retsche: Röhlin.

ers Viten, denn se weern wullhebbn Lüd, awer doch, un wenn't Mod' weft weer, harr man seggn kunnt vun en Cumpanie.

Wa sik allens ännert in de Welt! So'n Cumpani — en Jung war der nu awer lachen, de eben ut de Schol kam is. Um tosam rüggwarts to marscheern? vun Riskom un de Weersloth bet in de Noth un de Armoth? Denn so weer't. De Een mit Lachen, de Anner: Großer Gott! mit Süßzen, un de Drütt gung mit. All mit waken Ogen. Denn de Welt weer do ganz anners, dat Minschenhart harr en annern Slagg, dat is vör uns nich to begripen, man kann't blot vertellen.

En ordentlichen Slachter koff domals de Offen in Lön, in Husum, in Bredsted oppe Grasen in ganze Stapeln. Darto reisen de Dree tosam ut gegen den Harst hin, op ern egen Wagen, natürlich, Kroß de fohr, he kenn Leid un Pitsch to föhrrn. In de Weerthshüs' un op de Hæv harr Jedohm Mod dat Reden, he broch allens in Dprohr un Gelächter. Kroß tageer. He irr sik bi keen fetten Off um en Liespund, Ole — großer Gott — slot de Handel, un snee mit en lütt Scheer, de he bi sik drog, jede Off op de een Sid vun de Schoof en R in de Haar, op de anner en O.

So brocht't vun olen Tiden her de Handel mit sik un de Würdi vun't Geschäft.

Um Martini war en Deel vun't fette Beh na't grote Jzehoer Offenmarkt drehen. Dar reisen unse Dree mit Geldfatten umm Liev hin un handeln, verkofften un kofften. Wer harr dar fehl'n kunnt, de en Mann weer?

Jedohm lach, wenn se Geld darbi verlorn, Ole sä sin Spruch, as gewöhnli. Alle Dree häpen op't neegste Jahr.

Awer dat weer de Tid, wo de junge Welt de Ogen apen freeg un klof war, un wi weern in en frie Land in Ditzmarschen, wo de Böm wassen kunn, as se Wurtel fat fregen. Jedereen much sik nährrn, as he kunn. — Dat is je all recht gut, un wi wussen bald to vertellen vun mennig arm Döwel, de sik ut den Stratendred rop arbeit harr to en wullhebbn Mann. Awer dat sik menig wullhebbn Mann vun't Berhus

ers Viten: ihresgleichen. waken: wachenden. Lön: Stadt
Lönning. oppe Grasen: auf der Weide. Stapel: Hausen. Leid:
Rügel. Hæv: Höfe. Liespund = 15 Pfund. Schoof: Hüfte. Würdi:
Würde. häpen: hoffen.

in't Achterhuß verkrop, op sin oln Dag' kümmer un ahn Sang un Klang verschwunn, dat harrn wi of weten kunnt, wenn dat nich vel mehr lisen vør sit gan harr. Wo bleben de groten oln Kramers un Hækerladens, wo Sünnaabends en ganze Keeg Bunn un Burfruns vør de Toonbank stunn un de lerrige Rörf vull kossen an Kaffe un Zucker, Blumm un Rosin, Ries, Taback un anner Waar? All beste Waar op en Wort, ahn Dingn un Mäkeln! Luter Totrun un fründschaflichen Verkehr! Luter Hansohms, Paulohms, Witen- un Elschenmedder, de inn Winter in Achterstuv en Taß hitten Thee kregen, sit optowarm'!

Nu warn se all na un na Tuten- un Krutenkramers. Kopmann — Iop man! heet dat halb. Denn wer mit en Drach Waar oppe Rack — billig, billig — den Bur int Hus keem, oder in en lütt Hud op sin Bærdeß oder op en Klappbisch Sünnaabends opt Markt sin Kram antoprißen verstunn, de kreeg de Rundschaft, snapp een na de anner weg, leet sit utschelln vør schlechte Waar, de he vør't neegfte Mal beter versproß, un ut de Huders op de Fürkiep warn Hækers, ut de Hækers Kopslüd. Un dat weer dat nie Schlag.

Uns of schreeg æwer an de anner Sid vun den Platz as Witen Kroß, wuß en Familje op, drie Jungs — rechte Banditen, as Ledohm in sin spaßigen Ton sa, wenn he se beschreb, „as de Kreihn! Wo 't wat to freffen geb, reten se sit dat de Een de Anner vun den Mund weg, schimpfen er Oln un kregen Prügels, dat dat antohörn weer, as Mord un Dodsflag, en dullhaarige Raaf! rechte Rasmussen!“ So weer er Nam. Un he lach, denn im Grunn harr he Mitliden mit de arm Bengels, de wenig umn Liv harrn un noch weniger darin. Se geb se menni Dag er Fröhstüd mit as en grot Fleeschbotterbrot, wenn se krumm un verfrarn an de Eck verbi na de Armschol humpeln. Inn Summer weern se ævermöbi, leegen achtern Wall un smöken, keemn awer wedder to betteln ni lang na de Lid, wenn se Ledohm sin Appeln un Bærn berobt un sin Kastanjes vun den groten Bom vør Dær affmeten harrn. Un denn gung bi em de Arger wedder in Mitliden æwer.

As de Düste, Jakob Rasmus, confermeert weer, neem

Toonbank: Ladentisch. Totrun: Zutrauen. in en lütt Hud: in einem kleinen Winkel, einer Ecke. Fürkiep: Wärmflasche. Hækers: Kleinhändler.

em Ledohm as Slachterjung in de Lehr. „Wat schull de arm Döwvel sunst anfangn! Un war nett utsehn, sin Jakob, in ordentli Lüg. Maß sik! Freet sik wat op de Rippen! War en ganz anner Minsch!“ Blot he stamer, un dat de'n sin beiden jüngern Bröders of. Awer dat maß Ledohm en besunnern Spaß, denn se stamern all drie en verscheden Melodie, as he sä: de Een de stütter, de Anner de stäker, de drütte de sung'. Wat en Spaß! He harr se darvør alleen all dre dærfoberet, blot um recht er Melodien to hörn un bi Gelegenheit en Stück darvun to vertellen un na to maken.

As Peter confermeert weer, muß em — Großer Gott! — Hans Ole nehm, un en Jahr darna keem Paul bi Kroß int Geschäft.

„Dree Candidaten to't Slachteramt“, nöm se Ledohm Rod, un dach ni, wa ernsthaft dat Wort en Bedübung hebbn kunn.

Des Sünnaabends, wat en ordentlich Slachter weer, stunn to Markt. Dat weer en Hauptdag un en Festdag. Ledohm weer al fröher to gang' as gewöhnli. De drie stamern Maßmüssen laden in er verscheden Melodie Stütten, Staken un Linn to en Telt, wat wi Rod nöm, Haublock, Disch un Er, Fleesch un Speck op Jan Staben sin Marktwagen un slogen de Rod op den een Enn vun de Slachterreeg op, nich lang darna op den annern Enn Hans Ole sin. Dat weer en Festdag. To Hans Ole keem de Marschfruns un all wat vörnehm weer, he harr sin Stand dich bi de Goldsmid. Ledohm war besöcht vun Ræsch un junge Husfruns. Alle Be.de harrn de witten Platen vör; wenn se to Markt gungn, weer de Platen opsteken in en regelrecht Dreed, an de Sit links en Scheed ut Saallebder to't Slachtermess un, an en langen Reem, en Wettstahl. Uns sneewitt un spegelblank — so hör sik't!

Wat en lusti Gefasel! Oder keem't mi man so vör? It heff keen anner Erinnerung, as dat de Sünnaabend dat betere Del vun den Sünndag weer. Schol harrn wi nich. Wer harr in Schol sitten kummt ann Sünnaabend? wo Dunkel un

stamer: stotterte. to gang: im Gange, bei der Arbeit. Stütten, Staken un Linn: Stützen, Stangen und Ketten. Rod: Rude. Reeg: Reihe. Platen: Schürze. Scheed: Scheide. Saallebder: Sohlleder. Wettstahl: Wetzstahl. Gefasel: Gerede (eig. von Hühnern).

Tante keem vœr Jedereen, vunn Lann, mit Appeln un Bern, un weer't nix anners, so weern't fründlige Gesichter. Dar keemn se an, de Osterstrat, de Westerstrat, de Süderstrat, de Norderstrat, un wo se na de Himmelsgegend heeten, mit ẽr dicken brun Per un ẽr dicken Kaputttrœd, un wi harrn jümmer wat de Burjungs in Verwunnerung to setten, denn wi weern se æwer in Fixigkeit, wenn of nich in Knæv.

It heff je of später inn Leben Weltutstellungen sehn — is all nix dargegen! Man süht ni mehr as domals.

Dat weer of de Tid, wo it Witen Kroß, Slachters Witen beegen. It harr as de Obberste in Schol Sünnaabends bi den Pastor to don, it muß op den Klockenslagg de Gesangnummern haln un in de Kart anschribn. Denn drop it ẽr, ehr de Klock slog, mank de Boden, wo it dærgung. Mit en lütten Handkorf ageer se dar herum, koff Botter in, Eier un wat sunst, un broch den Sünnschin mit, wo se keem.

Klock een war beiert, denn weer it meistens mit min Nummern in de Kart fertig, un steeg mit den wunnerligen Kister sin wunnerligen Knecht na den Thorn herop. So oft it't sehn un hört harr: dat lock mi jümmer op't Nie. Dar klattern wi, an de Orgel vœræwer na den Kartenbæn, un bree lange düstre Leddern umhöch, wo wi na de Klocken keem', Dinger, de Een harrn de Luft afdrücken kunnt, wenn man darünner keem', un man kunn kum vœrbi, bet na de „Klockenstuv“, wo de Uhr ẽrn Tiktak slog, wat man bet nerrn in de Kart hör. Un mit en fürchterli Gerassel dü se an, dat se Klock Een slagen wull. Uwer it seeg vun haben ut den Thorn æwert Markt un æwer den Ort mit datsülwige Vergnögen, en Vergnögen wat man blot in en flacke Gegend kennt, wo man sit hoch vœrkumt, wenn man op den Dorpah! klattert is.

Dar gungn se hinut, de Straten na alle veer Weltgegenden! Un de Burn fahrn, vun hier ut sehn, langsam ut den schön Ort dervun. Dar gungn de acht Windmæln, all mit dat Gesicht na een Gegend. Dar, opt Markt dicht ünner seeg man op de Lüß as op de Holtpoppen in en Spßelbød, so

Kaputttrœd: Düsseltrœd. Knæv: Kräfte. mank de Boden: zwischen den Boden. ageer: bewegte sie sich. beiern: läuten (der Klöppel ist an einem wagrechten Tau angebunden, an diesem hängt ein Tau und wenn man an diesem zieht, schlägt der Klöppel an die Glocke). Bæn: Boden. bet nerrn: bis unten. dü: deutete.

lütt, de herumgrimmeln ahn en Stimm un Lut. Nisch mal de Bekannten weern all to kenn, denn man seeg se op den Kopp, de Fruns op er Strohhöt, breet un grot as Sünnschirms, de Dams op er Perköpp, as man de wunnerlige Dracht nöm. Witen Kroß in blote Haar weer to kenn, awer of ni to hörn, hin un wedder snacken Lüd rund um er, man seeg se sit rutwickeln un in de Osterstrat verswinn.

All de Schösteens fungn an to röfern, denn dat weer de Tid, wo dat Mark to Enn un Börgers to't Eten to Hus gungn. Dat Weiern heel op, un wenn man hendal keem, weer't, as wenn en Fest to Enn gan weer un Allemann to Hus. —

Dat dur lang bet if dat wis war, dat Johrmann Staben man mit een Perd vun Tedohm Rod ann Sünnaabend wegfahr. Wa schull man as Jung so wat of sehn? He fahr mit een Perd, dat weer't all. Wat wuß if darvun, dat dat bedüden de: dat geb ni vel mehr to fahrn, un dat lohn ni mehr vör twee Per? denn Tedohm weer so lusti un lud un so fröh to gang' as jümmer, sin Platen eben so sneewitt, sin Gesicht so blankroth un sin Stimm so hell — wat schull if vel denken?

Als de drie stamern Rasmussen lehrte harrn en Stück Beh regelrecht aftoslachten, uttoslachten un intoslachten, do wuß een na de anner en Grund un Orsak, dat he mit sin Herrn ni utkeem un darvun gung.

Se fungn sübn en Slachterri an — Bracheri, as Tedohm sä. Rumpuni — Lumperi, as sin Wort weer. Awer — se fungn't an. Harrn se opt Mark keen Bod', se harrn en Haubloß un Fleesch. Stunn se nich in de grote Slachterreeg — se stunn irgendwo. Dat hölp nix, dat Hans Ole sin „Braden“ so besunners utspok bi all de Herschaften, de Rasmussen Jungns harrn de Kunden kenn lehrte, un wenn se noch so sehr stækern, stottern oder fungn: wenn se den Braden en Schilling billiger lewern, so lach man æwer er Spraak un neem er Fleesch, un allmählig, trotz Hans Ole sin Bærnehmigkeit un trotz Tedohm sin Lustigkeit — de Rasmussen Jungns harrn dat Prä un regeern de Slachterri.

Fixe Kerls, besunners de Jüngste, Paul. Als en wahren Held gung he ünner en vulle Fleeschmull, de en gewöhn-

Dorpahl: Thorpsahl. röfern: räuchern. wis war: bemerkte. Bracheri: eig. Bettelei, Bettelgeschäft. Mull: Mulde.

ligen Minschen dalbrücht harr. Darbi nich progi un trogi, as se en beten opkeem', se heeln sit ganz in er Schranken, weern höflich un demödig gegen er olen Herrn un Meisters. Dat sä of Tebohm. Se buiden noch jümmer Sünnaabend's de beiden Boden vör Tebohm un Hansohm op, fröh morgens ehr se er egen Gerüst opstellen, un gegen Witen, vertell he, as vertell he ut en Märken, weern se as weer't en Prinzessin, un besunners Paul sung er wat in sin schönste Melodie. De Bengel weer richti verlevt, vertell he mit Lachen, as vertell he vun en Goosjung un en Grafenochder — wat je of spaßi to lesen weer. Arger, Verdruß, Sorg — sowat sat nich op Tebohm Rode. Bundag' gung't noch jümmer, morgen war wedder bundag'. Großer Gott! he meer int Geschäft un den ganzen Dag to gang'. Wat weer, dat weer as't weer, wat keem dat keem. Koff he keen Ossen, so koff he en Kalb un schlach dat af un verhandel 't mit desülwige Würbi un den-sülwigen Spaß.

He weer Jedermanns Fründ un Fründ gegen Jedermann. Wo vele hundert Mal ann Dag neem he sin: Gun Morgen, Tebohm, entgegen, as war em wat schenkt, un dat neem nich af mit dat Geschäft. Ganz besunners weern de Rinner, as hörn se em to. He harr jümmer en beten vör se in de Rodtisch, „Sprüßbadelsch“ nöm he dat. As dat keen feine Saken mehr weern vun'n Zuckerbäcker, do geb he noch jümmer, mit dat-sülwige glückliche Gesicht sin Klienæt as Sprüßbadelsch un de Rinner neem' dat mit desülwige Freud. Wat harr sit ännert?

Do storv sin Fru. Dat is dat eenzigste Mal, dat it em recht ernsthaft sehn heff, binah so, dat it em nich kenn. Dat weer mul nich blot de Fru, de dat goll. Se weer plögli, as wi seggt, „stapelbulls“ dot bleben, so rasch, dat Paster un Kaspelwagt to lat kam' weern, um en Testament optosetten. Nu weer he en arm Mann.

Dat harr he of dregen kunnt. Awer ut' Hus to gan, wenn't verstofft war, vun de Eß weg, ünner den Kastianje ut, vun de Ravers fort: denn kunn man em of na Sibirien jagen, dat weer vör em ni schlimmer.

So wit keem't of nich. He beheel en Stück darvun. Int

Goosjung: Gänsehüter. bundag: heute. hörn to: gehörten. Sprüßbadelsch s. S. 39, 10. Klienæt: Gebäck aus Mele und Syrup. goll: gal.

„Slachterhus“ stell he sin Bett op, lat he sin Kaffe, bra he sin Stück Fleesch un weer wedder den ganzen Dag to gang' as jümmer, doch weer sin Stimm nich mehr so lud, un he heel sik nich mehr so grad. Awer en Nag heff ik nich vun em hört, nich ewer schlechte Tiden, kum ewer schlechte Minschen, mitünner — Großer Gott — ewert schlechte Wedder.

Mit em sacken sin Kumpanjons tosam un hindal. Doch war man weniger um se wis. Kroß harr ok ni vel to verleern. Sin Beste harr he längst verlarn, dat weer sin Fru, un dat Beste weer em wedder towüssen, dat weer sin Dochder. Ja, de drie oln eenfam Lüd heeln sit all drie an er, as weer't en Anker vör en Schipp, wat Mast un Segeln all lang' verlarn harr, awer wo se drie tosam op utharrn mußten. Awer wenn de Anker nu mal los leet, oder anderwärts Grund fat?

Dat kumt mi vör, wenn ik vun de Tid vertell un mi an de Minschen vun damals erinner, as werrn dat luter Lüd, de blot lepton un gar ni dachten; ik meen, wat man so denken nennt. Man leet dat all kam un gan, as't keem un gung, wenn man ni jüs wat op't Geweten harr. Dat weer ja wat anners. Awer Schicksaln, de nu Minschen verrückt maken warn, de drog man as sin dägli Blicht un Arbeit. Wat weer dat? Religion? Gottvertru'n? Glickgültigkeit? Oder weer't Lehen ok ni so vel werth as nu, dat man der vel um jammert, wenn't ni recht is as't sin kunn? — Ik weet ni.

Ob Witen Kroß in er Gemöth noch to disse ole Welt hör, oder to de nie, de klok war? Wa er darbi to Muth weer, as de Oln um er herum old un arm warn? Harr se ok den Glanz ni mehr sehn oder as lütt Gär gar ni beacht, den Verfall muß se sacht wis warnn, wenn er ok nix fehl un mangel, denn noch seten se int sülwige lütt Baderhus, dat nie gröter west weer, nich en Stück weer dar fort, womit er Moder mal Stub un Kamer utsmückt harr. Awer se muß't doch wol marken, weun't ok ni fehl wat Tiedohm un Hansohm er mitbrochen vun't Ijehoer Markt oder utsöchen to Wihnacht, Permarkt un Pingsten, dat dat darmit gung as mit dat Sprüßbackelsch, dat sit na un na in Alienæt verwandel. Awer wer schall't seggn, wat se dach oder söhl? Ik am wenigsten, denn Schönheit is vör en Jung, as de Sünne vör de Dgen: dar kann man keen Placken an sehn

bra: briet. sacken: sanken. Gär: kleines Kind. Placken: Flecken.

un lövt nich an Kummer, Sorg, Krankheit, Twifel oder Unglück.

Um de Tid vun't Winterpermark war vun Olen her in den Ort en Fests vör junge Lüüd un Börger's fiert. Dat war Hahnbeer nömt. Man trock Fastlabend Sünndags mit en Fahn umt Mark un vör de Hauptstraten un trummel sin Lüüd tosam. Dat Fests stamm wul ut de Tid, do man noch Lichtmeh fier, wo de Dag so vel länger ward, dat man na de ol Rimspruch dat Licht entbehrn kunn:

Lichtmeh is't heten:
Schaft dat Fier utgeten,
De Dör tosnappen
Un in't Bett stappen.

Un de Fahn bedü de Bagel, de dat Fröhjahr ruf un mit sin Ropen andü.

De Ort deel sit in twee Partien un de jungn Lüüd boßeln Süden hinut en Stunn Wegs bet in de Gegend vun Dusenddüwelswarf, wo de Ditmarscher mal um er Friheit kämpft un siegt harrn. Dat Isboßeln weer en Kampfspill, dat goll um en Preis vör de düchtigsten Smiter.

Jede Parti stell ern Kretler, den Rechtspreker bi de Gegners an, de dar op holn muß, dat allens na Regel un Recht togung. De Boßeln, as en Wallnæt grot oder gröter, ut Holt, mit Bli dærgaten, harrn er asfalt Gewicht. De Südereggens Lüüd fungn mit Nummer een genau bi den Milensteen to Enn vun de Gastwurth an. Wo de Boßel hinslog, stell sit de Kretler op un le sin Stod dat vör Nummer twee. De Destereggens Lüüd folgen vun de sülwige Milensteen. Jedesmal wo de Boßel ligg bleb, weer vör den neegsten Mann ut sin Eggn dat nie Mal. So smeet man, bet man tolekt int Weerthshus vun Hogenheid mit den Boßel dært Finster smeet. De Kretler passen op, dat de Smiter ni stört war, of dat he keen falsche Mittel bruk, t. B. de Kugel nich vun en Gavel utsmet, de he heemli in de Hand harr. Man hör dat glif an den Klang, de Kugel harr en glattern Wurf.

lövt: glaubt. vun Olen her: von alten Zeiten her. Fastlabend: Fastnacht. ruf: rief, ahnte. Ropen: Rufen. Dusenddüwelswarf: Wurthen südw. von Hemmingstedt, wo 1500 die Ditmarscher König Johann von Dänemark gänzlich besiegten. Boßel: Kugel zum Werfen, Regelskugel. Eggen: Ede; Abteilung der Kommune. Gavel: Gabel.

De Parti, de dar wunn, bestimm den Hahnenkönig, meistens den grötsten un smucksten Mann oder den besten Smiter.

De jungn Lüüd harrn sik al lang vörher inövt. Natürli öben wi Jungs uns mit, un en Tidlang weer't um Fastabend een Smiteri un Kugelgeteri, wobi menni Kopp un Finster in Gefahr keem, menni Büx un Finger bi verbrennt war.

Bi dat egentlige Spill weern wi natürli all mit to gang', smeten bi de Sit na, um uns to meten, wo wit wi al recken, wenn wi mal der mank keem'. Dat Wedder kunn ni dull nog sin, so trocken wi de Facken ut, un in Snee un Is kunn man en Annel Jungs un Junckerls sehn, de hemdsmaun un in blote Haar hier stunn un lurn, un dar na en Wurf hinstörten un er Hurah oder er Gelächter öwer de Helden oder de Kräpels hörn leten. Denn dat keem of mit vör, dat Een mit fürchterlige Anstalt in Gesicht, Arm un Been op sin Wurf los gung, as wull he de Melbörper Kart drapen, de man eben sehn kunn — un dar glee he op den glatten Borrn ut un full dar hin, oder em glitsch de Bosel ut de verklamte Hand un he smeet se achterut mank sin Rumpans statt vörut gegen't Mal.

Dat passeer Tedohm ni selten. Denn he hör, versteit sik, mit mank de Hahnbeerslüüd, wo harr he sehn kunnt? Alleen al wegen de Leyeranz an Braden un Fleesch vör't Abendeten, wat man em ni neem un günn de.

De Rasmussen Jungs weern fürchterlige Smitters, de harrn sik in er Scholtid ann Ostenpohl darop inövt, as war dat mal er Geschäft. As war he ut en Flint schaten, slog de Bosel ut de Hand. Een vun se war jümmer achter Tedohm inrulleert, um sin Wurf wedder gut to maken.

Mit vel Getös' un Gelächter trock man endli, wenn't utmakt weer, in Hüpen wedder na den Ort torügg, mak sik smuck, un nu gung egentli dat Fest an. Man trock mit sin Dams noch mal umt Markt, de König ünner de Fahn, Musik vöran.

Natürli war bi de Gelegenheit vel drunken, eten, snackt un redt. De Erinnerung war opfrisch't vör all, de 't wüssen

wunn: gewonnen. meten; messen. Kräpels: Krüppel. glee: glitt. glitsch: glitt. verklamt: erstarrte. Leyeranz: Liederung. inrulleert: in die Rolle, Liste der Werfer eingetragen.

an de ole ditmarscher Friheit un er Helben, an de Slacht bi Hemmingsted gegen den Dänenkönig Hans, gegen Junker Slenz un de swarte Garr, an Wulf Isebrand vør allen un Telsche Kumpen ut Wörn, un de 't nich wüssen lehrn dat — wi Rinner all — vun Olern un Lehrer (denn of de Schol neem de Tid wahr) un dänsche Oppassers, wenn se't al geben harr, muchen gefährliche Geschichten na Kopenhagen to vertelln hatt hebbn.

It kunn ni laten an Wulf Isebrand to denken, as if Paul Rasmus een Fastabend ünner de Fahn gan seeg, en wahren Held, so keem he mi vør mit sin breiden Schullern. Un bi em gung Witen Slachters as dat schönste Mäden inn Ort. Garr se de Fahn dragen, dücht mi, dar harr man mit gegen de Dän an muß.

Danz un Gelagg harrn de jungen Lüd vør sit alleen. Weern dit uns egen Lüd, so keem' Dingsdags un Mittwets glit darna to't Bermart de fremden Gestalten. As Jung weer Een in de Tid to Moth, as reet dat gar ni af un man harr blot vør all dat Nie de Ogen apen to holn: Orgeldreiers, Musstanten, Varentreders — wat ni all.

Dar keem dit Mal en Mann to sehn — nich vør Geld un nich vør Annerlud Pläseer — awer doch, wil he opfull. It seeg em op't Markt gan as Een de spazeer un sit't beseeg, nix egentli to don harr, nix to kopen noch to verkopen. En jungen Mann, de mi of, as if domals nich harr seggn dürft, „wunner schön“ vørkeem. It scham mi binah, dat it achter em anleep, un scham mi vør em, dat he so opfull. Müns kenn em, man sä, he weer al enige Dag' hier un logeer int Landschopshus, de eerste Gasthof inn Ort. De Jungs harrn glit en Nam vør em, se nöm' em den Pelzrock, denn so'n Art Kleidung harr he an. Wo he gung, dar keeken de Lüd em na, de Dierns sichern un kaskeln, un Lüd vertellen sit gar bald, he weer en riken Mann, harr wide Reisen makt, weer bet na Paris west. Darvun of sin egen Art un Klebasche, in Paris gungn Alle so un keen Münsch full dat op. He harr vun't Landschopshus ut Finster den Umtog vun't Fahnbeer mit ansehn un den Weerth na de Lüd utfragt. De heel em vør ganz wat anners, sä't frili ni na, wat he meen, wink awer in de Himmelsgegend na't Norn, so dat dat dütti

Telsche: Mathtilde. Varentreders: Bärenführer. kaskeln: lachen. Klebasche: Kleidung.

nog weer, he dach an de Dän, an Kopenhagen, an Minister oder Spijon oder so wat. Em of eenerlei, wenn de Mann gut betal, un dat harr he dan.

He weer noch enige Dag' æwert Bermark ut bleben. De Ort gefull em, harr he seggt, un dat Landschopshus besunners, en Weerthshus as dat kum in Paris gev, harr he seggt, tomal wenn man de Utsicht hinto neem æwer den groten Markplatz, de nich fins Glikten harr in de halwe Welt, un dat Letzte löv jede Zuwahner.

De Lüüd gefulln em of. He weer Markabend herum west, dat weer ordentlich un nett, dat muß he seggn, smude Mädens.

Natürli weer Danz ann Markdag, wo man Platz weer. Dar harr man em allerwegens sehn, wo he en Glas söddert, en Drippen drunken harr, æwerall sitt, as betrach he sit jeden eenzeln, oder süch wjen, den he nich funn, un weer wedder verswunn.

So verswunn he of ut den Ort, un Möhm un Meddersch harr æwer em to reden bet he vergeten weer. Wat de ni noch all æwer em utdachten, ehr dat so wit keem, denn de Fränslüd harr he doch besunners gefulln. Wenn Een op den Infall kam weer em dær en russchen Prinzen to erklærn, so harr man 't lövt, denn so wat harr he an sit. He drog Snörsteweln, harr de Husknecht ut Landschopshus verraden, en Dracht, de blot vellicht Landvagts Döchter drogen, en Mannsmensch so wenig as en Snörliß. Wul muß, ob of ni dat of, denn he weer knebsch umn Liv as en Zümfer. Un Gold as Knöp un Spangn un wat nich harr he allertwärts in Hemdn un wo nich, na de Husknecht sin Red.

Harr de Mann wat mit Witen Kroß to don? Dat kunn of de wunnerligste Menschenseel vun en ol Meddersch ni insalln. So weni as de Herzog vun Glücksborg, de of mal, as he dær den Ort fahr, na er lefen harr. In de Österstrat weer he er verbi fahrt, as se dar gung, do harr he de Müß trocken un sit noch lang mehrmals na er umsehn. De ganze Ort weer stolt darop.

So much de junge Mann er sehn hebbn bi 'n Amtog umt Mark. Dat harr he wul, un harr er vellicht of ann

löv: glaubte. Snörliß: Schnürleibchen. Wul: wer. knebsch: schlant in der Taille.

Marbtag söcht, awer gewiß of ni funn, denn dar keem se nich.

Un doch, wenn man an den Unbekannten dach, so sproß man vun Witen Slachters, un wenn man Witen Kropf seeg, so dach man an den jungn Mann, as hörn se tosam. Weer he en Prinz — wi harrn de Prinzessin vœr em. So wat leeg in Lûd Gedanken. In min of. Denn wenn ik mi harr en Mann to min Madonna teken schullt, so wuß ik genau, wa he utsehn war.

So is't — dat is en Unglûck vœr Lûd, oder bedûdt een, wenn se nich sünd as de annern; mag't Fehler oder Wærtog sin, dat is binah eenerlei. Dar ward um snact, bet man deran haßt, un man mak't to Schann, wenn't nich heel stark is. Dat geit bi de Minschen as mit de Bageln: lat mal en goldgeln Kanarjenbagel ut Bur: dar sünd de Huslûnten so lang' herum, bet he asmûdt is un bet he vertummt. Dar mag of ni mehr bösen Willn mank sin as oft twischen Minschen.

Vœrlœpi weer Witen Kropf de goldne Bagel.

To Osten den Ort an de Weid leeg en Hus, man nôm dat den Trummelsaal. Dar schulln in de Ruffentid de Tamburs sik indvt hebbn. Dat Hus leeg eensam, en Jarwers Familje wahn dar. Er Geschâft verlang Plaz, un den harrn se: binn an Rûmlichkeiten, buten op de Weid un op den Hofplaz um farvte un drückte Waaren to'n Drögen optohangn.

Dat weer recht en Plaz, en Hus un Familje, as sik domals junge Lûd opsöchten, do Danz- un Weerthshûs' vœr sünndägli noch keen Mod weern. Dar weern nette opwussen Pinner, un mank de Jarwergefelln ut de domalige Tid funn sik mit to en fein smucken Minschen. Denn de Jarweri weer noch en Handwerk domals un keen Fabrik, verlang awer al mehr vun Gefelln un Meisters, as de meisten annern Geschäfte. En Jarwer much sik mank de besten Lûd sehn laten, dar keem' Gefelln vun de Sweiz hindal, vun Wien herop, Lûd de de Forms to de Drückeri sülbn uttosteken, de of en Wort mit so snacken verstunn, de dar sungn un Zither speln. Fein in Lüg gung jede Jarwer.

Ut son Hus un Gesellschaft hal sik wol en Schriwer, en Lehrer, en Aftat sin lütt Fru. Bi Jarwers oppen Trum-

mak't to Schann: richtet es zugrunde. Huslûnten: Sperlinge. asmûdt: ermüdet.

messaal keem of Witen Kroß. Dar gung't ni hoch her, awer vergnügt. Keem wul gar mal en Volje Punsch oppen Disch mit Rundgesang, un en Hoppfa achterna. En Freud wær Ole un Junge.

Paul Rasmus weer so to seggn mit Slachters Witen opwuffen. Bi Jarwers hör he der egentli ni hin. Dat weer sunnerbar, dat en Minsch, de ni spreken kunn, sit ran arbeit bet in disse Gesellschaft mit sin Gesang. He arbeit sit jümmer achter Witen an, dat wuß Jedereen, un maß sit en Weg dar, wo se gung. He war sit wær er dot slagen laten oder sit wær er dot arbeiden, dat wuß man of. Singn kunn he würtlî, wat man domals so nöm, he wuß un keun alle Leder, de umlepen, un weer un war en ganz annere Minsch, wenn he de brede Bost fri kreeg un ni stamer noch stæker. So weer he mit Jarwers Sæn bekannt warn un war op en Art bewunnert, wenn de Gesell em op en Guitarr begleiten de.

Bi Jungns horden mit to iinnert Finster un kelen twischen de Gardin wær, wenn sit en Rez kunn. Dar seeg if denn Witen Kroß sitten un Paul Rasmus sung, as goll dat er ganz besunnerz. Dat kunn of wi Jungz sehn.

Dar weer, in so'n Gesellschaft, of en Abend de Unbekannte kam. Op welke Art? Weg' weern der am Enn genug, de Jarwer harr Waarn to verkopen un en Dochder to vergeben. Wer wull dat seggn! Warum? Dat wuß Jedereen! Un he much wær Witen Kroß sit of noch en swarern Weg apen maßt hebbn.

Awer nu leep't wær den Ort as lopen Für. Nu wuß man, dat dit ni dat eerste Mal weer! Nu harr em Bul sehn bi de Schanz un bi Hogenheid, bi Wesseln un Weddingsted, bi alle Dörper herum un bi alle Togäng vun den Ort, as leeg he lurn, un he harr also nog Gelegenheit hatt mit er so wul as mit de Dln tosam to drapen.

Dar much wat an wahr sin.

If harr mal bi en Gelegenheit de nadenkliche Obbe to Witen Slachters seggn hört — se keef bi uns in't Finster un harr besunnerz rode Baden: Witen, de Tähn sitt noch fast, awer verkeer din Hart nich!

Do så se mit en fründliche Mien, de mi of besunnerz værkeem: Verleern nich, Obbe, dat is to seker.

umlepen: in Umlauf waren. Bost: Brust. Rez: Ripe. Bul: wer, Jemand. Obbe: Großvater.

Denn hö dat, Witen!

„It warr don, wat it kann,“ weer de Antwort.

Awer nu gung't in den Ort of æwer den Unbekannten her, as weer he de Hæv de den Goldvogel nastell, un harr man fröher en Prinzen ut em makt, so harr man em nu geern to en Schauspeler dalsnackt, weer he darvæ nich to nobel west. Denn unbekannt blev he de Lüüd un wuß si to holn, dat em Nüms to neeg keem.

Awer — he weer der wedder! It kreeg binah en Schrecken, as it em seeg. Ganz de Mann, de man achterna leep, un doch ganz anners. Niet vun de Steweln an, de Snörsteweln sin muchten, bet to de Ropp, Rod un allens, as leet he si væ Geld sehn.

He gung geruhig æwer't Mark, as en Mann de spazeer, awer all Lüüd stunn un seegen, als wisten se mit Fingern op em.

It harr væ't lezte Jahr mit min Paster un min Nummern in de Kart to don. Wat denn ut mi war, dat much mi oft in de Seel vææwergan. Wellicht weer it deshalb æwerhaupt nadentlig. Denn it dach glik an min Madonna, as it em seeg, den Pelzrod ahn Pelz, mi nu fast noch mehr en absunnerligen Mann, un dat weer mi as seeg it op jeder Sid vun em, de dar so gelaten hingung, dat Schicksal vun drie Mann un noch mal drie. Wer dach ni an an de drie Olen un an de Rasmussen? Mi weer't as hör it Paul eerst stamern un denn singn, as hung sin Leben darvun af.

Min Geschäft föhr mi to Kart un de Gewohnheit na op den Thorn.

Weer it æwerhaupt in de Lebenstid, wo man Ahnungen hett un Gespenster süht, of bi helligen Dagen? Dat kumt mi binah so væ. Denn it klatter herop an de Klocken værbi, as warn se si uthaken un mi bedecken, un bi den groten Perpendikel an de Uhr, as dü he de Ewigkeit an, de nich utblijft, he de sin gewaltigen Schlag hin un her, dat man si kum an em værbi wag'.

Endli seeg it hendal vun de ol bekannte Galleri op den Thorn, hindal op de Straten, de Mæln, de Schösteens un dat Mark. It weet ni, warum weer mi trurig un wehmödig inn Sinn? Weer't dat it bald ni mehr wedder keem un de

ol wunnerlige Knecht mit en annern Jung heropwanner, de Klock optrock un kunstgerecht beier, wenn de Klock een slog?

It seeg hindal op de Lüüd opt Mark, as neem it Affsceed. Dar stunn de Wagens mit Roggen un Weten, dar in de Allee de smucken Dierns mit Körv mit Botter un Eier, dar hucken de Krautfruns, dar stunn de Boden mit er Herrlichkeiten, vunn Goldsmid an bet to den Nagelsmid. Al besülwigen. It seeg se op un dal wannern, snaden un handeln. Un dar, dweer vœr, heel de Keeg Slachterboden! Un beide Enn noch Tedohm un Hansohm.

Awer wat vœr'n Knul Minschen op eenmal dweer dervœr! As wenn sit dat wütert un rullt! Keen Gut keem herop. Awer it seeg Arms æwer de annern hin un Röpp, de it kenn. Merrn in den Knul weer Witen Kropf!

Wat denn? Wat weer't? Dar stoben se ut enanner! Een Knul leep mit Paul Rasmus dervun. He weer hemdsmaun un harr en Stück Dings in de Hand. Een Knul drog en Minschen dervun. Witen Kropf ern blanten Kopp seeg it dalken. Dat weer allens.

As it dal keem, weer dat Mark as ut enanner stoben. Doch hör it glik vun Lüüd, de nableben weern, dat Paul Rasmus den Fremden auffalln harr, de harr mit Kropf un Tedohm snadt, un as Witen kam weer as gewöhnlich, harr he em angrepen, as gung he op en Offen los. En fürchterlig Gewöhl. Se harrn sit wrungen op Leben un Dod, un as Paul Rasmus daran west weer, an em sin Meister to finn, harr he't Slachtermess ut de Scheed reten un em in de Bost stecken — Gott much weten ob nich to'n Dod.

Wat en Dprohr! De störrten hierhin, de darhin! De Markplatz weer, as weih de Wind de Blæder weg, so stoben de Lüüd ut enanner un to Hus oder to Lann.

It leep to Hus. De ganze Ort weer verstört. Man wuß ni, ob man waß oder dröm, leb oder sunst wat. Doch hör man abends, dat de Stich ni gefährli weyt weer un de Kranke ahn Gefahr. Paul Rasmus weer dervun, na Hamborg, Bremen — Gott wuß wohin. Sin Bröder sän nig, wer frag', kreeg keen Antwort.

Mit Ogen, noch nieschiriger as fröher, seeg it na Witen Slachters. Weer nig an er to sehn, weer schön as jümmer. Ewer unsen Platz keem se mit ern Handtork, Tedohm Rod

gröt er as sunst; wenn se torügg gung, de grote swarte Hund keem er entgegen.

De fremde junge Mann weer gesund un fort. Man kreeg nu endli vullständi to weten, dat he en Marschburz Saen weer ut Eidersted.

As se mal wedder in uns Finster sit, do seggt de ol Obbe to Witen Kroß: It bün nich tofreden, Witen!

Weer dat wat Besunners, wat de Ol sä, oder wat he dach? Se antwor nig dargegen, dreih sik um, keem in de Dör un sä mit datfüllwige Gesicht, wo it nig as Schönheit in seeg: Obbe, it kann ni anners.

Wat denn, seggt he, nich künn'?

Ne, antwor se, de Natur dwingt mi.

Oh, wat, Natur, seggt de Ol böß, un nimmt sin blauwitte Bommwullnmüß af, dar snact Ji all vun! Segg, glatt Gesicht un vörnehm Utsehn.

Großvader, ne, seggt se. It kann ni anners.

Awer wenn't nu Wind is, un scheef geit?

Denn ga it mit em ünner.

Un de Ol'n?

Mutt Gott vör sorgen, it kann ni anners!

Un darmit wanner se tum lekten Mal hinut ut uns lütt Stub æwer den groten Platz, un leet sik begroten vun den groten Hund, de er entgegen keem.

Wi Beiden seegen er ut Finster achterna.

Na torten weer still un so to seggn heemli Hochtid west, un Witen trock mit er Mann weg, man sä na Tönnig, wo se sik inhürn, denn sin Familie weer't ni recht, he harr as smude Kerl wat anners belopen kunnt. Sin Vermægen red ni wider, as dat he gelegentli en Pachtthof funn.

Un de drie Ol'n, de alleen torügg bleben? It heff al seggt, de Raaf vun domals verstunn dat anners as wi: Schicksal to dregen. Ole storb æwrigens bald, un wenn Lüd sän, he harr der nich mehr æwer sin macht — Großer Gott — so löv it dat of, denn dat Wort heff it vun mehr as Een un æwer mehr as Een hört. Dat paß of ganz darhin.

De beiden Annern hucken un slachten tosam un vertellen sik vun er: „Eenmal wull jede Minsch mal sin egen wesen. Dat weer Natur, dat weer Schickung.“

inhürn: einmieteten.

It heff se oft drapen, wenn se in Zedohm sin „Slachterhus“ mit all de Anstalt un all de Anstand, de to en Staatssoß hörn much, en Kalb slacht harrn. Dar hung dat un war tageert. Dat Slachterhus weer schrubbt un spült, de Rothsteen-Fotborrn blenker, de Kaffe weer kakt. Dar seten de Beiden an den Disch un stippen Stuten in dat warm Gebränk un smusen, as wer't en Libgericht, un vertelln un snaden. De luden Stimm harrn sit verlarn, lachen hör man nich jüs, awer Kummer heff it of ni sehn, so oft it se seeg.

Dat giffst je wul Lüd, de in de Vergangenheit leben künnt, un disse Beidn hörn darto. As unser Gen dat kann mit en Dag un en Jahr, denn güstern recht in bundag' herin un vergangn Jahr in dit. Awer de Beiden mit en ganz Leben, wat achter se liggt un wat keen Tokunft hett, keen Hoffnung.

Se seten noch, wenn of krumm, doch ni stumm, wenn of kümmerli, doch ni verkümmert, un reden vun er Reisen na de Marsch, na Ikehoe, vun ern Handel, vun de Tiden, vun Gredenwedder ern Dob, un dat se keen Testament to Stann kregen harr, vun Kroß sin Fru, wa se smuck west weer as Mäden, jüs as Witen nadem.

Bun de keem mit to en lütt Summ, de se sit affpar, vel awer harrn se nich, se mit er Mann. Un dat heel of op, as se en Pachtstell in Jütland funn, denn nu muß eerst mal allens daran wendt warrn. Wider weg weern se je of, un vœr-ole Lüd so gut as ut de Welt. Awer se snaden vun er, as bun de annern de würlki ut de Welt weern un doch as mit se fort leben.

Na Jahren drop it Zedohm ganz alleen wedder. Of Kroß weer derhin gan. Harr nich lang leben, vertell he mi, Großer Gott, as Hans Ole. Dar much he wul den leben Gott um beden, dat em dat eben so gung. — Dat weer en schön oln Mann, Zedohm Rode, sin Gesicht harr wat, as man't nich wedder süht, vun Freuden oder Bliðheit, as harr Lachen un Liden sit darop tosam utglickt. He slach nich mehr, he eet bi sin Frönn, de beiden Rasmus Jungns passen fründli op sin beten Saken. Sunst wanner he so herum un weer den ganzen Dag to gang'.

As he vun mi gung, hör it Rinnerstimm „Zedohm!“ ropen, he nüß mit den Kopp, as weer't wat Fierlichs.

Kort nadem funn man em morgens inslapen op sin Bett un nich wedder opwaft.

He harr nich vel leben un sin lehten Wunsch erfüllt kregen.

mit to: bisweilen.

Trina.
(Vertelln II.)

1856.



Seinem lieben Ohm
Herrn Louis Koeber in Hamburg

als ein Zeichen dankbarer Treue

gewidmet

von

dem Verfasser.

Jan Niklas Preen wahn in Odderab. He leem jeden Sünnaabend to Markt na de Heid hindal, mit en Korf vull Botter un en beten Rogg oppen Wagen, obwol he't jüs ni nödig harr, dat weer aver jümmer so wen, un he ma' dat of so. He seeg blid un fründli ut sin lütt Gesicht, wenn he morgens langs den Lannweg rinkeem, he seet deep un bequemli achter sin dicken Per inn Wagenstohl un heel de Pitsch hoch herut. Op den Marktplatz harr he jümmer besülwige Sted, dar wanner he bi sin Wagen op un dal, bet he Botter un Rogg verkoft harr, un seeg sit de Lüd un de Welt so vergnügt un nieschiri an, as wenn't tum eersten Mal weer. Denn sohr he süln na'n Hæker un na'n Möller, um en beten Waarn un Finmehl mit to nehm. Dar stunn he gedüllig oppe Del, steet de Kaffebohn un den Zucker bet oppen Borrn vun en lerrige Roggenpas', finger de Schilling ut en eben so langn Gelbbütel, un sett sit wedder deep achter sin dicken Per. De Ladendener brü em noch mit enige Plummstöver, wizen, de sit so lit seht as een Tut vull de anner, de hör he doch jedesmal eerst vullstänni an, as wull he se of mitnehm, in en lütten Drüppeldraff gung dat denn Namdags den Lannweg wedder rut, un vun achtern weer vun Jan Niklas ni vel to sehn as de grote Hot un de Pitsch, am wenigsten, dat he Verstand un Vermögen harr.

Odderade: Dorf, 7 km südöstlich von Heide auf der Geest. hindal: hinab. jüs: gerade. blid: freundlich. wgn: gewesen. lütt: klein. Lannweg: der Landweg führt von Osten über die Schanze (Kampf 1404 gegen Graf Gerhard von Holstein s. Quidborn S. 185). süln: selbst. Hæker: Kleinhändler. Del: Hausspur. Borrn: Boden. lerrig: leer. Roggenpas': Roggenrad. Schilling: 9 Pfennig. brii: neckte. Plummstöver: Pflaumen-, Gewürzkräuter. lit: gleich. Drüppeldraff: Trippeltrab.

Jan Niklas harr sin Burstell vun Vader arvt, mit temli Grund un Borryn derbi, to en Tid as dat Land oppe Geest noch keen Pris harr. Dat Veste weern domals enige Holtbüten neeg bi't Hus, un Törfmoor inne Döfen. De Wischen legen op Milen verstreit, sogar bet Tellingsted hin anne Au. Dar sohr he Summers al as Jung op enige Dag' mit hin to de Hauarn. Se lehrn denn bi en wittlöftigen Better vør un maken dar togli en Besök af. Tellingsted, mit en Karl un en Dit, weer as en Stadt gegen Odderab mit man siv Buern, un de Jungs in alle Künst un Undæg vgl wider as oppen platten Lann. Jan Niklas war gewöhnli vørn Griesen brukt, denn he weer man spinkeli wussen un mehr nieschiri as næswif', gegen de Better sin Søn, en groten Flæts, kunn he am wenigsten an; so keem he der meist ünnerdær un lehr al do Geduld un Stillsuigen in vullen Maten. Dat weern awer doch schöne Dag', wo he vørt ganze lankwilige Jahr insammel, un as he grötter war heel he sit mehr an sin smuck lütt Möhm Angreten, de orri wat jünger weer as er Broder un nich so unbanni.

Na sin Vaders Dod heel he mit de Moder Hus. De Nische besorg Melk un Botter, wöhl in Ræt un Garn rum un scholl op de Dierns, un Jan Niklas plög un sei', arn Han un Korn, verdrog sit mit en jeden, un maß dat as Vader dat to maken plegg. He harr in Anfang wul Lust un Moth hatt wat to ännern un to versöken, he harr geern enige Placken Land verkofft, de doch afgelegen weern, tomal de Wischen anne Au, den Kram en besten afrunnt un en Summ opnahm Bu un Gebäuden beter in Stann un to Gang to bringn, awer dar weer vør de Moder nich an to denken, de weer mit er Hoffstell tosam wussen, en Lappen

arvt: geerbt. temli: ziemlich. Geest: das höhere ältere Land im Gegensatz zu dem jüngeren fruchtbaren Alluvialboden der Marsch, in Ditmarschen nicht sehr fruchtbarer Sand- und Heideboden, mit viel Moor und jetzt wenig Wald; daher der Rat des Ditmarscher Bauern: Min Søn, bliv du inne Marsch, da bulen (draußen) is allens Geest. Bitt: Landstück. Holtbitt: kleines Holz. Döfe: Moos, Moor. Wischen: Wiesen. Tellingsted: 12 km nordöstl. von Heide. Hauarn: Feuernte. Dit: Teich. Undæg: Untugend. vørn Griesen brukt: als Esel (Grauer) behandelst, genedht. spinkeli: schmal, hager. nieschiri: neugierig. næswif': naserweis. Flæts: Grobian, roher Mensch. al: schon. Möhm: (Muthme) Mutter. Angreten: Anna Margaretha. orri: ordentlich, ziemlich. unbanni: unbändig. sei': säte.

darvun af heet en Stück vun er Seel, vør er weer wat Nies so vel as wat Slimms, un noch arger. De Welt is nu beweglicher warn, de Iſenbahn bringt nich blot Ruffers un Reiſende vunne Stell, ſe hett Grund un Vorrn röhri makt un de Miſchenſinn wadeli; wi wüllt er jüs ni dar vør ſchelln, dat Gude kann noch kam: awer vør er Tid gung de Welt mehr in er Spor, un dat hör mit to de Religion, dat man Hus un Hab leef harr, nich wil't ſo vel Duſend weerth is, ſundern wil't Vader un Moder to hört hett, un Vader un Moder gefull.

Jan Niklas heel ſit an den Globen, un vør em broch de of noch ſin irdiſchen Segen. Nich blot dat he mit de Olſche eni un tofreden lew; as na un na de Mergelwirthſchaft opteem un dat Land oppe Geest in Preis ſteeg, do harr he ſins noch all to hopen, heel dat of troß alle Mäſler un Spiſelanten, de em op de Dær lepen, un war half in Slap en wullhebbn Mann. He fung ſülbn an en Stück Heidland mit to breſen, een Roh na de anner muß mehr inne Bos, een Fack na't anner wuß anne Schön an, de Beerodenbargen ſtunn um ſin Geweß' as de Thorns um de Walln vun Rendsborg, un mank all den Uwerſloth ſeet Jan Niklas lütt un fründli twiſchen, in ſin ol Dachhus, mit ſin ol Moder.

He ſohr noch alte Summer na ſin Tellingſteder Wiſchen un lehr vør in ſin Better ſin Hus. Dar weer awer of Vader un Sæn to Rau gan, un Meddersch un de lütt Mähm hucken alleen bi enanner fort. De Diern weer grot warn, ja ſogar ſmuck; wa geern harr Jan Niklas ſe mitnahm na Odberad! Awer he kenn ſin Olſche, de kunn am wenigſten leern, dat Kinner of mal ol Büd ward, he wuß, wenn he en Fru mitbroch, ſo war wenigſtens Een vun ſüm Dree unglückli. So töv he denn gedüllli un leet Gott un't Schickſal walten.

Wi wüllt dat ni all mit aftöben. Sogar ſin Nawers

wadeli: unbeſtändig. Hab: Habe. to hört: gehört. de Olſche: die Alte. tohopen: zuſammen. Spiſelanten: Spekulant. Heidland breſen: urbar machen. Bos: Ruſtſtall. Fack: Fack im Fachwerkbau. Beerodenbarg: Heuſchauwer, beſtehend aus vier Ständern, die ein Dach tragen, das auf- und niedergeſchoben werden kann. mank: zwifchen. Dachhus: mit Schiffsſtroh (Dach) gedecktes Haus. alte: jever. Meddersch: Ruhme, auch jede weibliche Anverwandte. leern: lernen. vun ſüm: von ihnen. töv: wartete. Nawers; Nachbarn.

un Frönn reet towiln de Geduldsfaden. De ol Ted sä: Jan Niklas, du warst old deræwer, wel' keen Karr, du kannst de Olſche je warm hinſetten, dat er nig mankeert! — Denn ſmuſter Jan Niklas, as wenn he noch wat Besunners vær ſit vunt Glück hæpen de un sä: It mag de Olſche nig to weddern don.

Se ſtorv in Fræden.

Ob Jan Niklas jüs truri weer oder dat Gegendeel, lett ſit ni ſeggn, denn he ſülbn sä ni vel. Awer bald weer ſin ſmucl Möhm Angreten ſin lütt Fru Angreten, regeer Kæf un Keller, de Dierns un dat Hus un Jan Niklas darto, mit man en Wint. Awer ſnacker kunn se of, troz ſin ſeli Moder, doch hör he dat gern, ſogar wenn se en beten gnatter, dat leet er beter, he ſeet un ſmuſter un hör er to. Un ſmucl much se dat hebbn, dat Hus ſpiegelblank un den Garn hakenrein, un vær ſit ſülbn wuſ se of wul, wat er ſtunn. Dat geſull Jan Niklas banni. He ſpandeer ſit ſogar en nien Stöhlswagen vær Sünndags na Haſted to Karf. Wewigens awer weer nu bi em de Wærſicht inwurtelt, Kop- un Buluſt weern vergan, an Hus un Hav wat gründli to ännern keem nie mehr in ſin Gedanken.

Sin Angreten weer dat eerſt ni ganz recht. Se harr geern en niet Wærhus ſehn ut Finſtern mit grote Ruten, dat weer of rümliger wæn un lichter rennli to holn. As se glitgültiger dagegen warn weer, klag se wenigſtens, dat se in Summer de Melk ni laten kunn, un tou Winter weer allns proppenvull vunt Hahnholt bet an den Sell, man kunn ſit ni rippen un röhrn vær Wewerſloth, un vel gung der doch bi to Spill: Jan Niklas harr der awer jüs ſin Vermaſt ut, he öv ſit ordentli as op en Kunſt, alle Löcker vull to proppen, dar ſeet man warm manſ, sä he, un ſo ſeet he of.

Wenni Jahr is ſo verſlatten; jeden Wærjahr bu de Hadbar op dat ol Hus un klapper ſin Segen, un Swüll oppe Del neſter un ſung er Wers: as it hier lehmals weer, as it hier lehmals weer, weer dit Fac vull, weer dat Fac vull — denn

Ted: Theodor. ſmuſter: ſchmunzelte. hæpen de: hoffen thäte, hoffte. sä: ſagte. Kæf: Küche. man: nur. ſnacken: reden. gnattern: brummen. leet er beter: ſtand ihr beſſer an. banni: ſehr. Haſted, Nordhaſted: 6 km nördlich von Odderade. Ruten: Scheiben. Hahnholt: Firſtbalken. Sell: Schwelle. rippen un röhrn: rühren. to Spill gan: vergeudet werden. harr ſin Vermaſt derut: hatte ſeine Freunde daran, es geſiel ihm. öv: liebe. Hadbar: Storch. Swüll: Schwalbe,

dar harr dat nie an fehlt. — Eenmal, al dat eerste Jahr, harr de Hadbar Angreten en lüt Böppen mitbrocht, dat weer en lütt Diern, un se nömn er Trina.

Dat giff Minschen mit twee Gesichter, vun jeder Sid een, as Schipper Dreßen, den sin een Back weer jümmer vergnügt un de anner verdrügt. So giff dat ok Dr un Nester as Timm Steen sin BERNBOM, de drog op de een Sid Summer-titten un op de anner Winterpermitten. Möldorp is son Nest. Um den Thorn verspaft dat Gerüst, ehr man to't Utbetern kumt, man meent, dat war Een oppe Rack fallen, wenn man langs de schlechte Steenbrügg rumpelt, wo nix Een be-gegent as ole Wiver in Snippen. Awer bi de Holthandler sin Eck drippt man en ganz nieu Anwas, dar stat de Hüß mit niesogte Müern, dar ligt de Gern bi Dußend int Gras, de ni gan künnt de krupt, de lüttsten slapt oppen Arm oder inn Schot, un een oder de anner smuck Rinnerdiern süht Een lang achterna, wenn man na Odderab herutfahrt.

Ähnli stunn Old un Niet tosam in Jan Niklas sin Gewes'. — De Weg vun Möldorp föhrt in en Wagen um dat Fieler un Heider Moor, man süht den spizen Heider Thorn jümmer to Linken inne Feern. Gelinn kumt man mank de Knicken op de Hüchden, de vunt Süden na't Norn dör ganz Ditmarschen treckt, un hier fiunt man, verstelen mank Hölter, Odderab, jüs an den Ahsang na't Moor hendal.

Man kunn wol sefer wen, dat achter irgend een vun de Knicken en groten Hot opduk, denn Jan Niklas sin Land leeg na dis Sid herut. Dar weer he mit bi't Plügen un Sei'n, un wenn he nich vel hülp, so seeg he doch to. Awer he hæg fik innerlich, wenn he stört war, lang sin Knecht Swep un Leid hin, keem mit sin blid lütt Gesicht oppen Wall mank de Büsch, un weert man en Ditmarscher, de verbi gung, so kenn he em oder sin Better oder sin Dhm, un man muß mit em,

Dr: Stellen. Steenbrügg: Steinpflaster. Snippe: dreieckiges Kopfstuch, das besonders in Trauer getragen wird. Gern: kleine Kinder. krupt: kriechen. achterna: hinterher. gelinn: ohne allzuvielle Mühe, allmählich. Knicken: wildwachsende Dornzäune auf Wällen zu beiden Seiten der Landwege in Holstein. Norn: Norden. treckt: ziehen. opduk: austauchte. hæg fik: freute sich. Swep: Peitsche. Leid: Zügel. blid: freundlich. Dhm: Dheim,

un sin Angreten muß en „slanken“ Rasse taken, dar hölp keen Remedi gegen.

Wat værn lütt ol Hus, as wenn dat sik dal hutt harr ünner de groten Böm rund herum, dat Maas wußt opt Dack, dat Gras bet ünner de Sidenfinstern, de Köh kunn rin liken. Hier huf' Angreten int Grüne. Un wat værn lange Schün, wo de lekten Facken noch splinterniet vun weern, un en glatten Kruthof to Sit.

En Paar kralle Dgen seken gewöhnli al ut de Husdær, wenn se wat Besunners hört harr, un mit vele Wör nödig se herin.

In uns olen Burhüs' na den echten Schnitt kumt man vun de Grotbær op de Grotbel, en netten Rum, in Summer schatti un köhli, na en Tour inne Sünn vun Möldorp her ober de Heid en prächtig Uutre, tomal wenn de Husfru mit Rasse un egenbackten Stuten draut. Links kumt man de Ræf værbi, un achter, an den ruhigsten Platz in dat ruhige Nest liggt de Dörnsch.

Bi Jan Niklas weer dat noch stiller as annerwärts, dat much vunt Oller kam, ole Hüs' hebbt dat an sik, man föhlt sik as bi ole Lüüd, de lisen umherslarrt un sachten sprekt. Smokige Ständers un Valken mahnt an Grotvader un Grotmoder, de man sülb'n hatt hett un an de stille Tid, wo man öfter hör: sachen, sachen, Grotvader slöppt!

Inne Dörnsch nu gar weer't noch binah schummeri darto bi helligen Sünnschin. En Reeg Linnböm, glatt scharn as en Ligustrumtum, læhn buten dicht ant Finster as en gröne Gardin, un de helle Sünn leeg darünner op den Grashof, dat de ganze Stuv grün schimmer. En Ruhbank mit weke Küssens, de in Ewerfloth herumligt, dreihste Armstühl mit eben süde, wo man in versacken un ahn en Gerdwinn kum wedder rut kann, sehn natürli ni, un eben so weni en groten Rachelabend mit mischen Stülper un Knöp. De weer gewöhnli dat Gerste wat man wis war, wenn de Dgen sik

hutt: gehockt. liken: gucken. splinterniet: nagelneu. Kruthof: Gemüsegarten. kral: munter. Stuten: großes schenkelförmiges Weißbrot. Dörnsch: heißbares Wohnzimmer. slarren: auf Pantoffeln schleppen. Smokig: rauchig. schummeri: dämmerig. Reeg: Reihe. scharn: geschoren. Tun: Raun. læhn: lehnte. dreihst: gedreht, gedrehselt. süde: solche. versacken: versinken. Rachelabend: Rachelosen. mischen: von Messing. Stülper: helmartiger Zierrat und Aufsatz zum Warmhalten von Speijen. wis war: gewahr ward.

toewennt harrn, un Jan Niklas seet denn al deep in en Stohl, mit en Knop twischen de Fingern as Handgeber, un nödig Een of dal.

Ruh weer dar un Fröden! un allens paß tosam, as weert to hopen wüssen un opgan. Awer de tum ersten Mal keem un de Dgen eben erst apen kreeg, de mark gewöhnli man int Sitten un wenn Jan Niklas sä: Lütt Trina! dat noch Wull inne Stub weer. „Lütt Trina! lang mal den Taback her!“ Ehr harr man en ol Grotmoder vermoden mant all dat Oerdom as son frisch Blot, un lütt weer se am wenigsten, wenn se dat Neichtüg wegschob, weef un smidi ut er Eß rut keem, ahn en Glup Taback un Kalkpip hinstell, Kael in en mischen Fürsatt hal un höfli sä: Willkommen, bedeene se sit! Aut Spreken hör man, dat se noch junk wen muß, so vüllli weer de Gestalt, blot de Kopp schin en beten torrüggeblebn, dat weer ganz Jan Niklas sin Gesicht, fast en beten lütt vör dat dichte Haar. Ehrnfast gung se glist wedder an er Arbeit, man blot dat Knistern un Knirrn, wat so ötern un frödsam deit, leet noch hörn, dat se dar weer, un wenn mal int Snacken wat Besunners vörkeem, so heel of dat op, un en Paar glänzen Dgen leken ruhi un kloß ut de ruhige Eß.

Berleben Winter harr der oftmalß en Bisit bi Jan Niklas inteken un ton Wærjahr keemn se noch öfters. Meistens weern dat Mätkers, denn dat Korn steeg noch jümmer inn Preis, of keem wul en Möller oder Brenner süßn ut de Heid oder vun Malsbörp herop, wo Odderad in en Wagen twischen in liggt, un Jan Niklas plegg se to holn un leet sit utföhrli vertelln vun allns wat op Geest un Marsch passeer, vun Land un Lüden, denn Wvise warn ni lest as dat Tzehoer Blatt, wat bi de fiv Wurn gemakli herumgung, dat broch Jan Niklas jeden Sinnabend mit ute Heid vun en Bokbinner.

Ku awer weer of en jungn Bumeister hüpi bi em vörloopen, de mit Hans Grimm to don harr, vör den Riß un Anslag mak un vel beslæn. Hans Grimm weer de jüngste Bur int Dörp. Se harr sit hier vun Angeln her infriet

Handgeber: Spielzeug. Wul: Jemand. vermoden: vermutet. Oerdom: Altertum. smidi: schmeidig. Glup: Blick. Kael: Kohlen. ötern: stillstehend. verleben: vergangen. Wagen: Wogen. Wvise: Zeitungen. fiv: fünf. gemakli: allmähli. Anslag: Plan. beslæn: besprach. infriet: hineingeheiratet.

un vun dar de Buloft mit herbrocht. In Angeln weer dat Buden en Tidlang binah en Krankheit warn. Dar muß jede Bur vör sin Enn en Palaft opsetten un en nie Art Stöhlwagen inföhren, anners kunn he keen Rau sinn. Of in Dittmarschen fung dat hin un wedder an un geb wenigstens vel to snacken.

De Bumeister harr al hier un dar herum in Lann Niebuten opsett. He weer en thäti driftigen Minschen, wenn ok ahn vel Wör, he weer lang in Hamborg as Meistergesell woen, un harr wat vun dat Rasche an sit, wat son Art Lüß frigt, vör de de Tid Kaptal is un Zinsweerth hett, wogegen de Bur darmit umgeit as de Dß mit de Moltmæl, un gedüllli sitt un tövt as de Ratt vört Muslock: kumt der wat so ward dat wol kann.

Jan Niklas hör gern to un frag nip un verstänni wenn de Zimmermann sprok un vun Hans Grimm sin Ansläg' vertell. He frag em ut æwer en bequemi Schün, æwer en warm Bos un rennliche Lohdel, æwer sin Buten, de he opsett oder innern Hann harr. De junge Meister sett em dat kunstverstänni ut enanner. Dar lepen wunderlige Wör mit inner vun Swerter, Hahnhölter, Krüz- un Tappenverband, vun Streb- un Hangwart: dat muß all verbütscht warn, wat Jan Niklas sat, dat muß he ok begripen, un de Meister harr darto jümmer Tid nog as't schin, dat much mit to't Geschäft hörn, Ansehn thut gedenken sä de Hæker inne Heid, oder em gefüll de Kaffe un de Stuten, de Angreten bald broch un geschäfti af un to leep. Trina seet darbi inne Fenstered to knütten oder neihn.

En Mann ute Heid, mit en Sprak, de wat to Enn bringen will, is al so vör en Burhus as en Lusttog in en Busch. Leet Jan Niklas sit varrefen, so süß Angreten intwischen wenigstens noch na en nien Keller, wenn se jüs binn mal so lang Tid harr, un Trina bu in Gedanken Schün un Hüsen na er egen Gu un Pläseer. Se dach sit darbi ut, wa in son Hus to wahn un leben weer, as de Meister nu jüs ut enanner sett, Dörnsch un Kauer den sit vör er op, se gung un

Buden: Bauen. Enn: Ende, Tod. driftig: thatkräftig. ahn: ohne. Moltmæl: Malzmühle. Lohdel: Dreschdicke. Swerter: Querbalken. Hahnhölter: Tragbalken. Krüz- un Tappenverband: Kreuz- und Rapsenverband. Streb- un Hangwart: Strebe- und Hingewerk. Knütten: stricken (eig. knoten). refen: rechnen. süß: seufzle. binn: drinnen. Gu (goät): Geschmack. Pläseer: plaisir. den: thaten.

vertehr darin, as stunnt ünner Dack un Fack, seeg ut de Finstern æwer de Gegend, seeg de Lüð, de der keem un gungn, un er Gedanken speln wit umher. Wenn de ernst-
hafte junge Mann denn Krit un Matstod ute Tasch lang,
op den brun Disch Tassen un Romguß torügg ischov, un ute
Hand mit wenige graue Streken Grund- un Opriß hinteeß,
so keem se of herbi, keef æwer Bader sin Schuller mit ver-
stännige Ogen to, un Kopp un Gedanken harrn noch lang
to don, wenn de Meister al op den Weg na de Heid uten
Sicht weer.

Gen Morgen um dis Tid, as Jan Niklas mit ut weer
de erste Hawer to sei'n, keem he all fröhtidig Bærmdags
wedder mit wol Fremds torügg, so dat Angreten, de den
Meister vermoden, em al vun Feerns inne Möt fik. Denn
gegen sin Gewohnheit snack he mit, dat man em hör, un se
seeg, hat he dat iwri harr. Den he mitbroch weer en jungu
Minschen, hoch wussen un mit edige Schullern, de jüs ni ut-
seeg as Gen, de op en Pip Taback herum to Hus hör, un
doch so betemli gung, mit dærtroden Kneen, as gung he
nawern, un mit Jan Niklas snack as en ol Fal mit sin
Moder. Wat Bærnehms weert jüs ni, un de Hann harr he
inne Tasch. Awer Angreten heel fik doch inne Schul un leet
se eerst langs de Grotzel passeern, wo he fik of ni buck noch
stülter, as harr he dar al ehr in Düstern Eier langs dragen,
un gradut mit nan achtern nan Dörnschen tostür. He weer
wat bleef vun Gesicht, jüs ni ungesund, awer as uns Lüð
nich to wen pleggt, de de Botter vunne Karm et un de Melf
vunne Roh, en beten knaki oppe Been, dat much doch en
Sadler oder son Art wen, de tolez doch noch en paar Proben
ut de Sidentasch frigt. Un de Heiders sünd gar droß, Jan
Niklas la' fik nagrad allerlei op, he nödig em blid herin:
kumm in Dörnsch! un de Fremde seeg noch na alle Ranten
na Kael un Sidentamer, un tre in Dær. Trina weer der
binn to wischen, de seeg kum um, op de gung he to, un as
he beide Lippen as en Paar Kirschen tosamtrock, plitsch de

Krit: Kreide. Romguß: Rahm, Sahneguß. graue Streken:
grobe Striche. teef: zeichnete. wol: einige. uten Sicht: außer Seh-
weite. inne Möt: entgegen. iwri: eifrig. betemli: ungezwungen.
gung Nawern: ginge auf Nachbarschaft. Fal: Füllen. Schul: Ber-
sted stülter: stolperte. tostür: zusteuerte. Karm: Butterfarr. knaki:
knöchrig, steif. droß: grob, zudringlich. la': lud. tre: trat. trock:
zog. plitsch: pflitsch.

Ogen kneep un müffel as en Kanink, seeg se em eerst verblijt grot an, dat he en Schritt torüggtrē, awer in en Ogenblick lach er Kinnergesicht ünner ern langn Koppdot herut, un alle Dree warn lud as se sä: Peter, du Knepmaker, wo kumst du her? Dat harr Angreten buten ni unsumst hört, of schin de Stimmi er bekannt, so keem se achterna un hör wa he sä: Ik bün al en Tidlang wedder inne Heid un muß doch of Odderad un min Spelkamrad mal wedder sehn. Un nu gung dat an en Herrje, Hannschütteln un Bewunnern.

Dar harr fröher in Odderad en Smid wahnt, en Medelnborger, as gewöhnli. Denn de echten Ditmarscher weern vun Din her blot Landlud un kum-wat anners. Handwarfers keem oft ute Fremdn, Handelslud meistens, se sunn Berdeenst un Fortkam bi uns, een trock de anner in sin Geschaft ut sin Bekantschaft na, un vele gungn tolek mit Geld torügg in er Heimath oder bleben of hier behangn un besitten. So fregen wi de Keteldregers vun de Hollandsch Kant, wo fröher wul uns Grasmeihers er Geschicklichkeit öben un Dalers un Geschichten mitbrochten vun Langewil un Kennlichkeit, — de Vinnmannskramers ut Westfalen, sogar de Rigeuners keemn, un noch in unse Tid kamt de jüsen Lippischen to't Steenbaden. En Jeder broch uns so ut sin Land bi de Waar un Kunst wat vun sin Slach un Art mit, gut un schlecht, de Medelnborger meist en Portschon Grosheit, woran wi jülbn sunst jüs keen Mangel harrn. De Smid in Odderad heet Stamp. He harr nix besunners an sik hatt, en beten to vel Brannwin drunken, to vel rog Speck eten, of wul to faken flökt, wennt ni nödi weer, awer ehrli un fliti weer he wen, un twee Kinner harr he optrocken, de ölfte en Mäden, de jüngere Peter, de Knepmaker, as Trina sä, en sib süß Jahr öller as se, doch awer er Spelkamrad wen menni schöne Dag lant. Denn de Smid weer stapelbulz dot blebn as Peter noch en Kind weer, de Moder leet em sin Willn un leet em herumspeln as he al harr mit arbeiten kunnt, se heel de Stell blot so lang, bet er Dochder na Medelnborg weg an en Verwandten verheirath war, do weer de ganze Familje weg-

kneep: kniff. müffel: mit den Lippen kaute. verblijt: starr vor Staunen (eig. vom Blic gerührt). Dot: Tuch. achterna: hinterher. behangen un besitten: hangen und sitzen. Keteldregers: Kesselflicker. Vinnmannskramers: Leinwandhändler. jül': ausgehungert, mager. Badsteen: Ziegel. Slach: Geschlecht, Wesen. rog: roh. faken: oft. flökt: geflücht. fliti: fleißig. süß: sechs. menni: manch. stapelbulz: plöthlich.

trocken, un de Smed ingan. Un as dat so kam kann, dat Een ganz alleen opwasst merrn mant Minschen, so weer of Trina nadem alleen wen, ahn en Kumpen. Kinner weern der nich int Dörp as gar to junge vör er, ol Ted sin Dochder weer to grot. So kenn se niems recht as de se inne afgeleggen Schol drop, un Spelsamraden harr se ni hatt as Peter Stamp.

Keen Wunner wat dat vörn Fragen un Vertellen bi't Weddersehn gev. Angreten much gar to geern weten wa emt gan weer un wat he nu bedrev, ob de Moder noch lev, ob de Schwester dat gut gung: awer se töv na er Gewohnheit selten recht de Antwort af, so frag se al wat anners, un Trina weer of redseliger as sunst, so dat de Snack um leep as en düsi Antkufen um de Melkbütt. Trina wull weten, ob he noch wedder na Obderad finnt kunnit harr, ob he er Hoffstell, ob he noch allns wedder kenn, ob he er glit wedder kennt harr?

Se harr er seggen kunnit, dat se opblöht weer vun en Paten to en Hof, de jüs ut den Knuppen bricht. Blöd weer he of nich, sä awer doch blot, se weer banni wussen un grot warn, awer er Gesicht weer noch grad so as dotomalen, do he er toerst bi de Hand mit na Schol brocht harr. Se weer domals süß Jahr wen un en ganz lütt sin Ding as en Hühnerküf, awer grote Ogen harr se hatt, un domals ünneren Arm en grote Tafel. Ünnerwegens harrn se op den langen Stig gele Hunnblöm plücht, denn dat weer inn Fröhjahr, ut de Stengeln en Red makt, de Trina umtreeg, un ut de Blöm en Kranz umn Kopp. So marscheern se na dat eensame Scholhus, Perzepter stunn mit de Pip vör Dör to sinnbaten, den kenn Trina ganz gut vun er Vader her, wenn he em besöch un de Zeitung mitnehm, un weer gar ni bang. So vel Kinner as hier Tid un Perd spelen deen, of Raasball, Hinkerputt un Produkten harr se awer noch ni eenmal sehn.

Smed: Schmiede. merrn: mitten. niems: niemand. drop: traf. emt: ihm es. Snack: Rede. düsi: taumelnd. Antkufen: Entenkuchen. Melkbütt: Milchbutte, Böttich. Paten: Schöpsling. Knuppen: Knoxe. dotomalen: damals. gel: gelb. Hunnblöm: Taraxacum, Kuhblume. Red: Rette. Perzepter: Schullehrer. sinnbaten: sich sonnen. Tid: Greifen. Raasball: Ballspiel. Hinkerputt: ein Spiel, bei dem der Spieler hinfend einen Stein durch mehrere von im Sande gezogene Linien gebildete Fächer mit dem Fuße in den Topf (Butt), das letzte Fach, stoßen muß. Produkten: Kinderspiel mit 4—5 Steinen, die man im Sitzen vor sich legt, allmählich aufgreift, aufwirft und fängt.

Se weern ol all ut Satzbüttel, Bunsöh un Offenbüttel herkann, un keemn nu all um er herum un gungn nit se herin. Awer binn weer dat slapri, un rüf wunnerli, un wat Perzepter sä, dat knarr so, un Peter muß anne Tabelln. Do fung se an to ween all mit ern schön Kranz oppen Kopp, un as Perzepter er frag, do sä se: Ik mag ni alleen wen.

Dat vertell de junge Mann mit de nüdlichstn Gebörn, dat dat vör all Dree en Freid weer, un Jan Niklas rev vör Freid sin Abenknop.

Peter Stamp weer bi ol Ted vörtehr. Se keem ut't Dörp ni so bald wedder fort as he seggt harr. Ol Ted sä, iüner en acht Dag' goll dat bi em vör keen Besök, he schull sit man eerst mal utreden, nös muß man doch ol noch wat klæn'n, Stöhl un Betten harr he vör em un noch wüd mehr, un de Tid keem jümmer vunt sübn. Vör Trina weer dat en Freid, er gungn in Stilln de Gedanken dör, wat't nu all geben schull, de Dag' segen er frisch un heiter ut. Grote Dingu weern't nich, se harr nich mal angeben kunnt wat se hærp un hoff, awer er weer't wichtig genug un hart dat man ern Kanarijenbagel angan. Frei se sit doch al vun Wihnacht an op den stameln Hans Ruh un sin Süster, de inn Fröhjahr ton Törjgraben keemn. Wat kunn de gar bringn? nich mal en ordentlichen Snack, denn sin Süster hölp em jümmer umfunst to de Wör. Awer dar keemn denn doch twee nie Gesichter jeden Morgen to'n Kaffe un Abends to't Eten, un vör er keem en ganze Welt der mit, ol wenn se se blot bi sit wuß.

So sünd einmal uns Lüd, un son junf Mädensseel is schüchtern un nieschiri as en Nachdikal: wa geern süht se de Welt, awer jo verstecken un jo nich to lut! Bi wull Fremds kunn se lurn as op en Geheemnis, de Klang vun de Stimm, de Ogen, de Mien weern er wichtiger as de Wör; dar prób un prüf se er Seel daran. Vör son Gemöth is en Minsch as en Bos, wat man Blatt vör Blatt dærgruwelt un innerli in sit vertehrt, keen Wunner, dat vör se en Wort, en Spruch wedder lebenni ward as en Minsch, de

slapri: schläfrig, langweilig. rüf: rief. knarr: s. Stimme schnarrte. Tabelln: Wandtafel. rev: rieb. goll: gälte. utreden: ausreden, ruhen. nös: später. wüd: welsche. stameln: stammelnd, stotternd. Süster: Schwester. verstecken: versteckt, heimlich. wull Fremds: einigen Fremden. prób: stellte auf die Probe. dærgruwelt: durchgrübelt. vertehrt: verzeht.

to se reb. Wenn se man ut Finster æwer de Gegend seeg, so sproken Büsch un Böm to er vernehmli, dat gung der umher un dær er hin as de Athen ut en Blomhof. Man süht dar vun de Höchden æwer ganz Norditmarschen as æwer en Teller, dat Moor to værn, de Dörper verstreit, lant hin streckt sit de Heider Bomalleen vær de roten Hüß', un wit achter de Marsch blenkert vun Wesselsburn bet Möldorp as en sülwern Strömel verlockend de See. Wat vær Gedanken harrn dar nich Platz? un de Weg stunn vær se apen bet Hamborg herop un bet æwer de See na Engelland.

Peter Stamp weer den annern Morgen al fröhtidi wedder bi Jan Niklas. He harr ol Ted sin groten kalmuden Noß antregen un en Paar bunte Tüffeln vun de seli Tedsche. Denn he harr sit ni richt op lang blibn, un muß doch wat anhebbn, så de Ol, wo he in rumrungzen kunn. As Angreten ut de Rækendær glup un em wedder ni kenn, kraz he mit de bunten Föt as en Hahn, baller mit de widen Maun anne Sit as mit Flunken un freih hell op. Darmit gung denn Gelächter un Snack wedder los, wat gar ni asriten kunn. Bi sin Knep full Angreten sin Klüteri in, un wa he al as Jung nett anstelli wgn weer. Se kreeg em mit na Ræf na en Slött ant Schapp wat drang gung un æwersnapp. Dar huck he bi un dreih, as de Frunslüd iwri tofeken, kreeg dat of mit en par Griffen in Ordnung, leet sit dat awer ni nehm, dar in alle Ecken herum to glupen un to funßeln, so vel Angreten of hölpheel, un trock mit en Knast Zucker af, dat smeet he hoch inne Höch un fung dat denn glistgülti ünnerwegens mit den Mund op. Dat geb awer noch annere Klüteri un Gebreten, dat weer Angreten to nett gelegen, Trina keem ol mit wat, Peter kunn allns hölpfen, flicken un pladen un verstunn mit allns um to springn. He wuß noch wo in Hus' de Nageltorf hung, Sag un Betel, Hamer un Frittbahr hal he tosam, as harr he dat güstern abend weg-

Blomhof: Blumengarten. achter: hinter. Strömel: Streifen. Tüffeln: Pantoffeln. Tedsche: Ted's Frau. rungzen: sich träge und nachlässig reden. glup: guckte. baller: lärmte, schlug. Maun: Armel. Flunken: Flügel. Klütern: an Kleinigkeiten hämmern und flicken. Slött un Schapp: Schloß und Schrank. drang: schwer. iwri tofeken: eifrig zusahen. funßeln: ungerufen betasten. hölpheel: Lärm schlug. pladen: s. v. w. flicken. Sag un Betel: Säge und Meißel. Frittbahr: Frittboghrer.

hungn, plant sit en oln Disch inn Pesel op mit Schruvsticken un Hæwelbrett, as wull he dar vœr de Tokunst sin Warfstœd opflan, un as Jan Niklas tot Lüttjmidbag vunt Feld to Hus keem, funn he em vœr vull int Püsseln un sin beiden Fruns-lûd bi em mit spleten Naschen un reten Wschern, mit lahme Scheern un krumme Wirn, un wenn't man Trina ęr drange Matelbüß oder en verbögten Fingerhot weer, so war dat halt un beduert, un Peter muß dat bedoetern un beplastern.

Dar harrn se't hilt bi, un Jan Niklas hung sit mit ævern Disch. Denn nebenbi vertell de Peter gar to nûdli. Dar brück he en ol blickern Theedos' de Vuln ut un wrung mit de Hand derin rum, un kunn denn anfangn un vertell vun sin Meisterinsche, de banni gizig wœn weer. De harr of son grote blickern Theedos' hatt binah as disse, awer grön ladeert, un en beten affellt, un gröter, umpaß as en Botterkarrn hoch, awer man weni Krut derin. Dar harr se jeden Abend mit den opräumpten Arm, un de weer as Annerlûd ęr Dorful, bet oppen Borrn in hendallangt un mank de bree vœrsten Fingern en paar gröne Spirn wedder mit rut brocht, wo se en heel Pohl Water op schenk. Botterbrot gev dat darto, wenn of nich to smerri, un Sûnnbagsabends meist Bratelsch inne Schüttel. Nu harr he markt, dat se jedesmal een Sid vunne Sett genau vœr sit dreih un harr dacht, wat dat bedûden much. Lang harr he umsunst gruwelt un der ni achter kamm kunnt. Do harr he mal ins opsehn, as wenn oppe Strat wat Absunnerligs værgung, un ropen: nu süh an! un as Meistersch un Meister sit um sehn, harr he de Sett dreiht un do of richti markt: Meistersch wenn' sit jümmer de fettste Sit to. He harr awer keen Mien vertroden un sit dat smeden laten. Sit dem weert beter warn.

plant op: stellte fest hin. Pesel: der große Saal im ditm. Bauernhaufe, der dem Eingang in die Grotzel gegenüberliegt. Ein uns erhaltener „Pesel“ ist im Museum ditm. Altertümer in Meldorf aufgebaut. Schruvsticken: Schraubstöcke. Hæwelbrett: Hobelbrett. Lüttjmidbag: Frühstück. spleten: gesplissen. Naschen: kleine Holzschachtel. reten: zerrißen. Wscher: Pappschachtel. halt: geholt. harrn dat hilt: waren stark beschäftigt. blickern: von Blech. Vuln: Beulen. Meisterinsche: Frau Meisterin. affellt: hatte die Farbe, gleichsam das Fell, verloren. umpaß: beinahe, ebenso „um un bi“. Dorful: Thorstraße. Spirn: Spigen, Blättchen. heel: ganz. Pohl: Pfuhl. smerri: mit Butter beschmiert, bestrichen. Bratelsch: Aufgebratenes. Sett: „Sepe“, große, flache Thonschüssel zum Einsetzen der Milch. mal ins: einmala. wenn: wendete.

Darbi keem't nebenbi rut, dat he bi en Sadler ordntlich utlehrt harr, reist harr he of, smuck Tüg harr he un Geld oppe Fick, atwer wenn Angreten nu nieschiri mehr frag, so dreih he jümmer mit en Zufall de Schüttel um, un de lustige Sit weer gewis jümmer vör em.

So blieb Peter Stamp een Dag na de anner, deun wat behagt, ward licht en Gewohnheit, keem een Morgen na de anner vun ol Ted ævern Weg, eet bi Jan Niklas sin Fröhstück, oft of sin Middag, hör bald mit tot Dörp as de Böm, de dar waßt, un de Bageln, de dar bu't. He gröt un sproß en Jeden, harr vör Jedermann en egen Art em to Wort to bringn, vör jede Hus sin Tid un Wis' to kam un to gan. He seet dar en Minut opt Geländer vör Dær, keet dar bi't Verbigan en Ogenblick dært Finster, Nüms dach mehr wohin un woher, vör de Meisten weer he de Spaßbagel, de der kam meer as de annern un sin Melodie op sin egen Wis' sung. Atwer allerwärts weer he derbi, smök Abends mit ol Ted sin lange Pip, vertell de sin Dochder Spökelgeschichten, bet se gruli war, un wenn he oppe Grotbel Knechts un Jungs drop, so drill he of de un wipps mit en smerri Gesicht dervun. En Sünnaabend weer he mal mit ol Ted na de Heid wen un harr sit Hemdn un dägli Tüg mitbrocht, en Sünndag sohr he mit em in sin besten Stat na Hasted to Karf, ut Dag' warn allmähli Wesen.

Dat Fröhjahr rüß heran, mit dem keem de Arbeiders na Obderad, de dar blot vör den Summer to don hebbt, am meisten bi den Törf. Richti keem of de stameln Hans Ruh bi Jan Niklas antreden, as de Swüll oppe Del un de Hadbar opt Hus, mit sin ol Süster, de em bi't Torfgraben hölp, ebensovel of bi't Snacken, wenn de Wör em to swar fulln. Trina gung se blid oppe Del entgegen un weer glückli, as de truharti Arbeiter er mit de groten Hann æwer de Backen straf un er vertell, dat se en vullstänni, smuck, mitt Jümfer warn weer. Peter weer jüs derbi, lach as en Spißbov, un drill er dat se son Freid harr an en tobraken Ned un stäkern Deef-Deef-hebber, wobi he glit den arm Hans verbister un em genau

Tüg: Zeug. Fick: Geldtasche. de Bageln bu't: die Vögel nisten. smök: rauchte. Spökelgeschichten. Spulgeschichten. gruli: bange. drill: quälte, foppte. wipps: entwichte. smerri: schmierig lächelnd. Wesen: Wachen. Wör: Worte. blid: freundlich. straf: streichelte. tobraken Ned: gebrochene Rede. stäkern: stotternd. verbister: verwirrte.

nabeer, un sä, he muß man bi em inne Lehr gan, um bi Trina en Steen int Brett to frigen, sin Süster harr al gut prosteert. Un nu funnt si denn of, dat de würlki en beten stülter un anstött, wenn man er oppen Mund keet, un as Peter se denn foorts beide int Bertelln broch un si quanswis mitöv un tolek beid vertörn, do geb dat en lächerli Babelsnack, dat Jan Niklas dat Liv anholn muß, awer Trina war böös un gung weg.

Se kunn dat ni utstan. Se kunn dit un dat ni liden. Lachen much se of, awer op annerlud Kosten, dat weer er häßli. Se kunn ni liden, dat man vör Spaß Een weh de, dat man Een wat wis mak, brüden un drilln weer er toweddern. Se much ni mal hebbn, dat he de Ratt ni in Freuden slapen laten kunn oder de Spiz narr, ahn dat de en mark un dat arm Deert as ut Gespensterfurcht hul un utneih, un de boshafte Mensespel vertrock keen Mien un loch em wedder an mit fründlige Wör. Se weer ni peeweef, se kunn wol en Dub slachten wenn't wen muß oder en Fisch utnehm, awer ehrli muß dat hergan. Doch denn seeg se wedder, dat Spiz un Budel em nalepen, un de am meisten, de he am argsten qual, un he weer wedder fründli un deensfarri, wenn man't gar ni vermuden de; wenn man si Abends argert harr, keem he Morgens as de Sünnschin int Hus, wo allens bi ophell un Bader un Moder redseli bi warn. Wat schull man denken?

Mit Hans Grimm sin nien Bu war't richti Cernst. De Platz war affsteken, dat Hus keem wat wider vörwarts herut, dat he mehr Rum to de Hoffstell un to en groten Garn kreeg, den he anleggn wull. De Garn schull na den Afhang dal gan, dat Hus reck half in den Appelhof rin, half keem dat in en apen Koppel, de si na't Moor affenkt, de gewöhnli int Gras leeg un mit Melkköh beweidt war. Dar müssen wiß bün de uroln Appelböni umhaut warnn un en grote Esch inne Eck, de wol Jahrhunderten darstan un noch de

nabeer: in Gebärden nachäffte. prosteert: profitiert. stülter: stotterte. foorts: sofort. quanswis: „gerade als ob“, nur zum Scheine. mitöv: mitübte. vertörn: erzürnte. Babelsnack: wirre Rede, wie zu Babel, 1. Mos. 11, 7—9. brüden: necken. narr: soppte. Deert: Tier. hul: heulte. utneih: ausniß. peeweef: weichlich. Duw: Taube. deensfarri: dienstfertig. ophell: heiter ward. apen Koppel: offnes Stüd Land. int Gras leeg: mit Gras bewachsen war. wiß = wüde: einige. uroln: uralten.

Friheit un de Slachten sehn harr æwer dat Zieler Moor. Jedermann duer daræwer. En lange Streck vun den Wall mit de hoge Knick war dalreten, dat gev en grot Verännerung int Dörp, as gev en Erdbeben un allns war unsfer. De Lüd lepen darhin ann Fierabend tosam, um den Gruel mit antosehn, vær de jungn doch en lusti Spektakel. All wat ut den Grund keem war bewunnert, de vertiſtten Wurteln inn Wall, de groten Grausteen inne Deep, Kennerz verssekern, de wüssen nu ni mehr, wenn de Sinn se beschint harr. Un wat kunn dar ni noch sunst all rutkam? vellicht mal wat ganz Sunnerbars!

Trina kunn sik dat toerst kum denken, dat son Verännerung mögli weer. Se harr dat hier nie anners kennt as schatti ünner de Böm un köhli in den Amtmannskohl; nie anners as sünig ævern Wall um den twelsten Schürpahl un mauf de ruhigen röthligen Röh. As de Esch umhaut war, stunn se fast ängstli derbi un seeg de Eren er int Flesch faten.

Man harr bet den Abend mit de leſten Släg' tövt, wo allemann int Dörp weern bi't Umhaln to hölpen. De junge Bumeister stunn un comdeer lut un steenharti; he seeg er häßli derbi ut, un doch værnehm, se harr en Grien vær em krigen kunnt, denn allemann-faten mit an de Keep un trocken na de Tacht, den he angev, sogar wüß Fruns un er egen Bader, de dat Enn heel, un schändli repen se hurah, as de prächtige Bom gnasch un brasch un demödi orpe Sit full. Do wiſch de Bumeister sin Hann af as en Slachter un besohl wedder wat nieß.

Na enige Dag' weer de Platz ebent un de Grund afsteken. Man wenn' sik an den Frevel. Dat gev ganz nie Weg', de man sunst ni gan harr, un wo nu Jedermann tre ut Nieschir, ganz nie Un- un Utsichten keem apen, man kunn sik ni genug verwunnern, wa de Gegend en anner Gesicht kreeg, man keef sik noch wedder mal mit umher un cntdeck wat, wo man sunst jeden Dorpahl kenn, so wit dat

Zieler Moor: s. Quickborn S. 195 ff. duer daræwer: bedauerte dies. dalreten: niedergerissen. Gruel: Greuel. vertiſt: durcheinandergewachsen Grausteen: Granitblöcke. inne Deep: in der Tiefe. Amtmannskohl: Geißfuß, eine Schirmpflanze. twelst: gespalten. Schürpahl: Scheuerpahl für das Vieh. Eren: Ägte. Umhaln: Umreißen. comdeer: kommandierte. Keep: Seil, Tau. gnasch un brasch: knarrte und frachte. wenn' sik: gewöhnte sich. keem apen: eröffneten sich.

Dg red. Dat war en netten Tidverdriv un rein en Pläseer, besunners wil man of annerlud drop. Di Ted harr sit bald en egen Sitz op den Eschenstamm erobert, de blot utpult war un liggn blev, en Aft deen em as Rügglähuelsch, dar funn man em den ganzen Dag, wenn gut Wedder weer, wo he toseet un mit de Arbeiders klän oder de em sunst ann Weg keem. Peter Stamp weer der gewöhnli to drapen, of de Frunslud iut Dörp keem mitto mit Knütttüg darhin.

Trina verwunner sit, as de Grund to de Müern leggt weer, wa lütt alle Gelaten warn. Se harr den Bumeister mehrmals den Riß wisen un teken sehn un sit in Gedanken ganz wat anners to recht stellt. Se sprok mit Peter deræwer, mit den se wol allerlei besläen. He brü er un sä de Zimmermann harr den Riß na de Grashüpperhüs' nahm, de Trina as Kind ut Smewelsticken un Kartenblæd ut Mitliben bær de arm Thiern, de Nachts buten sitten müssen, opbu. Awer he war doch ernsthaft, as he seeg, dat Trina sit ungedüll umwenn', he bedü' er vernünftig, dat dat jümmer so leet, bet de Müern umhöch weern; un as se tosam bær den Appelhof to Hus gungn, weer he sogar de Gerste, de sachmödi op er Rinnerspilln torüggkeem, wat se so geern harr. Trina weer in de Jahrn, wo son junt Seel toerst sit besinnt un ahnt, wat kann kann, un wol al wehmödi torügg süht op en Tid, de kum to Gnn is, wo awer dat Hart ni lengt, as nu mitünner, un doch süln ni weet wona? En Minschenhart is en wunnerli Ding, en Mädensseel is as en Blom, wo kumt er de Duft her? Se seeg ut er blauen Dgen besunnerli umhöch, denn plegg se de Hann an sit to drücken, un se sä: Wa weert en schöne Tid, Peter! do weer allns gut, du weerst of anners! He schu sit to lachen, as se so re an sin Sid as en Presten, weer se doch antosehn as en Engel vun haben, er Haar glänz in den Abendschin, so fram seeg se ut. Fast as in Andacht gung he op er Gedanken in: „Am schönsten weern doch unse Gärns, de wi anlen, weest du noch, lütt Trina?“

Dch ja, bedü se, op den Steendisch ünnern Berrubom,

utpult: geköpft. mitto: bisweilen. Knütttüg: Strickzeug. Gelaten: Gelasse, Räume. wisen: zeigen. Blæd: Blätter. buten: draußen. leet: schiene. umhöch: in die Höhe gebaut. sachmödi: sanftmütig. Spilln: Spiele. lengt: sich sehnt. schu: scheute. vun haben: von oben. fram: fromm, sanft. anlen: anlegten.

den Grotvader uten Goldbarg gravt harr. Wi fülln em uten Raben vull witt Sand, wat id inn Platen hindrog, du makst dat eben un plantst de Böm, it plant de Blöm. Gott wa egen! wi maken dat blot ganz fröh inn Fröhjahr, wenn wi toerst wedder buten durn kunn, denn awer of alle Dag' vun Morgen bet ton Abend, nös war't ganz vergeten, awer alle Fröhjahr keem dat wedder as de Bageln kamt. It weet dat noch genau darbi: din Böm dat weern de Kättchen vun de Wicheln un Fleddereschen, de so nüdbli roth un gel ut de Wull rut kist, se sünd dat Gerste, wat man süht, wa de Im in summt. Du sammelt jünner vun alle Arten un fullst noch mal darbi uten Bom. Dat Maas, wat wi funn, weer unse Krutwart, wi kragen dat lüttste vunne Mur af, dat lett jüs as en Duß, de man fröher vær anne Steweln drog, wi sän of Dussenmaas darto, dat stell unse grön Bagen vær. It kunn mennimal ni slapen vær Freid, ni eten vær Hast, dat wi wedder rut keemn, un wenn wi int Schummern rin ropen warn, keet it noch ünnerwegens torügg na all de Herlichkeit.

In en frisch Gemöth gift de Behmoth keen Smarten, un dat Lengn is vær de Seel as en Dau; æwer de Welt hin ilt de Gedanken un kammert sit warm an allns, wat se rect; keen Wull ann Heben, dar gat se mit, keen Hus inne Feern, dar lat se sit dal, keen Ton dærch de Abendluch, he kumt mit en Klang merrn ut dat Geheemnis, wo dat Glück sitt, wo de Freid winkt mit beide Hann, un dat Hart kloppt blot wil't to vull is vun den groten Strom, de lebndi treckt æwer en selige Welt.

Dat war en munter drifti Leben in Odderad. So vel Arbeiders harr man hier wul noch nie oppen Dutteln sehn as nu an Zimmer- un Murlüd, Stöffers un Dischers tosam lepen. Vun morgens fröh an hör man de Ex un dat Breetbil an de langn pommerischen Balken dræhn', de Klustfag'

Goldbarg: Hünengrab. Raben: Roven. Platen: Schürze. durn: ausshalten. Kättchen: Käpchen. Wicheln: Weiden. Fleddereschen: Bitterpappeln. Im: Dienen. uten Bom: aus dem Baume. Maas: Moos. Krutwart: Kraut. Duß: Rosette aus Pflisch. Smarten: Schmerzen. rect: erreichen. Heben: Himmel. Luch: Lust. drifti: thätig. Dutt: Hause. Breetbil: Breitbeil der Zimmerleute, zum Behauen der Balken. Klustfag: Säge, mit der Balken zu Brettern zersägt werden.

gnasch inn langsam' Takt un leet dann un wann den Ton hörn, de scharp un lud as vun en Thornkloß klingt. Fremde Murgesellen harrn nie Leder mitbrocht, se hebbt eher Tid un Mthen bi er Arbeit, unvermoden keem een oder de anner dunt brumm int singn, un de Annern fulln in, un within æwert Moor schalln de Gesängn wehmöbi oder vull Luft. Gelächter geb dat, oft losshasti nog, denn dats keen Volk, wat sit schont. Na Fierabend trock oft de ganze Mannschafft in Marsch un Kriegsgefang dærn Ort herum, oder dar warn brodlose Künst oppen Knüll un Buplaz utövt, mennimal halzbreken æwer-möbi mit klattern un springn, radslan un wettlopen, op Kopp un Hann stan. Mitünner seeg man den Tropp ruhi lagern, um irgend en Bertelln totohörn.

Dar weer kum so vel Platz int Döörp, alle Leben ünner Det, all Lüd ünner Dad to bringn. Hans Grimm harr keen Gelat mehr vær sin egen Bett an sleep inne Affit mit apen Mur, man harr rin langn un em bi'n Kopp frigen kunnt. Wenn de Bumeister af un to enige Dag' æwer blev, so wuß he keen Rath vær em to en anstänni Lager. So bë he Angreten, de doch noch vun sin Fru her en Stück ut de Fründschopp weer, um er Westerkamer, un leet dar en Anstalt opslan. Daræwer keemt wul, dat de Bumeister Abends gewöhnli bi Jan Niklas seet. Peter Stamp keem of, denn plegg of Ledohm mit sin Dochter nich to fehl'n, Hans Grimm darto, faken bet deep inne Nacht, denn dat weer, as wenn alle Ordnung doch ophört harr.

De Meister kenn so wat all ut Erfahrung, he harr al ehr en Summer oppen Lann tobrocht. He leet dat ni ganz oppen Tosall ankam un de so to seggn sin Deel, dat man sit ni lantwil. He broch allerlei mit, wat he værweisen kunn, wat vun sin Reisen, allerlei Merkwürdi, Burisse vær de Kloten, vær de Jungn Biller oder mal en Bos, dat wiß he orndli vær un verbütsch dat, dat verstunn he.

Trina hör em gern to. Se hör gern wa annerlud lebt, gar in ganz anner Gegend, mit ganz anner Geber. Bi't Lesen blüfft dat fremd, man kann ni nafragen, dat is

gnasch: schnarrte. unvermoden: unvermutet. nog: genug. Knüll: mit Gras bewachsener Hügel. utövt: ausgeübt. radslan: Radschlagen. Leden: Glieder. Det: Dede. Affit: Seitenraum an der großen Dresch-diele im ditin. Bauerhaufe af un to: ab und zu, bisweilen. bë: bat. faken: oft. wisen: zeigen. Geber: Gebaren, Sitte. blüfft: bleibt.

all glatt maht; man list wul, wat de Lüd do't, awer nich wa se't utholt. Dat weern jümmer er Gedanken. Se muß mal weten, wat son Mann den ganzen Dag verhar, wat he maht, wat sin Fru, wat sin Dochter, wat se eten, woken der keem, wat se dachten — anners harr se keen Ruh. Un wenn't man de Fierter Bessenbinner weer, so frag se em genau ut, wat he de ganze Wet denken de, bet he Sünnabends na de Heide sohr un sin Verrath verkoff, un se gev sit tofreden, as he er vertell: sin Gedanken lepen jümmer so herum vun een Fuß na't anner, wo he sin Kunden harr, un he dach sit ut, in woken he am leefften wahn much.

De Zimmermann weer meistens ernsthaft un stramm. Wenn he wat erklär, sprok he alleen un war lud, wenn der snacht war, as harr he Rinner um sit, de der tohörn un lehrn müssen. He seeg stur ut, wenn of ni unfreundli, doch weer he of ni eenmal verdreetli, un wenn Trina nafrog, de gewöhnli bi em seet, denn he schob er jümmer den Stohl an sin Sit, so maht he dat nett er allns to verklären. He seeg sunst of jüs ni smuck ut, mehr breet un stark as slant un behenn, of weer er sin Nam towedbern, se much em nich geern utsprecken, he heet Wulpert, se sä lewer Meister to em, se war binah bang, wenn he er anseeg, un doch war he denn blid. Awer he rüt streng' na Rienholt.

Peter Stamp kunn em ni utstan, dat wis' sit glik. De seet oft ganz muchsi still oder full em, wenn he wat beter wuß, lud inne Red, denn he harr of vel sehn un mehr as man löv, wat nu eerst to Dag' keem. Awer he maht keen Profeschon darvun, dat harr keen Tohopenhang, he wull der nig mit, he leb blot vun Infällen. De kunn em denn mit kam, dat allns op den Kopp to stan keem. He vertell nich, he maht allns ver, as wenn man derbi weer, dat drulligste Lüg, dat allemann lud warn un he sülbv ævermödig, denn nebenbi kalt oder swart he denn noch Een mit de Lichtes an oder snör em ann Stohl fast, denn he harr Fingern as en Herenmeister un nims war derum wis, of schon' he nims, sogar old Ted ni oder Trina ni oder de he am neegsten weer.

woken: was für einer, wer. Fierter Bessenbinner: Besenbinder aus dem Fiert (einem Stück öder Heide, wo Ginster wuchs). stur: steif. verklären: erklären. towedbern: zuwider. rüt: rüch. muchsi: tüchtig. löv: glaubte. swart an: schwärzte an. Lichtes: Lichtschuppe, noch glimmender Docht. nims war wis: niemand bemerkte.

Dat gefull doch am meisten, of stunn em dat nett an, he weer en beten utlandsch na Gesicht un Ogen; man seeg an er Hæg, dat alle em liben muchen. Awer he kunn of neti un asi wên, kunn den Snack störn un de Lüð quäl'n as wull he Larm hebb'n oder Stant maken recht mit Willn. De Zimmermann weer to ruhi un wull nich, op den harr he dat meistens affehn, doch of sogar mitto op Trina, un eenmal ma' he dat op en Abend so arg, dat Angreten böß war un Trina lisen sä: Peter, schust di würkli wat scham'! Do fahr he op, grappel na sin Müß, leep ahn en Wort uten Dörnsch, un muß innerwegens wul noch den Nebenhund en Tritt geben hebb'n, de em vellicht na sin Gewohnheit ansichelt harr, denn man hör dat arm Deert ludut janken. — Ol Ted sä, Peter harr Grilln, he löb, he wull frien, he harr en nett beten Geld arbt, as he man hör, un dar kunn wul noch mehr kam, nu much he am Einn lewer Bur as Sadler warrn. Dat gev si' wedder, he weer doch en verdöwelten Bengel.

Sinn Grunn weer he dat of, un am netstten, wenn he alleen weer oder dat Regiment harr, dat kunn man ni jümmer angan. Dat is de Lust un de Last in en lütt Dörp, dat man si' so neeg kumt un ni vun enanner kann. Man mutt si' an Menschen wenn' un mutt si' na Minschen schiden jüs as se sünd, un dat is mennimal sur nog. Herr un Deensten blivt darum gottlos of tosam sowit ast paßt. Dat söcht si' awer doch ut, wat am besten paßt, un bi son Gelegenheit as nu in Odderab, bleben de Arbeiters lewer vær si' un Pnachten's un Dierns bi se, denn dat gev vel Ries, jüs ni ümmer vel Guds, de Buern klagen bald æwer mehr as Unordnung. Sünndags gungn vele Handwerker to Hus, of wul en Tropp oppe Swier, de in Offenbüttel oder Hasted si' noch mehr Recht neem un Spektakel maken as in Odderab. Towiln keem der Besöf vun Arbeiters ut anner Dr, un Gelagg un Danz war hier int Dörp fiert. Darbi keem allerlei Tæg vær, lustige un grawe, all ast full. Of de Burn harrn Visiten vun Bekannte un Verwandte, dat leep der so vær enanner as op en Jahrmarkt, un de Duplag weer de Sammelplaz vær dat

Hæg: Freude. neti: nissig, zänkisch. asi: tüdtsch. Stant: Streit, Zank. schust di wat scham': solltest dich schämen. fahr op: fuhr, iprang auf. grabbel: griff schnell. ansicheln: schmeicheln. ludut janken: laut winseln. wenn': gewöhnen. Swier: „Schwärmerei“, leichtes Leben, Trinkelgelag. Dr: Orte. Tæg: Büge, Streiche.

ganze Dörp. Bi allerlei Uttakeln un Schabürkenspill vun de lustigen Geselln seeg man to, Peter Stamp misch sit wul dertwischen un broch Smack un Schick hinin, bi en Tanz war wul een vun de jungn Mädens oder Fruns mit opnödiat, un Peter süm denn nich, mal mit Trina rumtorwalzen. De Bumeister gung jümmer al Sünnaabends to Hus na de Heid un plegg eerst inne Wet wedder to kam.

Ol Ted spandeer sogar mal een Sünndagabend, un op sin Lohdel war danzt. He muß en ganzen Lustigen hebbn, he harr heemli en paar Musikanten bestellt, de er best den. Dar weern müd Verwandte ute Südermarsch bi em, en paar junge Dierns in bannigen Staat mit siden Kleider un Goldwart, un enige Bengels in Stulpensteweln, de op de Burnschol Benerghm lehrt harrn. Dat weer awer darna. Se danzen bannu un sän Trina allerlei, wat se nich mal verstunn, nüs warn se bald dun, un Ten wull dorchut en Kuß hebbn. Darbi jachdern se dær de Affit un den Besel, wo de Ol brunken un tosehn, un Trina fluch sit an Tedohm, de den Kuß vullstänni kreeg. Dat stör nich, dat de Bengels grotprahli warn un de Dams en beten vörnerghm leiten, dat gung lusti bet inne Nacht.

Jan Niklas weer al fröh weggan, Peter Stamp sä er bi en Tanz, dat he er to Hus bringn schull, un vergnügt gung se weg, as alle sit verstrein un de Wagens mit Gesang dervan fahrn.

Do awer war Peter as kreeg he en Schur, dat he er eerst drill un kneep, he weer of wul dun, denn sat he er un un küß er op Mund un Hals, dat se sticken schull, un as se bös war un sit los reet, blev he stan, sä op eenmal wat dumm Tüs, un leep in vullen Drav den Weg nat Moor hendal. Do leep se rein in Angsten to Hus.

Wa weer se verdreetli! Se kunn sit gar ni besinn un scham sit vær sit süln. Denn seet se nadenkli in er Kamer un dach verwunnert hin un her. Se harr sit so freit, as Peter Stamp vær enige Weken kam weer, se harr sit freit, dat de Summer keem, de Röh vunn Stall, dat Hus grot un

Uttakeln: Bekleidung. Schabürkenspill: Maskenspiel. Smack un Schick: Geschmack und Geschick. süm: säumte. den: thaten. bannig: gewaltig. Burnschol: landwirtschaftliche Schule. dun: trunken. jachdern: jagten. vörnerghm leiten: vornehm thaten. Schur: vorübergehender Anfall. dumm Tüs: dummes Zeug.

apen; dar weer so vel Nies kam, wat dat Leben frisch un lebndi maken kunn, un doch weer wat ganz anners warn, as se dach, weer wat ni recht, dat föhl se deep innerlich. De Maan gung int Westen ünner un leet en langn Glem æwer Moor un Marsch bet anne See hendal. Dat weer still un dot, un doch hör se en Ton, as wenn dat Haf brus', wat man mitünner bet oppe Höchden hin hört: wull wuß, wanehr de Wind keem un woher? dat steit je al inne Bibel. Er weer binah as kunn de of æwer er tofreden Seel treden, se wuß ni wasüch, se much wat wünschen, un hæp, dat dat ni so keem, er weer wunnerli to Moth, er Hart klopp gegen de Finsterpost.

Do seeg se inn Garn en Mann, de in den gelu Schin tre. He seeg sit um, schull't en Deef wen? He keem na't Hus lant, gegen er Finster blev he stan un lachn sit an en Bom. Dat weer Peter Stamp.

Se föhl dat as den Storm, de der kam will, se flog schüchtern in er Bett un troch de Def bet ævern Kopp. Noch hör se ant Finster kloppen un mehrmals Trina ropen. Dat weer, as wenn en Bliß dær er Seel gung. Doch ruhi war dat buten, de Nacht war düster, er Hart war still, un lang sleep se bet an den Morgen.

Wat sit röhrn schall, will blot en Anstot hebbn, un dar fehlt dat ni an inne Welt, wo nix still steit. Of de Seel kamt Gedanken un ript to as en Ræt int Sluv, en Bagel hüppt oppen Twig, so fallt se: wer harr se dar söcht?

Trina dach ni an güstern Abend, se wull der ni an denken, se wull sit er Ruh bewahrn, Peter Stamp weer er towedbern, he weer er as Een de er belurt harr un er int Ohr sä, wovær se roth warnn muß, man muß sit scham, so wat gebör sit ni. En langn Drom harr sit daran spunn, de leeg er deep inn Sinn un leet sit ni affchütteln un folg er inn helligen Dag herin. Se weer op den Buplaz wen un in den Appelhof, awer se harr ni gan, fundern lisen babn de Ger hinwept, as flog se, dat mark se eerst sülb kum, as hör sit dat so, awer ünner de Böm stunn dat vull Lüd, de in Bertwunnerung to sehn, do war se dat wiß un föhl sit stolt

Glem: Schimmer. Haf: Meer. brus: brauste. wull: wer. wanehr: wann. wasüch: wie. Finsterpost: Fensterposten. gelu: gelben. Deef: Dieb. ript to: reisen. Ræt: Ruß. Sluv: Hüß. wovær: wiewegen.

un vœrnehm un as wat Besunners. Se nüß den Meister vun haben to, de ernsthaft utseeg, de Arms æwer enanner schränkt, un slog an em vœrbi. Peter Stamp wull er gripen, awer se glipp em weg, as he de Hann na er tosam slog un se denn utstreck as nan Heben herop. Do kunn Wader un Moder er ni holn, denn dat gung æwer en grote Koppel mit ganz glatt Gras, dat alle fulln, de er bister achterna lepen. Half weer se truri, half glückseli, mit son wunnerli Gefühl, as se gar ni kunn, dat de Althen er stod un dat Hart er slog; denn ann annern Enn stunn en jungn Mann, as Een, de op er töv, sin Gesicht weer as en Bild, sin Ogen so hell. Winn in er så wat: dat is he! Nu do war se seker, leet sik ansaten bi de Hand, leet sik küssen vun em, un mit em gung se in de wide wide Welt.

De lekten Wör muß se lud spraken hebbn, se wat der-vun op un så se noch mehrmals bi apen Ogen, ja noch lang naher in Gedanken, un dat wunnerlige Gefühl dräng er, so-bald se se wedder så. Ja se seeg noch as in Drom ut Finster æwer de Gegend, wit ant Moor kunn se en glatte Koppel schimmern sehn. Dar keet se lang æwer hin, denn seeg se sik int Spiegel, as se er schön Haar kamm, wat er deep æweren Nacken un Schullern full.

Oppe Geest leggt de Wullhebbn noch fülln mit Hand an. De Bur geit achter de Plog ober drifft de Per un mött wenigstens mit bi un deit Handlangn, wenn em't vœr vull to sur ward. Enige brüßt sik sogar æwerflödi darmit, jüs den dicksten oder den smerrigsten Enn to treden oder er Rinner darhin to höden. Ol Ted sin Dochter klei den halwen Summer inn Törf rum, weer de Meister bi't Ringn un Klöten, wuß Abends genau to berichten, wovøl Dufent jeder Gramer un Schuwer rut un rop un rum brocht harr. Se fülln natürlig harr alle æwerdrapen. Trina harr keen Lust to so wat, un harr se't hatt, so harr Angreten dat ni leden, de er nich anners as vullstänni bi er Döpnam Kathrina nöm; de fühl en beten Tellingstöder Vœrnehmheit in sik, denn se harrn bi den Kaspelvagt bitowahnt, as noch er Moder de,

nüß: nickte. glipp weg: entschlipfte. bister: verwirrt. töv: wartete. Wullhebbn: Wohlhabende. mött: fällt auf, an. smerrig: schmierig. höden: hüten, jagen. klei: grub. Ring und Klot: Dorfs-hausen nach Regeln geseht. Schuwer: Schieber (mit der Karre). rut, rop: heraus, herauf. rum brocht: beschafft. leden: gelitten. Döp: Taufe. Kaspelvagt: Kirchspielvogt. bito: nebenan.

un mit den sin Swester tosam Knütteln lehrte. Int Hus muß awer Kathrina düchti mit deran, muß wul mal bær en Deenstbiern mit inne Bug springn, wenn der een krank oder na de Öllern weer.

So harr se nu al enige Dag' de Moorarbeiders den Middag hendalbrocht. Darbi snack se mit er stameln Hans' Ruh un sin Süster int grüne Gras, bet de aseten harrn. De Tour mak er deshalb vel Vergnügen. De Weg weer ni wit un weer nüdli. Achter ern Garn, bær en lütt Kratt, leem man as in en Wildnis. En small Heilohstref liggt dar noch int Rus twischen Geest un Moor, mit Borscht un Barkenbüsch, mit Brahm un Bänk un Sid un Ginster, un all wat kräftig stormt un verdächti utsüht, bet op dat Bettstroh so witt un dat Slangkrut so grön, un de Käferspör un rasselige Gernslipers. Sünd doch de Rams sogar munnerlich, un wenn't man de Krüder sünd, as Alderjan un Balderjan, Nachtwijoln un Brummbein. Se lach nu deræwer, awer egen weert der doch, weert nich so neeg, dicht achtert Dörp, dat man de Sagen hör, un platt ant Moor, wo de Törkarn janken un de Schüffeln glinstern: Een kunn gru'n warn.

Hitt weert in Summer hier jümmer. As Kind weer se mit Peter herlopen, um Blöm un Bickbein to plücken, denn harr se jümmer en Angsten hatt. Se harr er lütten Schoh ut trocken, de lepen in den smallen Patt er wull Sand, un barfot bær den hitten Smull wadt, de er twischen de Tön bær leep. Malins harr Peter na en schön Pull Krutenblom gegen en Knüll ropstappen wullt, de weer jümmer barfot, do harr se en Slang wis warn, de in en Krink leeg un mit de Angel fissel, jüs op den Plaz, wo Peter hintreden wull. Wa harr er de Angst vun de Föt heropkräpen bet inne Fingern un inne Schullern, as wenn se opflegen muß! Se harr

inne Bug springn: in die Reihe treten, vertreten. aseten harrn: abgeessen, d. h. die Mahlzeit beendet hatten. Kratt: Gestrüpp. Heiloh, Heideloh: Heidewald, Heide. int Rus: im Wilden. Borscht: Myrica Gale. Barkenbüsch: Birkengebüsch. Brahm, Bänk, Sid: Ginster, Besen- und Rietgras. Bettstroh: Unser lieben Frauen, Galium verum. Slangkrut: *Caltha palustris*. rasselige Gernslipers: raschelnde Eidechsen. Brummbein: Brombeeren. janken: quieken. glinstern: glänzen. Patt: Pfad. Smull: Staub. Tön: Felsen. Pull: Busch. Krutenblöm: Edelheide, *Erica tetralix*. Knüll: Hügel. Krink: Kreis mit de Angel fissel: mit der Zunge spielte.

schregen un Peter harr dat Thier dot makt, se wuß noch ni wasüch!

Wenn se heröver keem un Hans Ruh inne Feern öfern bi't Dörfgraben seeg, so full er jümmer en Rinnerleed in, wat se mit en wunnerlige Melodie vun en ol Wartsfri lehrt harr. Dat goll egentli vör en Mullwarp, aver se dach derbi an den oln Arbeiter:

Nachter unsen Guse
Dar wahnt ol Peter Kruse,
Nu graut he dar
Al sieben Jahr,
Ilu ward ni eenmal eenmal klar.

So grav Hans dar of, un war ni klar un war ni untofreden.

De Snittweg hendal is grün as en Sammt, æwert Moor geit jümmer en Röhln, de Vorrn is weel un bögt sik inner de Föt, de Bageln sünd ni schu un bu't anne Grövkant, un wa weer er Hans dankbar vör jede Mahl tid, dat weer en Lust em Gien to bringn.

Dar dach se of vun Dag' an as se gung. Se harr Hochmoth un Eitelkeit hendaldrängt mit Vernunft. Se wuß nich, wa schön de flache Hot er stunn op de dicken Flechten, nich, wa er Gestalt sik smidi wunn' den smallen Patt dært Heidkrut lank. Se dach nich daran dat er Bull na= oder entgegen sehn muoch oder mit er wünsch, demödi gung se inner er Drach un acht' op de Hangelpütt mit de gedüllige Hans sin Middagsmahl.

Op den Weg dör de Heiloh seten enige Lüd, de se in Gedanken gar ni sehn harr. Een seet op den Knüll, de se noch jümmer den Slangbarg nönn. Se kreeg en flegen Angst, dat Peter Stamp dat wön kunn, un dach an weglopen. Aver dat weern fremde Lüd mit Rod un Stod de er na den Richtweg na Alversdörp fragen. Se segen er wat drot un drist an, dat se sik binah scham, aver as se doch de Dgen opflog un den oppen Knüll, de der opstan weer, wiß

öfern: still, fleißig. Mullwarp: Maulwurf. klar: fertig. Snittweg: Richtpfad. Röhln: Röhlen. Grövkant: Grabenrand. smidi wunn': schmeidig wand. Bull: Jemand. Drach: Tracht, Schulterjoch mit Ketten zum Tragen. Hangelpütt: Henkeltöpfe. flegen Angst: plötzliche („fliegende“). drot: zudringlich.

war, do flog er dat dær, dat dat Blot er still stunn, denn he keem er vør as de junge Mann uten Drom: so schön sin Gesicht, de Ogen so hell. Se seeg wol glit, dat dat en Inbilln weer, se wuß nich mal recht, wa he utsehn harr, doch do gungn se al, un se seeg si ni um, wat de jungn Lüd wol den, dat hör se ant Singn, womit se fort marscheern, wat er wunnerli dærtrod.

As se na Hans hendalkeem, frag se em, ob he an Værbüden löv? „Jawull,“ så he stamern: „Arbeit bedüüd Ruh,“ un ob de Wiß em keem, as he ut nette witten Döcker en warme Mahl tid rutwickeln seeg: „Ruh bedüüd wol Arbeit, darum hett uns Herr Gott mi tou Arbeiter maht.“ Daræwer lach he hartli, un le si bequem int Gras, un war ni wiß, dat sin smuck witt Jümfer witter un nadenkliger weer, as se to wesen plegg.

Op den Rüggtweg seeg se wedder en Minschen jüs bi den Anüll op er tosam. Gott! se dach inn eersten Ogenblick, un wiünsch, un hæp, dat de junge Mann dat weer, weer umfehrt, keem er to möt! Doch ditmal weer dat Peter Stamp. Se gung em glitgülti entgegen, awer he hast, he harr en Bertom æwern Arm, he muß wat besunners vør hebbn. Natürli dach se an güstern Abend un meen, he keem na er. De Kopp war er dumm, wat wol mit er værgan weer, dat se nig mehr drop un dach as Minschen un Gedanken, de si ünner enanner „verklagt und entschuldigt.“ Do så he er inne Hast, dat er Bader krank warn weer, se much to Hus ifen, he wull oppe Koppel en Pferd nehmen un vun Möldorp den Dokter haln.

As en kolt Water leep er dat æwer de warme Bost. Man en Ogenblick föhl se, dat er Gedanken wittlösti wesen weern, wenigstens keem er dat so vør, dat se Bader un Moder vergeten harr, un nu, fürcht se, keem al de Straf. Nich to hart, be se, nich to hart! All Begehr weer as erstarrt vør en isige Küll, dær de Heid flog se, wat er bewern Föt er dregen kunn.

So störrt se in Bertwiflung, as weer he al dot un se harr em umbrocht, int Hus un reep, wo he weer, wo se em hinleggt harrn! Angreten harr ganz den Kopp verlarn,

Inbilln: Einbildung. Værbüden: Vorbedeutungen. Döcker: Lächer. to möt: entgegen. hast: eilte. Bertom: Pferdezaum. drop: traf. be: bat. bewern: beenden.

jammer op de Del herum un wis' na de Stub. Denn Müms weer wenn't, dat mal Een wat fehl, am wenigsten Jan Niklas de ni frisch awer jümmer liker süß utseeg, so lang em Een kenn. Dar flog se herin. Ol Ted seet ant Bett, de Kranke leeg un stahn, se süß'n harr keen Atheu mehr weder to schrigen noch to fragen. Furchtbar beklemm er dat de Bost, se harr dalsaden kunnt, wenn de Angst dat tolaten harr, un se seeg in Dodensnoth um sit rum. Do war se den Meister wis, de gelaten den Kopp nül un ute Feern den Kranken betracht. De keem op er to un seeg er mit sin truhartigen Ogen an, he sat er bi de Hand un sä, se much ni vertwifeln, se much sit faten, de Atheu gung den Kranken noch gut, de Dokter war bald kam un Hölp bringn. Och wa klung er dat tröstli vun son setern Mann, den dat Mitliben opt Gesicht stunn un de Kraft inne Gestalt, dat er Leben un Hoffnung wedder warm æwerkeem. Se brüch em de Hand un süß op mit en luden Schrigg, er Hart kreeg wenigstens Luft, un he tüsch er, troch er op en Stohl ant Bett, un mal ahn vel Wör er un alle gedüll'i un gelaten.

To don weer ol niz, as to töben, wenn man den Kranken ni noch störn un quäl'n wull, denn he leeg so hin, un darto weer Trina to verstännig bi all er Sorg. To wesen kreeg se niz as wat ol Ted er lisen vertell: dat he bi den Duplaz op eenmal likenblaz warn weer, he muß dat al ünner sit dragen hebbn, he weer al güstern Abend nich op sin Schid wen un fröh weggan, un dat he æwer Koppweh klagt harr un weer bit Tohusgan inn Appelhof dalslan. Dar weer Wulpert, de Bumeister, to sprungn un harr em tohus leidt, un Peter Stamp nan Dokter wegstürt. Wenn de nu man bald keem!

So seten se denn un hochen, bet endli en Wagen rassel un Peter Stamp den bekannten langn eernsthaftigen Mann inne Stub leet. Wa les' Trina an sin unverännerli Gesicht, bet he endli sprok! He funn den Kranken nich ahn Gefahr, awer ol ni ahn Hoffnung. Dat Slimmste weer nich dat he

wenn't: gewohnt. liker süß: immer gleich. Bost: Brust. dalsaden: niedersinken. tolaten: zugelassen, erlaubt. nül: sentte. war kam: würde kommen. son: so einem. süß op: seufzte auf. tüsch: beruhigte. töben: warten. lisen: leise. ünner sit: in sich. op sin Schid (eig. „nach Gebühr“): sich wohlbefindend. dalslan: niedergeschlagen, gestürzt. tohus: nach Hause. leidt: geleitet. wegstürt: weg geschickt (gesteuert).

ahn Besinn leeg, dat much se ni angsten. Se schulln man genau befolgen, wat he vorschrieb, he war glif en Rezept na de Apthet schicken, se schulln man en Knecht nastürn. Morgensfröh, sä he bi't Wegfahrn, keem he wedder.

Darmit weer de eerste Stot æwerstan, man muß astöben un kunn siß besinn, de Sorg war en Toftand. Och, awer denn ward se eerst de Last, de allmähli daldrückt un en junf Gemöth bögt as en Rip de Twigen. In en Stunn harr se de ganze Husholn verännert, as en Frost, de in en Bostwetenfeld fällt, as en düstre Wul' de æwer de Gegend trecht, wenn eben de Sünnschin lach. Langsam un mit bliern Föt un swar as de See, wenn se stiggt, as en Thier, wat der kruppt, as en Nachtmahr æwer de Bost, keem se op un herop un wülter de beklommen Angst as de Waggen æwert Hart: wat der kam much mit de Tokunft! Nix leet siß aswenn, rund rum kunn man langn as mit lerrige Hann, mit de Arms inn Schot muß man sitten un tosehn. Ja alleen! Denn Jeder muß sin Geschäften na. Un as ol Leb gan weer, un de Bumeister inne Dær sä, he war wedder inseh'n, so oft he kunn, wenn wat passeer, muchen se em ropen laten: do weert as wenn de blasse Dod man lur, bet of he weggan weer un de Dær topannt harr, un mit sin sachen sefern Schritt langs de Bohdel sach dat Hart hölplöz inne Bost hendal, un en Ween' keem æwer de arm Trina, wat gar ni opholn wull.

Man mutt siß saten, dat is oft dat Bettste un dat Dullste inne Welt. — De Dag' weern böz, de Kranke leeg so hin, he wenn' kum den Kopp, wenn Trina em mit er Kinnerton „beste Bader“ nöm, um em intogeben, he æpen nich de Ogen, he sä keen Dank, wenn se em vørsichti Kopp un Rüffen torecht schov, he stæhn nich enmal, awer de Althen, worop se nu jümmer hoch un lur, gung hasti un ängstli. De Dokter keem un gung, sproß vun Trost un schüttel doch den Kopp, ut sin Gesicht weer ni mehr to lesen as ut sin Wör. Angreten weer ganz verba't, kunn ni binn noch buten burn, siß süßn ni saten un annere nich betzemen laten, Trina

Besinn: Besinnung. much angsten: möchte ängstigen. war en Toftand: ward ein Zustand. Rip: Reif. Bostweten: Buchweizen. Nachtmahr: engl. nightmare „Nachtreiter“, Alp. wülter: wälzte. Waggen: Wogen. inne Dær: in der Thür, beim Fortgehen. lur: lauerte. topann: zumachte. lettste: späteste, letzte. dullste: ärgste. verba't: verwirrt. burn: aushalten. betzemen laten: gewähren lassen.

muß sit dwingn. Se söch Trost, se söch Stärken, wo se se finn kann, se rich sit jümmer wedder umhöch, wenn se of hundred mal tosam sack, se heff er Dgen op dat bleke Gesicht, se klammer er Seel an dat frame Gemöth, er düch, se kann em holn, wenn se fast heel, nich vun sin Bettstell wil se, un so kreeg se am Enn en Gewalt, dat se en Held warn weer, wenn't nödig de, un en Globen an den Hölp vun haben, de er Gedanken hoch heel, sogar æwer Dob un Graff hinut.

Dat Wichtigste inn Menschenleben, dat wat em recht smölt un umsmölt, dat he ward wat he is: dat is doch vær alle glik, denn dat kumt gradto ut uns Herrgott sin Hand; bi Bele verdeckt de Noth dat un Hunger un Kummer lett dat ni dærschin, bi Bele verdeckt dat de Glanz, un de Pracht hangt bunte Gardin dervær, awer genau beschn is't weni anners ünner en Kittel un ünner en Mantel, denn de Kern is de arme nakelte Mensch.

Trina harr lang er Geduld to öben. As de eerste Stot en Gewohnheit war un al de Hoffnung mit opwaken leet, keem wedder wat Nies vær Furcht un Schrecken. Er Kräften reden ni ut, de Natur verlang er Recht, se muß sit mit dal leggn un en Fru to Hlp nehm, denn Angreten kann ni ut de Husholn, wenn nich allns verkehrt gan schull. Se neemn Hans Ruh sin ol Süster darto. De weer gutmödi un anstelli, awer toerst kann se doch ni mit Allns so to gang' kam, dat de Kranke ni klag' un Trina ni untosreden war. Oft muß se de merrn ut den besten Slap wedder opropen, wenn se blot en Doß oder en Glas ni finn kann oder in Angst un Zwer hittli un angelfarri war. Trina weer nix to vel, war nix to sur, Nacht un Dag weern er glik, se wuß't kum, ob buten Summer weer, een Sorg neem er ganz hin. Awer de leet of ni na. Inn Drom kann se opfahrn, dat Telsche Ruh er tüschen muß, denn se sleep inne Stub bi den Kranken, bi't Opwaken weer er eerste Wort: wa is't nu mit Vader? hett he slapen? hett he wat nöbi? is't en beten beter? Den ganzen Dag gungn er Gedanken ni vun em, un all wat se hör un seeg, buten un binn, leep darmit tosam as de Faden um en Spol. De Wanduhr pic as in Angst oppe Del, de Hund hul er Schrecken to. Ut't Dörp horch se ut den Larm

dwingn: beherrschen. heff: hestete. wil: wich. smölt: schmelzt. nakelt: nackt. neemn: nahmen. hittli: hastig. angelfarri: verwirrt. Spol: Spule. as in Angst: wie in Angst.

blot den Docter sin Stöhlwagen herut, dat lustige Getös' harr den Klang vær er verlarn, gar dat Singn vunn Duplak her, dat Jauchzen un Jachdern ann Abend mak er truri. Wat sunst buten Hus' passeer, gung er gar ni an, kreeg se nich mal to weten, se seeg nüm̃s un hör wat vun nüm̃s, un inne Krankenstuw keem Keener. De Welt harr vær er verwandelt warrn kunnt, se harr dat ni markt, dat gew keen Welt mehr vær er.

Sunnerbar, wa denn doch mal ute Welt mit en Klang herkummt, de inne Seel en Klaklang opröppt. Trina keem he vun de ol Telsche. As dat so wunnerli mit Minschen gan kann, man meent as en Bom, de der waßt, hier weer he of wurteft, un is doch umdragen æwer Land un Water, so weer de in er jungu Jahrn mit en Prediger op de Halligen as Rinnerdiern wen un harr dar hus't. De Lüd sitt dar as op de Planken vun en Brack, merrn inne See, keen Arm kann se hølpen. Jede Floth schält vun de Borrn af, de se driggt, dennoch blivt se. Se lövt, dat Een de Welt regeert, de hollt mit sin Hand of er Knüll, so lang em dat gut dünkt, un so mutt dat gut wen, de mutt dat weten. Mit den gat se um as mit er Bader, seht se em ni, so seht se doch sin Macht un Gewalt alle Dag'. Wenn inn Winter de Floth bet anne Mür stigt, dat se de Weeg oppen Bæn flütten mak, wo se mit Hund un Schap tosam huckt, so heb se getrost vær de unschüllli Beester un er unschüllli Rinner, un vertwifelt nich, wenn de Storm rast un de Waggen bargenhoch schümt un dat Wort inn Mund verstumm mutt. Se sünd weni, oft man een Familie op en lütt grön Plack, awer de kennt sit bet op de Faser int Hart un trut sit in Noth un Dod as den lewen Gott dar haben int Blaue. Darum kamt se of wedder ut allen Enden der Welt, dat Heimweh treckt Jeden torügg na den Plak, wo sin Hart sin Wurtel hett.

Dat harr Telsche Ruh en paar Jahrn mit söhlt, vun den Dovensschrecken an bet to dat Lengn un Durn un de unendliche Ruh, de man blot op en Hallig kennt. Al dat kreeg Trina nu na un na ut er Munn, un dat paß to er Gefühl, as weer se sälbn mit Bader un Moder op en Eiland utsett, un blot de Allmächtige heel en gnädige Hand haben se.

buten Hus'; außer dem Hause. opröppt: auf-, wachruft. Telsche: Mathilde. Halligen: Inseln an der Westküste von Schleswig. schält: schält. Knüll: Erdhügel. Weeg: Wiege. Bæn: Boden. flütten: (flüchten?) umziehen. Beester: Vieh. Plack: Fleck Erde. Lengn: Sehnen. ut er Munn: aus ihrem Munde.

Trina full toerst op, wenn se in Sorg weer, wa vel schöne Vers un Bibelsprüch Telsche wuß, de as vœr ẽr gradto opdacht weern, denn se sproken vun de Noth un vun de Hölp vun baben. Se klungn ẽr fast noch um so tröstlicher, je sunnerbarer se rut keem, Telsche harr, as stameln Lüd, en egen Ton dervœr bit Herslegg. As allmähli en beten Ruh un Lust tum Spreken keem, snad se of utföhrli vun ẽr Deensttid, weer glückseli, dat Trina to hör, un keem ni to Enn mit Stameln un Beschriben. Denn de Sagen un Geschichten vertell se wedder mit en Ton, nadrückli un jümmer mit besüßwigen Wör, as harr se se ut en Bof utwenni lehrt. Een vun disse Geschichten weer vœr Trina besunnerß röhrend, Telsche muß se oft herslegg, se så denn:

Dat Licht op Dog.

Op een vun de lüttsten Halligen, vertell se, wahn blot een Swester mit ẽr Broder. In Summer weer de Broder ut to See, as dat Mannsvoll meistens, denn weer sin Swester ganz alleen. Se besorg de Schap un dat Hau, sammel de Eier vun de Seevageln in, un tell jeden Abend de Dag' bet ton Harst, wo he torügg keem.

Een Fröhjahr, as he afgung, be he ẽr um wat besunnerß: se much en Licht anstecken, wenn de Dag' förter warn, un dat int Finster stelln, dat he æwerfinn kunn, wenn he bi Nacht keem, nn sehn kunn, dat se op em lurn de.

Dat versproß se, un he gung af.

Se besorg de Schap un dat Hau, se sammel de Eier in vun de Seevageln, se tell jeden Abend de Dag' bet to den Harst, de noch na weern, un as de Nachten längn, do stell se jeden Abend en brenn Lamp int Finster, dat he æwerfinn kunn, wenn he in Düstern keem, un al vun Feernß seeg, dat se op em lurn.

De Harst keem, awer de Broder nich. Jede Nacht schin dat Licht æwer de See, op de Halligen wussen se, wat dat bedü', de Schippers fahrn vœrbi un richten sik derna, de Winter gung to Enn, dat Wærjahr keem, awer de Broder keem nich, un de Swester blev alleen.

Se besorg ẽr Arbeit as gewöhnli, se lenng un lur un

opdacht: erdacht. Dog: eig. Auge, Insel (Wangeroo), hier Eigenname, vgl. Müllenhoff, Sagen, S. 163. Hau: Heu. tell: zählte. Harst: Herbst. æwerfinn: über die See die Richtung finden. längn: länger wurden. bedü': bedeutete. lenng: wartete, sich sehnd:

hæp op den neegsten Harst. As de Dag' afneemn, stunn wedder dat brenn Licht jeden Abend int Finstet. Un so hett dat dar schint dær menni menni Jahr.

Genmal en Abend weer dat nich to sehn. De Büd oppe Halligen sän: he is kam. Se setten æwer un gungn int Hus. Do weer de Lamp lerri brennt un utgan, un ant Finstet nül de Swester, se weer lang old un grau, nu harr se den Kopp nülst un weer dot.

De Kranke keem endli inne Betern. Ol Ted weer der al mal mit wen un harr em besücht, en fründli Wort keem al mal mit vun de bleken Lippen. He kunn bald en Minut mit ut Bett in en Stohl un Trina mal op en Ogenblick vær Dær. He kunn bald al mal ut Finstet sehn un gar ann Arm rut vær Dær. He kunn endli mal inne Middagsünne ævern Hof ünnern Bernbom krupen. Dat schöne Wedder de em gut, he seeg wedder blid ut sin lütt Gesicht. He seeg blid æwer de gröne Gegend, allns weer em niet, un Trina weert eben so. Angreten weer glückseli, un dat Hus leb wedder op vun den Druck. He kunn ann Sünndag mit Trina al en Reif' dært Döörp maken. Hans Ruh slog beide grote Hann tosam, as he de beiden anne Schön værbi wanken seeg, Arm in Arm un Jan Niklas mit en Stock. He kunu vær Freid kum en Wort rutbringn, un Angreten leep mit de Wädens vær Dær un seeg se achterna. Endli reep he: nu war't bald gut warn, de Kräften kreeg man licht wedder! Awer sin smuck witt Jümfer weer je noch gröter un smucker warn, man kenn er kum. So stamel he lud vull Bertwunnerung achter se an. Un he much Recht hebbn, weer't doch keen Wunner, wenn of Trina sit verännert harr. Keem er doch de ganze Welt vær, as wenn se se ni wedder kenn, so vel harr se dærmakt. Awer se weer still tofreden as Kind in Moders Arm, seeg op er Vader, wenn he sit fründli um keef, seeg op de Böm un de Hüf', de inne Sünne glänzen, seeg na den Heben un na de Wulken, un dank em, de der æwer regeert, se utbreedt as en Doß un de Eer as sin Schemel. De paar Arbeiders, de se begegen, neemn de Müß af, se gungn as to en Fiertog dært Döörp. Ol Ted glänz op beide Backen, as he ankeem, he harr Peter Stamp mit, de wunnerli nog en

nülst: geseht. vær Dær: vor die Thür hinaus. Fiertog: Festzug.



paar Wör ma! He weer Trina fremd warn, se gungn as er Weg', dat neem si wol ut, as gung se bærnehm wider, un he blev torügg.

Still un eenfam gungn se bet an de Heed, wo de Weg na Möldorp rutführt un de Utsicht is æwer't ganze Land of süden ut. Dat nie Hus schin al haben de Böm rut, oppen Buplatz weer dat ruhi. So paß allens tosam un weer fierli as bi en Kartgang. — Wa selten is son Glück inn Leben, un niemals as na de Noth.

Jan Niklas harr de Hann solt, as he herumseeg. Do warn se den Docter sin Wagen wis, de nu al seltener keem, se kenn em an de beiden lütten Schimmels. De Last bunt Glück weer of binah to grot wen, se harrn stumm stan un wussen ni wedder weg un keen Wör to sinn, de se verlüstern. De Docter keem se gelegen, de Freid kunn Lust frigen mit den Dank gegen den prächtigen ernsthaften Mann, de se nu so bekannt un so leef warn weer.

Trina seeg mit grote glänzen Dgen lang værut, awer se verkehr sich, as se den Fohrmann betrach, do se neger keemn. Dat weer nich de Docter sin dicken Rutscher mit dat rode Gesicht, dat weer en fein jungn Minschen, er düch, se harr em ehr sehn — warum war se so unruhig? — och, dat weer de junge Mann vun den Slangbarg, den se domals drop, as er Bader si leggt harr, un de nu jüs kam muß, do he sin eerste Utsucht ma! Wa sunnerbar!

Se harr nich lang Tid, si to bedenken, do heeln se al bi süm, de Docter reep un læhn si mit en Smustern rut: so recht! so recht! awer man nich to vel op en Mal! De junge Mann sprung heraf, gröt, un as Trina em do neegbi anseeg, sä he munter, ob se si ni al mal drapen un sehn harrn? He löb, he kunn si ni irrn, he harr mal mit en paar Frünn Bulls um den Richtweg na Alversdörp fragt, gemis, dat kunn nims anners wen, he vergeet ni so licht. Un sä Trina of ni ja, so leet si dat doch verstan. — Se weern do lifæwer vun Möldorp lopen un harrn den Infall hatt, snorgradut na sin Öllern to stüern, he weer in Alversdörp to Hus, un

süden ut: nach Süden zu. solt: gefaltet. verlüstern: Lust, Erleichterung bringen. verkehr si: erschraf. Utsucht: Ausgang. bi süm: bei ihnen. Smustern: Schmunzeln. en paar Frünn: ein paar Freunde. Bulls: Jemand. Alversdörp: Albersdorf, Kirchdorf 15 km östlich von Heide an der Gieselau. lifæwer: gerade herüber. stüern: steuern.

de annern weern Mölborper Schölers wēn. He wuß of ganz gut hier herum Bescheed, awer se weern lusti wēn, un harrn domals op er tövt, um en Wort vun er to frigen. So snad he. He sohr nu mit sin Onkel ton Tidverdriv en beten rum, dat Wedder weer je schön un allns in Blät. He weer of al mehrmals in er Hus mit wēn, as er Watter noch gefährli krank legen harr. De harr sit gau betert, he gung je al ganz strewi an sin Onkel sin Sib, sin Onkel harr seggt, dat keem mit vun de gude Dochder er Pleg un Opwahrn. So suaden se mit enanner los, wenn Trina of ni vel sä, achter de beiden her, bi'n Wagen an, de junge Mann harr dat Leid æwern Arm nahm un leet de Per langsam gan.

Bi't Hus verwunner Trina sit, dat Hans Ruh den jungn Mann kenn, so vel Mal kunn he doch kum in er Hus wēn hebbn, se sproken as ole Bekannte tosam, ja in Dær kreeg Telsche, sin Süster, em bi beide Hann to faten un weer vær Freid binah wunnerlich, klopp em de Arms un sichel em de Waden un nöm em er Friß eenmal æwert anner.

He lach un spaß, frag wa er dat gung, un er Broder Hans, un ob se beid gesund un munter weern. Darbi keem er de Thran inne æwer sin Guthartigkeit, de se anfang gegen Trina to röhmn. Un as de junge Mann seeg, dat Trina dat ni begreep, sä he: „dat is ganz eenfach, Telsche is min Möm wēn un hett mi menni Dag oppen Arm dragen, as if noch nich so gutharti weer, un dat wit vun hier, ni wahr, Telsche? merrn manf de Watten un de See.“

Och, stamer de, ja lütt Trina, min Friß dat is je de Herr Pastor sin Sæn ut Alversdörp, de fröher op Hogenort weer, wobun if di so vel vertellt heff. He will of Bur warrn! och min lütt Trina, wat weer dat en Mann vær di!

Mein Gott, sä Trina, Telsche, wat fallt bi in! un darbi war se roth bet inne Haar umhöch, un seeg verfehrt op den jungn Minschen. De verfehrt sit awer ni mit un lach darto. He seeg er an, as wull he seggn: dat keem man op er an. Do war se noch eenmal roth un dat weer wul gut, dat Angreten dartwischen keem un den jungn Muschü, as se sä, mit inne Dörnsch nödig.

Herr Docter seet al dar bi Jan Niklas. Herr Docter

strewi: strebig, rüstig. Opwahrn: Auswarten. Leid: Blügel. sichel: streichelte. Möm: Muhme, auch Nume. Hogenort: eine der Halligen. Muschü: monsieur.

harr vun Dag' richti keen M. Wull he of keen Kaffe ann Bærmdag, so leet he sik doch en Glas frische Melt gefallen, de vun söten Rohm stampendick weer. De slubber he mit Behagen, stütt dat Kinn op sin Stocknop un keem mit Jan Niklas op Landbu un Commüngesichten to snaden. He harr vun velsn Insichten, awer he harr nich jümmer den rechten Bescheed kregen. Dar leet he sik wat seggn un hör geern, doch harr he denn meist ganz anner Meenung deræwer as anner Lüd un as Jan Niklas, den war oft darbi to Moth, as wenn he em rund rum küsel un em op en ganz anner Plaats stell, wo he de Dingen op den Kopp to sehn kreeg. Nös muß he seggn, ja, nu schin dat Dink em eben so, awer löben de he't nich. Dat weer drulli, dat weer awer nett, man doch æwer wat, arger sik of wul, war kribbels, wo man sunst al mit sik eni wen weer, un am Enn seeg man doch noch mal niper to. Dat weer sunnerbar!

De Docter weer gegen den Kantüffelbu. Dat kunn Jan Niklas ni begripen. Denn wenn de Krankheit ni wedder keem — un dat Los leet je noch sund — so geben se doch mehr as de Roggn. De Docter sä, se weern en schlechte Nahrung, un Jan Niklas much se jüs geern, wenn he't man eerst wedder verknusen kunn, to en lütt brate Ripp oder sunst en beten Solts vun en dot Swin. Ja, tovel weer jümmer ungesund, un dat much wen, dat man in Irland gar to vel darvun eet, um solten Heern, wo sin Angreten fast de Fingern na slied, geb he of nix. Dat weer je slim bær de arm Lüd, wenn se nix anners harrn, awer dat harr in Ditmarschen ni Moth, meen he.

De Docter gnatter, dat man bi Mölbörp un Heid herum so vel Landstücken in lüttje Placken toreet, dat söhr tolek to Armoth, in Thüringen un annertwärts weer dat so wit, dat dat Land utseeg as en Probenbof vun en Wandjuden, jede Lappen weer nich mal en Flicken, um nims harr wat Ordentligs derbun. Dat muß ni leden warn, dat muß man

vun Dag': heute. Bærmdag: Vormittag. Rohm: Rahm, Sahne. stampendick: dick wie gestampft. slubber: schlürfte. küsel: drehete. Plaats: Platz. löben: glauben. kribbels: ärgerlich, gereizt. nip: genau. Los: Laub. jüs: gerade. verknusen: vertragen, verdauen. Solts: Salz. solten Heern: gesalzene Heringe. slied: lachten, gierig waren. gnatter: brummte, war unzufrieden. toreet: zerriß. Probenbof: Probenbuch.

vun haben verhinneern, de Stellen müssen as ordentliche Burstellen tosam blihn.

Dar harr Jan Niklas nix gegen, as dat „vun haben“. Dat much wul gut tosam blihen, wer dat tosam holn kunn. Awer doch meen he, lüttje Büd müssen of wat Egens hebbn kunn, un wat Grotz kunn de nich bærn, dat weer doch nett, wenn Jeder sin Placken vœr sit harr, wo he sit an frein kunn, sit fastholn, sin Hüschén hinstelln, dat em nûms dôß vœr de Dœr setten, sin egen Kôhl un Früchten bu'n. He harr nu sit dôrtig Jahrn jeden Sûnnabend sehn, wa dat bi de Heid smucker warn weer vun Garns un Kruthœv, dat weer doch nûbli. Dar haln al inne Morgenkôhln de Schosters en beten Suppentrut vœr de Fruns, sliiden en beten Dau un snappen en beten frische Luft, un Abends draben se mit ẽr Kantüffelhaden oppe Schullern rut so vergnôgt, dat dat Schotfell rassel as en Trummel, wenn se dat ni jûs ûnnerwegens vull Berappeln sammelt harrn, dat weer wul nûbli. Wat de Docter em vun de groten Stellen un de staatsche Wirthschaft in England to vertelln wuß — dat weer wit weg, liden much he't wul, dat kunn he ni anners seggn, awer „vun habn“ dar gev he ni um, dat weer ni sin Weg, in Ditmarschen weer he vœr de Friheit, em dûch, dat funn sit vunt jûlbn to recht. De Marsch hier herum seeg doch of noch ni ut as en Damm-brett un heel jûmmer op de groten Baltens, de em fast to grot un wilstöfti weern, man kunn je de Kamm krigen, wenn man dar langs en Fohr en beten achter sin Knecht gan wull to snacken, un Per un Plôger war de Tungg hangn, ehr se en Bœrwenn to reden kregen. Of oppe Geest fulln de Stûcken je ni utenanner, wenn man se wat lûttjer ma, as Buttscharten, se legen noch jûmmer dicht to hop, man bruf se je nich to nedén, wenn man se wedder op en Dutten kôpen kunn. Dat muß sach sin Willn hebbn.

Ieden: gelitten. bærn: heben, tragen, halten. dôß: durste. Kruthœv: Gemüsegärten. de Schosters: in Heide mit seinen 7500 Einw. wohnen etwa 700 Schuster. Quick. S. 195 de Fischtog nach Ziel. sliiden: lekten, nippten. draben: trabten. Schotfell: Schurzeleder. Berappeln: Pferdekot. staatsch: statlich, vornehm. Baltens: Flecke, Stûcke Land. Kamm: Krampf. langs en Fohr: neben einer Furche. Bœrwenn: Ende des Ackers, an dem man beim Pflügen wendet. to reden krigen: erreichen. Buttscharten: Topfscherben. nedén: zusammennieten. op en Dutten: in einem Haufen.

Gar nu dat dat Meentwarfen ophörn schull un de Eggns nu Commün nix mehr æwer Weg un Ström fülbn raden un besluten schulln, dat begreep Jan Niklas nich vun den Docter. Wer denn de Arbeit de? un dat Geld geb? — Ja, dat löv he, de Docter much sach luter Iisenbahn hebbn vun Möldorp an as en Spinnwibbneft æwert Land, dat much of nett wen mit all de Schofeen bi de Preißen, awer de freten of mit de Per dær de Røpen un lepen denn mit en Hartdraver inne Wett, de Lüd kenn' wi. Wi hier to Lann wulln eerst mal en Mehlbütel oppen Disch hebbn, nös dachen wi of anne Grausteen to'n Weg. Un æwrigens, schull Jedereen sin Schüllgns darto geben, so muß he of sin Berschel darto seggn künn, dat weer jümmer so wen in Ditmarschen.

So sprok Jan Niklas sit binah neti. Gut weer't, dat ol Ted ni jüs keem, de harr anners al lang oppen Disch hant un prahl't: all enerlei, Herr Docter, dat do't wi ni! Nu war dat wenigstens ni lut, denn de Docter sprok sachen un muß licht de Sak wedder umtownen'.

De junge Mann, sin Better, snad bides mit de Frunslüd. Sproten se of vun Gars un Kruthæv, Angreten vun de Kantüffeln un den Kohl, Trina vun Blöm un Böm un de rothbackigen Appeln: vun Lüd weet man doch am meisten, un in Ditmarschen weet man op en eensam Dörp vel mehr vun Lüden uten ganzen Lann, as man denken schull. So funn sit dat rut, dat de junge Mann un Trina ole Bekannte un sogar witslöftige Verwandte weern, as frili de meisten Ditmarscher, de as en Red tosamhangt, fat man op een Enn to, bi't Dyröppeln, so kumt man gewis bi't anner Enn rut un hett se all drapen.

Friedrich (as sin Onkel em nöm) sprok nämli tofälli vun en ol Fru in Tellingsted as vun sin Goschemöhm. Dat meer nims anners as Trina er lifli Grotmoder. As Kind harr

Meentwarfen: Gemeindearbeiten an Wegen z. Eggens: Zeile, Quartiere eines Ortes, deren Bewohner gemeinsame Verpflichtungen hinsichtl. der Erhaltung von Kanälen, Deichen z. haben. raden: beraten. Spinnwibbneft: Spinnwebbe. Røpen: Rippen. Hartdraver: Rennpferd. Mehlbütel: großer Mehlstoß in einem zusammengebundenen Leinenbeutel gefacht. vgl. Waterbörj' S. 84. nös: demnächst. Grausteen: Granitsteine. Berschel: Urteil (eigentl. abweichende Ansicht). neti: ärgerlich. prahl't: gerufen. umtownen': ins Geleise zu bringen. bides: inzwischen. Dyröppeln: Aufreißen, Austrennen gestrichter Gewebe. Goschemöhm: Großmuhme. lifli: leiblich.

se de jeden Summer to de Hünnitid mit er Vader besöcht, wenn he na sin Wischen to de Hauarn fohr, un se besunn sik, dat dar een Summer en Paar Jungs bi den Raspelvaght op Snörsteweln rumsprungen weern, de den sin Betters wesen schulln. De een vun de beiden weer mal ins ut Grotmoder ern geln Plumbom kam, as en Bohnsack ute Luf, jüs as se mit er ute Beseldær tre, un mit eens as en Hæv æwer de Betten weg dærn Lun schaten. dat se nix vun em recht sehn harr as de Snörsteweln, so vel erinner se sik noch; se löv, dat weer de lüttste vun de beiden wen, den se doch al nich utstan kunnt; dat harr ol er Grotmoder meent, de harr en Spizhobengeficht, un keem gewis noch mal an den Galgen, harr se seggt, un dar harr Trina do menni Jahr Sorg um hatt. De anner harr er beter gefulln, doch weer dat en Wagghals wen. Als se op den Rarkhof umt Klotenhüs spelt harrn, weer jümmer gegen Abend de Küster to de Betkloß kam un harr mit en fürchterligen Slætel de Dær opslaten. Do weer de Grote foortsen rinsprungen un um höch stegen, nich langs de Trepp, ne, merrn mant de Balken hin un her, bet he doch baben richti lebndi ut de Luf na se hindal-ropen harr.

Dat weer richti de Pastors Sæn vun de Hallig wen, dat gestunn he mit Lachen, un vertell noch allerlei darto, wa Trina sik op besunn. He besöch do ton eersten Mal de „faste Wall“ un den Ohm in Tellingsted mit sin Öllern, un weer vør Freid utlaten wen æwer all de grön Böm, wo man in ropplattern kunn fast bet anne Wulken.

Wat weer't en schön Sünndag! Dar leeg en Schin op allens. — De Docter harr bi't Wegfahrn seggt, he harr nu nix mehr mit disse Hossstell to schaffen, denn Trina seeg ni na Krankwardn ut (un darbi fat he er ünnerst Kinn un beseeg er wat droß op un dal) un er Vader wull he ditmal vør gesund erklærn.

Friedrich harr to Telsche Ruh seggt, he war noch mal

Hünnitid: Sonigzeit. malins: einmal. Luf: Lufe, Bodensallthür. Besel: großer Saal im hinteren Teile des ditm. Wohnhauses vgl. S. 146. Hæv: Habicht. Betten: Beete. schaten: geschossen. foortsen: sofort. merrn mant: mitten zwischen. faste Wall: Festland. utlaten: aus- gelassen.

wedder inseh'n, wenn dat sif paß, un Telsche broch dat mit en wichtige Mien an. He neem Hans Swoep un Leid af un stapp lichtfarri inn Wagen. Bi de Eck gröt he noch mal wedder torügg un seeg sif um, ol Telsche weer entzündt æwer sin gut Hart un wa grot un wa smud he warn weer, man schull dat ni denken! se harr em as en ganz lütt quinkeli Jung oppen Arm dragen!

Wat weer't en schön Sünndag! De Böm stunn as in Fierkleder, de Freid stunn op de veer siv Gesicht to lesen, de den Wagen achterna, un as he verschwunn, æwer de Gegend sehn, Ruh un Freuden troch sif derhin, stred sif inn Schatten æwer dat ol Hus ünner de Böm, ævern Hof wo de Höhner hucken, inne apen Darn æwer Del un Dörsch. Trina seeg sif um, as in en nie Welt un föhl dat Glück as en warm Strom dær de Vost.

De Docter harr Jan Niklas Berlös geben wedder mit ann Disch to eten as gewöhnli, nu weer Trina eerst recht to Noth as war se sefer, as weer dat Hed to matt, dat Noth un Dob ni in kunn. Se dacht nu ni mehr dærwarts mit Hartkloppen as sunst, se lev wedder as vær den Dgenblick, de nu weer, morgen un ævermorgen gung er nix an, se muchen man kam, se weern gewis eben so schön. Se döß sif frein as en Kind, döß sif frein æwer dat Leben, dat de Angst ni bedrau, döß sif frein æwer vel gude Minschen, de nich bedrückt weern as vær en Affscheidung op ewig. Er Hart war buch vær Dank un Lev æwer den ernsthaftigen guten Docter, de Gotts Hölp brocht harr na vele Sorg un Mög. Se slot of den jungn Mann in er Seel, se dach an de Halligen, wo he herstamm, as weer he dat alleen, wobun Telsche all er Geschichten vertell: bald de Broder, de vun sin Süster Affscheidung neem, bald de Mann in Dak un Næwel, de eensam æwer den Elid wanner, bald de Stürmann int Bot, de dær Storm un Wedder de Mannschaft rett, oder de Fischer inn Rahn, de æwert spegелglatte Haf hindrev un within bi de Angel sung, dat Fisch un Bagel em tohörn muchen.

In de neegsten Dag' eerst, un as Trina na un na wedder mit de Bekannten in Beröhr keem, full er dat süln

inseh'n: vorsprechen. lichtfarri: behende. quinkeli: verzärtelt: weinerlich. Berlös: Erlaubnis. Hed: eigentl. Gitterthür von Holz am Eingang in eine Koppel. buch: straff, gerührt. Dak: Nebel. Elid: Schlamm.

op, wa de korte sware Tid allns muß verännert hebbn. Oder leeg wat inne Lust? Oder weer an er süßn wat ganz anners warn? Peter Stamp weer gänzli schu un schulsch, ol Ted sprot jümmer æwerlud, as wenn nüms recht hörn kunn. Wulpert leef man eben mal in, bellicht harr he man weni Tid, as he sä, doch leet he er so streng, un se harr en doch so hartli un tottuli sehn. He sprot man weni un seeg banni brun un mager ut, as harr de Arbeit oder sunst wat em drückt. An er Freid neem nüms recht Andeel, so keem er dat vær, as weern de Minschen weker bi't Unglück as bi't Glück. Dat gung glic all wedder sin Gang, as muß dat so wen, kum ol Telsche hör er to, wenn se jümmer wedder sprot vun en Glück, wat ni enden kunn, de Dlsche dacht bald of blot mehr an er Arbeit. Trina drog binaß as an en Last mit er Freid, dat weer, as wenn man en Sünndag alleen fiern schall, schön mag he wen, awer wehmödig is he un bringt mehr Gedanken as man op frigen kann.

Gerst allmähli wenn' se sit darto, mit sit alleen to denken, vertell sit er Gedanken in er egen Seel, seeg se weg, ut Finster hinut, söch se op vun Heben hendal, un se keemn bald to er as Gestalten, oft vunt süßn inne Düsternis, deep inne Nacht as Drom un Schatten.

Dat hoge Wedder dur an, dat Gras rip to, Jan Niklas harr dat al op de drögen Moorbüten dallan laten, wo dat sunst versor un um Kraft un Kurr keem, he muß nagrad an sin Tellingstöder Wischen denken, de em menni Jahr en Kräkel un Knüthen in sin Wirthschaft flogen: denn keem se to lat, denn keem se to fröh, wenn dat Hau of en präcti Foder geb un krüderiger weer as de beste Klee. He harr al Hans Ruh mal vunne Arbeit afschiden muß, um natoßehn, dat dat Quastgras ni all de Saat verstreit, dat muß man doch mitnehm, op den Steenklee to lurn, lohn sit ni, de wucher op de sandschiwi Stelln jümmer wedder vun den Grund vær un hung kohlgrön inne Pipen as en Bettel ævern Sell. Jan

schulsch: verlegen. tottuli: zutraulich. weker: weicher. opfrigen: bewältigen. hoge: trockne. Moorbüten: Moorbesitzungen. Quidborn S. 147. dallan: mähen. versor: verborrte. Kraft un Kurr: Kraft und Saft. Kräkel: eigentl. Falte, Runzel. Knüthen: Knoten. Foder: Futter. Klee: Klee. Quastgras: Rispengras. Steenklee: Stein-
klee, wilde Widen. sandschiwi Stell: Sandgesch'ebe. Pipen: Abzugsräben. Sell: Bettwand (auch Schwelle).

Niklas föhl sik beter, he wull süßn mal mit hin, dat sin Holsten Meiers em ni kneehoge Swadbalkens stan leten, de em tonös op Jahren de Narb verspaken; süßn is de Mann, wo man ni kumt, ward Een de Kopp ni scharn, un wat man mit Ogen süht, dar hett man sin Fingern mant. He wull toglik sin ol Swigermoder en Besöt maken, de noch jümmer in Sorg fast jede Wef nafragen leet, wa't stunn, un ob se em noch mal wedder seeg, denn bi er kunn uns Herrgott æwer Nacht inspreken; wenn he kunn, schull he man den Weg mal maken, ehr se den Weg antrę, den wi all maken müssen. He wull ol Trina mitnehm, dat war de arm Diern gut don, se harr so lang bi em achter de Finstern huckt un de Welt dært Glas ansehen, dat weer er noch binah as bleieri vær de Ogen, so stumm un vær sik pütjer se umt Hus herum.

Grot vel Umstänn hörn der ni to, as Angreten man mit menni Wort er Ja seggt harr, un dat se sehn wull, ahn Trina klar to warrrn, awer dat geb doch vel Bewegung int Hus vær Allemann, sogar Spiß mark, dat der wat los gan schull, un heel sik an de Hauptperson, dat he jo mit derbi weer.

Al fröh mit de Dämmern hör man de Ber prusten un unruhi warrrn. Eten un drunken war man oppen Lohp un half int Sitten. Enige Aschern müssen vær Katharina oppen Wagen, Angreten lee dat ni ahn dat, de Knecht harr noch wat an Sel- un Tomtüg to stüden, Hans Ruh smer værlichti de Trumphen, dat se sik nich etwa in Brand lepen, un föhl ut Selerheit na alle veer Rungn. Endli seten se oppen Wagen, Trina kreeg noch en Doß vull oppen Schot mit vel Gröten an Grotmoder un alle gude Frünn, se seeg blid heraf ünner ern breiden Hot un nüß Hans un Telsche fründli to, un bi er, Jan Niklas, hör gedüllli de Vermahnung, dat he sik in Acht nehmn, un nu man nich Abends to lang buten bliben, un de Füt gut drög holn, un nich to warm drinken schull, he kunn sik ol sacht en Laß Flederthee vun Grotmoder maken laten — un lusti trocken de dicken Ber mit

Swadbalken: nicht gemähete Streifen Silbgrases oder Schwadens (Glyceria). tonös: zunächst. verspaken: verschimmelten. inspreken: vorsprechen. antrę: anträge. bleieri: wirr. pütjer: frante. klar: fertig. prusten: niesen. oppen Lohp: „im Stehen“. Aschern: Schachteln. lee: litt. Seltüg = Seiltüg: Sattel- und Baumzeug. Trumphen: Nebenbüchsen. Rungn: die Rippen, welche die Leitern tragen. Flederthee: aus Hollunderblüten.

füm Dree in de köhlige Morgenluft rin; na sin Gewohnheit seet Jan Niklas deep inn Wagenstohl un de Bitsch leet noch lang æwer de Knicken hin herut.

Trina er Grotmoder weer een vun de krafft oln Lüüd, de utseht as weer der keen Bergang in. Vergnügt as en Kanink, gau as en Spizmus, mit eben son lütt Gesicht, de Kopp gung er as en Bagel rund herum, as en Sittbohn klucker se er lütt Rücken in Dörnsch, sichel er de smucken Backen, tründel sit vør Freid int ganze Hus un mak se dat hægli. Vør Jan Niklas harr se en welen Stohl torecht, de söhl sit awer doch so vel Manns, noch eerst en Gang int Döörp to maken; vør Trinaken en Spelamrad, denn junge Lüüd müssen nich alleen wæn, dat brö Grilln, se harr ok ni geern alleen huf't; vør all Dree den Kaffe — jüs as er Dochter Angreten in Obberad, dat leet er awer noch derbi posseerli: so weer se. De Kamrad keem glik, dat weer en Schwester vun den jungn Schollehrer ann Ort, en flinke lüttje runne Person, nüdli, mit brune Haar un Dgen, keem mit lachen Mund in Dær, Grotmoder er dægli Besök, ok glik mit Trina bekannt, as dat junge Mädens so geit.

Se befeegen inne eersten fiv Minuten Hus un Kamer un alle Heemlichkeiten tosam, Hof un Garn un Schön un Schuern. De Lütt weer klof, de Lütt snack plitsch, wat se de, harr all en Schick, jümmer weer't drulli un nüdli.

Se streken forts tosam herum, na er Broder toerst, ili as keem se sunst ni to Enn. Er Broder weer en bleken, jungn Mann, eerst vør korten verheirath, sin Fru weer still un fein, se sprok ni vel. Dat Huswesen weer all noch niet, as Trina dat gar ni kenn, nie Stöhl, nie Schülleratsen, nie Blömpütt vørst Finster. Dat keem er vør as noch nich torecht, un er weer dat ganz egen.

Int Döörp weer er Fründin ok noch niet, awer al allbekannt un bekeet. Er Hauptfründ weer de Mawer schreeg æwer, en oln Snider, en steenoln Mann in en karkenold Hus, wo he ganz alleen wahn. Dar sprungn se tosam hin. Bi

krafft: munter. Bergang: Alster, Untergang. gau: schnell. Sittbohn: Bruthenne. klucker: rief zusammen. sichel: streichelte. tründel: lief herum, eigentl. rollte. hægli: behaglich. Manns: bei Kräften. brö: brüte. dægli: täglich. plitsch: schlaun. Schülleratsen: Wandbilder. Pütt: Töpfe. karkenold: kirchenaust, uralt.

den seten se oppen Disch un de Ol strakel se een umt anner mit de Hann æwer de Bæden. Morgen wulln se na den Prediger, sâ se, dar müssen se æwer eernsthasti wæn, dat war er indes of ni sur, wennt nich to lang wahr.

En egen Paar! en Paar Fleeerlinken, de in dat ruhige Dörp umherflattern, een witten un een brun, beid vull Glanz, de een vull vun Wermoth. Awer of in Trina wat alle Freid mal op, as keem de Slüsen apen bunt Hart, de se lang harr toslaten holn, of se föhl de Flinken un segel mal mit in Jugendseligkeit. Harrn se sit müd gan un sehn, Strat op un af, to Dit un to Mael, achterum un dær de Grazweg, so seten se tosam in Garn un vertellen sit, se harrn dat wunner wichti, un dat dur keen Mahltid æwer, so wussen se all er Heemlichkeiten. Se puken sit tosam un probeern, wat se sunn, se fahrn sit op en Kinnerwagen langs den Stig, se maken sit en Hüschartau int Dærgericht mit dat Mæden er Hölp fast, hummeln un hungn, as weern se half in Slap, un jagen sit mit Varm as de Kinner dær de Jehannabeinbüsch. Wer kennt nich de Tid? un den Ridom vun en junt Gemöth?

Abends natürli weern se bi Grotmoder in Dörnsch, de Kæsch seet bi se, en Natwer keem to Jan Niklas. En Spill ole Karten muß ton Utleggn herholn, de Kæsche wuß dat to maken. Wær beide keem en smucken jungn Mann herut, de bald keem, trotz allen falschen Jungen, to de Een mit en grot Papier, to de Anner in Steweln un Sparn. Wa brüden un frein un necken se sit deræwer! Ja se kunn sit to Slapenstid noch ni trenn, un as Grotmoder dat mark, harr se nig dargegen, dat se tosam to Bett gungn, un noch bet deep inne Nacht gludbern un flüstern se, bet Ruh un Drom se de Dgen to drück.

Den annern Morgen drunken de Beiden bi er Handarbeit den Kaffe inne Löw. Landlud sünd sunst nich dervær, de hebbt frische Luft genug bi de Arbeit, bi't Eten un Drinken sitt de lewer achter de Ruten. Awer de lütt Mathilde weer of ut de Stadt Sleswig. Ern smucken Reichtasten,

strakel: streichelte. Fleeerlinken: Schmetterlinge. Slüsen: Schleusen. Flinken: Flügel. Dit: Teich. Hüschartau: Schaufel. Dærgericht: Thürschloß. Kæsch: Köchin. Spill: Spiel. Utleggn: Kartenlegen. Sparn: Sporen. brüden: foppten. gludbern: kichern. Löw: Laube. Ruten: Fenster Scheiben.

vertell se Trina as en Geheemnis, wat noch keen starbens Minsch wuß un wat Trina of heili verspreken muß keen Minschen wedder to seggn, weer en Geschenk vun en riken wunner-smucken jungn Mann, de sin Nam mit R anfang. Darvun kreeg Trina nu natürlig de ganze Geschichte to hörn: wa he er tum eersten Mal drapen harr, bet to de Tid, dat se alleen mit em spazeern gan weer, un endli harr en Discherburß er den Kasten brocht, as harr se em in en Verlosung wunn', dat weer awer gar ni so, dat harr de junge smucke Mann sit blot utdacht, um er en Freid to maken, se harr gar keen Loos hatt, un süh dar! achter in den Kasten wif' se Trina achter en verstecken Schuwer, wo man an en Fedder drücken muß, en utleggt Schild mit en M un R derin.

Trina wuß nich vel to vertellen, as vun en eenfam fründli Leben to Hus, dat keem er bi son Rikdom binah armseli vör. Junge Lüd spelen der gar keen Rull in, Peter Stamp weer fast de Hauptperson, de Mathilde na er Beschriben awer gar ni gefull. Er eenzi Ebentür weer dat mit den jungn Predigersäen vun de Hallig, awer dar weer nich vel vun to spreken, dat ley mehr blot in er Gedanken un as en Drom. Se sä awer doch, de smuckste junge Mann, den se kenn, de heet Friedrich, doch wuß se blot, dat he en Predigers Säen un op Scholn wen weer, dat he Landmann war, un se meen he weer op en Gut in Holsteen wen, he heel sit smuck int Lüg un adrett, un wa fründli seeg he ut un sprok he!

Do weer't doch en egen Tosall, dat æwern Tun in Rapselbagts Garn en Kopp heræwerkeet, en Mann sprung mir nig dir nig æwern Tun, keem op de Löw to un gröt se — Friedrich weer't!

He besöch tosälli sin Better, den Rapselbagt, sä he, un dat weer je nüdli, dat he Ramsell Kathrina hier drapen de — dat se verreist weer, harr he tosälli wußt, Telsche Ruh harr em't seggt.

Trina muß keen Funken vun Verstand hatt hebbn, wenn se ni dacht harr, Telsche Ruh kunn ni anners seggn, as dat se na Tellingsted weer, se muß keen junk Diern wen hebbn, wenn er dat Hart ni en beten klopp: dat Friedrich kam weer ertwegen! Awer warum versteet he dat? Wellich um

Discherburß: Tischlerlehrling. Schuwer Schieber. Ebentür: Abenteuer.

Mathildens wegen, de der bi seet! Doch vœr de schin allns, as hör dat sit so. Un as Friedrich nafrog, weer se dat, de der sprok, se antwor em gewandt un sêter, nödig em to'n Sitten un broch Snack un Sachen rasch in Gang'.

Trina weer to natürlích, se neem de Dingen un de Minschen eenfach as se keem. Dat seeg er wider ni ebentürlí ut, mit en jungn Mann to snacken in er Grotmoder êrn egen Garn. As he er frog, wa se herkeem? vertell se em, wat se hier maſ, dat se er Grotmoder besôch, un as em wedder infull, dat se je al mal vun er spraken harrn, gungn se tosam, um de Olsche gundag to seggn. — De kenn em frili nich mehr, awer se neem dat vun de drullige Sit, as he er Goschemöhm anre, er mit enige Wör vertell, dat he de Rapselbagt sin Better weer, awer nich de Lütt, de de Plumm staln harr. Se antwor em lusti, un he broch noch en Wort an, dat he so drift ævern Tun sprungn weer, awer he harr den Richtigweg nahm, um sin Goschemöhm mal wedder to sehn, un toglik drop he hier of je en lütt Cousine.

Se verstunn dat schickli in Wör to bringn, un Grotmoder, de noch ut de Tid stamm, wo de Nedensarten ebenso wilstöfti weern as de Rôd un op hoge Hacken stolzeern as de Schoh, sprok der zierli gegen an, dat dat hergung as op en Theater un nûms daran dach, wa eigentlich allns keem un wat der an weer. Vœr de Mädens gevt rein en lud Pläseer.

Nûs seten se bi de Olsche herum, as hörn se all Dree lang int Fuß, un hølpen er mit bi't Bohnastreden. Darbi snacken se vunt Eten, wat jeder am leefften much, un Friedrich vertell vun dat Leven op de groten holsteenschen Güter. Dat weer wat vœr de Olsche, denn nieschiri weer se as ole Lüd oppen eenfachen Lann, un unscheneert weer se int Fragen. Se harr wunderlige Inbilln daræwer, denn se erinner noch de Tid, as de Bisegenschaft in Holsteen ophaben un darvun int frie Ditmarschen noch mehr spraken war as in de Gegenden sülbn, wo se hinhör. Fast meen se as gungn dar de Lüd mit Kalwerklaben um den Hals un de Bægt mit de Pittsch achterher, un dat hølþ ni vel, dat Friedrich dargegen sprok. Denn menni Wort, wat se sa, drop doch den Nagel op den Kopp, un se sprok, as wenn dat dar noch en Art vun Slaweri geb as bi de Swarten. He dôß sogar ni recht seggn, dat he

gundag: guten Tag. staln: gestohlen. hörn: gehörten. Kalwerklaben: hölzernes Foch, vgl. Quidd. S. 128, 2. Swarten: Schwarzen.

sülbn son Art Bagt oder Verwalter wjen weer, denn dat weer
 vwer de Dlsche dat sülwe, am wenigsten, dat em dat Leben un
 Befehl'n gefull'n harr. He wenn' den Snack denn mehr op
 de schön Hüf' un Hæv, wat er wul behagen de. Denn awer
 frog se em wedder, wat he dar egentli bedreben harr, un as
 he sa, he harr de Landwirthschaft lehrt, frog se em oppen
 Knop, ob he oder sin Vater Geld harr, em en Burstell to
 kopen. Pachten un hürn, dat verstunn se man as en Pracheri
 un beteln, so wat begreep se ni, un Friedrich muß man ver-
 gnügt wjen, dat he half legen un half dat verdrein kunn, um
 wedder op dat Eten un den Engländer op Riswohlb to kam,
 wo he of en Tid lang wjen weer, dat weer wenigstens binn
 Lann in Ditmarschen, un de Dlsche hör geern de Geschichten
 ut de sin wunderlige Kæf. De eet dat Beaf rütergar mit sin
 Doggen inne Bett, sa he, un wisch sit un de Sunn na de
 Mahl tid mit de Serviett dat Blot uten Bart. Dargegen kreeg
 sin Ritperd kalte Hawergrütt ut en Paßleintrin. Friedrich
 frag de jungn Mädens: mit woken se am leefften to Disch
 sitten muchen? — Ob er Brun of so herschaftli fodert warn?
 wenn' he sit an Trina, se weern frili did nog. Un so snacken
 se bunt Utsahren un wat vjern Vergnügen dat weer. Dat
 broch eerst Leben in den Snack. Dar muß noch en Jede er
 Deel to vertellen, ganz Ditmarschen war bereist un alle Frünn
 bespraken, Bagelscheten un Permarken keem an de Keeg,
 Goschemöhm ley mal wedder mit op, as gung se sülbn noch
 to Danz. Do muß Friedrich dat to leiden, dat Goschemöhm
 jüs nig dargegen harr, wenn se Jan Niklas sin beiden Brun
 op en Namdag en beten værs Spann. Sin Ohm, de Kaspelvagt,
 harr en lichten Stöhlwagen, de war de oln Run nich warn
 maken, dat Fahrn verstunn he, vel Angst kennt man ni oppen
 Lann, un Totrun hett man licht, wenn en Minschen een ge-
 fallt. Se wulln wedder to Hus wjen, ehr Mamsell Trina er
 Vatter vun de Meiers keem, dat he nich jüs to brumm harr,
 oder se kunn em of ashalu! un Goschemöhm kunn je mit-
 reisen! Dat wull se indes partu nich.

oppen Knop: geradeaus. hürn: mieten. Pracherie: Bettelei.
 legen: lügen. Riswohlb: Dorf und Gut nordöstl. von Odderade.
 Beaf: Rindfleisch. rütergar: roh, nur geklopft, wie bei den Hunnen, die
 es mürbe ritten. kalt: gekocht. Paßleintrin: Porzellanterrine. fodert:
 gefüttert. leiden: leiten, bewirken. Run: Wallach. Meiers: Mäher.
 partu: durchaus (partout).

As denn man de Middag vertehrt weer, keem Friedrich herum un hal de Per, he heel half mit en nüdlichen Fedderwagen vör Dör, un dat Rutscheern gung los. De jungn Mädens weern ganz inne Pitt, Friedrich seet staatsch oppen Bærstohl un klattsch mit de Pittsch. Gotsche bë um Bærsticht — er weer dat al half leed, dat se ja seggt harr — un um langsam fahrn, un nich to wit — wat se all Dree versprochen — un weg rulln de Glücksräder.

Se fohrn eerst en beten op de Feldweg, allns weer grün, de Aniden in Staat, dat gung as æwer en Döl, de Fleeerlinken speln um de Speken, de Blöm weern fast mit de Hand to plüden. Denn full se dat in, Schalkholt mal to besöken. Vel Holt is dar nich mehr, awer dat Dörp liggt smuck, de Sandbargen sünd hoch, de Per weern flink, de Wagen licht, de Utsicht geit wit æwert Land: se kunn Bahlen an de Eider sehn un kregen Lust un meen, se kunn dat of wol noch reden, se weern so vergnügt, Friedrich fohr so seker un lisen, he laehn sif ævern Stohlrand torügg, wiß allns un snack so allerleeffst: se neemn dat wahr un rutschen gau mal an de Eider. Dat weer vör Trina ganz wat nies: Schep as merrn int Land, denn dat Water is man small un ute Feern nich to sehn un löppt hin un her manß luter grüne Wischen, en Dampfer harr se noch gar ni sehn, de Brahm. Oppe anner Sit qualm dat noch arger, dat weer de Glaschütt. Se leten de Per en beten Ruh un maken sif dat Pläseer, mal ræwer to fahrn, gungn de paar Schritt op den Dik lank twischen Keth un Dutteln, as op en breiden Fotborrn, un seegen sif dat Glasblasen mal an. Friedrich kenn Weg un Steg op Schritt un Tritt un versproß, dat se recht Tids to Hus keem. He kenn vun de Hüttenlud, vör en Dringeld, wat he værnehm spandeer, kregen se allns twee mal so genau to sehn. Se mußen sogar en Buttel blasen, dar war vel æwer lacht, wat værn Mund se darbi maken, Trina schull dat heel drulli laten, so spiz war er de lütt Enawel, Friedrich neem er rasch dat Rohr af, sett dat sülbn annen Mund un wiß wodenni er

staatsch: stattsch. bg: bat. Döl: Dede. Speken: Speichen. Schalkholt: Dorf, 18 km nordöstl. von Odderade, Quickborn S. 234. Bahlen: Dorf, 5 km nördl. von Tellingstedt. Schep: Schiffe. Brahm: Fähr. Dik: Deich. Dutteln: Binsen. breiden: breittern. Buttel: Flasche. heel: sehr. er leet dat drulli: sie hatte ein seltsames Gesicht. Enawel: Schnabel. wodenni: wie.

dat stunn. Se weern all vull Freid, in awer doch torügg, un as de Prahm ni glit keem, war en Boot nahm, un Friedrich drog een na de anner mit vel Sachen dær den Slick. He harr mit Trina besunners vel Umstänn, dat he er bequem oppen Arm kreeg, se weer luddiger as se leet, un nich so drist as er Fründin, se muß em umn Hals faten, dat se nich full, un binah harr he de Müß darbi inbüßt, de Haar flogen em um de Nack, dat gung awer doch ahn Gefahr af. He harr sin Dams geern of noch mit Win trakteert, awer dat leben se dærchut nich; se keemn of so al temli dun inne Dämmern wedder to Hus.

Wa Schad, dat se sobald wedder vun enanner müssen! Friedrich kunn ni bliben. He he de Beiden, mal na Alwersbüß to kam, oder se wullen sit op en Sünndagmorgen mal in Gasteb oder Arbeß drapen, oder he keem mit Mathilde mal na Odderab, wenn er un Wamsell Trina dat recht weer.

Dch, awer dat weern all doch man Plans! eerstmal bleben de Beiden wedder alleen. Doch of Plans sünd nüdli ut to denken, un Mathilde weer en Meister derin un mal se ut, as wenn se't ut Böker leßt harr. Dar war de Weg beschreiben, un de Wagen bepackt, un de Antog bespraken un Gröten un Drapen un allns war utmakt, dat dat ni schöner wen kunn, wenn't würkli indrop, ja as weern süm Dree de Prinz un de Prinzessen, un nümms inne Welt as de se ade sän oder mitneem. Se meen of, un so keß snack se sit, se war dißsen Prinzen noch bezaubern, wenn se em blot lang nog innern Ogen harr.

Trina weer den annern Morgen en beten still un fast en beten krank vun de Tour. Dat weer er nich unrecht, as Jan Niklas meen, se kunn wol al Nambags mit en Knecht wedder to Hus fahrn, he muß noch enige Dag' bliben, un er Moder leng al na er, se weer of sacht nödig to Hus. Se föhl, dat er dat am eersten gut don war. Dat weer er as na en Danz, wo man de Musik nich uten Kopp los warrn kann, denn is't am besten, mit de Hann na wat togripen, dat hölpt. Dch se harr wol Lust hatt bitobliben! Awer se föhl

war nahm: ward genommen. luddiger: schwerer. temli dun: ziemlich angeheitert. Gasteb: Dorf, nördl. von Odderade. Arbeß: Dorf, 8 km nordöstl. von Odderade auf dem Wege nach Albersdorf. Antog: Anzug. Drapen: Treffen. leng: sehnte sich.

noch den Schrecken, as se of mal lebt harr as in en verzauberte Welt, dat er de Seel hoch gung, un dat Hart binah æwerleep: do weer de Slag achterna kam, so wat fürcht se wedder. Se dach jüs nich vel deræwer, awer dat weer, as föhl se: dun wen döch ni, un se muß sit vernüchtern. Dat stimm of ni recht: er Bader in sin verschaten groten Hot un dat Döörp in Arbeit, un se as en Brutjümfer dermant, se harr binah Heimweh na dat alldägliche Hus. — Ja gewis, nüdli weert wen! un Friedrich weer as en Prinz! Unnerwegens harr se em öfter lebndi vær Dgen.

Man kann en Jahr to Hus sitten, so passeert nig: man geit man mal eben ævern Drüffel, so is't, as gung Een ton Tort achtern Rüggn een Steen ute Fog', un de Kalk sangt an to ruffeln, keen Mür steit seker un keen Borrn liggt fast. Mutt ni jüs denn en ol Roh nüttli warrn un væran in Nawers Wetentoppel breken, de ganze Tropp achterna? oder de Wind en Weerobenbarg umstöten, de dörtig Jahr stan hett? oder en Junkbeest de Windbut krigen op eben slicht? Dat harr Jan Niklas so oft seggt un erfahrn un gung deshalb al gar ni geern vurne Knüll, un Trina much de Angst arvt hebbn, dat se meen, al de eerster Törfingers müssen er wat to vermelden hebbn, de mit opschörrte Röden er bemöhten. Se sän awer blot guden Dag. Doch kum heel se vær Dær, so vertell er Moder al: ob se sit dat dacht harr un denken kunn, wat hier sitdem passeert weer! Trina wuß dat natürlich nich un kunn dat of ni denken, wat endli rut keem un er jüs ni in Angst broch, awer er banni vernüchter un alldagsmäsi anweih: Peter Stamp weer verspraken mit ol Ted sin Wiebke, de binah sin Moder wen kunn! Dat weer glit güstern, as se afreist weern, bekannt warn, ol Ted harr jülbn de Naricht brocht.

Dat harr Trina sit allerdings ni dacht, un dat vermünnner er as ut en Drom. So weern de Mannslüd, sä Angreten, as wull se noch wat anners seggn, un dat Klung banni all-

döch: tauge. verschaten: verschossen. Drüffel: Schwelle. ton Tort: zur Dual. ute Fog': aus den Fugen. ruffeln: polstern. nüttli: stückig. Wetentoppel: Weizenfeld. Junkbeest: junges Kind. Windbut: Trommelseuche. op eben slicht: unerwartet. arvt: geerbt. Törfingers: Leute, die den Torf in kleine Haufen setzen. bemöhten: begegneten. banni: sehr. vermünnner: ermunterte, weckte.

bagsmässi in Trina er Seel, so dat se't lisen nasä: so sünd de Mannslüd! Se doch darbi an Friedrich torügg, an Tellingsted un Mathilde, un al op menni schöne Blom un Drom, föhl se, drusel en koln Newel un Regen.

Nu weer er't frili klar, warum Peter Stamp so schulsch un tüdtsch w'en weer, mehrmals of ganz verlegen, un ol Ted so prahlsch, dat harr al lang ünner se brödd, un se harrn all beid sit schamt. Peter harr er mehrmals alleen anred, noch den Abend vör er Reis' na Tellingsted, se harr sit awer wahr, eenmal harr he sogar anfang: he muß er wat seggn; dat weer't also w'en! se harr an en ganz anner Geschicht dacht.

Dat weer awer noch ni dat eenzige Nie, wat Trina al binah oppen Wagen to weten kreeg: Meister Wulpert sin Moder weer dot bleden un de arm Mann daröver ganz slagen.

An em harr Trina so lang ni dacht, dat er dat as en Sünn vörkeem. Se frog hasti, wo he weer, un Angreten sä, int Dörp, he keem wul bald to't Abendeten, he seet jümmer still vör sit alleen, se harr rein Mitliden mit em.

Trina harr sit man eben en beten torecht framt, so keem Meister Wulpert in Dönsch, so trag, as weer he dot möd un slep een Fot de anner na. He meen, he weer alleen in Stub, dat dämmer al, he neem de Mütz af, de Abendschin spel öwer sin brun mager Gesicht mit de truen Dgen, wo he sit mal mit de Hand öwer streeß, Trina kunnt ni laten, so lang still to bliben un em antosehn. Weent harrn de Dgen wul nie, awer of ni smeichelt un lagen, un nu glänz dat Sehnen derin un heel se wit um höch, un de Kummer leeg um den Mund. En Dgenblick weer nog, um all dat to sehn; as in en Spiegel seeg man deep in en Mannsfeel.

He wull langsam ant Finster gan, as Trina op em to keem un em de Hand geb. De neem he hasti fat, un dat leep em blant öwer Gesicht un Dgen: „Min Moder is dot bleden“ sä he as en Kind, „nu bün ik ganz alleen!“

He weer je nich alleen, sä Trina, gude Lüde weern je dar, de Andeel neemn.

Dch, sä he, de weern doch fremd, un de Dlsche weer so

drusel: rieselte. schulsch: scheu. wahr: gehütet. slagen: nieder-
geschlagen. Sünn: Sünde. trag: träge, langsam. slep: schlepp-
te. lagen: gelogen.

gut wən, harr so wər em sorgt vun Kindsbeen an, he wuß ni, he kunn dat gar ni recht verwinn'.

Trina heel doch an, un se föhl ton eersten Mal in ər Leben, dat ər Wort Gewicht harr bi en Mann, den se wər sēter holn as en Mūr. So sprok se denn of drist un sat ər Wör ordntli tosam: harr se doch süßn lehrt, wat Sorg un Kummer weer. Un disse isern Natur smō op un war irzel, he leet sif her allmāli gegen ər to klagen un sif astospreken, dat eenzige Mittel wər en kräftige Seel, den Druck los to warrn. Wer schull dat bi em söcht hebbn? son Kinds-gemōth ünner son Gerüst as Stahl!

He vertell ər all sin Freid un Kummer, sin Freid, wenn he fröher to Hus lam weer un de Olsche harr en beten Guds wər em inne Ræk oder achtern Stülper oppen Aben hatt, oder he harr ər de blanken Speetschen inne Schörrt smeten, de he verdeent harr. Wər allns harr se sorgt, harr em dat Tüg torecht leggt, em de Strümp stoppt, em dat Halsdol umbunn un em börrst un wischt, wenn he sif smud ma. Nu leeg dat warme Hart ünner de kole Ger un allns weer wərbi.

He sä dat ganz ruhi wər sif hin, awer dar muß doch wat in sin Ton liggn, wat Trina so ansat, dat se, statt em to trösten, snuckern ansung to ween. Do besunn he sif, sä, he wull ər doch jo ni of noch truri maken, dat weer je of nich so slim, dat weer je de Welt Lōp so, wi müssen dat all mal liden, dat dē em so leed, wenn he ər ween' seeg — un darbi straf he ər æwer de Bad — he wull of keen Kind wən, sin Moder weer je wol ophaben, un he wull sif nu den Globen bewahrn, dat dat noch gude Lüd geb, de Mit-liden harrn.

Un nu frog he Trina na ər Besöl in Tellingsted, un erkundig sif mit son bliden Ton un Gesicht darna, ob se recht vergnügt wən weer, man hör, he wull ər op anner Gedanken bringn un ər opheitern. Awer se wisch ruhig ər Thran af un frog na sin Moder ər Krankheit un Enn, un do vertell he still un gelaten, wēl lēden harr de ol Fru ni, se harr man enige Dag' to Bett legen, un he harr bi ər wakt, awer se weer al lang süßi wən, un he harr al sif Winter Sorg um

verwinn: überwinden. smō op: schmolz, taute auf. leet sif her: ließ sich darauf ein. Stülper: halbkugelartiger Dedel, Speisen warm zu halten. Aben: Ofen. Speetschen: Spezieisthaler = 4,50 M. smeten: geworfen. snuckern: schluchzend. straf: streichelte. süßi: kränklich.

er hatt. Trina drop dat binah int Geweten, se harr in Angst um er Bader Trost un Mitliden vun em hæpt un kregen, as he süßn sin egen Last still bi sî alleen drog. Se harr dat geern wedder gut maken mucht. So frag se denn, ob he keen Swestern un Bröders harr? un he vertell er truharti, as hör se derto, un se harrn vun Kindsbeen an so inne Schummern tosamseten. Ja, een Swester harr he hatt, de weer swadli wen. Daræwer harr he ute Fremdn to Hus mußt, as sin Bader storben weer. Wær er un sin Moder harr he sitdem sorgt un lebt. He harr er Hüschen anne Weid na un na inricht, den Garn umleggt un to recht makt, un se weern tosam glückseli wen. Vun sin Swester harr he fast noch mehr as vun de Moder holn, se weer so klof wen, sou seine Seel, se harr æwer so vel nadacht un de Minschen kennt bet op den Grund. Ganze Abends harrn se mit enanner æwer Lüd un Schicksaln spræken kunnt, æwer Dingen, wona annerläd gar ni hörn, un de man ni seggn kunn, as wenn man sî vunt süßn versteit, un dat weer em ni lankwili warn. Dat weer em wen, as wenn allns dütliger un allns beter war, wenn se dat besproh.

Trina kreeg ordentli en Respect, as se sî na Wulpert sin Beschriben værstell, wa de lütt Person mit den sin Kopp dærn Garn em entgegen kræpelt weer, un he harr sî dalbögt un sî vun er sicheln oder draun laten, oder he harr er Abends gau oppen Arm nahm un er na Rawers Hus dragen oder er op Händjen forügg halt, dat se sî ni angreep: dat muß en rechten Schutzengel wen hebbn, as Wulpert er nöm. Se dach dærbî an de tru Süster op Dog, de mit er Broder alleen lebt un mit't Vicht op em lurt harr bet an er Enn, denn de Welt dar spel jümmer sunnerbar in er Gedanken herin. Ganz vun sî süßn, as kunn dat ni anners wen, stell se sî Wulpert sin Hus of eensam an en Afsed vun Heide vær mit en Grastoppel rund herum.

He muß lachen, as se em darna frog, as en Kind fragen kann, un se muß mit lachen un vertell em, wa se op de Gedanken keem. He sä, dat ole Hus stunn gar ni mehr, he harr dat lang al dalriten mußt un harr en nett stattli Gebäud wedder hinsett, dat weer se to unbequem warn. Of harr dat

hæpt: erhofft. Schummern: Dämmerung. swadli: schwächlich. kræpelt weer: sich mühsam herbeigeschleppt hatte. sicheln: hätscheln. draun: drohen. dalriten: niederreißen.

leen Strohdach hatt un nich alleen stan. Un nu muß he Trina doch beschriben, wonen denn, se much so geern, dat se't kennt harr, in de Gegend weer se wen, se harr mal mit er Moder dar en Nambdag bi en Wewer bi't Trenn' tobrocht, un vör Sanktwill ut Finsten leken, vör een Hus weer en grot Schild mit Nummern wen un dar harr jümmer en Mann mit Haar as uthetelt Glas rutsehn, ewer een harr achter en Bernhom haben ewer hin leken; un richti, dat kunn dat wen hebbn! Se warn beid ganz heiter darower, dat weer, as harr si en Faden opfunn, woran se tosam gungn in en glückliche dämmrige Tid vun fröher herin, noch ahn Dob un Sorg.

Wat Ruh is, weet man blot na de Unruh. Dat Hus weer Trina en Tidlang so still, as leet si de Frieden mit Ohren hörn. Wenn se morgens er Stüb seg, er Stühl wisch, den Tisch boner, so söhl se wa sachen dat weer, de Loh leem lisen dert Finsten un funkel ann Værhang, de Sünnschein spel ahn en Lut oppen Fotborrn. Se leet er Gedanken gan, de vel to don harrn, dat se si torechtun, de Höhner störn er nich, de inne apen Dör kaken, nicht dat Wirthschaften inne Kael un vörn Hof, wo dat Mäden jeden Morgen de Melkammers schrubb, un nan Takt darbi sung. Alle Dingen sän dat sülwige, wenn se ol ganz still swegen, se sproken all dat, wat de Melkmäden er Jeder hörn leten: vun Leb, vun Starben, vunt Glück, vum Totrun, vunne Noth, vun Scheiden un Meiden; ganz heemli wecken se Gedanken in Trina, as weer se feierlich, as weer allns inne Feern oder inne Dämmern, weer wit weg ober nie to reden. Dat Furchtbare, dat Unglück harr noch en Ton, klung wehmödig as dat Glück mit den Gesang dert Hus, dat weer as mahn allns to Geduld. Si dulden, dat weer dat Wort, wat Trina rutfunn, dat weer er as entdeck se wat, as liss se en Räthsel. Se weer toreden darmit, ja glücksel, denn nüms kunn er darin störn, nicht mal Rü un Zweifel, er Gedanken muchen ern Gant gan, wa si weer se, dat Unglück kunn er ni faten, Geduld! prebig se si süßn.

wonen = wonem: wo. Trenn': Aufschlagen. uthetelt: ausgehetelt. sachen: sacht. Loh: Zug. funkel: rührte heimlich. kaken: gaderen. Melkammers: Milchmeier. schrubb: mit dem kurzen Reissbesen scheuerte. Jeder: Jeder. Rü: Reue.

Sein Art Ruh lett sik nich bewahren, de geit as schön Wedder. Dat giff noch en anner Art, se mag nich so selig wjen, awer mehr seker, doch de harr Trina noch ni fat.

Peter Stamp un sin Brut keem'n na enige Dag' ton Besöf. Trina leet er Moder dat Verwunnern un Snacken don, se harr sik in Uns torechtunn, meen se; se un Jan Niklas seten still un leten dat kam. Egen weert, wa Trina ern Bader noch liker warn weer, Gant un Bewegung weern noch sachter, dat sine Gesicht noch geruhiger as sunst. De Berlegenheit geb sik op de Art am eersten, ol Leb mitsams de Beiden weern heiter. Warum schulln se ok nich? Ol Leb harr nu Een, de em de Opsicht oppen Kram afneem, sin Vertellen tohör un mit snack. Vun Peter sän all Lüüd, dat weer en Glück, so int Bulle to kam, he hör dat oft süßn un hör dat geern. Geit dat doch meistens so: wat de ganze Welt seggt, schint tolek Alle wahr, man friet je ok nie blot de Brut, de Anhang ward mitnahm, de Umhang deit ok sin Deel.

De Brut weer reinut glückseli. Er Ogen hungun an Peter Stamp sin Gesicht un folgen em, se fat em anne Hand, se heel em ann Arm. Se weer en olbbesti Diern un lang en beten rusi un nalässi wjen. Nu op eenmal weer se wedder junk warn, Trina meen toerst, binah kindsch, so lach se, so harr se sik. Se kreeg Trina alleen, as de Mannslüd ernsthafti Schön un Gewes' besehn. Do vertell se er vun er Glück, dat weer grenzenlos, Trina kunn dat ni begripen noch faten.

Trina harr fröher so gut as nig vun er wust, ol nig vun er holn, se weer er to drang wjen. Nu weer er de Sprak kam. Se vertell er ut fröher Tiden. Wat bærn Schatz vun Leb kann der versorn un vermulschen in en eenfame Seel! Wa vele gat der um un süßt vergebens, bet se drang un verdreestli ward. Nu weer se opdaut, sogar er Stimm weer wedder junk. Se sprok vunt Glück as en Kind vunt Permark. Nu weer er en Gleis un Mühenband wichtig, de fröher keen Ding as mit koldgrünni Verstand anseeg, se mak sik smuck vör er Peter, se harr Geld un Gut vör em.

liker: ähnlicher. reinut: geradezu. olbbesti: ältlich. rusi: wüß aussehend, nachlässig. harr sik: gebarte sich. drang: kurz angebunden, verdrücklich. der: da. versorn: versorgen. vermulschen: vermodern. koldgrünni: kalt.

„Schull ik ni lewer min Pannmützen affetten, en lütt Duv, löv ik, steit mi beter, wat meenst, lütt Trina?“ Un Trina er Ruffer un Komod warn dær kramt, um uttosöken, um to proben. — Als ganz jung! Diern harr se noch Spenzers dragen un Snippen mit Tondersche Spizen. Och, se harr allns vergeten un versmeten, as dat Unglück kam weer mit sin harre Hand! — Do ween se helle Thran, aver as se sik afswenn' un truri ut Finster seeg, keem Jan Niklas mit Peter Stamp æwer den Grashof, do full se Trina umn Hals un sä, se wull nu blot glückli wæn, se wünscht, dat all Lüd glückli weern, se harr dat so lang ni wünscht, nu wünscht un doch se gar nig anners. Trina ween mit er.

Als Kind weer se en Better toseggt wæn, wenn se opwuchs, dat harrn de Allern ünner sik utmakt. Se harr dat hört un löbt, se harr mit er Better spelt un dat geruhi ansehen, bet de Tid keem. De Tid weer kam. Do harr se em leef hatt. He weer en geruhigen Minschen wæn, grot un ehrbar, un sin Hof de beste in Offenbüttel. He weer jeden Sünndag ton Besök kam, denn harrn se mit enanner eten un drunken, utfahrt un utgan, dar weer nig anners warn, as se dat kennt harr vun Kindsbeen an. So weer se tofreden wæn. — Op eenmal ward he krank, unvermoden, binn ach Dag' hebbt se em herutfahrt na'n Alwersdörper Karthof, un se is mitsfahn un hett lang klagt un truert. Do starbt er Moder. Se mutt er Vader trösten, de Husholn söhrn, arbeiden un wirthschaften. Of darin sinnt se sik. — Als de Landmeters de Milau un dat Hasteder Moor utmet, um en nie Kart un Gerdbot to maken, is en jungn Mann hüpi na Odderade kam. Se harr ni weten, wat leef hebbn weer. Danz un Gelagg harr se of wul al fröher mit besöcht hatt, se weer menni een gut wæn. Nu harr se Better un Batter vergeten, Vader un Moder, harr Nachts vun em drömt un Dags an em dacht, bet se em kenn lehrt un em küßt harr, mal bi en Pandspill, do weert noch slimmer warn. Am Enn harr se em vergeten mußt, he weer wider gan, un se harr em nich wedder sehn. — Du weest ni wat Lev is, lütt Trina, sä se, gev Gott, dat ik min Peter behol! — Trina wuß dat würt-

Pannmützen: aus drei bunten Stücken zusammengesetzt; diese Art Mützen findet sich nur noch in Altertumsammlungen z. B. in der des Herrn Dr. Hartmann in Marne. Spenzer: kurzer Umhang für Frauen. Snippe: dreieckiges Tuch vorn an der Haube. unvermoden: unvermuetet. Gerdbot: Grundbuch. hüpi: häufig. menni een: mancher.

lich ni, dat keem er binah vœr as en Ubergloben, dat dat Glûck vun Een afhangn schull, de nich to een hör, dat de Freuden schull ophörn, wenn man dat Glûck ni reden kunn. Se dach anners vun er Friheit, awer se wünsch doch mit Witen Jed, dat se er Peter beheel.

So dach Trina daræwer. Er Moder dargegen snack vel darvun, dat he nich ut en orndli Familje weer, wo man wat vun wuß; er Bader sä, dat weer wul to wünschen, dat he süln much en beten Klei ünnern Föten hebbn, dat stunn si faster. Trina dach, dat weer nog, wenn man si man op em süln verlaten kunn. Int Döörp hör se noch vel anner Meenungen; er düch, da war to vel æwer snackt, warum kunn man en Paar Lüd ni gan un don laten, as se't gut dünk? harr man se doch lang so gan laten.

Gewis harr Witen vun allns wedder hört, denn in en litten Ort blüfft nig heemli. So much dat kam, dat se si op eenmal an Trina heel, de si fröher so weni kennt harrn, un Trina lee dat geern al ut Mittliden un gegen dat Snacken un Snætern æwer de arm Diern. De leep nu Dags mehrmals æwern Weg na Trina, towiln al Morgens fröh oder Vormdags ute Kœl bunt Eten af, un jedesmal broch se en hilt Gesicht un en Deel hastige Fragen mit. Trina war er Berader, as weer er Öller umgelehrt, un Wiebke de jung' un unerfahrn. Trina muß si orndtli bedenken un er Vernunft tohopen holn, denn de Anner weer oft as uter si un unbanni. Dat weer nich jümmer Freid, dat weer of Sorg un Zweifel, un keem se oft mit de Hæg æwert ganze Gesicht un vull bet ton Werlopen vun Herlichkeit, so keem se of mennimal mit rode Backen un blote Arms, de se eben afdrögt harr, as mit en ganze Schört vull Unglück, un seet bi Trina op de Stohlkant un fram er dat ut.

Am Enn ward ut so wat en Fründschopp, hier en ganz egen, denn wat Een plagt, dat plegt man, un wat man hegt, dat hægt Een. Trina hör meist gedüllli, of wul mal ungedüllli mit an, wat Witen er vertell un værdrog. Se leb mit er dær, wat er süln doch ni drop, se predig si süln, wat se de Anner værsprol an Geduld un Trost, se tæhr mit an de Anner er Rikdom, se wuß umhöch mit fremde Ranken un

Klei ünnern Föten: Marscherde unter den Füßen, Grundbesiß.
lee: litt. Snætern: Schnattern. en hilt Gesicht: eilige Miene. un-
banni: unbändig. Hæg: Freude. tæhr: zehrte. wuß: wuchs.

egen Gedanken. Oft lê se sit Abends to Bett un gruwel vœr Witen er Lust un Last, deep in er Seel broch se dat torecht un stârt darbi er egen Gemôth. Bald war dat en nette Gewohnheit, se dach nich an er ahn en Freid oder Mitliden, er Gedanken warn er sur, wenn se se ni los war gegen er Witen, de allus hinneem as de Borrn en Saatkorn, de Tid war er lant, wenn se er ni jeden Dag mal seeg. Se wuß mit er tosam as en Ros' mit en Hartdorn, wo de Een de Annere ophollt. Se fühl ganz dat Glück, wat en Minsch seli maken kann: wenn he vüll verstan ward, dat is, as keemn de Porten apen, wo de Freid fri herin geit. Wat vœr Abends, wenn se Arm in Arm gungn un vergeten, dat de Tid leep, nich to Enn weern, wenn de Nacht keem, jede Schritt en warm Hartslag! vœr jeden Dag op dat Sülwige hæpen as op wat Schöners! en Totru'n ahn Enn!

Peter Stamp kunn geern derbi wœn, dat war blot mehr munter, he drill wol Een um de Anner, de Brutlûd weern glücklicher as alleen, un Trina vergeet darbi, wat se an Peter nich liden much.

Sunst sproken se of wol æwer Frûnn un Bekannte, æwer Wulpert, de Bumeister, den Witen banni bedur, denn se weer weel gegen alle Minschen warn; he verhal sit allmähli vun sin Slagg un gung wedder still sin Weg: æwer Vader un Moder; un Trina kreeg darbi de Ogen apen vœr menni lütt Haken un verlor doch nich Leb un Achtung; æwer den Docter un sin Better, de vœr Witen en beten to städtisch weern, æwer vele Minschen. Dat is en egen Freid, man hett en Minschen mehr, wenn man em kennt. De Welt war Trina gröter, as hör er mehr to. Wünsch un Hoffnung keem of darbi op, vœr sit, vœr Vader un Moder, vœr menni gude Seel. Kunn se't ni maken, se kunn doch daræwer denken un spreken, un dat weer as hõlp dat. Dat weer, as wenn se de Guden faster heel, se kenn se. Se kenn sit sülbn, se muß wo er Seel an hung, se ahn er Schicksal, as seeg se inne Tokunft. Se kunn weel darbi warnn, denn dat lach ni jûs all, æwer Witen tûschel er un fîchel de Fohn ut er Seel. — Wæten ver-lepen so as Dag'. De Tid is de schönste, de der gau löppt un doch lang durt, denn jede Ogenblick is vull.

lg: legte. wuß: wuchs. ophollt: aufrecht hält. derbi: dabei. banni: sehr. verhal: erholte. tûschel: beruhigte. fîchel de Fohn: frisch die Falten.

Witen Leed er Denken un Don red jüs ni deep, awer en Minschen, de sik man richti sülsen vergitt un in annere lebt, de sinnt doch jümmer dat Echte rut. Minschen to kenne, dar hört weniger Verstand as Leed to, en hingeben Seel, un rein mutt se wen. Denn sinnt sik ol de Wör, dat vun sik to geben, ja jüs in ion Seel ward de Sprak bu't as de Bom int Holt; wo schull se anners her kam? De Kloten makt se nich, de krigt se, un wonen her as vun de annern? De betracht sik en Ding so lang un föhlt dat so seker, bet de Mund dat utsprikt, deshalb oft so wunnerbar. Bi Süde mutt man lehren, wat Gnaden un Klæn is, wa dat Hart lacht un licht ward, wenn Twee sik verstat, wa dat smedt, wenn man na de Arbeit dært Dörp wannert, oder de Huzholn dær Dær sitt un en Nawer darbi, un de Gedanken kamt geruhi, as de Im, de ut den Stoc gat.

So seten se een Abend, as de Aarn to Enn gung, an Jan Niklas sin Dor, ol Leed, Peter un Wible, Trina un wer jüs darto keem. Utsicht geb't dar nich, awer man seeg de Lüd, de dærbi keemn. Do keem ol noch en Stöhlwagen vun de Tellingstedder Weg her. Wer derop seet, dat wi' sik bald, denn he sohr rasch na Jan Niklas sin Hoffstell to un herop, nüms anners as de lütt Mathilde ut Tellingsted, un Friedrich as Fohrmann. Mathilde broch Maschen un Aschers mit, se wull Trina op enige Dag' besöken. Trina harr kum mehr dacht, dat se er Wort utföhrn war. Angreten harr se al vunne Huzdær ut sehn, un stunn nieschiri mit de Hann inne Sit, dat keem er fast en beten ungelegen. Awer Mathilde kenne er Lüd, se wuß glit de richtige to fin, se leep de Annern dærbi un sä Angreten guden Abend, as weer der nüms mehr togegen, gung mit er int Hus un fichel sik an er as en Katt an en Stohlpulster. Bald keem se mit er ann Arm wedder rut dært Dor, ehr noch de Ewrigen sik besunn harrn.

Trina weer ganz verfehrt. Friedrich wull ni in kam, snad blot en paar Wör mit er un er Bader, Mathilde nüch un lach em to, as he abjüs sä, do fahr he dervun. De Beiden müssen sik gut kenne, as't leet. Dat keem Trina noch

hingeben: ergeben. wonen = wonem: wo. Süde: solche. Im: Wiene. Maschen un Aschers: S. 146. fichel sik an: schmiegte sich an. verfehrt: erschrocken. in kam: herein kommen. as't leet: wie es schien.

mehr so wær, as se de Lüttje fragt harr, wa se op son Art herkam weer? Denn de lach, as hör sit dat so, un sä, se harrn dat so veraschredt, un küsel um Jan Niklas un de Annern herum, dat se all dun warn æwer dat lusti hartli Ding. De weer al vun Abend nich as dun güstern un harr er Plaz nich blot inn Hus, sundern in Jedermanns Hart, en verdwelste Diern!

Un so gung't den annern Morgen glit wedder los. Se sung al wær den Kaffe in Garn, se leeg wær Jan Niklas sin Stohl oppe Knee un strafel em de Backen, dat he binah verbligt war, se tründel mit in Kamer un Keller bi Angreten herum, Trina war binah æwerflödi.

So gung't of bi Teds mit de Dl. De sä, nu geb't doch wedder nien Spaß int Hus, denn de Brüdigam freeg nagrad en so eernsthafte Gesicht as de Katt bi't Kindelbeer. De dar lütt Grashüpfer war den Spaßvogel wul wedder opwecken, de weer vun't sülwige Glach.

Sunnerbar weer't of, wa ähnli de Beiden sit weern in all Hebbn un Don, ob se Een drilln, ob se Een sicheln, awer sit ni ankam leten. Un doch so verscheden, denn bi Peter weer't Infall un Lun, Mathilde weer klof as en Boss sin Husholerich. De Mannslüd markten dat nich so, Fruns hebbt en Rüker darwær. Witen seeg er glit scheel an, „de wull, as't schin, alle Mannslüd ann Rodsom knünnen.“ Se weer rein in Sorg um Fründ un Fründin, um er Peter un er Trina. Ganz recht weer se Trina of ni.

So mutt jeder Minsch jümmer eerst sin Plaats erobern, sogar wo he as Fründ kumt, dat mutt jümmer eerst gähren, denn kann't sit klärn. Dat weer natürlig, dat Mathilde sit an Trina heel, un Trina weer gut. So as in Tellingsted wull't jüs ni, awer se muß er doch wisen, Hus un Hav, Nawers un Frünn, muß Besöt mit er maken, hierhin un dorthin, muß er en Tidverdriv schaffen, wenn der keen weer. Dar weer nu frili en anner Art Fründschopp twischen kam mit er un Wibke, en Fründschopp, de vel deper gung, vel faster

küsel: schwirrte. dun: trunken, außer sich. verbligt: starr vor Bewunderung. as de Katt bi't Kindelbeer (Taufe) (Spriv.), weil man sich nicht um sie kümmert. De dar: jener. in all Hebbn un Don: in allem, was sie anfangen. leten sit ni ankamn: ließen sich nicht bestommen. Lun: Laune. hebbt en Rüker (Rase) darwær: merken es bald. Som: Saum. Hav: Habe.

hat; de war sogar en beten stört, denn Mathilde paß nich recht dermant. Dat Maßen un Falpen gefull Trina ni jümmer, se meen egentli, se weer daræwer weg, se dach an Freden un Ruh, dat weer oft, as war se derut verjagt. En ordentli Snack leet si tum anfangn, dat war entwei lacht, un man kunn ni allns seggn, as man wol much. Doch war Trina nich untofreden. Se neem dat as en lütt Geduldsprov, se stell Witen dat of so vær.

Weer de lütt Fründin je doch of nüdli, gut un nett, un dat geruhige Leben kunn naher wedder los un fortgan as jümmer. — Trina schull eerst lehrn, wa oft de Mensch vergebens lövt: nu kumt de ruhige Hawen. Se weer noch ni mal ant Utsegeln un dach al an Anker smiten. Och wenn de Storm kumt!

Mathilde maß dat nix, wenn Trina vellicht weniger vernögt un vertrut weer. Se heel si an Een un wenn' si an Alle, de er inn Weg keem, se neem en Jeden as he weer. In enige Dag dreih si dat um er herum, wat der los int Döörp weer, as um de Unruh in en Uhr. Dat beten Fremdartige geb er en Bærtog, dat is jümmer so, un en smucke Diern, de drist is un ni fersch, hett allns ant Band, wat se bindn will.

Trina seeg dat verwunnert mit an. Se blev ni ganz glitgülti derbi, gefalln will jede junck Mäden, se neem glit wat vun er an. Mathilde weer geschickt, se maß all er Saken süßn torecht, se kunn sticken un stricken un allerlei nüdliche Handarbeiten. Ut enige Hahnsfeddern, de se funn, ut Rippen un Lappen, ut rode un swarte Bohn, ut en Stück Sidenpapier um en Bandstück oder Dok, ut en paar Parln un Perhaar maß se wat, wat man bruk oder geern harr. Darmit weer se ni wichti un heemli, sundern wiß Trina allns. Dat geb to don un to öben, un Trina seeg, wo er't feil. Se kreeg en Respect vær de lütt Unbestand, de doch so vel Geduld harr, se maß, wa ungeschickt se süßn allns Nie ansat, se scham si fast un harr mitünner ween' kunn, wenn se wat ni glit begreep. Mit en stilln Zwer öv se si heemli, wat künn' düch er en Herlichkeit, un wenn dat denn doch ni gelung, so stunn se Gefahr misgünsti to warnn, un wol mal fahr er mitto

hat: hatte. Maßen und Falpen: lautes Lachen und Spiel. feil: fehlte. öv: übte. mitto: bisweilen.

de Gedanken dær de Seel, dat se en rit Bur sin eenzi Dochder weer.

Mathilde verstunn en beten Französch, dar gung se mit bi, er Gnomon un Wagners Lehren warn er wichti. Se öv sit sogar inne Sprak un se dach sit ut, noch mal na Möldorp ober de Heib to kam un recht wat to lehrn. So war Mathilde er of wichti un unentbehrli.

Darto wat Mathilde ut en Stadt, ut Sleswig vertell! Dar geb dat Gesellschaften, Bälle, dar geb dat feine Herrn un Dam'. Sünndags gung man dar na de Lohmael spazeern, drunt Kaffe vør de Dær, un oppe Eli kunn man to Boot fahrn, sogar in Manschin. — Er Bader weer Korfmaker un stamm ut Magdeborg. Darvun harr se noch en beten inne Sprak. Vun em harr se flechten un Sponarbeit lehrte, se kunn Fransien maken un Ligen dreihn. Se kenn of vele Leder, de Trina nie hört harr, ganz drullige mit, in en sunnerbar Dütsch, de er Bader mit vun sin Reisen brocht harr. Bi er Öllern keem alle fein Lüüd, um Korfarbeit to kopen. An ern Laden gungn de Primaners verbi un gröten herin, wenn se dar seet. Dar harr se of den jungn Mann sehn, de er den Kasten schenkt harr.

Wenn se denn in Lust un Fröhlichkeit herumsprung un jubel, so steek se of Trina mit an, un de beiden jachdern dær Hus un Schün, inn Grashof, æwer de Koppeln, as weer allns uten Rand. — Dat weer wat vør Jan Niklas!

Se harrn int Dörp en arm blödsinni Minschen, de jümmer de tein Gebödd opsä. He heel vel vun Trina, de ernsthaft mit em umgung un dat ni æwert Hart bringen kunn, em to narrn un to brüden, as man wul deit. Se geb em Sünndags en Stuten, den he sit hal, un hör em gebülli an, wenn he darvør ton Dank opsä. Den harrn se mehrmals int Dörp drapen un Mathilde harr wichti mit em spraken un em verhöört. Dat gefull em so, dat he jeden Morgen dær Jan Niklas sin Stacket keek, ob se noch nich to sehn weer. Denn wink de lütt Schelm em un frag em, he klopp er den Arm un sä enige Gebödd op. So wat stunn er prächtig an, se kunn ordentli gnädi darbi utsehn.

Se much vør er Leben geern riden. Na Fierabend heel se keen Fred, un Trina muß öfter mit to Ber, un se brochen

Gnomon un Wagners Lehren: Schulbücher. Spon: Span. tein Gebödd: zehn Gebote. Stuten: großes Weißbrot.

se wenigstens tosam na de Graskoppel, Hans Ruh war as Begleiter mitnahm, de den Tægel heel un biher drav, un dat passeer wul, dat de Blöde se wis war, achterna leep un ahn Althen opsä: Du sollst nicht töten! Du sollst den Feiertag heiligen u. s. w.

Ton Utsfahrn geb't of Gelegenheit, as de Aarn to Ennung. Peter Stamp muß op mehre Döörp herum, mit sin Brut Besöt maken. Se neem Mathilde geern as Gesellschaft mit, nicht blot, wil ol Ted er geern liden much un jümmer vær er Plaz sorg, egentli harr se alle in Tasch, un Witen löv na er Snacken, dat se sit mit Friedrich genauer verstunn, un sürch ni mehr vær er Fründ. Darto weer se nüdl oppe Reis' un mak menni lankwili Besöt lusti un angenehm, un Trina harr intwischen Geduld un Tid, er Arbeiten to besorgen.

Bi't Tohuskamm Abends weer se denn jedesmal as niet un broch Sack un Taschen voll Ries mit sit. Wa harr se sit freit! wat harr se ni sehn! wa weern de Lüd nett un arti wen! Se weer vun Harten gut un vergnügt, se much blot en beten geern gefalln un darvun vertellen, wa se gefulln harr. De Riß, de se jedesmal mitbroch, harr Trina er geern gönnt. — In Offenbüttel harr en ol Rohharr er den Fot reben, den se en beten vertreden harr. Se weern æwer en Koppel gan un harrn ann Wall Brummbein plücht, as en Bull op se to kam weer. Do harr de Scheper dat Thier mit en groten Knüppel entgegen prahl un er inn Arm opfungen un er indringli fragt, ob se of wat kregen harr? un as se en beten humpel, harr he er de Schoh uttrocken un er den Fot reben, un dat weer en ganz oln sunnerbarn Mann, de of bespreken kunn, dat de bi son lütten Fot awer gar ni nödi, harr he seggt.

In Tennsbüttel harr se en ganze Weerthstuv voll Lüd in Oprohr brocht. De weern bi't Kartenspeeln wen, un Wüd harrn tosehn. As se rin keem, mak de Een en banni Spektakel un Westwarf: he verlor jümmer! wenn ni en junge smucke Diern keem un bi em seet, so muß he nich mehr, wat opstellen! awer dar keem se je jüs! Un darmit weer he opsprungen un harr er an sin Sid nödigt, un Alle harrn sit

Tægel: Riegel. biher: nebenher. Offenbüttel: nordöstlich von Albersdorf. Rohharr: Kuhhirte. Scheper: Schäfer. Tennsbüttel: 4 km südöstl. von Obderade. Westwarf: Wesen, Aufsehn.

verwunnert, denn dat Glück weer glif kam! Un he weer en riken Brenner ute Heide! So kreeg se allerwärts er Abenteuer.

Dat anner Mal harrn se bi Hasted Friedrich drapen. Se mak dat ut, wa se mit ern Wagen bi de Smed umme Eck bögt weern un gegen dat Holt langsam heropfohren: do kumt vun de Watermæl her en Rüter, de glifgülti langs den Weg drüppelt. As he se wis ward, richt he sik op, sett dat Pferd de Sparn inne Sit, dat dat sik opbömt, un jagt op se to. Wa harr he vergnügt utjehn, he harr ordentli as en Offizeer mit de Ritpitsch nücht un anne Müß tücht, un harr er noch gau vertellt, dat he op en Tidlang wedder op Ristwohld un neger bi Odderade weer, dat frei er noch am meisten. Of schull se Trina velmalks gröten.

De Freid harr Trina er gönnt, awer dat se jüs er dat so beschrev, utföhrlicher as irgend wat, dat se keen Opholu kenn un Friedrich un jümmer Friedrich wedder anrührt war: dat muß Trina wol süln ni recht, warum as't er as en Bosheit vör keem, as wol se er jüs quäl'n un weh don, un vun Friedrich weer't er, as harr he er recht mit Willen kränken muht.

Trina harr vel to gruweln un torecht to leggn. De lütt Mathilde broch Verdruß un Freid mit, as jeder Minsch, de mank annere kumt. Awer war man mal böß, un so mehr war man wedder gut, verdreetli kunn man ni bliben, keen Stunn lang. Abends, wat vörn Unruh, jüs wenn man to Bett gan wull, un Trina fast andächti er Tüg asle! De Stub weer small, se kunn er vunt Beet ut reden. Dar hölp keen still wen, dar hölp keen beden! Jümmer nie Infall, de se vörbroch, awer Peter, awer ol Ted, awer Friedrich, awer irgend Een, de se sehn harr, awer alls wat er vörkeem. Un weer dat Ratern to Gnn un keen Sprak mehr dar, so keem dat Gludern un Gnittern, bet keen Minsch mehr still bliben kunn, un leeg he oppen Dod, he muß mitlachen. Un wenn denn endli Trina würlki verdreetli war: op eenmal weer se an er Lager, full er umn Hals, tüschel er, as en Moder er Kind, flech er lank Haar ut, bewunner dat, sichel er, un weun se er dat hübsch wedder inslech, seet se as en

ute Heide: aus Heide. drüppelt: getrabt. tücht: gerührt. asle: ablegte. Ratern: Plappern. Gludern un Gnittern: Nichern. tüschel: beschwichtigte.

Unschuld un vertell vun de Prinzessin, de sit so geern vun en ol Umm harr oppen Ropp kraeln laten, vun Rapunzellen mit er lanf Haar, wo en Prinz an harr na'n Thorn heropstigen kunnt: „Rapunzellen, lat din lanf Haar hendal!“ un bi er hufch se ünner de Del, un Arm in Arm slepen se in, bet de Morgen heiter se opwed.

De Lustigkeit sticht doch an. Dat weer ol nich Mathilde alleen, de se broch. Deelwis' keem dat vun Peter Stamp sin Brutstand, de all junk Volk inne Neeg en beten int Wogen broch, besunners de jungn Mädens, de grote Bu int Dörp keem darto mit menni Furr un Umswiern darbi. Dat giff awer doch ol so Tiden int Leben, wo Lust un Vergnügen dat Enn vun allns is, wo een dat anner aflöst as de Wacht oppen Posten, wo sit dat en Tidlang so fögt, as weer dat Leben dær nix anners dar. Jüs weert ol noch en Summer un Harst, de gar keen Enn nehme wull. Man seet noch jümmer dær Dær, as de Dag' al förter un de Abends schummriger warn, man spel un jagder noch jümmer oppen Grasshof. Dar seten, ünner Dörnschfinster, de beiden Fründinn' towiln den ganzen Nambdag to neihn un sticken, de Föt int Gras, de Köh um se rum, ganz Ditmarschen in Sünnshin dær se. Dar smöl Jan Niklas sin Bip to ut Finster rut un harr sin Vermaß daran. Enige Bahln stunn hier sitwärts ton Tägdrögen, dar weer de Hauptspelplatz dær Daben un Gripen. Wenn Peter Stamp keem, Hans Grimm Abends, so kreeg Mathilde glik dat Beered ævern Schüttfaben in Gang, un Jan Niklas oder ol Ted müssen uthölpen, wenn de söfde Mann fehl. Jan Niklas war heel junk mit, he leep lächerli mit sin lütt Gesicht herum un wunn' sit as en Worm, um sit ni krigen to laten, ol Ted pußt banni, heel awer ol mit ut. Awer süß dar, gewöhnli keen Friedrich to Ber vun Rishwold heræwer un lös em af. Jagdern un Vachen dur denn lang, ehr se möß warn, tomal wenn ol de starke Bumeister darto keem. Nös seet un leeg man herum, bet allns to Hus muß.

De flinkste weer Friedrich, smidig as en Snaß. Lopen kunn keen as he, springu kunn he as en Fahl. He sett æwer en hogen Tun as nix, he kunn sit bögen as en Hasselnwid,

inne Neeg: in der Nähe. Furr: Vergnügung. Umswiern: Schwärmen, Ausgelassenheit. Vermaß: Freude. Daben: Toben. Beered ævern Schüttfaben: ein Greißspiel. wunn': wand. smidi: schmiegsam. Snaß: Ringelnatter. Fahl: Füllen. Hasselnwid: Haselgerte.

inner en Hamerstal dærtrupen, sit achteræverbügen as en Kramp un all wat junge Lüd so an Spill un Rnep vær hebbt. Dat stunn em nett darto, much he lopen, dat em dat Haar slog oder een vun de jungn Mädens gripen, wenn he as en Hæv op se los schot un se as en Böppen gierli op greep.

Doch of Wulpert kunn mit to Gang kam, de weer nich so smetisch, atwer de Baas in all wat Kraft verlang. Int Bößeln, Haken un so wat neem dat nümms mit em op, un dat seeg lächerli ut, wenn he Friedrich wul mal ævermödi en krumm Finger hinheel un em glifgülti an sit trock oder wenn se int Gras seten, mit en Stock ansat un he em inne Höch hal, as leet he em danzen.

Dat Commando hör em of hier, Ordnung muß der wæn, awer dat gung ahn Gewalt un denn jüs am besten, of de Oln müssen oft mit derbi un de Keeg vull maken. De Arbeiders teken wul dært Staadet to, as weer't op en Theater, so nüdli gung't mit to her.

So sä Mathilde mitünner en Gedicht op, wovun se vele utwenni wuß. Wenn't paß, müssen denn de Annern hölpn. Bi des Sängers Fluch muß Friedrich den olen Sängner værstelln mit en mittn Doß ævern Kopp, Peter Stamp den König mit en Bohustaken inne Hand. Dat gev en Freid vær alle Tokifers. De Blöde feil nich vær de Port, he kreeg sit of en Staken un sä op: Du sollst nicht töten! Du sollst nicht töten! Mit em værut trock de Tropp int Dörp herin, man hör noch lang dat Getöf, as man sit inn Grashof wedder dalfett un noch anner Gedichten opsöch, de of so nett passli weern. Dar funn sit awer keen, obglif Mathilde un Trina noch en Doß haln un nasegen.

Wulpert leet se darbi wirthschaften. Mit em snaeden de Oln al wittlöfti vunt Theater. He harr dat in Hamborg, Berlin un annerwärts sehn. Sin Geschäft broch dat mit sit, dat he besunners de Gebäden beschrev, de grote Rum, de Gallerien un Hangeltamer, wat son Gebäd an Geld kost, wa vel Minschen der Plaz harrn, all de Pracht un Herlichkeit.

Peter Stamp weer of wit inne Fremdn umher wæn. He harr mehr dat lustige Lüs beholn un vertell darvun. He

Rnep: Kniffe. smetisch: schlauf. Baas: Meister. Bößeln: S. 119 fg. Haken Bd. I, 182, 29. Staken: Stange. Tokifer: Zuschauer. Hangeltamer: der Schnürboden. Lüs: Jeng.

harr mal in Hamborg in en lütt Spēlbod infēten, wo en Ap un en Hund mitspēlt harrn. Nu maſt he dat vær, wa de een in en Bom flattert weer un wa vernünſti de anner hinopbeſt harr.

Friedrich kenn de Fremden nich. He wünſch ſit dat Glück, mal de Feſen to ſehn, de Een ævern Popp hangt mit de Hüſ' daran pēkt, mit de Winſtöck rund herum, mal op de Bargaſen to ſtan, de halwe Welt to Föten, mit de eenſam Lüð, de egen Art Minschen vun ganz anner Spraſ un Geber.

Dat weer egen nog, wa verſcheden de drie jungn Lüð ſit darbi wiſen.

Wulpert harr nig mit dar buten in Sinn. He ſeem jümmer wedder op de Lüð, de paſſen nich vær uns, „Oſt un Weſt, to Huſ iſ't beſt.“ Wi weern in en fri Land, meen he, de wenigſten wuſſen, wat dat to bedüden harr. Uns ſeet de Friheit inne Knaken, wi kunn al nich anners, wi weern all liker Herr un liker hoch un kenn nig haben uns, aſ de Heben un uns Herrgott. Dar buten ſeem' de Lüð vær Höſlichkeit gar ni an enanner, deſhalb harrn ſe of keen Tru un noch weniger Globen to een. Dat weer en lütt queſi Volk, jümmer lebenni un jümmer möd.

Dat meen of Jan Niſlaſ un full em bi, em düch, he kunn dat annerwärts of ni utholn, gut muſchen de Lüð wen, dar wull he nig gegen ſeggn, awer de Schlaç weer anners un paſ nich vær uns. Dat harr he man markt an de Lüð, de wi hier hatt harrn.

Awer Friedrich meen, dat muſ doch wunnerbar wen mit all dat Schöne, wat't dar buten gev, beſunners mit de Gegenden.

Do ſä Jan Niſlaſ, vær em weer dat ſchönſte de Heben un de Sünn un en grön Lappen derünner, tomal wenn man de See blenkern ſehn kunn aſ nu hüt Abend, un he muſ wēten, wo man ſo wat optowiſen harr. Un Tru un Globen weer of ni to verachten. He harr man hört, dat man in Berlin de Huſdærn bi heiligen Dagen toſlaten heel, vun Riſt un Raſten ni mal to ſpreken, man muſ buten ſtan un klingeln in Snee un Wedder, bet een vun binn opmaſt war. Dat weer je aſ in en Tochtuſ.

Ap: Aſſe. pēkt: geſiebt. queſi: verdreht. Schlaç: Geſchlecht, Art. Tochtuſ: Ruchtuſ.

Nu heel de Bumeister Friedrich an, dat de vun de Halligen vertellen muß, wa man dar en Slött nich mal kenn, of bi Nacht allns apen leet, keen Minsch full mal in, dat een wat weg nehme kann. Friedrich læv dat of un wuß daræwer to spreken, awer lankwili funn he't dar doch.

Ja, dat kann wen, så Wulpert, awer he harr in Berlin toleht lövt, all Lüüd weern Schelm oder Wassfiguren, wat Minschlichs harr he kum mehr weten un en grēfi Heimweh kregen na sin Ditmarschen, wo de Röh un de Böm Een mehr sän as dar de Minschen.

Daræwer keem man op dat Heimweh to snacken. wat de Marschlüd as en Krankheit æwerfallt. Ol Ted wuß vun en jungn Minschen, de twee Mal dot krank to Hus kam weer. Dat weer en Gnegelputt, vertell he, en rechten Thierquäler, de nix beters kenn' as Duben slachten un Anten köppen, wat he oppe ganze Kawerschop as bestellt Arbeit besorgen de, he wull of Slachter warrn, un sin Oln schicken em na Jzehoe inne Vehr. Dar ward he bald leeg un krank, un de Docters seggt, he muß na Hus, anners storb he. Nu keem he, un seet heemli bi sin Ol, en Schofter, un trod de Drath, plitsch un lehri weer he, dat fog em all, awer vær Scham keem he blot inne Uenflucht Abends herut. He war Gefell un muß wannern, gung of munter los, if seeg em noch weggan, as he lusti sin Pip smökt. Ut Thüringen kumt do na en half Jahr en Breef vun de Harbargsvader an den Schoftermeister so un so, un de Ol much kam un de Jung haln, he leeg opt letzte. De Ol reis' richti los un hal em. Kum is he mit den swack elenni Kræpel æwer de Grenz, so athent he op un ward bald gesund un sniden fett. Vet he sit na de Geest rop verheirath. Do hett he awer bi Fru un Kind doch keen Rau hatt un jeden Morgen mit Daggraun op en Ledder na de Först stegen, um enmal de Marsch un de See to sehn. — So vertell ol Ted, un man hör em recht wul anne Stimm an, dat em dat of so harr gan kunnt.

Un darto de Sprak! så Wulpert. Wi leten uns je immer wiß maken, dat unse platt un grof weer, ne, fort un bünni weer se. He harr so vel Feins hört, awer wenn se

læv: lobte. lövt: geglaubt. grēfi: schauerlich. Gnegelputt: Brummhart. leeg: leidend. plitsch: schlan. fog: flügte sich, gelänge. Uenflucht: Spät Abends, wenn die Eulen fliegen. Kræpel: Krüppel. sniden fett: fett wie eine Schnecke. Först: First.

noch so vel sän, dat bedü je nig, he harr toles nig mehr lövt un allns vör Höflichkeit nahm, as't of weer. He harr mal na en lange Tid in en Weerthshus vör de Wand na sin Stuv en ol plattdütsch Nachtwächterleed hört, do harr he binah de Dör inlopen, so harr em dat umt Hart trocken, un he weer den Minschen umn Hals fulln.

Do weer't wul en Handlungsbener mit Haarpomad, lach Peter Stamp.

Ja leider, lach Wulpert half in Scham, he handel mit Seep.

Awer Friedrich meen mit Begeisterung, wi müssen doch dat grote dütsche Waderland ni verachten.

Dat wulln wi of nich, sä Wulpert, awer wi wulln uns of achten un nich alls annehm, wat de annern uns prisen, lat de sik of en beten na uns richten. Wi löben all, wat de snaden un warn dumm un blind vör uns süln, dat gung uns je as de Kinner, de jümmer nan buten lengn. De Lüd kenn' uns je gar ni mal un klæn' uns vör, wat wi nagraß al vullstänni vör de Wahrheit neem: wi weern as Klümp un Klußen gegen se, wil wi nich so vel rætern. Ne, de kunn je en Gefühl nich so lang bi sik dregen, bet dat rip war, dat muß all glit rut schüttelt warn, de schulln man eerst mal to uns kam un lehrn, wat en Mann is, un uns nich jümmer er Borgen wisen.

Wulpert war ganz hitt darbi.

So weern se doch ni all, meen Friedrich, un Wulpert sä, dat kunn geern wen, de dat drop, much sik dat totreden, awer wi wulln fast holn, wat wi harrn un uns dat ni mit glatte Wör affnaden laten, de rechte Stolt weer en Mannsdægd, un dar feil uns dat noch jümmer an.

As he so in Iwer re, dat de Dgen em grot warn un mit sin breiden Schullern dar stunn gegen den Abendhimmel, do seeg he süln ut as Een, op den man wul en rechte Last dal leggn kunn, wenn se Een drück, un he war seker bliben.

Trina seeg em an mit son Gefühl, se seeg op Rathilde, de bi er int Gras huc un den runn' Popp an er læht harr. Dat smucke Gesicht schin er lerri, so blank dat weer, un se dach, wenn se Witen er Dgen darbi anseeg, de weer bargegen

Seep: Seife. Klümp un Klußen: Klumpen und Klöße, grobe ungebildete Leute. rætern: plapperten, räsonnierten. Mannsdægd: Manneßugend.

een vun de Seeln de allns geven künnt, wat se hebbt; wenn Peter Stamp dat man erkenn un schäpen much!

Dennoch leng er jung Hart inne Feern, in en unbekannte Welt de er och! so schön værteem.

As de Lüd ut enanner gungn un Friedrich wegree', gung se noch mit Peter un Witen dært Dörp un hör den Hoffslag verhalln un en Jung, de de Ber wegbroch, en Leed æwert Moor hin singn. Se gung eenjam to Hus; schull se sik denken, dat Mathilde un Friedrich mal en Paar warn? Dee dat er Ruh?

Bi den Dörpsfoll stunn en Deenstmäden mit Waterammers, en Knecht tre hinto un sprok lisen mit er, ut den Ton klung er en Leed un hingav de se sülbn sik wünsch. Se il to Hus mit er Gedanken un weer tofreden dat Mathilde möd weer un still to Bett gung.

Wenn dat so all nett un nüdlich is inne Welt, denn kumt faken en lütt Brödel dartwischen, un allns fangt en rutschen an. Oppen Festdag, wer denkt jüs ant Enn? Un wenn wi dar inne Welt würlki jümmer an dachten weert gar ni de Mög weerth antofangn. As kunn se ni all warn, so teht man an jeden Summerdag, den man den Harst afsteht. Awer denn kumt slecht Wedder un man mutt sik schuln.

Dat brok of in Obderad de schön Abends buten entwei; frili binn schulln se wedder anfangn, lütt Mathilde harr al en Register æwer de Festlichkeiten, wat noch fast smuder leet, as de se oppen Grashof opföhrt harrn. Awer do keem Naricht vun er Broder, dat se bald na Tellingsted un vun dar to Hus na Schleswig kam schull. Nu eerst dach man daran, dat de Summer afreis' mit all sin Herlichkeit. De ol stamern Hans Ruh mit sin Süster trock af na de Heid un så sin smud witt Jümfer op en half Jahr ade, he hæp op wedder kamn. Trina weer dat as de Anfang vun en Affscheidung nehm, wo se kum dat Enn vun affehn much. Er war mit eenmal eenjam um de Seel, se föhl, dat of Mathilde dar en lerrigen Platz laten war. Dach se an Friedrich un ob de denn noch wedder kam much? Dach se an den Meister, de of sin Wark bald klar harr un na de Heid trock? Denn

leng: sehnte sich. ree: ritt. de Ber wegbroch: auf die Weide. lee: litt. Dörpsfoll: Tränke. faken: oft. schuln: schüßen, bergen. klar: fertig.

dat nie Hus weer bald fertig, en Nichtbeer weer man noch nich fiert, Hans Grimm harr dat opschaben bet he dat gänzli ünner Dad harr, denn schull dat wat Ordentlichs geben. Awer er keem vœr, as wenn Hans Grimm æwerall ni recht fir un bi 't Wort weer. Enige Arbeiders weern al asgan, dar haper wat.

Jüs mit dat schlechte Wedder keem mehrmals en Brenner ute Heid mit en grof roth Gesicht, den Trina nich liden kunn, de harr vel mit Wulpert un of wul mit er Ol to don. Se maß siß allerlei Gedanken daræwer. Tolesz maß se, dat dat en Creditor vun de nie Bur weer, Hans Grimm har siß wul bi den Bu verbœrt un weer nu in Verlegenheit. Er Bader muß of mit dartwischen stecken, denn Angreten harr binaß den Kopp verlarn, süß un hachpach, sä awer doch nig na, denn wenn Jan Niklas wat Eernsthafts vœrharr, so weer ni mit em to spaßen. He püttjer vel herum un harr den Hot deep æwer't Gesicht.

Vœr Trina harr dat Bedriben wat Unheemlichs, tomal wenn se Wulpert so ruhi anne Arbeit gan un kam seeg, as gung allns sin ungestörten Gang. Se keem sogar op de Gedanken, dat se er süßn mit dertwischen kregen, denn de Brenner gev er mehrmals so fründli de Hand un sä er adjüs, as wenn he seggn wull, se bruk ni eernsthaf to wen, he keem bald wedder, he war ni fehl. De Mann weer er awer greßi. Er düch, de war of Minschenseeln in sin Brennketel distelleern, wenn der blot Sprit un Geld rut to kigen weer. Wenn he so in Hus un Schön rumsnüffel, as gung he tageern un dœrt Dörp na den Buplaz slenker, de groten Hann op den Rügg, tosamhaft as twee Stigenharken, as hör he vullstänni to't Dörp un he wanner na sin Arissted: so kunn er en Gut æwerlopen.

Darto leet siß dat mit Müms æwerspreken. Mathilde weer to jalpsch un lichtflünki darto, de keem æwer alle Sorgen hinweg as de Fleerlink æwer de Disteln; Witen haar keen Dgen as vœr er Peter; Peter Stamp maß se nich wedder to ern Vertruten, un de Bumeister kunn se der unmægli mit

opschaben: aufgeschoben. da haper wat: da stockte es, war etwas hinderlich. siß verbœrt: sich überhoben, zu viel gemacht, sich verspekuliert. süß: seufzte. hachpach: atmete schwer. püttjer: frante. slenker: schlenderte. Stigenharken: Garten, Rechen für die Gartensteige. Arssted: Erbe. Gut: Gänsehaut. jalpsch: albern. lichtflünki: leichtsinnig. Fleerlink: Schmetterling.

ankam. Wenn se man dach, se much em fragen, so leem er dat vœr as weern't Schatten un Wulken, de man nich mal faten un in Wör bringn kunn. Denn wedderum düch er, dat weer allens nich slimm, dat weer sülbn man en Wulf de æwer er Seel lager, dat weer de Harst de jümmer Behemoth bringt, dat düstre Licht full op all Lust un Freid.

Awer doch sunn se de junge Burfru bleef utsehn un de Pinner allmähli rüsteri un unproper. Un darbi jagen de Blæd vunne Böm un de Regen klattsch op de blanken Weg.

Weer nu vun allens wat mit, oder muß sit dat jüs man so drapen: Jan Niklas frog er een Morgen, ob se den Brenner Rod wul liden much? Do sä se ne, as harr he er en Tuts vœrholn. Nös sä he densülwigen Morgen: Trina harr je Lust einmal ordentli neihn un stiden to lehrn, em düch, dat paß noch am besten so vun nu bet vœr de Wihnachten; he harr dat al mit er Mober en beten æwerleggt, em düch, denn muß se man neegster Dags op en Tidlång na Möldorpgan. Se kunn nett bequemli bi Jan Meth wahn, he har dar al bi Mutter Methsche mal wegen Kost un Slopstell nafragt, dat war alle Welt ni kosten, un Lotte Theßen weer je de best Sniderische inne Landschop.

Trina hör mit Bewunnerung, dat er Bader dat al länger muß bedacht hebbn, ahn dat he er en Wort seggt harr; dat plegg he nich to don. Un se kenn sin Ton: weinn he so as vun en Plenigkeit sproß, so weer dat as en Befehl.

Er slog dat vœr de Seel, as harr se wat böß dan, se wuß doch ni wat. Se dach glif an Friedrich, un egen weer't, dat er Bader of jüs glif vun den anfang. He harr, as't schin, dat nich ganz gut op em. „Dat weer of beter, wenn se fort weer,“ knurr he, un to knurren plegg he nich. — „Wer wuß, wat ut't Dörp warrn kunn. — To grof un to fin kunn he beid ni lidn. — Dat paß of ni vœr er. — Awer to junk muß man nich to verslagen wen, dat leb he nich un læv he nich.“ — Dat gung op Friedrich, denn he heel den, as of annere, vœr en verslagen Minschen. De harr of mit Hans Grimm to frigen, harr vœr em al mal en Reif' na Angeln matt, man snack, um en Raptal to lösen oder wegen en Arfschop. Enige sän gar, dat he op de junge Bur sin Stell spifeleer, man snack wenigstens, dat he Riiswohlb wedder

rüsteri: vernachlässigt. Tuts: Kröte. verslagen: verschlagen. leb he: liebte er. læv he: lobte er.

verlaten harr un vellicht op längere Tid na Odderade treden war.

All dat leep as en Klun vør Trina tosam un vertiſt ſit vør er Gedanken, dat ſe ni Een noch Anfang ſinn kunn. Mægli weer't doch of, dat all de Faders, de ſe anfat, nich de rechten weern, un de Spol leep blot in dat gewöhnliche Nutt. Deun ſe wuß, dat Angreten vel derop gev, ſin Hann Rath to weten, mehr noch as Trina harr ſe Mathilde er Geſchicklichkeiten bewunnert; ſe bedur faſt am meiften in Leben, dat ſe domals, as ſe mit Raſpelbagt ſin Süſter harr knüſten un neihn lehrt, dat domals in Tellingſted nich en beten ordentli Anleiden wən weer to ſeine Handarbeit, denn harr ſe't gewiſ lehrt, er Moder war nix an er ſpart hebbn. Katharina ſchull mal in allns utlehren, dat harr ſe jümmer ſeggt un in Ogenmark hatt. — Vellicht weer er dat nu eernſthafter inſulln, nu Mathilde darvun gung. So kunn de ganze Saſ eenſach tohopen hangn, Geheemniſſe weern ni nödig. Awer warum weer ſe denn un Jan Niklas all beid jülbn ſo heemli? Dat pleggn ſe gar ni to wən un niemals achter de Gardin to ſpeln.

Bertiſt weer't nu eenmal, un ſe dach an er verborgen Fehler un all er ſtillen Gedanken. Darmit leep ſe bald mægli na Witen un broch er ſe vør. Se maſ de of wichti mit un verſner er un ſit jülbn noch mehr, denn as ſe ſe utſproſ, warn de Dingen noch all gröter un laſtiger. De beiden ſnaden ſit inne Dämmern rein düſter un mör, ſe fungn beid an mit enanner to ſnuckern — denn ſcharp nachdenken weer nich Witen er Dägd — as gung dat na den Richtplaß, weg op ewig, un wul verdeent.

So funn Peter Stamp ſe. He wull der eerſt na ſin Gewohnheit en Snurr ut dreihn, und fung al an:

En dralle Deern bin ik,
Krallen Tweern ſpinn ik,
Lehr knüſten, Lehr neihn,
Lehr Sülwerdrath dreihn —

Awer as dat nix verſlog un he an Trina ern depen Ton hör, wa towedbern de Spaß er weer un wa eernſt ſe dat

Klun: Knäuel. vertiſt: verwickelte. Spol: Spule. Nutt: Nuß. Anleiden: Anleitung. verſner: verſchnürte, verwickelte. mör: müſſe. ſnuckern: ſchluchzen. Dägd: Jugend. knüſten: ſtricken.

neem: do wenn' he op eenmal um, fung mit an to beleggn un to begruweln, wat vœrn Grund de Sat hebbn much, freeg awer of niz rut, un fung nu an op Wulpert to schelln, as weer de an allens schuld. De harr Hans Grimm inne Patsch brocht mit Grafenanslag' to en Bu as en Slos. Darvun keem nu all dat anner Unglück. Trina wuß wul, dat se of int Dörp em al mit Geld stütt un ünner de Arm grepen harrn. Den arm Lichtlövschen drev he nu vunn Placken, un Trina drev he ut Dörp, un wat war he noch vœr Unheil anrichten. So arg harr Peter dat op den Bu-meister. Trina harr genug to don em to verdiffendeern, und darbi seeg se recht eerst, wa vel an den Mann to læben weer. Doch Peter keem jümmer wedder op dat Ole torück, un sproß vun Trina er Reif' op en paar Weten na Möldorp as vun een na Gündsit dat Water, as vun en Unglück vœrt Dörp, so dat Trina dat gar ni begreep un noch düßeliger to Hus keem, as se gan weer.

Also fort muß se, denn sin Willn harr Jan Niklas. Se muß al in de eersten Dag derbi er Saten torecht to frigen. Mathilde gung er darbi noch to Hand so lang se blev. De freeg awer Naricht vun er Broder, dat de Tid aslopen weer, un Jan Niklas leet er denn na Tellingsted fahrn.

Jüs ni glückgälti seeg Trina er achterna, se weer sogar in de lekte Tid noch smidiger un smödiger wen as gewöhnli, awer en Seel, wo man en Sorg inpacken kunn un harr se wul verwahrt, weer se nich, dat harr keen Naklang, wenn man herinreep mit Angst un Weh. Un darto harr Trina al alln Affscheed vœrher dærföhlt. Se ween' noch hartli tosam, sproken of vun Wedderkam un Weddersehn, awer Trina harr keen rechten Globen mehr, se seeg er blot truri na as Een, de man verlearn mutt, un se dach an Glück un Unglück op er egen Wis'.

Un as dat eerst so wit weer, do fat se sit of mit allerlei Gedanken; man kann ordentli sin Kraft tosamnehm as to en Sprunt æwer en Gröv. Se harr je sülbn wünsch, wat nu keem, dat dur ni lang, bet dat to Een weer. Se gung den lekten Abend tofreden na ol Ted um Witen adüs to seggn. Se drop de Brutlud alleen to Hus in Dörnsch. Peter seet

beleggn: überlegen. Lichtlövschen: Leichtgläubigen. Placken: Fleck. verdiffendeern: verteidigen. Gündsit: jenseit. düßelig: betäubt, unklar. Gröv: Graben.

int Finsier un harr den Ropp stütt, Witen sä, he harr wat Roppweh un weer en beten quini un denni. He keem awer glif æwer Enn un sä, dat harr nig to bedüben, fung of glif en Snacken an. Näs be he Witen, se much doch na den Holtentrumer gan un em en Medizinglas vun den sin Drunk haln, em weer doch en beten slimm; se much awer sübn gan un nich een vun de Junges oder Dierns schiden, de vertru de Ol dat nich geern an. — Witen weer glif bi de Hand, hunn man gan en Dof um, denn dat weih ari, un leep in Drav to Dörpen an.

Rum weer se langs de Hoffstell un æwer den Weg, wo de beiden er noch lopen slegen, as Peter Trina bi beide Hann sat neem, binah vær er dalsack, un er be, se much doch ni weg gan, se much doch bliben; wenn se gung, so kunn he dat ni mehr utholn, denn verlör he er gänzli.

Trina harr ehr dacht, de Himmel kunn insalln as son Opstand. Se seeg em ganz verschüchtert an, denn trod se em de Haun weg un drück se an sik, wat se to don plegg, wenn er wat to neeg gung. Se weer opstan un will gan, awer Peter tre er inn Weg un be er vun Himmel to Ger, se schull doch bliben un em anhörn, he harr nig bös vær, awer he wuß nich wa em weer; as he dat bedacht harr, dat se weggung un dat der denn Gott wuß wat passeer, dat kunn he ni utholn!

Do frag Trina em, ob he Witen denn nich leef harr?

Ja, sä he, dat weer en brave Seel, awer he söhl nig bi er, he kunn allns vær er don, awer he kunn er dat ni wæn, wat se vun em hæp.

Do keem dat in Trina op as en hilligen Iwer, un se sä em ruhi un eernst, wat he værn Sünn be, de weer nich wedder gut to maken. Gewis harr he na den Rikdom lungert un nu ma he en arm Minschenseel versmachten, de op em trut harr. He schull sik tosam nehm, he muß nu Wort holn, keem wat keem. Grilln harr he, Rinneri un Insäll, he schull beden un arbeiten, un er gan laten.

Dat hör he gedüllli an, as en Lamm, wat den Ropp nüst. Awer do lepen em de Thran æwer de Backen, un he

quini: jämmerlich. denni: kümmerlich. keem æwer Enn: stand auf. Holtentrumer: Händler mit Holzwaren. slimm: übel. weih: wehte. ari: ziemlich stark. Opstand: aufregender Umstand. Rinneri: Kindereien.

neem Trina er Hand, küß se mehrmals un sä, he wull don, wat in sin Kraft stunn.

Witen keem al torügg, vergnügt un geschäfti mit er Medizin. Glückseligheit markt se inne Dämmern un bi all er Bertellen, wat de Holtentrumer seggt harr, wa man dat innem muß un wat vör Wunner dat wirt, gar ni wa verstört de Beiden weern.

Trina blev man kort mehr, neem awer Peter sin Hand un le se in Witen er un sä: nu schulln se tosam holn vör ewig un jümmer, un Peter versproß dat mit Gwern inne Stimm.

Geit't ni oft so? Wo man meent, dar sitt dat ni, wo man't finnt, dar söcht man't ni. Dat Fremde hölpt Een ewer een sübn hinut, Gedanken ewer de Sorg, Arbeit ewer de Gedanken. Vellicht harr Trina den annern Dag, as se weg fahrn schull, an wat anners dacht, vellicht ni ahn Rummer markt, dat Friedrich nich noch mal keem, as he doch de, awer he keem en Dag to lat, vellicht den Abschied swar bedacht un verwunn: nu leeg er man jümmer dat Een inn Sinn. Se seeg wul. wo dat hinwiß', se seeg wul, wa de Menschenweg geit: hier en Lunt un dar en Rul — wer stürt twischen dör?

Dat de er schredli weh um Witen, un doch weer der niz to don un to hölpn; seggn döß man niz, bedenken kunn man nich, warschun nich enmal: dat muß all sin Willn hebbn un sin Gang vunt sübn gan. Dar hung sit nu en arm tru Seel an en Mann, as en Fleerlingspopp an en Ast, se hæp op dat Glück as de Popp op er Flinken, de Lucht war er dregen, de Blöth er wegen, wenn de Bom ni wanken war. Schull se Peter Stamp anklagen? Ja, vör sit sübn. Awer vör de Anner weer't to lat, de weer inspunn. Un vun em keem er dat vör, as vun Een, de in Düstern geit un süht en Licht winken, denn geit he to, un wenn't of en Irrlicht weer. Wa vel hett en Mensch Schuld, un wa vel is he to bedurn? Dar lurger nu in Drußregen de Blödsinnige den ganzen Dag um de Port, warschünli wuß he op en Art, dat dat wegfahr, wat em gut un fründli weer. Em klappern de Tähn, wenn he sin Geböb bi sit opsä. Wa vel Schuld drog he an sin Liden? Wohin gung vör em de Weg? Awer jümmer mehr

Lunt: Bertelung, Loch. Rul: Grube. warschun: warnen. Flinken: Flügel. Lucht: Luft. Drußregen: Nieselregen.

blich er, man muß op sik sülbn oppassen un dennös sin graden Stig gan, int Düstre gung he, man muß wol op en Annern budn, de em leuten de.

So gruwel se den ganzen Morgen herum. Se much toles an fremde Vüd gar ni mehr denken, Vader un Moder kunn man noch tru'n, dar hung dat Hart an, mit all dat anner, mit all de Annern weert ungewis.

Jan Niklas harr er ann Morgen sülbn na Mölborp fahrn wullt, war awer asholn, denn he muß mit Hans Grimm na de Heid, wil de Brenner wedder dar wen weer. De annern Per weern tofälli vunt Hus, un de Knecht keem eerst to Middag wedder torügg. Dat leet sik of geern inn Namiddag asmaken, denn bet Mölborp is man en paar gude Stunn. Angreten kunn nu awer, as Moders dat hebbt, er kind ni vun sik laten. All de Lev, de sunst in Arbeit un Getös in Kamer un Keller tobröckel, de keem nu bin Affscheed in en groten Strom in er Seel op, se foder un sichel un bemantel er, gev er noch so vel Lehrn un noch so vel Saken mit un leet er eerst na'n Kaffe dervun.

Endli seet se warm inpackt oppen Stohlwagen un sä mit vele Gedanken un swar umt Hart adüs, do keem noch rasch de Meister herbi. He reck er de harre Hand, un as he er seker un tru anseeg, do söhl se, wat in sin Bör leeg: er much dat gut gan, un he höp er mal wedder to sehn. Mehr schin he nich to verlangn.

Do klattsch de Knecht oppe Per, nims weer in dat schlechte Wedder buten. Witen harr er lang oppen Weg vermoden, se sohr nu tum eersten Mal alleen inne Welt hinin, nicht jüs in en ganz fremde, awer er doch einsam un unheimli. Se kenn frili den ganzen Weg un keem to bekannte Vüd, awer all wat son Rücken jedesmal noch empfunn hett, de nu vunt Nest mutt un unsöker de Klünken probeert, dat muß se of dörsöhl. Er weer, as sad de Himmel achter er dal un blev op Odderade beliggn, un de Port, de rin föhrt, war achter er tomatt. Er ganze Lebenslop leeg rüggwärts hell inn Sünnschin, un vör hin full of nich en Glimps oder en Glem. Vold weer't darto, de Wind blas', dat Moor leeg smoti un verdeck den bekannten Heider Thorn, dat weer all düster.

dennös: darnach. budn: bauen. tobröckel: zerbröckelte. foder un sichel un bemantel er: gab zu essen, liebteste und kleidete sie an. Glimps: Glanz, heller Fleck. Glem: schmaler Lichtstreifen, Schimmer. smoti: rauchig, nebelig.

Ton Glüd sprok de Knecht noch allerhand un se kunn em wat seggn un fragn, um sit to trösten. Dat tröst er besunners, dat he neegsten Fridag to't Möldborper Welenmarkt kam war, un he schull er denn noch Kleinigkeiten mit bringn, de se bi all er Baden vergeten harr. Tolek gung Allns in en buseli Wehdag æwer. Se dach, de lewe Gott weer je bi er. Dat Rütteln un Fahren maß er möd, er war, as wenn man de swaren Gedanken nich jüs æwertwinnt, awer se opschuft to en Tid, wo man Noth hett se antosehn. Se leet dat gan, as't gung. Drömig seeg se op de Hüß' in Sakhüttel, op de Frachtwagens, as se an den Hauptweg keemn, grot as Hüß', mit Latens æverspannt, ünner een an en Rikut en paar Rinner, dicht inbündelt un blau anfrarn. Se seegen er mit nieschirige Ogen an, as se wærbisfahrn, mægli to Bader un Moder, mægli alleen inne Fremdu. Se harr dat geern weten, natürlu wuß awer de Knecht nix dervun, se kunn se also blot mit er Gedanken folgen un se bedurn, doch er egen Gedanken warn darbi asleidt, dat gev noch harrern Abscheed inne Welt, as se em maßt harr, ja se frei sit, as se en half Stunn wæ er Mal, in Mindörp, Jakob Schütt sin Weerthshus mit de warme Infahrt kenn.

De Knecht harr hier værtosfahrn un en beten to holn, denn Jan Niklas harr de Gelegenheit wahrnahm un em en Prob Saatweten mitgeben, de he bi en Bekannten umtuschen schull, Trina kunn sit so lang verhaln un bewarmn. Dat de er ol nödi, se weer binah verklamt, so harr de Wind, de jümmer starker war, er dærhalt.

Bi Jakob Schütt harrn se al Bicht an un den Disch na'n Aben trocken, wo de ol lange Jakob mit den Rüggen gegen stunn. Twee Lüde seten an Disch un smöken, apenbar Bekannte, de en Partie Solo maken wulln un, as sit wiß', op den veerten Mann lurn, denn dar legen Spelarten wæ se. Se weern op Lüffeln, un seten eben so gedüllig an de een Abensit as Jakob sin ol Husholersche achter de anner. Dat keem Trina warm un hægli an, as se sit dar bi er dalsetten un Doß un Hot afnehm kunn. En Glas Warmbeer de dat

buseli: träumerisch. Sakhüttel: Dorf, 7 $\frac{1}{2}$ km nordöstl. von Meldorf. Rikut: Guckaus, vorderste Stelle unter dem Wagenleinen: anfrarn: gefroren. asleidt: abgeleitet. harrer: härter. Mal: Ziel. Saatweten: Saatweizen. bewarmen: erwärmen. verklamt: erstarrt. dærhalt: durchgefältet. Aben: Ofen. Solo: Kartenspiel. as sit wiß': wie sich zeigte. keem an: kam vor. hægli: behaglich.

Wenige, un se leet sit dat ankam, as Jakob enige Fragen na er Bader de, un wa lang se dat Beh al binn harrn, dat Wedder war je rufi, se harrn al en beten inbött. De Hus-holersck wull noch wat mehr weten, un wat se so lat in Möldörp to don harr, neem dat awer ganz licht un gar ni as en Bærnehm, wat Trina darhin föhr, se weer je neeg bi't Hus, meen se, un kunn jede Bet mal na Moder un Bader sam. Dat klung Trina ordentli tröstlich. Werhaupt gesull er dat binah al ni æwel, mal so ganz alleen to wen. Se hör nip to, wat de Mannslüd wedder ansungn to verhandeln, eben nig anners as sunst to Hus, awer se hör geern na Stimm un Ton un weer nieschiri, wat dat wul vær Lüd wen machen, Burn gewis, awer wonen hær un wat vær Slach. So, meen se, war man dat maken, wenn man wit dær de Welt reis', denn war dat na un na fremder un unbekannter, bet man toleß nüms mehr kenn un verstunn, un darbi schuder er.

Se hör glit rut, dat de beiden al neger bunne Seefant weern, denn se snacken vun Schep, vun Stranden un Haverie, velleicht keem dat of blot vun den Storm, de buten hul. As de Husholersck man mit Fragen to Enn weer, hör se vullstänniger, wat de bequeme Snack vun de Mannslüd so utgev, un se leet er Nieschir mit lopen. Vun Röh, Ber, Mest un Botter gung dat as gewöhnli of to Hus. Man mußt doch nich jüs denken, dat dat Hart jümmer an den Pris hangt, dar kummt jümmer wat beters mit int Spill.

Hest din ol Brun verkofft? frag de Gen den, de deep un makli inn Stohl hung, as dach he an nig as sin Bequemlichkeit.

Ne, weer de Antwort, it kunn dat ni æwert Hart bringn, it will em sin Gnadenbrot geben, mag he noch sin paar Jahr bi mi kräpeln, wat he kann.

Rös snacken se wedder steenharti æwer de Armcommün un æwer dat Lumpenvolk, wat se man all na Amerika jagen schulln.

Hebbt son Lüd en Hart? oder hebbt se keen?

Trina leet sit ni störn, se wuß, wenn man so Gen as dißsen Breiden oppen Dil seeg, de nu dræhnt un bewert, wenn de Floth der gegen pallscht, denn war man't wiß warrn.

rufi: rauh. inbött: eingeheizt. lat: spät. Bærnehm: Unternehmen. schuder: schauderte. Seefant: Seeküste. hul: heulte. utgev: mittheilte. Brun: Brauner, ein Pferd. makli: gemächlich. kräpeln: sich durchs Leben winden. pallscht: plätschert, schlägt.

Schull de nie Dit bi Marne dat dißsen Winter dærhaln?
frag Jakob Schütt.

Dat löv ik, sä de Brede glifgükti.

Dats en dull Wedder vun Abend, sä de Jüngere, as
wedder en Windstot gegen de Luten brasch, uns Made kumt
wul ni mehr.

A, dat is so arg ni, sä de Brede, wenn man eerst buten
is, oppe faste Wall geit't wul, oppe See is't sacht arg nog.

Man schall denn al en Seehund wen as Schipper Krosch,
sä Jakob Schütt un lach, de nömt dat en beten Bris'.

De is je of waterdicht, smuster de Brede.

He hett awer doch mal en paar Jahr ni seilt, smeet de
Jüngere dartzwischen.

Ja twee Jahr lant, betlig Jakob Schütt, neem de Pip
uten Mund un dreih sik langsam in en Positur, dat de annern
em bequemli hörn kunn, wenn he vertell. He harr domals
en Storm belebt, de em bet anne Gut kam weer, do lav he
dat af, awer he kunn dat doch ni laten. It keem jüs na
Büsum hindal, um mi en beten Strandwin intokopen, de dar
verbolt war, as nachts en gressigen Nordwest huf't harr, de
morgens noch anheel, so dat de Schum æwern Dik spei, do
leep he grad mit sin lütt Nætschal in. He keem dærnatt ant
Land un smeet bi min Föt de Konterlörs de quattschigen
Papiern anne Ger hin un sä: dar hebbt jüm de Schit, nu
will ik ni mehr, halt man min Jung! Den harr he ann
Maß bunn un fülbn en ganz Ebenlit ant Nor stan. Nu
weer he blot in Sorg, dat de Jung noch leb und seeg as en
Isbar to, as se den rindrogen, wültern un reben.

Sin egen Kind? frag de Junge.

Sin Sæn, versetzer Jakob Schütt, vun en tein twölß Jahr.

Neem de denn wedder to sik? frag he wedder.

Ja, sä Jakob, de Küll harr em man en beten benahm.
— Na twee Jahrn weer de Ol doch wedder in See, sett he
hinto, un as ik em mal in Möldorp drop un frag, lach he
büchti un sä: ole Sünn heeln Een taag fast, he kunn't ni laten.

brasch: schlug (mit Klappern). Made: Genosse, Kamerad. faste
Wall: Fesland. sacht: leicht, wohl. smuster: schmunzelte. seilt: ge-
segelt. smeet dartzwischen: machte den Einwurf. lav af: gelobte es
nicht wieder zu thun. verbolt: versteigert. gressi: grausig. Nætschal:
Ruckschale. quattschig: durchnaß. Schit: Dreck, Kraut (verächtlich).
Ebenlit: 24 Stunden. Nor: Steuerruder. Isbar: Eisbär. wültern:
wälzten. reben; rieben. benahm: gepackt. Sünn: Sünden. taag: zäh-

So geit se dat all, så de Brede glitgälti.

Wenn awer Jakob Schütt int Vertelln keem, tomal vunne See, vunt Strandloper, von Friedrich Wida un Schipper Krosch oder son Seehund, denn stunn de Mael so gau ni wedder still. He vertell — un Trina hör nip to — wa he mal — ob Krosch oder en annern, dat weer of een Dont — inne Kriegstid twee Militärs vun Helgoland brocht harr, een Admiral un een Landkoptein. De Admiral harr sik ant Stür sett — dat weer of bi en sware See un en harren Nordwester, un Krosch harr bi de Segeln stan un int Wedder felen; he harr wul al sehn, dat dat ni richti weer. Do geit he op den Admiral to, leggt em sin Füst as en paar Waschkölter oppe Schuller un seggt: Herr, en Fregatt mägt he comdeern künn, awer en Schallup, dat mutt ik kenn, weg vunt Nor, uns Leben steit dar op! Darmit . . .

Jakob keem ni to Enn, denn de Wefensohrman na Iphoe baller un Klabaster inne Infahrt rin un fluch op Licht un Dær apen. So så man de Husholerseh, as de na Ræfung, em Grogg to maken, se kenn em an sin schremmigen Hals. As Jakob wedder rin keem, lüch he en junkt Mäden vær sik op un nödig er, nan Aben to sitten, um sik to bewarm. Dat de se. Se weer of nich op warmste antrocken, awer en Gestalt, de Küll noch Pitten nig andon kunn. As se sik den Doß torechttrock un an Trina er Sit sik dalsett, schin Hals un Schullern witt un warm, de se sik bedeck. Eben so weer er Gesicht mit en smalle Näs', allens hoch as er Gant, do se dær de Stub gan weer, doch så se sachtmödiguten Abend, un Trina düch, dat er Dogen verweent weern, se schin er bleisteri.

Trina verdrot dat binah, dat de Burn sik ni röhrn un sik gar ni um er kümmeren, nicht mal de junge; se seten, as seegen se er kum, velliicht keem dat blot darvun, dat se nich in Sammt un Sid un man mit en Fohrwagen kam weer, un se wuß doch ni, wa en Königin beter utsehn kunn, se kunn sik ni satt an er sehn, se seet ganz in sik vergeeten un betracht de Farb, de mähli in de Backen trock, un de prächtige Gestalt.

een Dont: ein Thun, einerlei. Füst: Fäuste. Költer: Kölzer. baller: lärmte, knallte. Klabaster: fuhr ein. fluch op Licht un Dær apen: fluchte man sollte Licht bringen und die Thür öffnen. schremmig: heijer. lüch: leuchtete. sachtmödi: sanftmütig. bleisteri: glänzend vom Weinen.

De junge Bur frag endli, ob se na Ikehoe wull? Ja, sä se schüchtern un seeg hasti um. Wellicht to Verwandte? Ja, sä se noch eenmal, un de Baden glöhn er op.

Trina harr geern mehr hört, denn er full wat op in den schüchtern Ton. Do awer keem de Fohrmann herin schremm. He kenn de Burn, nöm se bi'n Bärnam, un schrachel ower Per un Weg un Webber, trock witbeenti sin Tüg un Ünner-tüg umhöch, dat he Been un Arms fri kreeg, sin Grogg to drinken, un smack un smeck daran herum mit vel Ambraasch' un Grimassen. As he't bet op den lezten Drippen utteitert harr, comdeer he: Lütt Mamsell! nu mæt mi wul wedder inne frische Seeluft herin! Dat is hüt en Nordwester, schrachel he, as weer dat en Wiß, de schufft uns na, as de Slachterhund de Schap, wenn he se inn Steert bitt — biten deit dat, biten deit dat! un so host he ut Dær. Dat Mäden folg em un sä gunnacht, man seeg bi em recht, wa hoch se weer.

Wull weer dat? frag nu doch de Brede nieschiriger, as Trina vermoden harr, do de Dær achter se toklapp un dat Geballer buten astrock: weer dat ni en Kroffen?

Jawul, antwoor de Junge, awer nich vun de Schipper Kroß, sunnern vun sin Broder, de Schollehrer ut Gesh.

Dunnerwetter, wat en Diern! sä de Brede.

Ja ja, sä Jakob Schütt, de wedder inkeem un dat lehte hört harr, dar is Naas in, ni wahr? Dat kunn wul en Telsche Kumpen wen hebbn oder en Ratum vun de lange Reimer ut Wimersied. A, wi hebbt noch son Elach, mit de echten blaun Ogen (un de Ol war ganz lebndi):

Rant vun Leden,
Nit vun Gode,
Un vum allerbesten Blode,

as inne Krönt to lesen steit; so ünner de Wöken, wobun de Gen ni lit op inne Schündær kunn, as se dar oppe Lüneborger Heid Revue afheeln, oder inne Kolsß Familje, wo se opscheet as de Pappeln, un an Geld keen Mangel. Disse

schremm: räuspern. schrachel: lachte laut mit heiserer Stimme. Ambraasch': Aufheben (embarras?). utteitert: ausgefogen. Steert: Schweif. Wull: wer. Gesh: Dorf, 4 km südwestl. von Meldorf. Telsche Kumpen: aus Hohenwöhrden, gelobte vor der Schlacht bei Hemmingstedt ewige Jungfrauenchaft und trug das Banner voraus. Reimer ut Wimersied erschlug den Junker Slenz in dieser Schlacht. Leden: Glieder.

hett awer nix æwer, se is de Perzepter sin Dochder ut Geseh, de Seehund sin Brodersdochter. — Uns lütten vunne Geest sünd awer of gut, sä he op eenmal un seeg Trina an. Se war ni weni verlegen, as se so mit merrn in de Sat herintrocken war, un de Mannslüd er all scharp ansehn.

En hellische Diern, tün Jakob wedder los! de ganze Sipp is so, er Vader is of en groten farrigen Kerl.

Un wa kumt de denn to de Scholmeisteri? frag de Brede.

Schicksaln makt Minschen, verdütsch Jakob as en Professor, un de Leb is tolesh en wunnerli Ding. Darbi seeg he wedder Trina an. Sin Fru weer en eben so smud Diern as nu er Dochder. Ik heff er recht gut kennt, un menni Danz mit er makt, as de Schoh Een noch wat lichter weern. Kroß trach er banni na, se wull em awer ni hebbn, wenn he Schipper blev, er weer dat rusige Leben togegen. Daræwer leet he sit ton Scholmeister in Geseh maken.

Se is dot? frag de Brede wider.

Al sit, oh, wenigstens fösstein Jahr, bereken Jakob Schütt anne Knöp vunne Pipenspiß, as ik min Sickenkoppel insre, do mutt se storben sin.

Also de Ole is alleen? frag wedder de Brede, un denn fahrt de Dochder so ton Harst na Igehoe?

Se seeg je toweent ut, sett de Junge hinto. — Also dat harr de of doch sehn, dach Trina.

Ik weet ni wa't togeit, sä Jakob Schütt, se hett je doch wul Fründschopp in Igehoe, ni wahr? frag he de Husholerseh, de eben wedder ute Ræk keem.

De wuß awer gar ni wat der los un wer der wen weer, un bedur nu ludut, dat se de ni sehn harr. Man harr dat je ni denken kunnt, se harr nüms hört, as den Johrmann sin schremmigen Hals, keen Rut sunst, un harr ni anners löbt, as he weer alleen un darum so schracheli, do harr se je man lopen mußt, em sin Grogg to maken, dat he ni of noch scholl. Ne, dat se de ni sehn harr! Ja, wull, de harr Frünn in Igehoe vun er seli Moders Sit. Awer dar gung je allerlei Wunnerligs æwer er ünner Lüd um. Se wuß je frili nich, wat wahr daran weer, dar war je of allerhand opfunn, denn se schull en heel smude Diern wen, un dat wuß se noch recht

tün: schwakte. grotfarrig: breit, lang und grobknochig. trach na: lief nach. Knöp: Knöpfe. insre: einhegte. toweent: verweint. ludut: laut. schremnig: heiser. gung um: wurde erzählt. opfunn: erfunden.

gut, as se süßn junt wen weer — nu weer se dat je frili nich mehr — do harrn se er of mennimal wat anhungu. Wahr kunn't of je wen, se wuß dat nich, se harr dat man hört.

Nu Antje, vertell se man mal, sä de Brede, er ward der keen Ged op afverlangt.

Ja, se schull je mit den Holtthandler sin Sæn to don hebbn.

Mit de junge Pauls? sä de Brede. Och, anners man nix, den weer't noch ni slim, dat weer en fixen Kerl.

Awer en ganz verwagen Minschen, betür Antje.

Dat warn jüs de besten, dar löppt keen Hund sæben Jahr dull, sett de Brede dargegen, so is he op oder en stillen Hushund.

Re, awer en ganzen Brascher, en unnos en unnaschen Minschen! de harr al inne Schol de ganze Jugend opwegelt un alle Appelheeb bet na Borg hin unseler makt. Wa oft harr de wol en tweien Kopp oder en natt Fell to Hus dragen! de weer ünner Is un Steen, ünner Per un Wagen rut trocken! den kenn man in half Ditmarschen. Un nu eerst gar trog he op sin Anaken as en Heid. Ree he nich bi düstre Nacht likæwer Gräben un Graff na Gesh hindal, um gegen sin Baders Willn de Perzepter sin Dochder to besöken, un rühm sit, dat em keen Graben to breet un keen Kerl to stark weer, he keem em æwer? So weer nu de Jugend, en Jægd ahn Dægd, harr er seli Bader al seggt, wat de wol eerst nu harr seggn schull!

Wahrshinli, keen Dægd as inne Jægd, smuster de Brede, denn he weer nu wol æwer de Hunnert hinut wen.

Dat broch Antje op eenmal uten Text, denn se fung an to beresken, wa old er seli Bader wen much, wenn he noch leb, un sä, se löb dat binah. Do fung se all an to lachen, un as se verlegen war, drilln se er: wat se denn værn Brüdigam hatt harr, Jakob schull dærchut derbun vertellen, un so leep se derbun un smeet de Rækendær achter sit to.

En ganzen Wilben is frili de junge Pauls, neem de Brede wedder dat Wort, vullns so arg hebbt wi dat ni makt. He haut sit, dat de Baltens derbun fleegt, dar is keen Hol

er wat anhungn: ihr Böses nachgesagt. Antje: Anna. verwagen: vernögen. he is op: er ist zugrunde gegangen. Brascher: übermüthig. unnos: fabelhaft. unnasch: schlecht. ree: ritt. keem æwer: übertråfe. Jægd ahn Dægd: Jugend ohne Jugend. drilln: foppten. Baltens: große Stüde,

oder Stür op em. Awer wenn he disse Diern richti liben mag, so schull de Vader keen Narr wjen, de wull em noch int Gängelband krigen un em fast holn. Geld hebbt se doch mehr as annerlud Heu, vun dat, wat de Jung int Jahr verballert, kunn geern en Fru mit en half Duz Gern mit leben.

Dat is wis, meen Jakob, he ritt alleen mehr an Per toschann, he hett nu al wedder en nien, en prächtigen Schimmel, de gewis mit em ewer en Heckdor setten kann. — Na, wull kumt dar noch anklabastert? sä he, un horch op en Galopp-schritt, den man dær Storm un Huln wit her hendær hör, wa he jümmer neger keem. Und mit dem rappß de al oppe Steenbrügg ant Hus ran un rin oppe Darsfahrtsdel, dat dat gnaster, un still heel he. Jakob greep hittli na't Licht, um natofohn, de Rüter keem em awer al towær inne Stubendær.

Trina hör man, wa de Brede as bi sik fälbn sä: dar hebbt wi em lebndil do frag en gewaltige Stimm, ob de Wefenwagen verlehrt harr, ob en junk Wäden mitsahn weer? un so bald, as he man ja hört harr, störm he ahn gunabend un gunnacht wedder rut. Man hör op dat Perd combeern, de Ißen gegen de Steen kragen, de Dær ballern, un weg klabaster he, inne Nacht herin, bet de Hoffslag inn Wind verdunst. Dat gung all so rasch, dat man kum seeg, wat et wjen weer. Erst as man sik besunn harr, sä de Brede:

Dar hebbt wi em lebndig! de schall bald mit de Diern wedder torügg kam, wenn he er sunst hahn will.

Das je en rasigen Geselln! betür Jakob Schütt, wenn de ni störrt — na Süderhasted künnt se noch kum wjen — so is he se in en half Stunn achterna. Wa damp de Schimmel! as en Köhlfatt! un de Kerl herop as de Bud oppe Hawerlist! de Sparn inne Sit, un rut mit dat Deert ut de grot Schündær as en Bund Schof ut de Bänluf.

De Beiden lachen ewer Jakob, as he so in Bewegung keem un mit beide Hann gegen de Dær manöver, as smeet he wat rut. Awer Antje slog de Hann ewern Kopp tosam, denn se weer ut Nieschir al wedder rinkam, as wull se seggn:

Hol oder Stür: Halt oder Steuer. verballern: mit Arm durchbringen. Gern: Rinder. wis: gewis. toschann: zugrunde. wull: wer. rappß: rasie, ritt wie toll. gnaster: frachte. hittli: eilig. Ißen: Hufeisen. ballern: knallen. das: dat is. Köhlfatt: Köhlsack beim Brenner. Sparn: Sporen. Schof: Stroh zum Dachdecken. Bänluf: Bodenlufe.

nu stunn dat Sünnregister apen gegen alle tein Geböb an, vun de Verheißung nich mal mit to spreken.

Doch intwischen weer Trina er Knecht wedder kam, un so geern se noch tövt un wat hört harr oder gar dat Paar torüggkam seeg, so muß se doch opbreken, da Per un Wagen noch wedder torügg schulln. Se wünsch gunnacht un haßt op ern Sitz, un man en Dgenblick, so fahr se eensam inne Düsternis vortwartz.

Gung't ni bunt nog her inne Welt vör Gen, de eben den Fot herinstelln schull? Kunn man en junge Seel dat verdenken, wenn dat der sunnerbar hendærtrock un se süln ni recht wuß, woran se weer? Un de Minsch denkt sik denn toleht jümmer as de Stippen in de Centrumbahr, warum sik de ganze Maschin herumdreih, wenn he of man blot meent: uns Herrgott harr dat jüs so makt, um em mal wat to wisen, wona he sik richten kunn. So duselt de Gedanken, de um sik süln lopt, un wenn't to vel ward, makt se sik dun, as weern se Dröm, un en gesund Hart slöppt merrn dertwischen in un lett se ern Gant gan.

Trina keem half inslapen in Möldorp an. Dat Rassel oppe Steensstrat un de Lichten inne Hüs wecken er. Se weer hier sunst blot an Vader un Moder er Sit herinfahrt, fremd weer er dat nu, awer dat weer er, as harr uns Herrgott er noch vel wat bunteres wist, un wenn se an dat arm Wäden oppen Welenwagen dach, so weer se tröstli.

Wenn man vun sin Kinnerjahren vertellt — man weet nu, wat man do vör Gedanken harr, wo man doch egentli blot mit grote Dgen stunn un toseeg un dat lütt Hart kloppen föhl —: so kunn Trina eerst Welen naher sik besinn, wat hüt Abend all in er rund gan weer. De Knecht harr mit de Bitsch ballert, an en Eck harrn se sik fast fahrt, he harr nös dat Hus ni finn kunnt un Lüd un Jungs oppe Strat utfragt. Jan Meth sin Fru weer mit Licht inne Dör kam un harr sik verwunnert, dat se nu eerst keem, dar se den ganzen Dag op er lurt und er nu tum mehr vermöden. De Knecht harr abüs seggt un se harr innerlich Angst un Ween föhl, as de Wagen glit umleht un wegrumpelt weer. De Thee harr

tein Geböb: zehn Gebote. Stippen: Spitze. Bahr: Bohrer. dun: trunken, träumerisch, wirr. Welen: Wochen. Ween: Weinen.

oppen Aven stan, se harr awer kum drinken kunnt. Toles weer Jan Mëth mit sin röthli Gesicht un de witten Haar to Hus kam un harr seggt, se schull man bald to Bett gan. Dar weer se rinsackt, as schull se ni wedder opwaken.

Se waß awer doch den annern Morgen wedder op un muß sit befinn, dat se in Möldorp weer. Un dar weer se.

Wo dreedusend Minschen tosam wahnt, dar is en Grimmelwimmel vœr Een, de ut en Dœrp kumt, wo man't glik wis ward, wenn Een en Paar nie holten Löffeln anhatt, de der mehr ballert as de oln Slarrn. Wer ut Hamborg kumt, vœr den mag't in Möldorp still nog wen. Wvrigens fahrn jeden Dingsdag un Sünnaabend-Nacht de Frachtwagens ute Heid na Brunsbüttel hier vœr, dicht an Jan Mëth sin Hus vœrbi, se dössen frili nich kunstgerecht ballern, dat harr de Landvagt se leggt, de darvœr ni slapen kunn, awer een Klatsch to Tid weer nich verboten.

Schräg æwer vœrt Finster stunn en Pump, de al morgens fröhtidi jant. Dar stunn oft Mädens mit blote Arms un Kœn noch gau en beten vœrt Wegdraben, denn hilt hebbt se dat hier all.

De Stuv leeg deep, so dat fogar de Rinner hindalsfelen, wenn se verbigungn, un alle wussen bald, dat dar en nie fründli Gesicht achter de Blompütt seet to arbeiten. Wa gau ward frische Ogen ni bekannt mit dat Nie?

Still un ruhig weer dat inne Stuv, de Kanarjenbapel weer de Genzige, de sin Hals keen Tom anse. Dat giff en Art vun Sauberkeit, de allens still makt, de harr Mutter Mëth an un um sit. Fröher harrn ەر Rinner dat Sand inne Stuv dærknojet un de Stöhl berangelt, nu se grot oder dot weern, rüd der Nilms an en Fol vunne Gardin oder ەر witte Snipp as ەر egen mager Fingern. De Foln int Gesicht weern frili deep warn.

Jan Mëth harr sit runner holn, ruhig awer ol. Se harr fröher en temlichen Handel hatt mit Hüninig, Botter, de

rinsackt: hineingesunken. holten Löffeln: Holzspantöffeln. Slarrn: Schuße. Brunsbüttel a. Elbe, 25 km südl. von Melbors. dössen: durften. Landvagt: erster königl. dänischer Beamter der Landschaft. jant: freischte. hilt: eilig. Tom: Baum. knojet: geknetet, durchgetreten. rangelt: wild herumgespielt. Snipp: Kopfstuch mit Spitzen. Foln: Falten. runner: runder, dicker. Hüninig: Honig.

he inkoff un na Hamborg schick un mit blau Steengut, wat he wedder verkoff; en egentlichen Kopmann weer he frili nie wen. Nu harr he sin eenzigen Sæn, de noch leb, dat Geschaft afgeven. De Sæn wahn wat wider herop, harr awer noch en Lager vun allerlei Kram int Sidenhus bi an. Dar gung dat oft lud un lusti her bit Baden un Paden. Jehann harr sülbn blot de Im beholn, darbi püffel he den ganzen Dag herum. De Korfit vun sin langn Garn weer een lant Imfchur, un op den æwrigen Platz lee he nix as enige Büsch ton Schatten bær de Swarms, blot en groten Vernbom stunn dicht achtert Hus. Noch hör man nu inn Harst dat „Voll“ summ, wenn man an er warm Hüschens de Keeg lant gung, dicke Klusters hungn um de Tchlöder, de Arbeit weer awer ut, så Jan Meth, se rüsten sit ton Winterlap. Vele warn al flau, de fat he mit blote Fingern an un bær se an er Hüsen. Se den keen Minschen wat, så he, de man ruhig weer. Werhaupt harrn se so vel Tugenden, dat he nich to Enn keem, wenn Een em tohörn wull. Se harrn binah Minschenverstand un kenn un verstunn em, he snack of den ganzen Dag mit se un harr sülbn wat Mummelichs inne Stimm. Awer oppaht wulln se wen, as man en Minschenkind, un rennli müssen se dat hebbn. Un so weer dat of op den geln Sand de lange Stig hendal bet an den Redderwall. Dar seeg en lüttje Port æwert Land.

Jehann kenn en Familiegeheimnis, wat sit fortplant harr vun Bader op Sæn, man wuß sülbn ni wa lang, darvun stamm deelwis sin Wullstand, wenigstens sin Berop un Nam, denn egentli heet he Jan Reimers, awer de söte Meth, de he inn Harst na de Hünigpreß bru, weer bekannt na Süd un Nord as man Homann in Husum sin Franzbrannwin oder de Lütjenborger Ræm, darvun harr al sin Bader den Binam dragen. Jehann stamm noch ut de Tid mit guden Glosen, de Geheimnisse kenn un achten de. Jan Glafen sin Ol, Glauber sin Solt (sal mirabile Glauberi), Hambörp sin Plaster, wat en Scharprichter erfunn harr, Lorenzen sin Snustoback weern würtlk echt un blot an Ort un Stell inne Heid un Kiel oder in de Apthek to krigen.

Sidenhus: Seitenhaus. Imfchur: Bienenstall. Kluster: Haufen, Klumpen (vgl. Klusterneste). Tchlöder: Zuglöcher. bær: hob. Mummelichs: Mummelndes, Brummendes. rennli: reinlich. Berop: Beruf. Ræm: Rummel.

Dat geb bekannte Familjen inn Damm, de vun so'n Geheemnis rit warn weern. Wer wag dat, Krüschau Wördenhoff sin Tippenstuten natomaken, oder Ehlersche er Hedewiken un Strümp? Ja de Kinnrokskerls mit er Störtrarn, mit dwattsche Sprak un blaue Bijädels kossen Brennöl bi Punn un grepen Grasshüpfer bi Schockwis, awer doch koff man vun se dat Scorpionöl in de langn wunnerligen Buttelsgläs, wo en Iantbeenti verdrögt Deert in sin Fett swimm, betal dat mit Dalers ahn to dingn, un drunt dat gegen Kolik mit en wręti Gesicht, ahn je den Hauspringer ruttofinn.

Dat Recept vær de Męth weer ut en Bol, vær ole Tiden schreben, en olen Hans Reimers harr dat vun en Aptheker, de landsflüchti wit her kam un in sin Pleg to Rau gan wecr, arbt. Unse Jehann bewahr nu sin Schatz, bet sin Søn den na sin Dod æwernehm kunn. Gott weet, ob denn awer nich alle Geheemnisse ophört hebbt.

Trina seeg un hör na alle Dingen mit en Art Hast, un mit Angst vær er egen Gedanken. Se schu sit dervær un heel se toriigg, as mał se en Dær to vær en Tog. Weer't blot Heimmeh węn, weer't Vader un Moder alleen węn, bellicht harr se sit hingeben un swögt inne Wehmoth. Nu keem to vel anners mit der mant. De Geschicht mit Peter Stamp harr er Seel belast, de Abscheed un de Reif harrn er Geföhl opschüttelt. Lev un Glück — dat klung nu anners in er; much je sit wehrr: se seeg, dat beide de Welt regeern; vun Friedrich nich to spreken, smud as he weer, doch ni to begripen. Harr de denn Lev? harr he se nödig? Trach he würtlk Mathilde na? Un wat war ut de truharti Bumeister? Un wat war ut Witen, un ut er? — Dar muß se nich to deep an denken. Wa bunt weer de Welt! Wo gung de Faden der hindær? Wer heel em inne Hand? — Geduld? — Se wuß ni recht mehr.

Gerst mal weern enige Dag' verlopen, dat muchen de schlimmsten węn. Se sett sit en Mal, se dach al an Tohuskamm, so lang dat ok noch hinwęn much. As man op en Morgen hæpt op de Sün, de kam schall, so war sit denn

Tippenstuten: Weißbrötchen mit Spitzen (Zimpen) an den Ecken. Strümp, Strümpfe: kleine Weißbrote mit zwei Zimpen. Hedewiken: Heißweden, Porinthenbrötchen, die zu Fastnacht gegessen werden. Kinnrok: Kienruß. Störtrarn: Schottische Karren. dwattsch: verschoben. Bijädel: Mittel. Gläs: Gläser. wręti: verdrießlich. Hau: Heu. to Rau gan: sterben. swögt: gejamert.

allns opklären. In de Tid is frili gut hopen, wo man neßenbi doch sit freit op dat Bett des Abends, un de Dag des Morgen, æwer den Kaffe ut den Ketel, æwer den Ketel wa he blank, æwer de Taz wa se sauber is, æwer de Welt wa se grot is un wunnerbar.

Bi de Meiersche, wo Trina jeden Morgen oder Nambdag enige Stunn lehren muß, seeg se sit of eerst wat schüchtern um, un weer binah mit Hartkloppen hingan. Dat Muß hölpt awer æwer vel weg. De saubere Arbeit war er gau leef, un se mark nich umfunst, dat se al inövt weer, dat se licht begreep un faten kann.

Mank de tein twölf Schölers, de der mitto seten, weern wenigstens de Hälste Döchter vun den Docter, de er Vader behandelt harr. Dat weer en ganze Keeg, vun temli grot bet temli lütt, all mit appelrunne Gesichter un en Dikken int Kinn, smuck un näswis un lut int Spreken. Trina sunn en Ähnlichkeit mit Friedrich. Se verbister lang mank de Keeg, denn bald weern der drie bald veer, bald de Groten bald de Lütten, jümmer harr een oder en paar Erkältung oder Geburtsdag oder Singstunn oder wat anners. Kinn' den se of ni vel, awer se weern snippisch nog, wenn de Meiersche se wat wisen wull. Trina gefull dat gar ni, er weer dat al sunnerbar, dat de Rinner lemn un den, as weer nümms anners inne Stub, un mit er kloren Dgen er un de annern ansehn, as jeegen se Willer an.

Vun de annern gefull er en jung Mäden al bi't eerste Ansehn, un de ma sit of glit an Trina. Dat weer en smuck grot weekli Kind mit sanfte Dgen. Wenn se se opslog, weert jümmer as war er dat sur, de Stimm klung of so. Se weer æwrigens en vullwussen Mäden, wul en Jahr öller as Trina un frisch un gesund, en präcti fein Roth schimmer er daer de Backen un se weer wittli um den Mund as en Liljenblatt. Se seet bi Trina, as wull se sit an er læhn, Trina söhl den warm Athen anne Back, wenn se to er sprok. Trina dach an en mitte Dub, wenn se bi er seet. De hal er al den annern drütten Morgen bi Mutter Methsche af, ahn to fragen woher un wasüch un ob er dat recht weer. Se leem mir nig dir

Meiersche: Näherin. Dikken: Grübchen. Kinn' den se: können thaten sie, sie konnten. snippisch: naseweis (spitzig). vullwussen: ausgewachsen. wasüch: wie.

nig un söch Trina mit er Dubenogen inne Stub, un piep mit ern depen Alhen vør Freid, as harr se er Junf funn. Trina full er umn Hals un küß ern wefen Mund. Darmit weer't gut.

As wenn Nams towilen wat bedüden schulln, so heet se Dübeken, en Nam, de fröher nich so selten weer, un er Broder nöm er oft sin Dub. So sä of Trina geern. Er Ollern bewahn en grot old Hus, vels to witlöfti vør er Bedriv: en paar Röh un Gras'vch un en beten Kornbu maf de ganze Wirthschaft ut. De Del weer as en Karl, unendli hoch un mit en gewaltige Dar. Dar leeg an de een Sid en lütt Stub, wo de Oln vør sit alleen karmüßeln, an de anner harr de Broder en ähuli Gelat, un ganz na'n achtern bewahn Dübeken en Kamer, rein so dicht un warm un hägli as en Nest.

Trina leep bald mal hin un broch oft de langn Schummern bi er to. Dat weer in dat grot Hus as in en Kloster, as wahn jeder vør sit un harr leben un starben kunnt, ahn dat de annern en Wink dervun kregen un binah leben se so. De Olung jümmer mit en hogen Hot op, of inne Stub. He schin sit um nig to bekümmern as um sin Spazeerweg dägli na't Land. Man sä, dar beseeg he Summers sin Offen, sprok mit keen Minsch, atwer he hung sin Hot oppen Dorpahl un re mit den as mit en Slachter: Wat wullt du ggeben? wa vel is de blaue weerth?

De Broder weer en beten verlähmt, weer en Art Musiker, Schriwer, un wat he all bedreb. Umt Huswesen bekümmern he sit eben so wenig. Worigens weer der keen Mangel, an Haken un Saken weer de Wersloth dar, Kist un Kasten ut grot Ekenholt stunn oppe Del.

De Familje heel of enk tosam, tomal Broder un Süster. As Dübeken Trina tum eersten Mal mitbroch, gung se glit mit er na er Broder un sä: süh Mafe, hier is sel un betrach er denn sübn as man en Schaz besüht. Er Ogen weern jümmer, as wenn se swimm. Se fat Trina um, as wull se in er truppen un er doch jo ni twei drücken.

Nös hucken se bi er Broder herum, fram' un felen mant den sin Saken. As Dübeken markt, dat Trina en old Klavier betrunner, muß er Broder se wat vørspeln, dar kreg se em oft darto, un wenn he nich geern wull, so sichel se em derhin.

Bedriv: Betrieb. karmüßeln: kalmäuserten, Grillen singen.

To en bestimmten Klockenslag Abends leet he sit awer ni holn, un Düvelen vertru Trina, he harr en Brut, wo he jeden Abend hingung. Da war frili nie wat ut warrn, sä se mit er jeli Gesicht, awer dat maß em je so glückli. Wer wull anne Tokunft denken? dar wuß man doch nig vun. Och dat weer schön, wenn man Een recht leef harr, sichel se un maß Trina binah dot mit Küssen. As Trina sit los maß, un wenigstens er Rieschir to stilln un to fragen, warum dat denn mit er Broder nig warrn kunn? do sä se, dat weer eenmal so, man muß der nich æwer gruweln, wa hölpt dat to? allns dur ni lang inne Welt:

Heute noch auf stolzen Rossen,
Morgen durch die Brust geschossen —

sung se as süßn mit en torgeten Bost, greep en paar Tön darto opt Klavier un de dicken Thran lepen er æwer de Bäden. Se wisch sit se af, kreeg Trina bi de Hand un sä: Kum, min Broder hett schöne Leder, de wüllt wi lesen.

Dær enanner leeg dat inn ganzen Huf. In Düvelen er Stuv seeg dat mennimal wunnerli ut, Stöhl un Disch weern bull. Dat Nachttüg, wat Trina morgens glit sorgsam wegsteck, leeg æwer't Bett, awer witt un rein weer doch allens.

Bi er Broder weert nich anners. He harr ganze Bagen vun Noten affschreiben, vun Leder un Gedichten. Trina kunn eerst ni löben, dat mal een Minsch so vel schriben kunn, un darto weer noch de Handschrift so sauber un zierlich, as weer dat drückt.

Düvelen fram man en Bäden vun Biller un Böker of noch Gedichte vun em süßn herat, meistens dær sin Brut schriben: darna muß dat en Engel wæn. Se harr Düvelen geern æwer er utfragt. Se dach sit en sunnerbar Schicksal ut, wat so twischen Twee treden kunn, de sit so leb harrn. Se harr al nie en Vers vun en Minschen hört, den se kenn un mit Ogen sehn. Se kreeg en wahre Lust mit Düvelen to gan, se tæhr de ganzen Dag' dervun un kunn oft kum de Schummern astöben.

As se man eerst enige Mal dar wæn weer, læß de Broder se geern süßn wat dær. Vel wuß he uten Ropp, of vun

torgeten: zerrissen. drückt: gedruckt.

sin egen Saken, un so hör Trina dat am leefften, besunners in Düstern, wenn man sit man tum mehr seeg. He much geern de greßigen Stücken hersegg, un harr of recht en Stimm darto, as Lenore fuhr ums Morgenroth, des Pfarrers Tochter zu Taubenhain, de weern all so as en Musit, de sinner de Ger rut kumt. Dat weer Trina nich all unbekannt, awer dat keem er nu op eenmal bet anne Seel. Darto wuß he jümmer vun de Dichters to vertellen, as harr he se kennt un mit se lebt, un dat war Een all dütsli. Vun Bürger vertell he besunners vel, of vun den kranken Hölth, de Ab' immer Treu un Redlichkeit dicht harr, æwerhaupt am leefften vun de, de vel Unglück un Trurigs beleyt harrn, un dat weer bi de meisten Dichter, gewöhnli weer de Leb mit daran Schuld, un he vergeet ni, dat recht antodüben. — Dat weer doch ganz anners as blot lesen! Wa keem he awer all darbi? Dat weer doch ganz anners in Möldorp!

In Möldorp sticht würtlki allerlei Wetenschop. De hoge Schol hett wol er Part darto dan. Düvelen er Broder weer of dar gan. In menni Hus stat allerlei Böker, de man nich vermoden schull. Menni Olsche het inne Still wat lest un noch mehr bedacht, oft sünd dat man Snurppipen, de tosälli en Schöler bit Utreden hett torügg laten, awer de Gedanken sünd wat egens un deshalb towilen in een Hus ganz anners as bi den Ratwer, un dat gung wider as Möldorp. Vertell ni Klas Harmß vun en ola Schoster ni wit vunn Dunn, de de ganze Bibel utwenne wußt harr? Klas Groth heet de Mann, un Harmß weer as Jung vun sin Vader hinschickt, de sit mit de Smid um en Bers streben harr, wo de stunn. „Er schlug ihn mit Ruthen . . .“ wider wußen se nig. Do sa de ol Groth, as he sit besunn harr, dat stunn Sirach so un so, un op Harmß sin Frag antwor he: Ne, de ganze Bibel wuß he nich buten Kopp, awer all wat grot drückt weer. Nu seh man mal in de Bibel to, wovel dat is. Dar gung Steinbeßs Kalendermann um un Gellerßs Fabeln, un dat weer ganz anners, wenn de bi de Armlamp achtern Rachelabend begrüßelt warn, as wenn man nu Schillers Glocke in de Schol list. Wat kunn de Lüd dærmafen! Menni Een

Wetenschop: Wissenschaft. Dunn: St. Michaelisdonn, Dorf auf einer lang von Nord nach Süd vor der Geeft sich hinziehenden Düne, 8 km östl. von Marne. buten Kopp: aus dem Kopfe. Rachelabend: Rachelosen.

röm sit, jeden Winter de Bibel mal dærtolēsen vum eersten Buch Moses bet to de Offenbarung, menni Een ret Valentino Heins Schacklammer, de ni weniger dā is, mit alle „Lust-exempeln“ dær. Ot wuß man noch de Leder, de domals de Mādens bit Spinnrad fungn oder de Fruns bi de Weeg! Wer kann se nu so gut maken? — So leb man biinn, un buten slog man inn Winter de Hann um de Rippen, ot wul mal de Fust achtern en Annern sin Ohrn.

Awer gottlos! vunt Winnerste is noch wat nableben!

Jan Meth harr ot sin Leseri vær, doch nich vun bel Leb un unglückliche Dichter. Sin Fru brü em: jeden Harst, wenn de Habbarn vun Hus trocken, so hal he sit ton Trost vun de Tegeli sin Volten un Viethen oder Carsten Niebuhr sin Reis' na Arabien. Trina harr sit wul weniger darum kümmer, wenn nich ot Annere, de bi Jan Meth lepen, oft derut en Marrie makt un Larm dæwæwer anricht harrn.

Hüpi leep der en lütten lischhaarigen Mann, den se Thiebs-ohm nöm', en heel spaßigen Gefelln. He wuß jümmer wat Nies, harr en beten verdrögte Stimm, nich heesch un doch ni rein, un leem gewöhnli mit Snacken in Dær, as harr he al buten anfangn to vertelln. Erst twischen in kreeg he Tid, gunabend to seggn, un so, as he darbi sin Müß hinschov, blev se sitten. De weer ni vært Lesen, sundern vært Hörn un Sehn, nich vær de gude ole Tid, ob he glit ni mehr junt weer, un raß wul Jan Meth sin Voß to Sid, wenn he sä: Lat nu man Carsten Niebuhr raun, Jehannohm! Ich kam vun Peter Ott, hüt is Landesversammlung wen, Bullmacht Thomsen ut Hochwörden meen, dat kunn ni mehr angan, dat de Burn vunne Geest to de Saatblöt ęr ęm na de Marsch hindalsfahn, de stelen de Schollkinner op den Hochwördener Fokstig, dissen Fröhjahr um Pingsten harr al mal en ęv sin lütten Hanne=Hinnerl=Jung oppen lütten Finger sitten gan wullt.

Son dumm Snack, mummel denn Jan Meth.

Nę nę, sä Thiebohms, in Fernst, in Holsteen nehmt je de Sewern un Engers æwerhand, dars int landwirthschaftliche Blatt værsan, se schüllt bi Spintwis sammelt warrn un se

• ret: rechnete. Volten un Viethen: Gelesene Ditmarscher Chronisten. Marrie: Rederei. lischhaarig: glattharig. Thieb: Matthias. heel: sehr. heesch: heiser. raß: schob. ęv: Diene. mummel: brummte. Sewern: Matläser. Engers: Engerlinge. Spint: $\frac{1}{16}$ Tonne.

wüllt den König beden, dat de se vun de Beamten, de Penschon frigt, natelln lett, dat Grothunnert schall vœr en Schülling Reichsmünz verkofft warrn, se sünd eben so gut as Scheerfraut anne Supp. Wi in Ditmarschen hebbt je keen, denn wi scheet de Spreen un Lünken ni ut de Kirschen, wi mœt doch of irgend en Fliegenkrieg anfangn, dat wi ni ganz inne Welt torüggblibt. Ik heff seggt, jeder Bullmacht schull int Landschoppshus so gut sin Klapper stan hebbn als sin Kalkpip, dar kunn se mit inne Reeg inn Saal achter enanner angan un anne Wann klatschen, dat weer of en nützliche Spraak. Awer Bullmacht Thomsen hett dat op de Im affehn.

Se leest je nu so vel landwirthschaftliche Böker, de se nich verstat, chemische Briefe, über böhmische Wälder, Feldpredigten vun Een, de keen Pastor warrn kann, über Stoffwechsel und Düngerbereitung. Wi de junge Arf, de oppe Burnschol wen is, wull ik en Kalkfell kopen un muß lang alleen int „Zimmer warten“, dar stunn all de Titels mit Goldbofstaben achter Glas. Dar üb ik mi en beten opt Bokstabeern. Ne würrkli, de Im schüllt de Rappsant Schaden don, Bullmacht Thomsen hett dat in en Bok leest, wat „der lebenswürdige Bienenvater“ heet, un nu . . .

Hol doch op mit din dumm Snack, scholl Jan Meth, as dat sin Im noch wedder bedrop. Weet se denn würrkli ni mehr, wat se in ẽr Fett bedriwt? hebbt se nix anners vœr't Land to beraden? Se sünd doch nich de Acht un veertig Herren . . .

As Biethen se beschrifft, sett Thieffohm hinto. Na, völli so arg is't ni, wœs man tofreden. — Min Fru pahlt Bohn ut, wenn' he sit denn so lang an Mutter Meth, as keem he eerst eben in Dœr, ik schall ẽr dar egentli bi hølpen, awer mi rasselt dat dröge Sluf to lud inn Schummern, ik bün weglopen.

Gewöhnli harr he irgend so wat, un meistens vœr Jan Meth en Geschiht bi't Been opgrepen, blot um em eerst ut de Ruh to bringn. Nœs weer he denn ganz wo anners wen, un keem vun en Boln, vun en Schollehrerwahl, oder ut de

Grothunnert: 120 Stüd. Scheerkraut: Taschentuch. Spreen: Staare. Lünken: Späßen. Klapper: Fliegenklappe. Wann: Wände. Burnschol: landwirthschaftl. Schule. Hol op: Höre auf. Acht un veertig Herren: die höchste Behörde des alten Freistaates Ditmarschen, der 1559 ein Ende fand. Quack. S. 136. wœs: sel. drög Sluf: trockne Hülsen. Boln: Versteigerung.

Liedertafel, oder vun en Eggensverjammilung; belebt harr he jümmer wat, man sä wul, wo nix los weer, dar maß he wat los.

„It kam vunn Docter, he mag je geern wat Guds un it kam je velerwärts, nu harr it en schön groten Brassen vör em koftt. De öllste Dochder is je'n smude Diern, de wul bald op en Mann lurt, de seet ant Fortepiano un jung, as it twischen de Dör rinkeel. It steek mi achter er hin un hör en beten to, dat gung ganz nübli, it hör man so: Du bist das stille Feuer, das mir am Herzen zehrt, do sä it, as se mi wis war un op mi gnattern wull, dat it lurt harr, se schull mal singn: To Bett, to Bett, de en Leeffte hett, un de keen hett, mutt of to Bett. Dat wull se ni. Wier it sä, it funn dat vel netter, denn de ewige Funheli am Herzen kunu wi ni verdrögen; wenn it min Fru dat vörsung, war se seggn: Scham di wat, Thieß! — Se wull min Leibstück awer doch ni singn.“

Bi so vel nieß to don, un so vel nieß to hörn, funn Trina wul dat Ole en beten verleern, vergeet se't of nich, se brukt je nich to vergeten, so brukt se doch of ni to lengn, as vör Dörst un Hunger inne Seel. Man kennt wul en Heimweh, wat en Kind inne Schol awerfallt, dree Sprunk vunt Öllernhus, dat is still, wenn't den Kopp ute Dör stecken kann un sehn, dat dat Hus noch dar steit, oder al mit den Gedanken, dat dat ni lang mehr durt.

Wenn de Knecht man Fridags to't Welenmarkt keem, un mit dat glückliche Gesicht vun alldag sä, in Odderade stunn alls bi't Ole, so weer Trina tofreden. Se pack en paar Saken, de he noch mitbrocht harr, ut, as weer se to Hus, un se frei sik recht lusti, as se mal en groten frischen Burstuten vun Modjen dartwischen funn. „Mutter Meth, Mutter Meth, en bunten Stuten! dar mutt Düvelen vun afhebbn!“ Un awer dat Beraden, dat se er ton Rasse herbeden wull, vergeet se binah, den Knecht adüs to seggn un em velen Dank un vele Gröt mit torüggtogeben.

Möldbörp is en nübli old Nest, lat man gut wen, so lütt dat is, fröher weer't de Hauptstadt vun Ditmarschen. Se

gnattern: schelten. Funheli: f. v. w. Gefühlschwärmerei. Modjen: Muttern. bunten Stuten: Korinthenweißbrot.

liggt op den Klev, dicht an Marsch un Moor, de ehrwürdige grote Karl is fast vun een Einn int Land bet nan annern to sehn, oft gris un grau inn Niewel, mitto hoch æwer de Blent, wenn de Luft spegelt, as Niebuhr dat vun Arabien vertellt. In de langn Dag, um de Havaarn kumt de Sünne so wit herum, dat man Abends vunne Heid ut süht, wat de Klost an den Thorn wißt; dat is selten so hell. Denn awer streckt sit de ol Thorn hoch in den Glanz inne Höch, Möldorp ward grot, man kann wol an de Tiden denken, as dat noch op en Land hendalseeg, wo oppe wide Heid Recht spraken un Rath holn war. Nu is dat anners. Awer noch süht man vun den Möldorper Karthof mit Stolt æwer dat Land. Hier trod de grote Garde lanf bi de Mael hendal, dar to linken vun Wörden fleet sit Wulf Jsebrand rop mit twee hunnert Mann, langs den smallen Weg int Moor störrt Ber un Minsch torügg wær de Bur, de kumt, un de Floth, de se int Land leten, denn half weern se as Fisch, as al en olen Römer vertell, un schun dat Water nich.

Diese Stolt feilt keen Ditmarscher, un wi wüllt uns Trina dat ni verdenken, wenn se mit Jan Meth un sin Fru Sünndags ute Karl keem, dat er of de Ogen blant warn, wenn se en Tidlang still stunn un na Janohm sin Wisen un Beschriben sit umseeg. Denn welke Schosterjung fahrt wol ann Fridag mit sin Meister na Möldorp to Markt un füstelt ni sin Hann wenigstens inne Tasch, denn se freert em, wenn he bi Dufendüwelswarf verbißumt? Wa menni Vader is hier wol al lanf fahrt, de sin Sæn mit de Pitsch betekent hett, wongehn de Böselnborg leeg, de uns Bærsfahrn dalsmeten, oder wa de Hamm dær den Wold gung, de enige Togang dær den Kranz vun Eken vun de Elf bet anne Eider, wo en Katteler op vun Brunshüttel bet na Tilen springu kunn, ahn anne Ter to kam, de Plaz, wo menni dütsche Landsknecht un menni holsteensche Edelmann unbegraben leeg. Wat en grot Vaderland is, dat weet wi nich so recht, se hebbt uns en Tid lang eben so vel vun de Dänschen Königs vertellt,

Klev: Geestrand. fleet: schlich. schun: scheuten. Schosterjung, aus Heide, wo 6—700 Schuster wohnten. füstelt: ballt zur Faust. Dufendüwelswarf bei Hemmingsted, wo 1500 die Ditmarscher die Dänen schlugen. Quickb. S. 180. Böselnborg: Burg des Grafen Rudolf, ihre Lage ist nicht ganz sicher, s. Quickb. S. 183. Katteler: Eichhörchen. Tilen a. Eider, nordöstl. von Heide.

as nöss vun de dütschen Kaiser, awer wat eu lütt Waderland is, wovun jeder Fotbreit Een wat to vertelln hett, wat Een bet anne Rippen geit, dat weet bi uns ol Fruns un Mädens. Dat uns dat man eerst fastholn, ehr wi wat Peters hebbt.

Trina gung halb mit Vergnügen er Weg' döer den Ort un so seker as in Obderade. Se gung sogar weniger achterum, as de Möldorpers dat geern do't, de oft en lang Weg döer Hav un Grab makt, um achter ut er Hus to lam un in Nawers Hus achter in.

Jan Methweer bi sin Im un bi sin Jahn still warn, he leb half mit en Welt, de nich mehr weer un keen Larm mehr makt. Wenn sin rüstigen Søn denn mal rum keem, so sprok de vun Buden, Strat anleggn, Siel maken, as schull ganz Möldorp umkalfatert warrn, un dat war so genau beschreiben, dat man doch mal umseeg, wenn man annern Dags vörbileep. Reem Thiebohm nu darto, so war't eerst lebndi, de leet nix ahn sin Senp hingan un seeg de Welt as en Lustspill an, egentli drop he awer jümmer de swarte Placken, un wo he lach, dar weer wat schadhast. Wenn Thiebohm vun de Eggencommun's vertell — sin Hauptgeschichten — wo dar de Schosters un Sniders æwer Wegbetern beraten, so war de praktische Søn argerli un scholl op den Kram, dat dat ganze Communwesen nix weer, dat der nix to Stann keem as vel Snack un vel Toback.

Dat is ol jüs de Bwid, seggt de Schosters, lach Thiebohm, snackt mutt der warrn, son Snider is neti, de mutt de Løver mal mit fragen, wenn em de Lüs deræwer lopen is, un en Schoster gar is iwri, wenn de ni mitinner mal störrtlos redt un um sik spiggt, as harr he Für freten, so verbrenn he innerli. Darvör sünd de Versammlungen, de löhlt. Dat weet ol de Fruns. Wenn de Commun anseggt ward, so makt se en Tekn mit Krid ann Heerdbalken, dat se jo nich verget den Mann sin Rod ut Schapp to krigen. Dat's noch gesünner as en Fischtog na Ziel. Un sunst gizt de je mit en Minut. De weet genau wa vel Stich de Mann vunt Melden

Hav un Grab: Hof und Graben. Bwid: Schuhnagel, hier: Bwed. neti: ärgerlich (eig. laufig). de Lüs löppt em æwer de Løver: er wird verdrücklich. he redt störrtlos: er redet geradeheraus. Schapp: Schrank. Fischtog na Ziel: Quich. S. 195. vunt Melden (von der Uhr) bet to'n Schlag: in 5 Minuten.

bet to'n Slagg maken kann, un hangt em en Platen vært Finsten, wenn mal en Dag twee Doden langs de Strat dragen ward un to vel Stich dær de Schiben gat. Süh man son Schofter inne Schummern uten Gant kiken, süht he ni iwri herum? Gau noch na de Sid, gau noch de Strat herop, gau noch mal hendal, de Kneben bewert al gegent Schotfell ton Weglopen, dat Hart huppert — he neit ut, mag't noch so schön wen, uu rapps rapps treedt he den Draht as wull he em afriten.

Mit en wahre Pæg hör Trina den lustigen oln Mann to, un se kunn ni laten in Schummern sit mal na en Schofter umtosehn oder na sunst wat, wat he drulli en leesli maht harr.

Disse Art Lüüd sünd in Ditmarschen nich selten, Lüüd, de nig hingan lat, Lüüd, de æwer allns mäfelt oder wræfelt oder lacht, de du nich still værbi kannst wenn du en Phantasiemüz opheft, oder din Jung en Bajazrod an, sundern de di fragt, wat værn Stück hüt Abend spelt warrn schall? Dull warrn hölpt nig, du mußt di wehrn. Dat stammt gewis sit her ut en Tid, wo en fri Wort æwerall un æwer Allns gung. Dit is noch de Rest dervun.

Thiebohm harr dat mit Lachen, un harr wul al ehr en olen Got, de sit as en Galgen spöfeli utneem vunne Strat, oder en schlechten Fotstig lit un eben, oder en schlechten Ärel ut Landschopshus rutlacht. Dat is unbequem awer gesund.

Jan Meth weer dat mennimal heel unbequem, wenn he ut sin fründlige Ruh opstört war. He keem denn awer doch of in Bewegung, un faken, wenn de ol Stankversit gan weer, vertell Jehannohm noch wunnerbar vun de oln schön Tiden, de he kennt un belebt harr. Buten brof de Unfreden ut, de Zeitungen vertelln den Gruel ut anner Länner, wi seten hier tofreden, as kunn dat to uns nich herreden. He harr noch de Tiden sehn, as Karsten Niebuhr in Meldorf Land-schriwer un Boie Landvogt weer. De Stellen, wo se wahnt,

Platen: Schürze. Kneben: Knie. huppert: hüpf. neit ut: kneift aus. wræfelt: tadeln. spöfeli: sputhaft. sit utneem: ausfah. Land-schopshus: Landtschaftliche Haus. Stankversit: Fäuler. Niebuhr, Land-schreiber in Meldorf 1778—1815, bereiste 1761—67 Arabien, † 1815. Heinr. Christ. Boie, geb. 1744 in Meldorf, stud. 1764—69 in Jena und Göttingen, 1781—1806 Landvogt in seiner Vaterstadt; Stifter und Mittelpunkt des Göttinger Hainbundes, Herausgeber des Deutschen Musenalmanachs, 1770—75, des Deutschen Museums, 1778—91, † 1806,

harr he Trina wist. Voie weer een vun unse oln Rams vun de Acht un Veertig Herrn her. He harr, as he Landvogt war, en schön Garn mit en künstligen Barg anlegt un de eersten Cactus mitbrocht. Of sin Fru broch he mit ute Fremden un weer sübn lang ut op studeern wen. He weer en Dichter un Jan Mëth harr oft de Lüde bi em sehn, wovun man nu blot list, wovun Trina of bi Düvelen er Broder hör: Jan Heinri Voss un de Wandsbeker Bad. Denn weert inne Landvogdi hoch her gan, wul mennimal en Læpel Botter ünnert Bratspitt int Fûr smeten warn, damit de Braden krosser war. Dar harr man se inn Garn spazeern sehn, Voss as en Schürpahl stif un mit nakelten Kopp, ol Karsten Niebuhr stramm as en Kerl. „Als en isern Abend weer he, wif' Jehann Mëth, son Gerüst, mit twee Föt darünner, darbi den klofen Jung anne Hand, so sin un mit son helle Gut un Ogen, as kunn man der dær un dær sehn. Un fründli weer de Mann, plattdütsch as en Bur, he weer of en Burnsæn ut de Fäbler Marsch. Sett he mi doch ehr sin Antog wist, den he vun sin Reisen mit ut Arabien brocht harr.“ So vertell Jehann Mëth, so lang man em tohöörn much, gedüll, as snad he mit sin Im.

Wer wat junk is, lebt doch vun dat, wat mit lebt. Trina kenn bald Lütt un Grot, wenigstens vun Angesicht, de Weg' un Steg', de lütten Gång achterum, de lütten Hüß' achterto, den Möldorpschen Geruch, den Möldorpschen Schnitt, dat se seggn kunn, ob he derto hör oder nich, wenn en Unbekannten vörbi passeer. Vele nücken er to, wenn se er seggen, enige Rinner lurn op er, um er de Hand to geben, wenn se to Reihshol gung. Se kenn vele Hüß' na ern Utbrud un wuß, ob dat gut oder slecht darin stunn na de Gardin un Kalosen oder sunst son Tekn. Se much der geern wen.

Besunners geern much se umt Lichtansteken mit Düvelen en beten rumlopen. Man hangt bi uns ni jümmer glik de Finstern to. Ik kenn en Mann, de scholl, wenn sin Fru in Winter vör de Warm de Kalosen dicht dal trocken harr: man kunn je den Himmel nich sehn. Ik kenn en Fru, de der

sin Fru: Sarah von Hugo. Wandsbeker Bad: Matthias Claudius. den klofen Jung: den Geschichtschreiber B. G. Niebuhr, 1816 bis 1823 preussischer Gesandter in Rom, seit 1823 Prof. in Bonn, Verfasser der berühmten Römischen Geschichte nach kritischer Methode. Kalosen: Fenstervorhänge.

sā, se leet jümmer de Finstern en beten apen, dat Lüd rin sehn kunn, denn se harr dat süln geern mucht, as se junt wēn weer. Un Trina weer junt, un Dübeken bellicht noch mehr. De witschen tosam heemli ünner de Mur, segen hier en junt Paar to, wat mit er Kind regeer, nedden sit, in Düstern drifter, bet se vör Glubdern weglopen mussen. Se belurn dar en ol gizi Mann un Fru bi't Abendēten, se wussen, wo en smucken jungn Minschn wahn, un harrn em geern dært Finster sehn, wenn se nich schu wēn weern.

Jede Seel hett er lütten Geheemnisse, dat is egen, wat dar vörn Lust in sticht, un bi de Lust sitt jümmer de Gefahr. Mutter Meth leet er lütt Trina betemen, mark awer doch op un sā af un to en Wort, sachmödi as se weer. Se lepen wul glif na de Scholtid en Umweg, oder vun Dübeken to Hus en lütten Affsteker gau mal ant Markt. Dübeken harr dar en Hus, wo se geern an heropseeg. Wat dar to sehn weer sā se nich, Trina doch frili er Deel, denn dar leeg wat in ern Ton, in er Ficheln, wat ol en Unerfahn as Trina rutsöhl. Dübeken weer awer ganz anners as Mathilde, se vertell un frag nix, se leb as anner Lüd drömt, rieschier kenn se gar nich. Se kunn de Heben ansehen as mit dune Dgen. Se kunn Trina umfaten, as wull se er opeten.

Trina kreeg eerst na un na to weten dat se ut Freesland stamm, daher ol ern Nam Dübeken. Er Bæröllern harrn bi Husum in de Westermarsch en groten Besiz hatt. En unheemli Schicksal harr op de Familie last, as muß allns misraden, versorn un verkümmern, wat se ansaten. Dübeken sproß sunnerbar darvun, as söch dat Unglück se as en Fiend op, oder as harr de Iewe Gott se vergeten. Er Vader harr deshalb gan laten wat gung. Se sproß, as gung Allens to Grunn, as gung Allens to Gnn. Dat klung as en Klagegesang, wenn se op dat Kapitel keem, un se sproß denn vun de ganze Freesche Stamm as vun en schön Bom, de well ward un hinstarvt. Trina kunn sit mit er in Wehmoth rin snaden laten, bet de gewöhnliche Sluß keem, man muß sit darum ni grämn, dat weer nu eenmal so, heute roth morgen tot. Ost-mals sichel se denn Trina mit enige freesche Wör, de er nüdli klungn, „lettj Fomm“ beheel Trina darvun, wat lütt Fru

witschen: entwischten. Glubdern: Nichern. leet betemen: ließ ge-währen. Freesland: Friesland. Husum in West-Schleswig. versorn: verborren. freesche: friesische.

oder litt Diern heet, un se nöm er darvæer wedder er Dub, er Krüzmöb, er Dodenpap, un mit son Kluderi kunn se sit bær Ween un Lachen loden un ganze Liden verbringn.

Bi son Gelegenheit keem dat rut, dat Düviken Friedrich kunn, de je of vun en freesch Hallig hörting weer, he weer nich felten bi sin Onkel, de Docter in Möldorp, wien un Düviken oder er Bader harrn wul ehr en Wort Friesch mit em snackt. Dat weer en söten Minschen, as Düviken em nöm, de harr er of vun en „lettj Sonim“ vöerspraken, de he geern liden much. Trina föhl, dat er Blot er ut Gesicht un na't Hart gung, se dach an Mathilde. Se meen, se harr em vergeten, se föhl, dat er wat weh de, dat se harr glif ween kunn, wenn se sit ni dervæer schu't harr. Se war dervæer stumm un gung bald to Hus mit den Gedanken, dat se Mathilde mal schriben un gröten wul, gewis lur de arm Seel al lang op en Breef. Un as denn so Gedanken an enanner hanzt, so dach se an Tellingsted un to Hus, se dach an er Bader sin fründli Wesen, an Witen de Guthartige un de ganze schöne Tid vun fröher. Se muß an sit holn, dat se ni æwer irgend een glitgülti Wort, wat Mutter Mæth to er sprof, anfang to ween, un as se fröh to Bett gung, lös sit er Hart in Thran, de warm æwer er Bad un opt Rüssen lepen.

Trina weer wul ehr of den Abend mit bi Düviken blesen, Mutter Mæth harr dat jüs ni geern, dat dat oft keem. Se harr wat gegen den Broder, velligt blot, wil he sæbentein Handwerkeren un achtein Unglücken harr, as se sit utdrück, er egen Sæn weer dagegen as en Wagenpærd likto int Spor blesen un harr sin Kram opt Dröge brocht. Vun Düviken sprof se allns Gude, bedur er awer meistens, dat gung son tragen Gant in dat Hus, man lehr blot de Hann inn Schot leggn un nan Sæben fiken, as schull dat Glück dar vunt sülbn rut kam, un keem denn niz, so heel man dat bær dat Unglück. De Diern weer sunst gut, se weer lenksam un weelharti. Mutter Mæth hü mitünner darop hin, dat se en trurige Deesshop hatt harr, de ni ton Glück harr föhrn kunn, dat schin as wenn dat nu to Enn weer, de junge Mann weer fort. Dat muß en Art grot Creatur wien hebbn, de nich

Krüzmöb, Dodenpap: Taubenarten, letztere mit schwarzer Haube.
 Kluderi: Diebstohlung. schu't gefürchtet. sæbentein: siebzehn. likto: geradeaus. Deesshop: Diebstahft.

vær uns påst, un son arm Seel blot weel maht. Vær vel ufnaden weer Mutter Mëth ni.

Bi Dübeken keem Abends wul mal Nawers Rinner, Börger's Döchter, um un bi vun er Öller. As Mutter Mëth lisen rutfragt harr woken? un hör, dat weern de un de, wo Trina of al mit er op en Kaffe ober ton Abend wen weer (denn gude Nawerschopp muß man holn) leet se er mitgan, wenn Dübeken er wegstoluckern keem.

Se seten dar bi er Handarbeit un drunten en Taß Thee. Gewöhnli keem denn de Ol darto un leet sik vun sin Dochder na sin Landsbruk en Theepunsch maken. He seet mit den Hot op, en groten stilsn Mann. He kunn awer doch in sik ganz heiter warren un mitto en drulligen Tog værbringn. Se drop denn jedesmal Trina darmit, un Dübeken neß er, dat se er Batter erobert harr. Ole Lüd un Rinner weern alle dull na er.

Oppen Dörpen hett man allerlei Tidverdriv vær de Winterabnds, de sik so lehrt un fortplant, dat weer swar to seggn, wer se opfunn oder wo se herstamm, se sünd oft in jede Gegend verscheden, oft de allereensachsten Saken: Schatten wisen, de man mit de Fingern maht un wat darto rimt, Kartenkunststück, allerlei nübliche Kneß, um en Drömigen un Dæsigen to brüden, Geheemnisse rut to loden un so wat. Dar ward of keen Kunst ut maht oder en Berop in söcht. Menni Een hett eerst tofälli an annern erfahrr, dat he wat kunn, wat en unschüllige Freid mak, un dat denn wider övt. De ol Freeß harr enige son Kneß værbrocht, um Trina antosöhrr, se weer em awer to plitsch wen un æwer em süßn war lacht. Er Fründinn' weern verwunnert æwer er Wör, æwer er Wiß, wa se sik nübli darbi harr. De Arbeit war oft ganz to Sid leggt, dat war een lustige Bewegung un Neßeri. Keen Wunner, dat Jedereen an son Abends en besunnere Lust harr.

Jergend son Anfang söhrt gewöhnli wider. Dar weer wul noch en Fründin mehr, de geern mal mit keem, un de Gesellschaft vermehr sik, man sunn wat nieß ut, wenn dat Ole mich mehr gefull. Halwe Verklebung keem so al mit vær. Wenn noch en nie Unbekannte darto keem, so harr man Gelegenheit, al dat Ole noch mal un geschickter to wisen, sik

um un bi: etwa. drullig: scherzhaft. weern dull na er: hatten sie sehr gern. dæsi: dumm, dämlich. plitsch: schlau. se harr sik: sie gebärdete sich.

sülbn dat niet to maken. Man bunn er wul de Dgen to, wickel ern Arm as en Popp torecht, mal en Gesicht slüchti op er Hand, un verschr er denn darmit, wenn se er egen Arm as en Kind in den annern wegen de. To Verklebung hett all junt Volk Lust, besunners hübsche Mädens. Dat schin of je ni slimm, dat se mal Mannstüg antrocken, as en krallen Burjung, as en Student mit en grote Pip in den lütten Mund, as en arm Handwerksburß, as en ol Orgelbreier optreden. Se weern je ünner sit. Trina schu sit eerst dervær, awer se mak dat nös doch geern mal mit. Plaz harrn se wunnerschön, in een vun de Stuben sit umtosleden un op de grote Del herum to dabben. De Broder sin Atram leet sit prächti brufen, to Noth maken se en beten Musil darto, un wenn he tidig to Hus keem, so war wul noch en Danz matt. Toles brochen se Trina to Hus, de denn man be, dat oppe Strat ni noch lud lacht war, un ni Lüd achter se keem.

Lev un Fründschop mak Liv un Seel opblöhn. Mutter Meth behaupt, dat keem vun dat gesunne Water, dat Trina er Baden schin as en Rosentnupp, dat gev son Heiterkeit, meen se. Se wuß am Ende noch gar, sä se, er swart Kleebl wull er gar ni recht mehr æwer de Schullern, un se klopp er mit er mageren Fingern.

Dat Schönste an Trina weer egentli, wa nims um wis war un wat doch Jedereen antrock: allns paß tosam, dat harr en Schick as er Stimm en Ton harr: leesli warn wi seggn. So stunn er dat all an, wat se værharr. Se mak keen Darm mit wat, nich mit de Föt, wenn se gung, nich mit de Saken, de se ansat, nich mit den Athem, wenn se sprok, se weer lidsam un lisen. Jan Meth feil wat, wenn se ni dar weer: wo is Trinafen? Thiekhohm vertell oftmals Geschichten jüs blot vær er. Inne Reihshol weer se al wit ut de beste, mak de feinsten Saken mit er flinken Fingern un sogar Docters snippische Rinner sproken mitünner en Wort to er.

Bi Düvelen harrn se ol son Handgeber vær, as man nu öfters ton nübligen Tidverbrib süht. Trina harr al dit un dat vun Mathilde affehn un lehr nu noch mehr to. De jungn Mädens maken wat ut Feddern, ut rode Bohn, ut Blöm, ut bunt Papier, ut Parlen, Knöp un Metallstütern.

verschr: erschreckte. wegen: wiegen. lidsam: stillen Wesens. wit ut: bei weitem.

Dar harrn se dat hilt un heiter darbi. Egentli much Trina so wat am leeffsten, tomal wenn en beten darbi sungn, vertellst oder vœrlœft war. Singn kann nu je nûms recht mehr, if meen so as de Bageln singt. Se sungn noch de Leder, as de Snavel se wussen weer, un se harrn keen Bisfall dervœr, awer Freid daran. So wat mutt man hörn, wenn lisen sungen ward „Es zogen drei Burschen“ oder „Ich stand auf hohen Bergen“. Dat is mintwegen so weni Gesang, as kludern un klœnen en Rœd is, awer dat Hart brukt of je keen Trum-peten, um sit to wisen, un wat will man mehr as dat?

Sinne Neegd stunn dat Predigerhûs, man kunn achterut dœr de Garnbûm de Finstern blinkern sehn. Vun dar schull na de Sag' en ûnnereerdschen Gank na dat ole Kloster gan hebbn, wat nu dat Scholgebûd is. Man vertell sit dar Geschichten vun de oln Klosterbrôder un ẽr unheemli Leben, vun Minschen ahn Kopp, von Stimm ûnner de Eer, vun en Licht, wat dœr en Gitter nerrn ut den Bœf schint harr, vun junge schöne Mœdens, de verschwunn weern. Bi de Paster harr dat Deenstmœden, de noch as en ole Fru int Armhûs leb, Abends heemli dœr ẽr Leeffste en Buttel Win uten Keller haln wullt, de weer tofœlli in Dûstern in de verbedde Dœr un den Gank kam, un harr hier dœr en Geripp en Dœdensschreden tregen. Vun so wat muß Een noch mehr, as de Anner. Dûviken ẽr Broder behaupt sogar, de Gank gung egentli bet ûnner ẽr Hûs, dat Hûs weer frôher en Art Kapell wœn. Bœr Gruen trocken de lustigen Rinner de Fôt oppe Stôhl un probeern, wenn se wedder drifter un lâcherlicher warn, ob dat ni holl ûnnern Fotborrn klung. En ol brun Rod un Kapuz, en Handstœck un Lantern darto, kunn licht as Mûnchskleed deenn, de doch bi uns nûms kennt. Dat Spill kunn oft wedder matt warrn, um mit en gressige Stimm de annern optoschreden.

Dat dar ol Nawers Sœns mit in lepen, weer natûrli. En Sœn vun en Wetsfru, de en grote Bœderi harr, keem hûpi. Man sâ, he harr um Dûviken anholn, se harr em awer ni hebbn wullt. He seet gewôhnli ganz still, wo se em sin Plaz anwis', meist wit vun ẽr, un folg ẽr stumm mit en paar grote bleke Ogen. He weer vergnôgt, wenn he wat to knappern haln dôß, un lẽ de saubere Tut dankbar dœr Dûviken

Neegd: Næhe. nerrn: unten. Wetsfru: Witwe. knappern: beißen, bes. von Naschwerk. Ig: legte.

ton Verdeeln hin. En anner lütten rothbackigen Bengel, de tomilen Klot snaden wull un darmit nie geschickt to Stann keem, war Unriep titeleert. Sunst plegg noch regelmässi de Brüdigam vun de Fartversochder schreeg æwer lat to kam, um de afohaln, en ernsthaften vullstännigen Mann, de sübn en Geschäft harr un bald Hochtid maken wull. Um alle bekümmern de Mädens sit ni vefl un husen, as wenn se alleen weern.

En Abend gung of de Dær, as se recht ünner sit un unnütt spelt harrn. De Klosterbrüders weern wedder opt Tapet. En vun de jungn Mädens weer mit en Hackpachen ankam: se harr gewiss een sehn achter de Holtandler sin grote Port, en Mann as en Riß un en witten Hund as en Elephant. Natürlig weer dat de junge Pauls, lachen de annern, de ni laten kunn, op sin Schimmel mal en Nacht na Gesch hindaltoriden. Awer dat hölp nix, dat muß doch mal mit de Frees sin groten Hushund wißt warren, wa he em trocken harr. Näs stell Düvels en oln Blinn vær, de sit vun sin Hund söhrn lett, un as de Hund egensinni war, sit opsett un in sin Lager vertrop, muß Trina de Blinne sin Dochder afgeben. En bunn er mothwilli dat Haar los, wat er as en Def æwer'n Mügg full, un as se eenmal in Gangn weer, sproß se nüdli to de annern um en Gav vær er blinne Vader. Merrn int Reden gung de Dær, un se dachen al den stillen Väcker um en Tut mit Backwarf antogan, gungn op de Dästerheit to — as Trina wis war, dat dat ganz anner Besöl weer. Se sä verfehrt keen Wort un blev stan, ganz in er natürligen Staat. Værut tre en smallen jungn Mann in en Studentenlapp mit en Brill nn en fein Snurrbart. Rum harr Düvels dat markt, den Doß hendalschaben un sit bisterei nmsehn, as se mit Gewalt op den jungn Mann hinflog, em um fat un fast in Omacht vun em holn war. De Anner gung op Trina to, as trock em dat hin un he wull er of inne Arm fangn, so köstli stunn se dar, verfehrt un verstört. Dat weer Friedrich. Awer se verhal sit, so as se em man kenn, un flüch er flegen Haar in en Eck, wo se dat, so gut dat gung, fleck un opbunn. Nu wull se to Hus. Doch Düvels harr sit besunn. Mit er seligste Stimm bg se er,

Sackpachen: schwerem Atmen. hindaltoriden: hinabzureiten. Frees: Frieße. afgeben: dienen als. bisterei: verwirrt. Omacht: Ohnmacht. verhal sit: erholtte sich. so as: sobald. kenn: erkannte. flüch: flüchtete.

nich to gan, un to bliben, un er Glüd ni to störn! Dar leet siß of nig anners maken. Wat Schid harr, söhl Trina to genau, of wenn enmal wunnerlige Lagen geb. Se gung mit in Stuv un gröt Friedrich as en Bekannten. He weer na Angeln un wit herum, doch vœr ni lang noch in Odderade wen. He kunn er vun Hus un Hav un alle Bekannten vertelln. Allns weer wul op, as se of jeden Fridag vun er Pnecht hör. De Oln draun wul jümmer mal mit to Markt, dar weer denn awer wul jümmer wat to frigen, harr he man hört. Mit Hans Grimm schin noch bedüden wat inn Wegen to wen, he sä ni dütsli, wa vel oder wa wenig he darvun wuß. Trina frag un hör wilstöfti herum vun er leef Odderade. De Freid un de Erinnerung mak er seker, er weer, as seten de Guden bi er, Vader, Moder un Frünn, twischen er egen bekannte Münn, se war drist un lebndi. Egen as se utseeg mit ern Harpuß, de nich recht in Ordnung kam weer, hasti binah mit er Fragen un Hörn, weer se siß süßn fremd vœrfam, wenn se wußt harr, wa er de Ogen lüchten un Mund un Baden schin.

Bi Ledohm war nu je wul bald Peter Stamp sin Hochtid, vertell Friedrich. He erinner an de schön Abends, de se in Odderade beset harrn. Se weern so rasch vergan, un Trina weer darto ut Döör verschwunn wen, ehr man harr adüs seggn kunnt, he weer richti en Dag to lat kam.

Trina frog em rasch un bestimmt, wat Mathilde mak? Dat drop den Punkt. He sä ganz slecht weg, he wuß ni seker, he harr er ni wedder sehn, awer man hört, dat se je mit en Leutnant ut Sleswig verspraken weer. Trina verstunn dat, se seeg em noch mal an, un sung en Blic op, de er æwer de ganze Tid as en Blich lüchten de, dat dat lud in er Hart reep: di hett he söcht! di hett he söcht!

Se harr ni markt, dat de Abend to Gnn weer. As se to Hus wull, gungn de annern mit, as oftmals. De fremde Herr harr Düvelen ann Arm, de selig vœrut swey, Friedrich söhr Trina. Bi en Nebenstrat gungn de Beiden af, de Ewrigen harrn al Gnnacht seggt, velliht um nich Störenfred to speln, de Beiden gungn alleen. Trina harr ween mûcht, as harrn de Annern er verraden. Do sä Friedrich,

Wat Schid harr: was sich schiedte. draun to Markt: redeten davon, zu Markt fahren zu wollen. to frigen: zu besorgen, zu thun. inn Wegen: im Wege. to lat: zu spät.

dat Glück smeet em endli mal to, wat he mit Verstand nich harr trigen noch sinn kunnt. He frag er nich, ob se em leef harr, se wuß of nich, ob he er dat seggt, awer se föhl, dat er Arm in sin bewern de, un se sach binah tosam, as he er bi de Dær umfat un op den Mund küß. — Angst un Seligkeit heeln er waken, bet Jugend un Mödigkeit de Ogen to drücken.

Thießohm keem mit de Mütz scheef op un vertell, nu war Revolutschon inne Liedertafel. Se warn dat ganze Dink umballoteern. De junge Secretair oder Volontair, oder wat he weer, un annere son Slach as de Docter sin Nefse harrn sik opnehm laten wullt, awer de oberlännsche lüttje Barbeer harr dargegen redt. Wer ni ganz un recht to uns hör, de muß ni mant uns, „mir misse ünner uns bleibe,“ it så ja, entre nous, d. h. ünner uns Deerns. It sunn of, wi harrn al allerlei Volk, wat ni ganz un recht to uns hör, as de Zigeuners oppen Dunn un de Prager Muslkanten, wi harrn an unse egen Orgeldreiers genug, wi wulln uns ni of noch vun Fremde schern laten. Dat sunn he ganz wahr un de annern ganz lächerli, un do re he noch beter. Dat hölpt doch, wenn man en beten nahölpt. Wat dar am Einn ut warn is, weet it ni; as dat een Kuttelmuttel weer, gung it weg. De jungn Herrn wüllt wol geern mit dazgen, un de Barbeer will lewer alleen de jungn Mädens ant Sinn faten, wenn de Herrn den Bart stan lat. Trina much sik man in Acht nehm. —

Thießohm ahn nich, dat Trina dat in Acht nehm ganz anners düd' as he, un innerlich verlegen war.

Man vertellt sik vun en Blom (of bi uns steit se mit, deep ann Borrn, in en klaren Dik oder inne Wildnis ünner Water, doch wer söcht se?): wenn se blöhn will — de Sünne fallt vun baben herin — so mutt se heropkam anne Luft un de Wurteln sik lösen ut den geruhigen Grund. Ward de Welln er dregen? ward de Storm er ni drapen? oder en Hagel falln ut de unendliche Luft?

Trina kreeg Friedrich in de neegsten Dag' gar ni to sehn, man eenmal seeg se em ute Feern mit de Secretair ann

smeet to: ließe zuteil werden. waken: wachen. Dunn: St. Michaelis-donn, S. 226, wo Zigeuner oder Leute, die man für zigeunerischer Abkunft hielt, wohnten. re: redete. Kuttelmuttel: Wirrwarr. Die hübsche gelbe Blume heißt *Utricularia*, Wasserschlau. Borrn: Boden. Dik: Leich.

Arm gan. Do keem Sorg un Twifel in er op. Wa kunn man of op bu'n, wa kunn man op tru'n? Wat harr se værn Recht to verlangen? Och, un doch harr se sin Arm um sif fohlt un dat Hart an ernal Boffen slagen! Harr se nu man er Witen hatt! harr se nu man en Seel womit se spraken kunn! Duveten keem sit den lekten Abend bi er nich to Neishol, hingan na dat Freessche Hus kunn se nich, se harr sif schu't darvæ.

Inne Neishol fung de Olste vun Docter sin Dohder mit Trina an un geb sif mit er af. Dat weer doch en nett nubl Maden, de mal gut er Wdr to setten wuß. Se mal op en Art Bekantschaft mit Trina, as wull se mit er to don hebbn. Se sprok of vun er Vetter Friedrich un verhel er nich, dat de vun Trina spraken harr.

Wat harr dat to beduden? De Docter sulbn keem an en Morgen bi Jan Meth vær un soch Trina op. He weer heel frundli, seet bi er anne Finsterbant un sprok vun Odderade un er Vader, dat er dat ordentli smö un gut be. He harr gar ni wußt un nu eerst erfahrn, sa he, dat Trina hier in Möldorp weer, sunst harr he doch al mal infelen. He war er sin Olste schiden, dat de er mal mithroch, de kenn er je al, un se kunn mal en Abend en Taz Thee bi se drinken un en beten Musik anhörn.

Mutter Meth sprok in de lekten Dag' in er lidsam Ton mehr æwer Lüd gegen Trina. Se fung of æwer den Docter un sin Hus to spraken an. Se harr darbi er egen Wis', se læv geern un troch allns Gude vær, æwer wo se bedur, dar harrn annerlud scholln un tabelt. De Docter war of old vær de Tid, sa se, de arm Mann. Se harr em noch kennt, do he toerst in en lütten grauen Rod ankam weer un em dat nich gut gan harr. He harr sif behölpn un sur don muß, un dat weer em wul mennimal knapp gan. Denn he stamm man ut en lütt Familje un harr Schulden un anner Lasten mithrocht. He harr wul redli sin oln Ollern innerstütt, sin ol Moder leb noch bi em. Dat weer doch all gut gan, mit Gotts Hölp gung Beles. Se wuß nich, warum Lüd denn jümmer noch dat Glüd mit Gewalt söchen, un floke Lüd langn oft mank de Dorn, blot um en Ros' recht

Bossen: Busen, Brust. verhel: verhehlte. heel: sehr. smö: beruhigte. infelen: eingeguckt, vorgesprochen. læv: lobte. harr sif sur don muß: hatte es sich sauer werden lassen.

haben rut to plücken. Se löv nich, dat se dar egentli beter wussen. Mit sin Fru harr de arm Docter sit en ganzen Anhang vun Trübsal anhungn. De Fru weer je noch de beste, dar leet sit nix gegen seggn. Awer Swestern un Swager un de ganze Sipp legen em mit oppen Hals un döchen wul nich opt meiste. Wat hölp em nu sin fur Don un Arbeiten? Nacht un Dag herut un to Ort un to Landstrat? Se verstunn disse Art Lüüd gar ni, de vun Bur un Börger stamm un nöss ganz aners warn as uns Lüüd, Afsaten, Docters un Presters gung dat so oft so, un glückli weern se darbi gewis nich.

So wiß' se Trina op menni wat hin, wat de vel bebach un bi er nich verlarn gung. Se harr egentli ut Respect nie wagt æwer Lüüd as er Pastor un er Docter man mal to denken.

Mutter Meth muß markt hebbn, dat in Trina er Seel wat værgung. Se sprok awer nich as achterum un heemli, um er denn en Teken to geben, de oftmals en Schlag is un weh deit; wat se sä, goll doch grad ut, awer se sprok of nich blot um to snacken. Trina hör immer er Del rut, wat nu jüs paß, se hör vun er æwer vel minschli Dingn. Wat sunst en Hart schüttert un umdrifft, dat weer bi Mutter Meth ni dot blebn, awer ruhi warn, un darbun freeg man sin Part af, wenn man tohör. Se weer een vun de, de ni weh dot, wenn se tabelt, de de Schwachheit kenn un wuß, wo de mit dat Beste inn Minschen tosamhangt. Op dit Beste wiß' se jümmer wedder hin un darin leeg de Trost un Stärken. Dat de se oft mit weni Wör un Winken.

Se harr of Friedrich mit den Secretair sehn. De Secretair weer Een vun de wenigen, wa se dat arg op harr. Se be Trina utdrückli, nich na dat Freessche Hus to gan, so lang de wedder hier weer, en bösen Geist leent mit em. Se fürcht, de steek of annere an. Dat geb noch sacht en Paradies op Eern, awer dat weern de Slangn darin. Dat weer doch truri, wa menni arm Seel verlockt war, un denn weer't ut mit dat Glück.

Na'n Docter leet se Trina awer geern gan, dat weer er en Ehr. As se mal Naricht harr, dat se er afhaln wulln,

löv: glaubte. döchen: taugten. nöss: später. schüttert un umdrifft: erschüttert und umhertreibt, d. h. aufregt. be: bat.

maß se er süßn smuck, as schull se to en Hochtid. Thießohm weer nich so nasichti, de keem æwer't Anpußen to, un as he hört harr wohin, do wræfel he arg op dat Hus un mehr anner. „Ehr vœr de Lüd un Schaden maßt et quit.“ He harr nix gegen den guden Mann, æwer so swad gegen sin Egen muß man ni wœn. Wat son Firlsanzeri schull as nu son Lüd vœr harrn? Kunn de ni don un leben as Annerlud? Warum jümmer wat anners? Vœr de Jungs Narrenjaden un vœr de Dierns Gardin um de Höd, neegstens warn't je wul gar Kalosen warrn un en Dener anne Sid, de se op un dal trock. Un wenn se tosam keem nix as Lant-wil. Wi annern hebbt je doch noch Spaß dervun, så he, se maßt noch gar allns to Noth un Schuldigkeit, de mæt noch in den Katechism en nie Plichtenlehr setten laten, wo de Höflichkeit vœran steit, un denn: du sollst nicht erröthen, du kannst jeden Namen misbrauchen u. s. f. Unari weer dat Volk all, achtern Rüggn maken se sit Gesicht, æwer full denn en Klun dal, so schoten de jungn Herrn derachter an as en Tropp Makreeln achter en Simm, un junge Katten kunn ni sammtpötiger don.

De junge Friedrich war of noch ganz verborben, wenn de noch lang blev. Dat gung so'n Lüd so. He harr em kennt as en netten, nüdigen Jung op Scholn hier, æwer op de Güder lehrn se statt de Landbu dat Junkereern, un kunn se dat nös süßn ni dærsetten, so schull der en rife Fru to, de de Dalers darto harr. Dat Frien war ordentli en Spiseleern.

Dat keem, as schull dat all op Trina gelln, æwer de Tosall is bi son Saken nich so selten, as dat wul schin kunn.

En paar vun de rothbadigen Docterskinner keemn un haln Trina. De Lüd weern all fründli un arti gegen er, Musit un Spilln, wat der maßt war, gefull er. Doch kunn se Thießohm ni ganz Unrecht geben, dat de Lüd süßn nich recht vel Vergnögen darvun harrn. De Docterin seet banni möd inn Sopha. De Mutter vun den Docter seet in en groten Læhnstohl affits. Dat schin en steenole Fru, al wat stump un så un de nix. Trina seet ni wit vun er un versöch doch en Wort mit er to spreken. Ob de Olsche nu en Erinnerung

maß smuck: kleidete sie hübsch. wræfel: nörgelte. Höd: Hüte. unari: unartig, ungezogen. Klun: Knäuel Garn. Simm: Faden mit Angel. affits: beiseite. al wat stump: schon etwas stumpf.

teem, vellicht wil se mal en echtes Landkind seeg oder ut Stimm un Sprak wat hör, wat er Gedanken wed — se wint Trina mit de Hand herbi, beföhl un betrach er und fung denn mit er heemli iwri to snacken an. Se muß sit bi er setten un nu sprok se er int Ohr, awer so lud, dat dat dær de Stuv schall un Lüüd verlegen mak, am meisten Trina. De arm ol Fru muß er wær en Bekannte holn, de vellicht al en half hunnert Jahr ünner de Eer leeg. Denn se ra' er to, se muß sit nu doch ni länger bedenken un ern Better nehmn, dat weer man en Bur, awer en gude Seel un dat Hart harr he op den rechten Placken! En jeder in sin Stann! Se weer je ok en lütt Burdiern, so smud se ok weer, un so röthli de Backen — un darbi sichel se er mit de mageren Fingern — hö du di, min lütt Trina, sä se op cenmal un nöm de to er Bewunnern bin Nam, hö du di! Dat Feine is nich dat Reine! Ik wull, ik harr den Handwarter nahm, awer he leet sit beswachen, besnacken — un er Gedanken lepen wedder dær enanner. — Min Sæn is sunst gut, ja he is gut, sä se und ween op den sin Hand, denn he weer herbi kam, wul ut Wærzicht, dat de ole Fru ni allerlei dærenanner re. Se leet sit nu ut den Stohl lüsten un gung mit Koppschütteln an de Docter sin Arm rut. Doch söch se noch Trina mit er blöden Dgen un sä er: de Handwarter, de Handwarter!

Trina weer ganz verbistert.

Do muß ok noch de Secretair un Friedrich kam. Um de war vel Hölpholn mak. De Docterin nödig den sein Herrn glit int Sopha un war wedder munter un redseli. Friedrich war vun sin Cousinen bekluckert. Dat Snacken un Lachen un Drilln war ganz heiter, awer Trina kunn sit doch gar ni to recht sinn, un wünsch man den Abend to Enn.

Do gungn noch de Jungn mit er de Strat lauk. Se awer mak de Dær achter sit to, as se in Mutter Meth er lütt Hus tre, un söhl sit so unendli verlaten, dat de Been er möd weern, un se sit hin sett un lang seet mit de Hann gegen de Post drückt.

De Ahnung in en rein unschüllli Seel geit wider as alle Molkheit un Insicht: Was kein Verstand der Verständigen sieht, heet en Spruch. Dar leeg wat as en Last op Trina

ra': riet. hö: hüte. lüsten: heben. verbistert: verwirrt. vgl Hölpholn: viel Lebens. bekluckert: ihm ward die Kur gemacht.

er Seel, wat et weer, harr se nich mal ut enanner frigen mucht.

Thiebohm weer den annern Dag nieschiri to weten, wa't bin Docter gan harr. He ma' funst awer allns Bemerkungn. Dat gung ditmal doch gut af, Trina vertell of ni vel. He frog, ob de junge Holthandler Pauls mit sin Schwester of ni dar wen weer? As Trina ne seggt harr, keem he int Laeben. Dat schin de Gluck to wen, as he se jus liden much. He vertell vun de junge Schwester, as vun sin egen Leeffte: de Diern weer je grot un smud un Geld harr se darto, um de reten se sit ni umfunst, awer he war sit binah argern, wenn de ni een kreeg, de bi er paß, nich so een vun de Feinbügen un de Junkern. He löv, de Docter sin Better Friedrich war er of geern fangn, wenn he kunn, he harr em so oft in de Gegend herumslankeern sehn, weer of en Lichtslüsk.

Weer dat de Ahnung? Awer Trina muß sit dwingn un tohöörn. Thiebohm weer redseli, vertell vun de junge Pauls sin Tag, in em harr he ganz en Narrn freen. He wuß of vun de sin Leeffschaft mit de Perzeptersdochter un bewunner em of darvør. De seeg doch nich na Geld un söch ni na Familje, Unsinn, de neem sit en Fru, de he liden much, un de Oln harrn wol beiderseits insehn, dat der doch Verstand in weer.

Half vun Trina, half ut Mutter Methsch er Mund, de se dat lang vertellt harr, kreeg Thiebohm nu noch to weten, wat vørn Stück Trina op er Reis' na Möldorp ut de junge Pauls sin Leeffschop mit ansehn harr. Thiebohm wuß natürlig of darvun genau Bescheed, kenn Jakob Schütt in Riendörp, wuß welke Buren den Abend bi em seten harrn un den ganzen Verlopp. Trina much mægen oder nich un noch so vull vun er egen Gedanken wen, se kreeg den Rest to höörn. De ol Scholmeister in Gesh weer eben so arg gegen de Geschichte wen as de rike Holthandler, awer de junge Pauls harr dat doch dærjett. De ol Scholmeister kreeg nu of noch sin Deel Dof un Mutter Meth muß darbi hølpen.

Is't ni en egsinnigen Rader, Mutter Meth, sä he, de opt Geld nig reft, un op de Ehr gar nig? en ganzen ebüfigen

Lichtslüsk: Leichtsinziger Mensch. Tag: Züge, Streiche. Rader: (eig. Schinder) Schimpfswort für jemand, der viel Verdruss macht. ebüfig: eigensinnig.

Gesellen, den keen veer Per vun sin Placken bringt? Un doch so lidsam bi de Pinner, bi fremde un sin egen. Se fodert un bornt sülsn sin Röh, steit Winters morgens Nod veer sib op un lett sin lütten Gærn liggn, de Fru is je dot, un sin öllste Dochder besorgt sunst allns. Abends hölpt he mit Pantüffeln schelln oder Bohn utpahln, un wenn se in Düstern to Bett gan sünd, hebbt de Navers hüpi lurt, wa he mit sin Pinner æwer Geographie un wat ni all spraken hett. Un wenn he Sünnaabends midbags de Büß umme Nack hangt un nan Butendil herutstakt, so schull man em wol ni ansehn, wat he de Wef lang vœr hett.

Als nu de beiden jungn Lüð, vertell he Trina in en Ton, as wull he ەر recht in Bertwunnerung bringn, den Abend würlki na Niendörp torüggkamt un sit bi Jakob Schütt utraut — un dat is wol en smud Paar — do kumt in Storm un Wedder doch de ol Perzepter achterna, tritt mit sin Barngezicht op de brede Schullern, dat utsüht, as ut en Ekenstubben mit en Rækenbil uthaut, in Dær un süht se sit ruhi an.

Vader, seggt dat junst Mäden. Kind, seggt de ol Kroß un fat ەر bi de Hand.

Do seggt de junge Mann: Jan Kroß, wæs he nicht dagegen, ik warr sin Dochder in Eyrn holn.

Eduard Pauls, seggt de ol Scholmeister, ik vertop min Kind nich vœr Geld un vœr en Infall, awer ik seeg, dat di't Eernst ist. Seggt din Din ja, so will ik keen ne seggn. Awer du tövst noch en Jahr, un kumst blot bi Dag' na Gesch hindal.

Darmit redt se sit de Hann, un nu is de Sat klar, to Summer ward de Hochtib. Dat is de rechte Art, så Thiepsohm, schob de Müß oppe Sid un leep ut Dær.

Trina drop Düvelen in en Tostand vun Glückseligkeit, de ەر schreckliger vœrkeem as alln Jammer. Anne Tokunst muß man ni denken, swärm se los, man mutt dat Glück geneten, wenn't dar weer, dat dur doch ni lang. Warum dat „lettj Jamel“ denn so eernsthast wœn un allns bedenken wull?

fodert un bornt: füttert und trinkt. Büß: Büchse, Flinte. Butendil: Außendeichsland. siakt: mit großen Schritten wandert. utraut: ausruhen. Barngezicht: Bärengezicht. Ekenstubben: Eichenstumpf. Rækenbil: Rückenbeil. tövst: wartest. klar: fertig. geneten: genießen.

Warum se of ni mal hinkeem un sit mit freu? Er Schaß weer öfter mit lam un harr er dar hæpt to drapen. Och, dat weer en Seligkeit unbegriplich, swärm se, un sat Trina um, de Leb weer allns op de Welt, all anner weer nix. Un darbi lüchten er de Dgen ganz sunnerbar, un de Farb trod er æwer de Baden.

As wenn allns tosam drapen schull, so keem en Drees vun Mathilde. Se weer na Sleswig torüggkehr't un bi er Ölern. Mit den jungn Leutnant weer dat værbi, awer wat Trina am wenigsten vermoden harr, dat weer en Wink, as harr se Mathilde vun Friedrich verdrängt. Dat weer to düttli, dat Friedrich mit er muß to don hatt hebbn, dat weer er schredli, dat so vel Schatten full op dat schönste Bild vær er Dgen. Se wuß nich mehr hindærtosinn.

Se seeg Friedrich mehrmals vunne Dær ut, wenn he værbigung un oppe Strat. An Spreken weer denn wider ni to denken, as Gundag un Guden Weg un dat aller glückligste. Oft muß se sit nadem hinsetten un utween, wenn se ni wuß, wo ut noch in, un Hæpen un Twifel sit um er streben. Glück ohne Ruh Liebe bist du. Wer will dat utmaln, wat so in en Seel mutt dærföhlt warn?

Mutter Meth leet er betemen. De mark wul, wat der los weer, se kenn awer en Minschenhart un wuß, dat dat doch sin Deel Freid un Pin in sit alleen vertehr'n mutt. Se seeg of ni dær, wat Friedrich værn Kull darbi spel. He wog er awer to licht vær den Schaß, den se hier ünner er bescheden Dack bewahr. He flutter herum, un harr wul geern Ehr un Geld un Schönheit op eenmal infangn mucht op sin smuck Gesicht hin. Ahn dat Trina dat mark, sorg se deshalb, dat Friedrich er nich mal alleen drop, am wenigsten buten Hus' oder in Garn. Egentli fürch se, dat he blot na Trina er Besiz lungert, un er schin, de Onkel harr dat wul mit bedacht un bemöh sit mit vær em, dat he licht to en Burstell keem. De un sin Döchdern weern er gar to fründli gegen er lütt Küßen ut Odderad. Mutter Meth harr dat geern mit Angreten bespreken mucht, wenn de mehr en verstännige Fru un nich blot en gude Husholdersche weer. Mit Jan Niklas, dat gung ni, en Mann versteit so wat ni, de meent, man mußt der glück wat bi don, un dat Genzigste is oft dat Aftöben. Darbi kann man de Hand værholn. Een wat uten Ropp snacken

hindærtosinn: hindurchzufinden. flutter: flatterte.

kann man nich licht, uten Harten gar nig. Wat dar opschütt, mutt wassen un blöhn, och dat wenigste kumt doch to Frucht. Mutter Meth schütt bedurli den Kopp un strakel öfter de Schetel vun er lütt Göschen glatt.

Dat weer egen, dat dissen Winter so weni Lüd ut Odbberab na Möldorp keemn. Ut Jan Niklas Preen fin Hus pleggn doch dann un wann Friedags to't Wesenmarkt wüde dar to wen. Dit Jahr weer't en Unordnung in Odbberab. Allns keem vun den wunnerligen Husbu, de anfangn un ni ferti war. De Knecht seet gewöhnli alleen oppen Wagen un broch nig as enige Saken, mal en Stuten, mal en Sack Weten, un vel Gröten vör Trina.

Ganz unvermoden un to ungewöhnli Tid keem Peter Stamp un Witen en Morgen bi Mutter Methsch vörfahrn. As se se seeg, æwerfull Trina en Heimweh, wat er binalh krank mal. Se leng' torügg na er Kindheit, na de Seelenruh, na den Frieden, dat se harr flüchten mucht un sit insluten un allns utwischen, un wedder herutsehn ut er Finster æwer den Grashof un de stille Gegend. Witen dargegen frei sit, er to sehn, de seeg tofreden un seter ut un leb in Hoffnung vörwarts. Trina kunn nu doch ni dat Wort finn er to klagen un Trost to söken. Dat weer er as weer der nig vörfulln, dat leep all in Heimweh mit er tosam, un se kunn blot mit Witen vun tohustam snacken, wat of nich lang mehr burn schull.

De Beiden dagegen harrn wat vör Trina oppen Harten. Se söchen er bald affits to spreken un Peter harr sit geschickt un as en Mann darbi. He vertell Trina, dat Hans Grimm gradto Concurz maken war, he harr sit bi den Husbu verbärt. Se all steken mit en Summ dartwischen un Trina er Bader mit nich gar wenig. He weer je sunst so vörsechtig, awer Gott much weten, wa he sit darop inlaten harr. Den Hals kunn em dat jüs ni breken, awer en häßligen Stot gev dat doch, un Angreten weer noch unglücklicher daræwer as he sülb. De eerste Gläubiger inne Hypothek weer de Brenner Rod ute Heid. De wull den Kram mir nig dir nig ævernehm un of Jan Niklas utbetahln, awer he harr gradut to Zedohm seggt, he de dat blot, wenn Trina Preen em ton Mann neem. Witen un Peter löben, dat Angreten in Angst darto

opschütt: ausschleht. strakel: streichelte. Göschen: Gänschen. wüde: welche, einige. affits: beiseite. verbärt: überhoben, verspekuliert. löben: glubten.

ja seggt harr, un se weern nu kamm, er umt Himmelswillen to beden, dat se dat ni de. Gefahr weer vör er Vader nich, un wenn der een weer, so war Tedohm tospringn, dat harr he Peter verspraken. Se schull dat doch dærchut ni don, un lewer Een vun de Strat nehme as dissen rogen Gefelln.

Trina leep en Grefen darbi awer. Weer't doch, as wenn of in er still Odderab, wo se noch eben sik hinschnt harr

als in die stille Kammer,
wo man der Erde Jammer
verschlafen und vergeffen kann,

as wenn of dar de Hann heringrepen, de de Seel umwöhl. Se muß nich, wo se Kraft hernehm schull, wenn nu Gott muß, wat keem. Doch do seeg se, wat en tru Fründ is, se söhl an Witen, dat de er bistan war, un se seeg an Peter Stamp, dat doch en Mann in em steek, un dat schin fast, as wenn he in de Tid, dat se em nich sehn harr, sik tosam nahm harr, sik funn in dat, wat wen muß, un nu, wenn wat Wichtiges keem, vör er un Witen beid instan funn, wenn't nödi weer.

Se sproken fast den ganzen Dag de Salen mit enanner dör. Hans Grimm muß mit sin Familie ut Dörp trecken un mit sin Fru er Beten sehn, dat he vellicht in Angeln wedder to gang keem. Wer sin Bu un Berkop weern vel winnerlige Dingn to Dag' kam. Man lehr bi so wat doch jümmer Lüd kenn. Friedrich harr sin Fingern deper mit dertwischen hatt as man denken schull, de Docter harr wol geern den Kram vör en Ei un Botterbrod kofft un em denn mit sin Olste darhin sett. Dat weer awer feil slan. In Odderab gung nu dat Gered, dat Friedrich op Trina spitelcer un de Docter mit tohölp, Enige sän awer, dat weer ni wahr, un wulln weten, bald dat he mit Mathilde verspraken weer, bald dat he de rike Holthandlers Dochder darvunhahn war. All dat muß Trina hörn, un se funn keen Punkt, wo se harr seggn kunnt: schont mi! oder swigt still, un ik mutt Allns vertelln!

So muß se se Abends wedder fahrn sehn, un se weer so wit hin, dat se sik wünsch old to wen as Mutter Metch

Grefen: Schauder. sin Fru er Beten (Bischen): dem geringen Besiz seiner Frau. feil slan: fehlgeschlagen.

oder arm as Hans Grimm sin Fru; dat se arbeiden muß, dat er de Hann sangeln, damit de Gedanken nich Herr æwer er warn.

Dat Gerücht vun de Concurß in Odderad leep glif æwer ganz Möldorp. De Burstell, de Hans Grimm bewahn, weer een vun de oln, de lang in de Feilsche Familje sit Minschen denken seker wen weer. Jedermann kenn vun de Feiln, de in Lann herum wahn. Thiebohm keem un frog berna, Jan Mëth sin Soen kenn al de genauern Umstän. Trina muß æwer vel Besunners Ned un Antwort stan, un nims ahn, wa er dat drop. Dat er Bader mit Geld der mank verwickelt weer, wussen se ol wul, de Meisten heeln em atwer wul vør to wulhebbend, as dat vør em Gefahr weer. Blot een Mann, un vun em harr se dat am wenigsten dacht, un dat smeet en häßli Licht op em, keem un frog er temli tobringli darna: dat weer de Docter. As harr he sülb dat Geld to verleern, so scharp forsch he Trina ut. Ja dat muß Husnack warn wen, denn de Olste vun sin Döchdern bedur Trina inne Reischol, as wenn er Bader vun Hus un Hav af muß. Dat sohr er bet int Blot un drev er Stolt un allns Slimms dør de Seel. Se verbister mank Welt un Minschen, denn och! se wuß wo dat herröhr!

Bi all dem keem dat nich in Trina er Seel, un se schull dat eerst erfahn, wa frech en Minsch wen kann. De Brenner Rod keem sülb, keem na Mutter Mëth, as harr he en Handel to maken, mit sin Gesicht ganz glatt barbeert un de groten Hann oppen Rügg, gung he an de Finstern vørbi un keet herin, as wull he seggn: nu weer he dar. Trina kunn sik nich mal flüchten un Mutter Mëth, de keen Ahnung darvun harr, wat he wull un wat se utheel, kunn er eerst bistan, as he al plump wen weer. He rüd temli mit de Sprak herut, as he dat bi't Offen kopen much wenn't warn sin, he wull egentli Trina alleen spreken, un as de Inwendung ma, so broch he nog vør, um ol Mutter Mëth optoröhrn. De söch em lisen to'n Anstand to bringn un hintoholn. Awer dat weer em ni dülli nog un gegen sin gesunne Natur. He fung an grot to prahl mit Geld un Besiz, vun Odderad

sangeln: vor Schmerz brennen. nims ahn: niemand ahnte. Hus un Hav: Haus und Habe. verbister mank: machte irre an. much wenn't warn sin: mochte gewohnt geworden sein. optoröhrn: aufzuwiegeln.

to spreken, as harr he dat Dörp opkofft un kunn de Lüd ver-
hætern na Willgefalln. He drau sogar ni undütli, he war
den un jen' langs de Drift un ut Dor hølpen, wenn em
sin Willn ni war. Während dem keen Jan Meth darto,
sin Fru harr em ropen laten. Jan Niklas weer nich umsunst
sin Fründ un he weer stolz op den sin Nam un Credit. As
de Brenner vun Brachers un Schuldners sprok, war de Ol
sin Gesicht ganz roth ünner de witten Haar. Dat war lud
inne Stuv, as schull dat to en Prügeln gan, un mit Prähln
un fast mit Schuin umm Mund drau de roge Gesell noch op
dat unschülll Kind, wat oppen Stohl seet as weer se fastbunn
un de Hann gegen er Hart drück. So wat muß se erleben!

Un wenn dat denn man bi Een süßn blev! Awer in
en lütten Ort löppt dat Gerücht um, as de Schall in en
Gewölz; ut alle Ecken kumt dat wedder, ton Bangwardn, un
dat Fisseln un Ruffeln is am Ende noch dat Argste. Denn
sammelt sik dat mit an, as leeg dat inne Lust as en Gewitter;
de Lüd mæt dat mit hebbn, dat de Schrecken man eerst en
Ton sattriggt, so löppt he wider as en Wagg langs't Hoff,
dar mutt wat kam, meent alle, en gresige Krankheit, en Krieg,
en Unglück, wat blind togrippt na Jedermanns Ropp, un
Jeder hett Drsat bleet to warn. So leet dat in Möldorp.

Dar weer en junk Paar storben, eerst de Fru, glif darop
de Mann, de er noch to Grav brocht harr; dar weer en
Stall dalstörrt un harr binah en Kind toquettscht, en junk
Diern harr sik toschann danzt un leeg dot krank oppe Naver-
schop. Wer dat Freessche Hus gung allerlei Snack um.
Dat Leben ünner de jungn Lüd weer dar utart', so heet dat,
dat weer na un na in en Punschen un Fuchsein æwergan.
Wüd, de der ni mant passen, weern dertwischen kam, un un-
schülll Dinger weern am eersten to verleiden. — De Secretair
war vun Alle darbi as de Hauptheld nömt, awer of op
Friedrich full menni Wort, wat em in keen gut Licht stell.
Trina weer dat schreckli, all dat anner gung er tolek nig an,
awer bi em harr se jümmer ropen mucht: dat is ni wahr,
dat kann ni wen! En junk Hart wehrt sik banni, ehr dat sik

verhætern: verschachern. Bracher: Bettler. löppt um: verbreitet
sich. Gewölz: Gewölbe. Fisseln un Ruffeln: Lärmschlagen; F. be-
zeichnet eig. das Geräusch sanften Regens, R. das Knistern im Stroh.
Drsat: Ursache. dalstörrt: eingestürzt. toquettscht: zerquetscht. to-
schann: zunichte. utart: ausgeartet.

sin Globen nehmn lett. Awer wenn of er Hart fast heel, er Verstand sä er, dat se nich mant de Art Lüd paß, wo Friedrich dartzwischen hör. Se harr mehr un öfter mit Docters Döchter verkehrt, of mit annere vunt süßwe Glach, se söhl sit ni glückli mant se. Se kunn jüs nig gegen se seggn, se weern am Enn ganz gut un nett. Awer jüs wat Trina rechtangung, dat röhr se nich, un wa se hitt bi warn, dat leet er glickgüti, se verstunn sit mit een Wort nich. Er weer nie recht seker bi siim to Mod, se seet oft as op Rateln, denn dar war en Hölpholn maßt æwer en Wort un en Mien, un man wuß oft bi'n besten Willen nich, ob man dat rechte drop. Dar weer se to Hus nie unseler bi wen. — Awer vør em wehr sit denn doch wedder er Seel, wenn er dat æwerkeem, so harr se nich vun em laten kunn, se harr nich an den Himmel glovt, wenn se em nich tru'n kunn, de Er ünnern Föten weer er wesen. — Un doch muß se twiseln. Ut all wat se hör — un se hör man to vel — drop jümmer irgend een Schlag er Hart, dat er dat innerlich wech de. Nu wedder de Geschichten bi Düviken! Wa weer't mægli! Dat Gerücht gung um, dat de ol Frees eerst toleht markt harr, wa se in sin egen Hus wirthschaften. De Sæn schull em toerst de Dgen æpent hebbn, harr Düviken vermahnt un den Secretair bed' un bedraut, awer as alls nig hölp un de lieberlige junge Fant æwer em lach, do harr he de Bader verwarnt, un de harr den sein Herrn inn Dær empfunng un em glik wedder herut sett. De Ewrigen weer dat nich vel beter gan. Awer Düviken schull ganz uter sit wen, och! vellicht ni ahn Grund. Man sä, se seet den ganzen Dag to jammern, weer towiln rein wilb un sung lud, dat dat dær de Gars schall, trurige un dulle Leder, dat Lüd still stunn un man sit schu se antohörn. Trina wuß nich, ob se hin gan kunn oder nich, se wag ni na to sehn, wa wit as dat Unglück reden de. Dat schin awer as harr Düviken recht, dat dat Schicksal se absunnerli utmarkt harr, un er ganze Hus stunn ünner en bösen Steern. So lager sit dat dump un swar um er Seel.

Doch geit dat tägliche Leben sin Gang. Se muß arbeiden, se muß spröken, se muß sogar mit utgan, en Besö

vunt süßwe Glach: von derselben Art. bi siim: bei ihnen. to Mod: zu Mute. Hölpholn: Wesen, Lärm. wesen: gewichen. æpent: geöffnet. bed' un bedraut: gebeten und gedroht. utmarkt: ausgezeichnet.

maken, so beern, as wenn't ton Vergnügen weer. Se harr na un na enige Bekantschaft mehr maht, tum Deel de bi Jan Mëth in un ut lepen, de se tosam besöchten oder de Thiebsohm as sin Fründschopp mit darto broch. De harr op sin Art in leß Tid ni weni to vertelln hatt un de meisten weni schont. Wer de Friesen snadt he ni vel, awer den Secretair beteef he nich anners as den Bösewicht, un of bi em keem Friedrich slecht weg. He weer em to nizi, as he sä. Dargegen vertell he jümmer wedder vun de Holtandler Paul un den Scholmeister in Gesch. Na sin Gewohnheit harr he dar op en Tidlang nu sin Stig hin un keem dar jeden Dag. Dar wull he of Trina hinsnaden. Denn he hör to de Lüüd, de er Frünn all to hopen bringn maet. He versöch dat mehrmals, er mir nix dir nix mit to nehme, un as se dat ni wull, söch he na en Gelegenheit.

Dar weern noch lat int Jahr enige vun de schön Dag' intreden, as wi se hier wul mit hebbt. Denn is besummer's de Marsch, as fier se den Nasummer oder al dat Værfröhjahr to tokum Jahr. Dat Weidland is wedder grön, dat junge Korn bedeckt de Brast- und Stoppelfelder, de flegen Summer hangt noch inne Spiern un blenkert inne Sünne, un son unendliche Ruh liggt um de groten Burhæv mit de kahlen Böm: man kunn lengn un langn as na den Fræden, de nümmer wist, wenn man sit umher süht. Geit gar de Sünne darbi mit Glanz inne See ünner, so is't æwer de Maten.

To so'n Tid is Besöken inne Marsch recht an Dagsordnung. Man kumt wol enige Wagen vull, de sit værher eni sünd, op en Hof bi en Fründ tosam, enige Nawern halt he darto. Man sett sit un drinkt Kaffe, smökt Pip oder Zigarren, klænt un snadt na Gefallen, un oftmal's is der en Fortepiano, wo Een oder de Anner wat op spelen oder to singn kann. Darbi geit de Tid licht hin. Dat fehlt of ni an en Spazeerweg dær dat ganze Hofland, wat meistens rund rum um de Gebäuden liggt. Dar stigt de Bur væran un wist sin Rappsaat, de al kohlgroen is, sin Weten, sin niekleite

beern: sich gebaren, stellen. beteef: bezeichnete. nizi: unbedeutend. hör to: gehörte zu. fier se: feierte sie. tokum: künftig. Brastfelder: Brachfelder. de flegen (fliegende) Summer: Alterweiber-Sommer, Sommer = Summar? oder engl. samár, gössamar. Spiern: Spitzen der Halme, Hecken, Baumzweige. eni: einig.

Wiſchen, un wenn man to Fuß kumt, ſo hebbt de Frunslüd Schün un Ramer beſehn, ſit en beten ſmuck maſt un hebbt doch eben ſon guden Hunger to en Pudding mit Rofſleech mitbrocht as de Mannslüd. Nadem kann man noch lang ſitten, ehr de Abend kumt, of hett man den Maanſchin aſpaſt. Dat ward eerſt luſti na de Namdagſtaffe, wenn de Jungen ævermödi jagdert un wenn der en Bowle Punſch op den poleerten Diſch vært Sopha dampft, Rundgeſång ſungn ward, un en Danz los geit na irgend een Muſik.

Thieſſohm ſtreek faſt dat ganze Jahr Sünnaabends oder Sünndags herum, bald na de Geest, bald na de Marſch, meiſtens alleen un to Fot. Doch een un dat anner Mal inn Summer kreeg he ſit en Wagen un neem ſin Fru mit. He leet ſit dat nu ni nehmn, inne ſchöne Naharſt noch ſon Tour to maken un Jan Meth un de Fru mit er lütt Plegdochter mit to nödigen. — Jehann dank vær de Ehr un de Mög, em warn de Knaken to weh don vun dat Hangn oppen Wagenſtohl, he ree lewer op ſin Handſtock, as he ſä, keem man denn mit ſin Kräfteſten to krümp, ſo kunn man puß holn. Mutter Meth un Trina kunn ni ne ſeggn, de Olſche harr of Luſt to en lütt Fahrt, dat ole Leben war mal wedder niet, wenn man Minſchen un Wedder rüſt harr. Se heel dat of vær gut vær er lütt Trinakn, ſe harr recht gut ſehn, dat de er blid Geſicht ni umſunſt bleef warn weer. Son junk Blot muß wedder umrüttelt warn, dat weer noch to friſch, um nu al to ſtocken, ſe muß mal den Sünnschin ſehn un en Stück vunne Welt, de der luſti ünner leeg. So fahrn ſe mit.

Enige ut de Liedertaſel wulln of dat ſchöne Wedder be-
nuhen un na Varlt en Luſttour maken. Dar weer niet Leben in den Geſang kam, wil mehr junge Lüd, de dat fröher ni gut nog funn, intreden weern. Thieſſohm harr en ganzen Enn luſtige Geſchichten daræwer vertellt. De Secretair ſogar fehl nich, un Friedrich war leider gewöhnli mit em nömt. Man harr enige gude Stimm darto uſſocht, of wenn de Lüd nich ſo ganz paſſen, un Thieſſohm ſä, he harr deſhalb ganz Möldorp jeden Morgen dörchwannert, ehr Lüd opkeem, denn man kunn am beſten ant Hoſten un Krägen, wat man morgens

Neite Wiſchen: Wiefen, deren Gräben geſleit, ausgegraben ſind. Naharſt: Nachherſt. ree: ritte. tokrümp kamen: einſchrumpfen, mit ſeinen Kräfteſten zu kurz kommen. puß holn = ſit verpußen: ſich auſ-
ruhen. rüſt: gerochen. blid: freundlich.

nüchtern vør den Kaffe hör, rutturn, ob een en Sänger weer. De Bassigen harr he all op nüchtern Magen entdeckt, wull awer darvør of Ehrenmitglied warrn. De beste weer de Schoster Dankmal, de Steweln maß as Kruken, un en Stimm harr, as en Beertiinn; so wat hung tosam. Dat weer æwrigens en lustigen Kerl un kenn sin Lüð, denn as Thießohm em fragt harr, warum he de Steweln so wit maß, ob oppen Towasß oder opt Inlopen, do harr he antwort: de Lüð ummen Dunn herum harrn so vel Sand umme Föt un weern dat wennt, wenn se oppen Wagen seten, dat se nadenkli mit den Pitschenstock inne Schecht dallangn un sit pläseerli en beten twischen de Tön traweln kunn, dat weer se angenehm, deshalb keem se of jümmer to em as seker Kunden.

Bi son Utfahrt vertell Thießohm den ganzen Weg un weer lusti, dat em dat Gesicht blank war. Se wulln æwrigens nich mit de Liedertafel, vellicht eerst ann Abend den Weg æwer Barlt nehm, dat Fahren weer de Hauptsak, um de Hæv un de Gegend to sehn, wa dat Korn stunn un wat de Bur bedreb. Unnerwegens lehrn se bi en Bur in Gesch vær. Dat harr al Thieß sit utfimeleert. He wuß, dat of de Pauls dar keem, Trina schull sin Schotkinner kenn lehrn, schull of den oln Scholmeister mal husen sehn.

Trina weer ganz egen to Moth, as se mal wedder oppen Wagen un opt frie Land keem. Dat leeg al lang so dump un swar um er, se harr kunn mehr löbt, dat kunn noch mal wedder licht un klar warrn. Nu seeg doch dat gröne Feld so tofreden ut un de Sün schin fründli derop. Bi er seet Mutter Methsche, se weer so smuck, se weer so still, alle Sünnschin trock dær er hin un se leet dat betemen. Se harr er best Tüg an, se seeg so würdig un dreplig ut, un wat se sä, weer luter Dank un Tofredenheit. Trina föhl, wa se gut weer un er leef harr, se föhl den Trost, dat de Welt ni blot Unglück un Verdreteet is. Se föhl, wo se to Hus weer un hinpäß, un æwer anner Lüð, de se kenn lehrte harr, trock dat as en Schatten vær, de achter er blev, as waß se ut en Drom op, de er bedrückt harr, un kreeg nu wedder de Ogen op vær den lichten Dag. Berschüll harr se je niz, un weg weer der

rutturn: ausshorchen. Bassigen: Bassisten. Kruken: irdene Kannen. Towasß: Zuwachß. Inlopen: sich zusammenziehen. ummen Dunn: in St. Michaelis-Dorn und Umgegend S. 226. wennt: gewohnt. Schecht: Stiefelschäfte. Hæv: Höfe. dreplig: trefflich, reinlich, nett.

noch nig, er Dörp, er Land, er Öllern un gude Minschen weern er bleben. Un keem dar denn en Gestalt mit twischen as en Bild, as swer dat vör er her, un wull er verlocken æwer dat glatte Land inne wide Welt, so sat se er ol Plegmutter an un söhl an de er Handdrücken, dat se er verstunn un bistan war. — Dartwischen kläter dat lustige Snack vun Thießohm, de de Müh al lang scheef un sin Fru al lang narrsch harr un nig wörbi leet ahn en Bummel. De Welt weer noch schön.

Bi Gesch kehrn se op en Burhof vör. De Lüd weern rit, as man an den Werfloth seeg. Dar weern süllst de Dorfuln ut Grausteen haut, de hogen Schüns ut Brandmuern. De Eschen umme Grass weern hoch un old, de Hof hör sit Jahrhunderten desülwi Familie. Offen un Röh stæhn an de Lohdel, glatte Berköpp steken de Näs vör de Röpen, dat ganze Gewes rüt na Hau. Trina keem sit as to Hus vör, so verscheden dat hier ol vunne Geest utseeg, se söhl sit glädli un tofreden, se vergeet all, wat achter un vör er leeg. De junge Fru weer eerst vör korten verheirath. Se weer sübn eerst in den Nidom mit rin kam, un wis Trina mit Stolt un Freid all er Herlichkeiten. Trina söhl mit er dat Glück, en Burfru keem er vör as en Königin. Wa gern seeg se to, as de junge Fru Speck un Botter an de Deensten rikli utdeel, un vör en paar arme Kinner, de der keem, weer noch en Stück Botterbrot un en Butt vull Melf æwer. De ol Swigervader weer en lebndige Krönt, de vertell glik de Geschichten vun urold herut, binah vun de Slacht bi Hemmingssted her, vun jeden Læhnstohl, vun jede Vinnschapp, de Meer-schumpipen un de grot Speluhr, dar weer keen Stück, wat Een ni wichti war. De junge Mann keem vunne Raver-schop to Hus. He weer keen smuden Mann, aver stark un gesund, binah vun Gestalt as Trina se vun Wulpert, de Bu-meister, kenn. An em erinner er ol de Stimm, de so egen tottruli un fründli klung, em harr man in Düstern leef frigen kunnt. He vertell, dat glik mehr Gäst keem, de junge Pauls weer mit sin Süster bi de Swigervatter, de Scholmeister. Se keemn ol glik na, un Thießohm war nu eerst gar lusti. He

bistan war: beistehn würde. Dorfuln: Thorfsülen. Graustein: Granit. Grass: der breite Graben um den Marschhof. stæhn: stöhnten. Röpen: Krippengitter. rikli: reichlich. Butt: Lopf. Krönt: Chronik. Vinnschapp: Reinenßgranit. tottruli: zutraulich.

wif se Trina ut Finster, as se de Drifft heropfeem: Is't ni en schirn Gefelln, lütt Trina? Döwel noch mal! So nimmt si en Kerl ut! un de Brut paßt bi em as en Böf to en Elenstamm! Dat heet ik en Paar! de kunn man vör Geld wisen, un wenn se malt weern, much man se wul kopen. — So snad Thiebohm in sin Hæg, bet se in Dær weern. Do kreeg he of Trina heran un vertell de Brut un de Brüdigam vun er as vun sin Dochder, læv un laster se, dat se en beten to weel weer vör en echt Ditmarscher Kind, un en beten to bleel vör en Burndochder, awer verböwelt truharti, un doch en Schelm, de lach er mitünner heemli ut de blauen Ogen.

Natürli wehr se si gegen em, tolekt mit enige Klappsen oppen Arm, awer dat harr doch hölpn, dat se mit eens bekant un to Sprak weern. De Brut erinner Trina vun den Abend in Jakob Schütt sin Schenk, un as junge Mädens don künnt, so gungn se bald tosam un vertellen si noch eenmal, wat se beid al sehn harrn un wussen. Se schin Trina ganz eben so as domals, fast to ruhi un seker. Un nu gung dat ünner fründlige Lüd fründli un heiter her, so dat Trina opt beste mit in de Freid instimm.

Dat weer al gegen Abend, do keem noch mehr Gäst darto. Op de Docter sin Wagen keem Friedrich mit enige Dams langs de Drifft klatschen. He harr en paar vun sin Cousinen mit, darbi en grot smud jung Mäden, de alle glit torepn as Wilhelmine Pauls, de schöne rike Holthandlersdohder. Er Broder verwunner si, dat se noch nakeem, awer Friedrich harr dat so hilt um er bi't Hindal- un int Hus hölpn, dat der nich Tid noch Plaats tum Antworten weer, un tum Glück of Keener seeg as vellicht of Thiebohm, de der bi stunn, wa Trina dat Blot ut Gesicht schot un de Arme si ansaten muß, um si to holn. Friedrich war er gar ni wis, mit son Getös un Amtsiwer drog he Döker un söch he Schirms un all wat oppe Stöhl vergeten wesen kunn, he seeg er eerst, as sin Cousin mit Trina sproken un se si besunn un tosam nahm harr. Do sa he er temli lud gundag un weer heel wißig. Trina fühl jede Wort as gung en kold Meß langsam dör er Hart. Awer se fühl, dat dat de Dob

Drifft: der Landweg, der von der Straße auf den Marschhof führt. schir: groß und schlant, stattlich. Döwel: Teufel. Böf: Buche. Hæg: Freude. laster: lästerte, tadelte. harr dat so hilt um er: war so beschäftigt mit ihr. Meß: Messer.

nich weer, dat de Welt stan un dat Hart gan blev, un dat se nu tapfer wen muß un wennt of ton Opjchrigen weer. Se spel mit in dat lustige Spill, wat der so spelt war, un gung dat of oft mit er rundum ton Umfalln, Kener wuß oder kunn sehn, wa weh dat dar de, wo se oft inne Sid de Hand gegen drück, wenn Müms op er achten de.

Friedrich flatter as en Fleerlint um de schöne Holt-handlersdochter, he weer de, de jümmer wat antogeben wuß, dat dat Leben nich int Stoden keem. Bunt Danzen gung dat ant Speln, all wat sit man utföhren leet war opföhrt. Dar speln se Rätshel, wobi de Smuden sit smuck maken kunn, un de Lustigen lusti, dar harr Jedereen to hölpn bi't Um- un Untreden, un wer de Wör bruten kunn, un dat verstunn he, de harr Gelegenheit wat Paßligs to seggn. Dar keem de Pandspilln to gang, as dat anner wat Dls war, Spilln mit Ball un holten Teller, un dat feil nich as dat düster weer, dat en Paar mal alleen achter de Dær comdeert war. Friedrich weer in een Suchhei. Unglückli drop sit dat, dat he mit Trina en Pand lösen muß. De Gesellschaft weer munter, ja ævermödi warn. Denn gift dat jünmer wüll, de wat wagt, wat herbisöhrt, vær sit oder annere. Ob man Friedrich drängn wüll oder Trina oder beide, genug se schulln sit heemli buten Dær en Wort int Ohr pisseln, wat se lisen vær-seggt warn weer, un mit Lachen un Draun seeg man se achterna. Do keem Friedrich inne Dämmern op er to un wüll er küssen, as meer der nig værfulln. Bun all wat mægli harr Trina dat am wenigsten vermöden. As wenn all er Blot to Is war un all er Gefühl to Flamm, so richt se sit op, heel em mit de Hand bun sit, as man wat Unsauber bun sit hollt un sä em kold un seker, un sunnerbar sä se dat hoch-dütsch un værnehm: Rühr mich nicht an, Unreiner! Darmit leet se em stan un hör un seh nich, ob he wat seggn oder vær-bringn wüll. Se gung ruhig in Stub, hör glickgilti dat Necken an, womit se beid begröt warn, un harr Kraft nog sit to holn, bet de Gesellschaft opbrok un to Wagen stieg.

Se dach frili, er Hart war tospringn, se dach oft, se war in Ohmacht tosamfalln, se muß sit an den Stöhl ansaten, de Wör wülln er anne Tung fastpfeken, awer se antwor doch, un

Paßligs: Passendes. Pandspilln: Pandspiele. holten: hölzern. comdeert: commandiert. pisseln: flüstern. vermöden: vermutet. tospringn: zerspringen. fastpfeken: festleben.

se seeg dat gung. So much't denn gan. — Dat Getös weer noch dat beste to dregen. Bunt Wegfahn wuß se vun bel Hannschütteln un bel Vergnügen, wovun se snacken, vun den Weg mark se, dat de Maan schin un dat dat kold æwer ernal Boffen streef. In Warlt weer dat noch hell in un vært Weerthshus, de Liedertäfler sungn bi apen Finstern. En Volksleed, wa alle instimm', schall wehmödig æwer de Gegend, se kenn dat vun Kind an, se kenn dat vun Düvelen, de dat hüpi sung:

Heute noch auf stolzen Rossen,
Morgen durch die Brust geschossen,

Kling dat in depe Tön utet Licht in den Abend un dat wide Feld herin, un se fahn vørbi mit Thiebohnm sin lusti Gröten un Blætern, Möldorp to.

Dat muß de Nacht banni kold wæn hebbn, de Rip hung did inne Linnböm vør Dær, dat Water bi de Pump weer æwerschrauelt, de Luft weer bomstill un blau so deep man seeg. Triina keem al früh to Gang, se muß arbeiden un sik stärken. Rümms harr güstern wat markt, as dat se still un möd wæn weer. De Dag sung eben so glifgühti an mit glifgültige Dingn. Se harr sik inne Nacht æwerleggt, dat se na Odberad un to Hus wull. Se wull glif Bott an ernal Vader stüern, dat he ernal hal, se wuß, dat em dat recht weer, wenn se dat wünsch. Se harr am leeffsten sehn, dat he densütwigen Morgen keem, wenn dat mægli wæn weer. Se lē darto ernal Saken torecht, dat full ernal licht, denn Ordnung weer ernal Natur. Se wull hüt mit de Reihersche allns asdon, inkopen wat nödig weer, enige Visiten asmaken: denn weer se to Morgen redi. — Bi en Begräbnis mag Een so wæn: dat Ween heit opholn, de Gesellschaft is weg, man mutt wedder bi't dägliche Leben anfangn.

Se wull wat vør de Armn don, se dach den Blödsinnigen in Odberad wat mittobringn. En paar Rinner vun en junge Wefren wull se knütten un neihn lehren. Se wull sik nügli maken.

As se nan buten un in Garn keem, loch ernal dat mal

streef: strich. utet Licht: aus dem Licht. Blætern: Geplauder. æwerschrauelt: mit dünnem Eise belegt. Bott: Botschaft. stüern: steuern, senden. asdon: abmachen, redi: fertig.

alleen achterum den Fotsfig æwert Feld to gan, dat weer er glik as war de Post er wit un dat Hart ruhi slan, wenn se dat Og fri kreeg, wenn de Gegend apen war. Un so schön un still weer dat je! Dat Klockenluden — en ol afstebten Amtsdener war begrabt, man kunn em de Rau ginn' — sum's inn Garn æwert Hus so lisen hendal, as flogen noch Jan Meth sin Swarms inn Sünnschin, un doch fulln darvun de lekten Blæd uten Bernbom, so leet dat, lisen as Drapens to Ger. Wo de Schatten op dat Stackett leeg, weer dat vun den Rip as mit Zucker bestreit, anne lütt Port recht vært Licht parln de blanken Drapens, fulln as ut en Geter vun de Dræhn uten Dornbusch, as Trina se apen trock, un de Hann warn er natt un kold, dat se se ünnern Dot wümpel. —

Man kunn æwert Vie gan, denn dreih sit de Weg un keem achter de Mæl umhöch, vun dar seeg man em within sit æwer de Koppeln slängeln, as trock he een ant Band na de Höchden un Obderade to. Darum gung Trina jüs gern dissen Weg, se weer em al öfter gan, wenn er mal en beten Heimweh anfat, se harr hier ok enigemal mit Dübeken bet in den schön düstern Redder spazeert, wo de Snurrbeinbüsch noch grönbunt de Wall bedecken un de Slön blau un zierli heræwerhungn. Dar stunn wider lant dat lekte Hus oppen Ort, wo en Stegelsch in den Wagenweg rinföhr. Hier harrn se en paar Mal infeken, wil de Fru so fründli weer un son nübliche Rinner harr.

Trina full dat sinnerwegens in, dat se dar abüs seggn kunn, son eensam Leben mit blot sin Egen, wo nich Jedereen in röhrn un störn kunn, trock er Gemöth an, un er war al lichter, as se man dat Strohdack seeg. Dat Hus leeg vunn Fahrweg ut achter en dichten Dorntun, de Mann harr sin Bermal daran, em recht hoch un glatt as en Mür optotreden: vør de Dörnsch harr he Wagens in den Knid usscharn, ordentli rund, as seeg man ut Rarkensfinstern. Achtert Hus, wo de Fotsfig op to keem, sent de Koppel sit af, un en Bet keem ut en grote Mergelkul de to en Bornschsteb inricht weer. Enige Appelböm harrn noch hellrode Blæd. Dat weer wunnerlich

Geter: Gießkanne. vun de Dræhn: von dem Dröhnen. wümpel: zusammenknollte. Vie: Niederung wie in „Vieborg“ (bei Kiel). Redder: Landfahrweg zwischen zwei Kniden, Wällen mit wilder Hecke. Snurrbeinbüsch: Brommbeersträucher. Slön: Schleen. Ort: Ecke. harr sin Bermal: hatte seine Freude. Wagens: Bögen. Mergelkul: Mergelgrube. Bornschsteb: Tränkstelle.

still, as Trina an de Koppel keem, dar fahr of nich mal en Wagen langs den Weg, awer dar heeln en paar still, un de Fahrlied seken nieschiri awer un dær de Heed. Bi den Bef vunn de Bornschted her drogen en veer siv mat nat Hus lank, wo se dat swar bi harrn un de annern hølpen wichti to, dat weer en unheemligen Dprohr, fast ahn en Tut, ute Feern ni recht to ünnerscheden, se verschwun of glik achter de Heed, un man seeg man anne Handgeber un sunst, dat Een Mann ganz mit Lehm bespreit un klateri un natt weer, so drog he mit Arms un Been un trock an sin Klebasche.

Trina blev eerst verfehrt stan un leep denn den Fottstig dal na de Garnport, um achter int Hus to kam. Do stürten de lütt Garn ute Dær mit de fürchterlichsten Gesichter un Geschrigg, as weer en wild Deert se oppe Haden, un schregen: Dübken Frees hett sik umbrocht, Dübken Frees is int Water sprungn! Dat weer en lütt Mäden, de Trina toerst kenn; mit de fürchterligste Al, as Kinner denn vertellen künnt, scharp un richti un genau, wenn eenmal de Ahnung vun dat Argste inne Welt bet in er Seel kumt, beter as en Erfahrn, de der vun dat Blot verstoct: so sat de Lütt er bi de Hand un vertell er mit wille Geberden, wobi er de Kopp fast rund herum flog, un dat Haar æwert Gesicht: Dübken harr se Jeder en Tut mit Rosin brocht (de wiß se noch inne Hand), harr se all küßt un adlüs seggt, weer ganz witt wen, weer denn weglopen, æwer de Koppel dweer hinawer, un harr denn furchtbar schregen un weer inne Lehmful sprungn. Vader un Moder weern nich to Hus wen, de junge Bäcker harr er ni rut frigen kunn, he weer na Wäldorp lopen un harr Lüd halt, se harrn er mit en Nothhaken heruthalt, all er Haar weer natt, dat Kleed vull Lehm, un se weer ganz dot un still.

Trina wuß genug, flimmer kunn ni warrn. Ute Dær keem de junge Bäcker, de kunn wenigstens noch ween, in en Strom lepen em de Thran ut de groten bleken Ogen. He sa keen Wort, as: nich to hølpen, un vernunner sik ni mal, dat he Trina hier drog. Natt un ahn Müß, as he weer, ging he achterum to Hus.

Do æwerfull Trina son schredlige Angst, dat se vør sik süßn bang war, as kunn se of int Water springn oder de

Dprohr: Aufregung, Unruhe. bespreit: besprüht. klateri: triefend. Klebasche: Kleidung. Deert: Thier. Tut: Dütte, Lütte. dweer: quer.

Besinn verleern, dat se unsinni Tüs rē un Būd ton Spektakel deen. Se kunn nich de Kraft faten, dat se vunn Bladen gung, de Föt weern ēr as anpelt, de Weg bet na Mutter Mēth as unmægli to gan. Se kunn ni beden, de Hēben weer as steenblau un lerri un Gott ute Welt verswunn.

Langs den Weg vun Obderade her keem en lichten Stöhlwagen rasch darher klätert, verswunn achter de Heden un buß wedder op, as man dat so kennt un jümmer süht. Vær Dær, schin dat, heel de of mit de Annern still. Dar keem of al mehr Nieschirige ut Möldorp herbi, dat Unglück treckt je Būd tosam. Trina weer op en Grassbank mehr tosam fulln as sitten gan, se harr de Garndær in Obacht, ob ni de Fru ober en Bekannte rutkeem, dat se sit verhal. Dat lütt Mäden harr de Nieschir doch wedder int Hus locht, en lütten Jung weer noch ēr meiste Trost, de sit bi ēr hinhuck, sin Rosin tell un vertēhr un darbi allmähli an to singn fung. Do keem en Mann in Sünndagstüg achterut, de dat Kind frag: Wo is se? Ant Utsehn harr se em ni glit kennt, he plegg ni so smuck to gan, nich so niet in Dol un blank inn Rod. Dat seet em all so fast un seker um de Schullern, dat Gesicht weer ni brun as in Summer, he seeg so slant un utraut ut, he weer en ganz annern Mann. Awer de Dgen weern noch so geruhi, un inne Stimm klung de Ton so tru, alle Angst muß vergan, so lang man se hör, alle Noth muß wiken, wo de Mann sit vær stell, un wenn denn noch wat keem, so keemt wul vun uns Hergott süln un man kunn em anropen un beden, dat he't wenn' much, dat nich Vertwifeln Gen ant Hart fat, en fremde Hand Gen dreb, wo man nich hin wull.

Trina, sä he, gottlof, dat it di finn! Awer hier is keen Platz vær di, hier huf't dat Unglück, kumm mit, de Grassbank is to kold! un darbi harr he ēr al sacht ünnern Arm fat un lei ēr ute Port na den Weg to, wo he sin Wagen stan harr.

Trina föhl op eenmal, dat de Mann sin Seel keen Dgenblich vun ēr wift weer, sitdem sin Dgen ēr tum eersten Mal sehn harrn, de harr ēr begleitet un verfolgt, dat wuß se op eenmal, un harr doch ni seggn kunnt woran, dær all wat se

Tüs: Zeug. deen: diene. anpelt: festgeklebt. klätert: geraffelt. sit verhal: sich erhobte. achterut: hinten heraus. utraut: der sich ausgeruht, erholt hat. wenn' much: wenden möchte. lei: leitete. wift: gewichen.

bærmatt harr in Freid un Rummer, un as weer dat nu anne Tid, dat he keem, wo de Last er to grot war, so weer he dar un red er sin true Hand hin.

He sat er innern Arm, he drog er mehr, as se gung, nan Wagen hin, hõlp er herop, un wuß er dat so nett un bequemli to maken, as weer so wat sin dāgli Geschäft. He sett sit vør er bi den Knecht un sproct torügg to er, och wa truharti un seker, dat er noch mals wedder de Gedanken keem', dat ni Uns iune Welt unseker weer, un Mittsiden un Freid speln beid in sin Gesicht.

He sohr straks na Mutter Mëth, un as verstunn sit dat bunt sülbn, dat Trina nich länger in Möldorp bliben much, as kenn he all er Gedanken, so sä he, dat he man en Lop utgan muß, denn stunn sin Wagen torecht un se kunn seggn, wanehr se na Obderade fahrn wull.

Wel optopaden un antoordnen weer der nich. Mutter Mëth funn dat ebenso richtig, dat Trina noch bundag ut den Unglücksort, as se em nöm, un to Hus sohr. Geern harr se er lütt Plegdochter, er Trinaken, as se am leestten sä, beholn, un Jan-Mëth weer binah unglücklich, as't Ernst war, awer beter weer beter, un wat wen muß, muß doch wen.

Trina keem as in en Dufel vør Snacken un Bedurn un Affcheed nehme hindær un oppen Wagen. Erst bi de Affahrt, as de ol Mutter endli de Thran frien Lop günn, lehm Thiesohm noch lauk de Strat, de of na dat Unglück herutwannert weer, un wink un drav, mitte Pip un de Müh in jeder Hand, un kunn ni begripen, dat dat so gau kam kunn mit Ram un Gan. He sä awer Trina noch ganz ernsthaft, se schull sit de Welt man nich to neeg nehme, dar weer de Welt to slecht un se to gut to. Enige brave Perls gev dat frili jümmer noch, un darto hör of sin guden Fründ, de Bumeister hier, de weer seker, so sä he, un nu man los, sä se of, hier is ast schint en Unglücksneß, adüs lütt Trina.

Erst innerwegens vertell Wulpert er, dat he Hans Grimm sin Burstell kofft harr, darmit de Brenner Rod se nich kreeg un keen Spektakel int Dörp keem. Uns weer wedder in Ruh un Sekerheit to Hus.

straks: sofort. en Lop utgan: einen Gang machen. wanehr: wann. Dufel: Traum. drav: trabte. Ram un Gan: Kommen und Gehen.

Peter Stamp sin Hochtîd schull neegstens warrn un glittidi harr Wulpert noch Lust, en Nichtbeer vœr dat nie Hus to geben, dat weer eenmal oln Brul.

Dat vertell he allns so ruhi un totruli, un darbi sohn se rasch den Weg na Niendörp vœrbi de Höchden herop, keem bald man! Aniden un Lün, de Trina bekannt warn, un endli seeg se tum eersten Mal wedder de Böm um Vaders Hus, ęr Dörp, ęr Heimath.

Schüllt wi wider vertelln?

As Peter Stamp sin Hochtîd fiert war, wuß man temli Bescheeb int Dörp, dat de Bumeister Dur blev un dat Trina Preen em gern harr. — — —

As atwer al en lütten Wulpert mit oppen Wagen inpadt warrn kunn, do leken noch jümmer en Paar kralle Dgen ute Grotvœr, wenn de beiden Brun in en lütten Drab na de Heid ton Sünnaabendsmarkt astroden un to Hus keemn, un noch sitt Jan Niklas, so hæpt wi, deep achter se sinner sin Hot un weihert mit de Pitsch sachmödi æwer ęrn blanken Rüggn.

Nichtbeer: Festlichkeit bei dem Nichten eines Hauses. Lün: Bäume. weihert: sähet.

Um de Heid.





Allermann gungu vundag' spazeern, denn dat weer Sünndag. Man hett denn nich vel Utwahl. Wer nich jüs to Lann gan will, „to Dörpen“, oder na de Schanz — un dat sünd jümmer Weg' vun Stunn — den blifft nix, as de Spazeerweg rund um den Ort: man nömt den Weg de „Fünfernstig“, un wer Sünndags utgeit, de mutt mal „um de Heid gan“, dat is de Nam vær den Gang. Dar kumt keen junk Mädeu in Sünndagsstaat in en Hus, dat man nich denkt un fragt, ob se mal umme Heid wesen is, un wer recht düttlig maken will, wa lang he nich ute Dær west, de gift de Tid an, wo he nich enmal so wit hett reden kunnt, mal umme Heid to kam. Wenigstens weer dat vær en gude fösbig Jahrn so. Domals red son Spazeerweg as Sünndagsvergnoügen vær de Meisten of noch ut, de de ganze Wel krumm seten harrn, um se vær de neegste Wel grad op to holn. Denn de Meisten, de der gungu un wahn inne Heid, dat weern Handwarfers un Kramers; Hælers as man sä, Kooplüd, as se lewer nömt warn. Frili, de en Roh harr oder twee, de smöt nadem of noch enmal na de Dösen hinut, na'n Westermoor oder Dubenheid, un leet sik vun sin of Krummhorn oder Buntsnut de Hann beliden un den Rod haarig schürn. Darvun geef't awer am Ende nich so vel in en Ort

de Schanz: Wirtshaus von Frenz Buhmann, 8 km östl. von Heide (Quickb. S. 99) bei der Hamme, wo die Ditmarscher 1404 5. Aug. die Holsten schlugen (Quickb. S. 135). blifft: bleibt. ute Dær: zur Thür hinaus. fösbig: fünfzig. Wel: Woche. Hælers: Kleinhändler. smöt: ging rauchend. Dösen: Niederung bei Heide. Dubenheid: Moor südöstl. von Heide. Buntsnut: Buntschnauze.

vun fiidufend Minschen, as dat se sit ni licht, ahn dat grot:
Een mal Een, tosam telln leten.

Un se gungn doch of mal mit umme Heid. Wulln se
sit ni sehn laten vær Lüüd un na Lüiden sehn, keen blanke
Backen roth maken, un sit ni spegeln in blanke Ogen: to
likn un to denken geest of nog vær nabentlige Lüüd, un de
ganze Ort leeg so to seggn apen op den Jümfernstig.

Rund rum umme Heid gung he, meist an beide Siden
mit en Gröv vær Störtregen un Smukwater. Alle Straten
snee he af æwer Eenn, dat man lant sehn kunn, oft bet op
den Markt, an jede Stratenenn fast stunn en Windmæl oppen
Barg, un verscheden is de Gegend, as man de Nam fin kann
vun Österegg, Norderegg, Wester- un Süderegg, ver-
scheiden as de Utsicht, hier oppe Geest mit den Kranz vun
Holt na't Osten rut, dar de rike flacke Marsch, fast jümmer
mit en fin Dunst un Newel daræwer, hier na't Süden inne
Sünn rin un op Meldorp to, un dar de Schatten in't Norn
vun de Rathshöim un all de schön Gärns vun de fein Lüüd
inn Ort, de ant Markt wahn' un achter æwer de Plancken
feken; de gungn jüs nich fülbn jümmer mit spažeern. Un
wat værn schöne Ogen sehn dar mitünner herut! dat man sit
verwunner, wo de wul herstamm' den, un de se kenn, de fän:
dat is Landvagts Dochter! dat is Kaspelschriwer fin! dat
is Besök ut Hamborg! oder vun sunst wo.

Dat seegen un fän meistens de Jüngern. Awer of de
Verständigen sunn er Deel. Bald leeg dat mal na't Osten
rut, bald na't Westen. Denn de Ort weer int Opneymen un
dar weer jümmer wat Nies to Gang. Rum weer man mit
den Stodmeister sin Terrassen fertig, de in een vun de Saud-
kuten, wovun dat of jüs so vel gev as Himmelsgegenden, en
Anlag' vun Böim un Blombetten maß, Windruben sogar gegen
de Sünn, so harr Bullmacht Witt in den Nordepohl en
Swanhus midden in setten laten, mit twee witte Swans
darbi. Denn keem de Verschönerungscommischoon un runjeneer

telln: zählen. Gröv: Graben. Störtregen: Sturzregen. snee:
schnitt. Egg: Quartiere eines Ortes, deren Bewohner gemeinsame
Kanäle, Straßen u. zu unterhalten haben. Meldorf: Kreisstadt von
Süderditmarschen, 18 km südl. von Heide. Garn: Garten. feken: guck-
ten. den: thaten. Kaspel: Kirchspiel. weer int Opneymen: kam in
Aufnahme, hob sich. Stodmeister: Gefängniswärter. Kuten: Gruben.
Bullmacht: „Landesgevollmächtigter“, Deputierter aus dem Bauern-
stande. runjeneer: ruinierte.

alle olen Böm anne Westertweid, um junge nie to planten, un menni ole Mann stunn un dur æwer en herligen groten Raftanje, den se dal haun, blot wil he en paar Fot uten Weg stunn, un de Weg lit sin muß, så de Commischo; un junge Lüß snaden mit Begeisterung vun Ordnung, Fortschritt un de Zukunft.

In letzter Tid harrn Reinhold Nissen sin Plantagen, Anlagen, Buten int Süden vunne Heid alle Ogen hinlenkt, alle Föt hintrocken, allt Snaden un Denken verbrukt.

Wo man vunn Lütten Heid her umbög, gung de Stig en paar Fot inne Höch genug, um in disse flache Gegend allens to æwersehn. Dar stunn denn of Jedermann en Ogenblik still oder sett sit op de ol Knüppelbank, de dar ton Sitten inlad', un wer dar seten harr mit en Fedder inne Hand, de funn na un na de ganze Geschichte, wenigstens vun Reinhold Nissen un de halwe Heid, de mit em tosam hung, dal schreben hebbn, as man Johann Adolphi oder Volten oder Viethen de Krönk vunt Land Ditmarschen.

In dissen Ogenblik bleben twee Mannslüd stan, wovun de Een gewis en Bur vunn Lann weer, dat wiß sin Rod un altmodschen Fot un de Nieschir, womit he sit herum keet as na luter Wunner.

„Also dat hört em nu all,“ så he, half mit en Fragen, half mit en Poppshütteln, as funn't ni mægli sin.

„Dat hört em all,“ antwor de Anner, un wiß mit sin Handstoc in en halwen Birkel vunt Korn bet nat Süden herum, vun de grot Stampmæl ant Markt an bet ævern Schibenwall weg. — „Dat hier twischen in mit Schün un Hüsen hett he vun de Smitten Rinner tolofft. Blot de Notpohl liggt em dar twischen, de de Comün hört un de se em wegen mægli Fürsgefahr nich verkopen dörfst. He hett der nog op baden, un mehrmals Eggn un Zein Mann darum

dur æwer: bebauerte. dal: nieder. lit: gleich, gerade. snaden: plauderten. buten: draußen. Lütten Heid: Kleinheide, die Ofsede des Orts. Joh. Adolphi zc.: Chronisten des Landes Ditmarschen, dort allgemein bekannt und gelesen; Joh. Adolphi genannt Neocorus, hat eine zweibändige Chronik Ditmarschens in plattdeutscher Sprache geschrieben, die Dahlmann herausgegeben. Schibenwall: früherer Scheibenstand, jetzt Eigennamen eines Platzes. Smitten Rinner: Schmidtsche Rinder. Notpohl: Notpfuhl, Wasserpfütze für Feuersefahr erhalten. baden: geboten. Zein Mann: Zehn Männer, die Oberbehörde der Eggenscommüne.

tosam ropen laten. De grot Mael steit em to dicht ant Hus, oder er ward to vel Wind vun de Hüf opfungn, genug, he harr je de Idee, he wull de ganze Mael op Rullen awer den Pohl weg na den Schibenwall hendal fahrn, un sin ol hollandsche Bumeister Johanniss wullt ünnernehm.“

„Wat en Dömelster!“ seggt de Bur in Bertwunnerung. „Ja,“ seggt de Heider stolt, „hier ward wat mægli maakt! As't ni gung wegen de Pohl, den he harr todämmn mußt, wat de Comün ni liden kunn, lett he sik noch een Mael buden op den Platz, wo se hinschull, du kannst dat Gerüst dar awer de Böm weg sehn. Se sünd jüst bi't Nichten.“

„Wo is he man bi't eerste Geld un Capital kam?“ sä de Bur, „dat heet doch toleß: „Fang an!“ un he weer lüttje Süd Kind ut Büsum; wa mi recht is, weer sin Ole Strandlöper, Barger un so wat. Ob de vellicht mal en guden Fund bi en Braad dan hett, wa he nig vun naseggt, oder wo't sunst herkam is? denn de Wind hett't doch nich tosam weicht!“

„Mag Gott weten,“ seggt de Heider Börger. „Wi künnt't ni, un wi weet't of ni. Wi kräpelt uns dær mit unse lütten Geschäften vun Wef to Wef un vun Jahr to Jahr, un sünd tofreden, wenn mi rund rect un trium regum nich of inne Heid „Umschlag“ heet as in Kiel. Hett vellicht en Smuggelhandel drehen vun Hamborg de Elf dal awer Büsum, oder vun Vexfähr de Eider rop na't Morn, de Weg fahrt' he je noch bi Nacht un Dag.“

Un darmit wannern se wider, un man seeg den Börger noch na alle Siden mit den Handstodf teken, wo jedesmal de Bur as lant en Nichtscheed achter na leef.

Se warn awer glit aflöst. En ole Mann sett sik möd op de Bank un seeg in den nie anleggtten Garn dweer vør em, Süden op, mit en hogen Dorntun oppen Wall herum, wo en Port hendær föhr. Sin Dgen gungn mit Bulgefaalln

Strandlöper, Barger: Strandläufer und Berger am Meeresufer, meistens Leute niederen Standes. kräpelt dær: helsen durch. Umschlag: Während der Woche nach dem Dreikönigstage (octavae trium regum) wird unter diesem Namen in Kiel eine Art landwirtschaftlicher Börse für ganz Schleswig-Holstein abgehalten. Alle bedeutenden Pacht-, Zins- und Kapitalzahlungen werden alsdann geleistet. Ein Jahrmarkt schließt sich an. de Elf: die Elbe, Büsum ist ein Flecken am Ausfluß derselben, Vexfähr eine Furt über die Eider. teken: zeigen. Nichtscheide: Nichtscheide, Instrument der Maurer. dweer: quer. Süden op: gegen Süden.

æwer de jungn Böm weg, wobun de Dann', de man hier sunst man eenzeln süht as en Selteneit, in en ganze Schonung hoch ævern Tun reckten.

„Is je wul en Österegg Lott grot?“ så fin jüngere Begleiter.

„Twee,“ segg de Ole, „twee, umpaß drüttehals! Dat Loß, wo nu de Dik is mit Goldfisch un Karpen, hör der nich to, dat weer en ole Sandkul; de twee Lotten koff he ut de Rohdsche Massa. De Schibenwall, wo nu de Mæl hinkumt, sünd sogar dree. It weet dat genau, denn it heff noch de Meentweid kennt un de Opdeelen mit maht as Gedswarn. — Ja, wa de Tiden sit ännert! fröher heet dat: wenn de Bom is grot, is de Planter dot. Dat gellt nu of ni mehr. He hett Böm planten laten, wa an een veer Per to treden harnn, de ganze Wurtelpull Ger mit, anbunn mit Tautwart un Wirn, begaten mit Sprütten — 't geit doch all. Is herrlich vør den Ort!“

„Dar hett sogar int Fröhjahr en Nachtigal sungn,“ så en smund junf Mäden, de mit Moder un Broder, as't schin, darto keem; darbi nüch se den Olen fründli to, un alle dree sän Gunday, Batter un Wetter.

„Kann wen, dat se sit hertredt,“ så de Ol un lach er to, „wenn Du hier man safen spazeern geist, se sünd nieschiri na junge Mädens; betto sünd se noch nich bet æwer de Schanz vun de Geest hindallam, it heff sit Jahren keen hört.“

„Dumm Lüs,“ så de Broder, „hier is nie een west! Klein Anna er Jung hett in Bom seten un Reinhold Nissen sin Dochder to Gefallen een namakt.“

„Klein Anna ern?“ så de Ol, un wis' half rüggwarts na en lütt Hus, dat neeg bi, of op Nissen sin Gewes' stunn — dar mug se wul wahn — „is dat so'n Strid? It kenn

Dann': Tannen. Tun: Baum. Österegg Lott: Los bei der Verteilung der Gemeindeweiden, die erst vor etwa sechzig Jahren geschehen. Die Österegg-Commüne hatte am meisten Land und daher das größte Los, es hielt sechshundert Quadratruthen. umpaß: beinahe. Dik: Teich, Weiher. Meentweid: Gemeindeweide. Opdeelen: Aufteilung. Gedswarn: beeidigter Beamter. Wurtelpull: Wurzellumpen. Wirn: Eisendrähte. begaten: begossen. kann wen: mag sein. safen: häufig. nieschirig: neugierig. betto: bisher. Schanz: die Schanze, früher befestigter Platz zur Grenzverteidigung Ditmarschens, mitten zwischen zwei Mooren, den Weg durch den Urwald, die Hamme, beherrschend. Lüs: Zeug.

em ut de Scholprüfungen. as en banni stillen, eernsthafsten Bengel, un jümmer de Gerste int Asten un Schriben. Is he nich Schriwer bi Nissen?"

"Jawul," sä de Junge wat scharp, „un geit eernsthafft nog, mit gewichste Steweln. De is slau!"

"Un klof," sett de Swester hinto, „un de Steweln stat sin Föt so gut as de teite Müh sin Kopp."

De Moder dräng mit en Bewegung, wider to gan, vellsicht wil enige junge Lüd umme Ed keemn, de mehr noch, as de Dochder vun Thieß Thieffen beschreiben harr, op blanke Steweln un teite Mützen heeln. Se harrn sogar Zigarren inn Mund un fine Rohrstöcker mit Quaften inne Hand, un neemn bald wichti den Platz in, wo de Börgerklüd eben weg gan weern. —

De Sæns vun unse Beamten, Pastorn un Doctorn hebbt sit meist jümmer innercheden vun anner Lüd Kinner. Sunderbar, jüs in son fri Land as Ditmarschen, wo en Adligen kum sin Tritt laten hett! Dat mag mit darvun kam, dat, sit de Friheit verlarn gung, sit 1550, de König vun Dännemark vele darvun her sett. Wi harrn nie recht wat mit se to don. Dit mug so'n Schlag wesen. Wvrigens smuße junge Bengels!

"Schön Garnhus!" seggt de Een, un blas' den Roß künstli vun sit, „swarte Pann opt Daß — dat kennt wi hier je gar ni!"

"Dummbart," seggt de Anner, „Schiefer, segg ik di, schirn Schiefer, een Astenafel bi de anner!"

"Ei noch enmal," weer de Antwort, awer de goll al half en Rutsch, de mit twee Brune um de Ed sus' un vœr de Garnport still heel.

Zwee junge Dam' stegen ut un gungn inne Port, de een temli lanf un hell, vun de anner seeg man blot en herrli swarten Kop vun achtern; denn verswunn se achter den Tun un manf de Böm.

"Junge, Friß," sä de een vun de jungen Lüd, „wer weer dat?"

"De Lange?" sä Friß.

"Wa kannst du fragen! De mit de prachtbullen swarten Haar."

banni: sehr. klof d. h. hat etwas gelernt, ist gebildet. teit: teet. schir: rein, nur. sus': kaufte. achter: hinten. Tun: Jaun. manf: zwischen.

„Kennst er ni wedder?“ seggt Friß, un strickt sit æwer den Mund, as fireet he en Snurrbart weg, den man inne Heid domals doch noch ni dregen de.

„Also dat weer Hilda Nissen!“ så de Anner, un leet Mund un Dgen liker wit apen stan. „Wer schull't dacht hebbn? Wi gungn je eben Norden de Heid an Landschriwers Garn værbi, wo se mit de Dochder seet Kaffee to drinken, un æwer de Plank keet. Wat vær Dgen! Swart as de Steenkæl! Grot as bi en Ul! So wat heff it min Leben ni sehn! Ich kreeg ordentli en Schreden, as it ropkeet un er dicht værbi muß. Wer kunn't denken, dat de inn Dgenblick hier an de anner Eck vunn Ort rum flanker?“

„Nu,“ seggt Friß, „wer en Wagen hett, twee son Brune, un en Kutscher, as Jan Willem — kann all wol angan!“

„Gewiß! Awer segg mal, weer se dat ni, de vær torten noch jümmer as en lauk staki Gerüst mit den Bökerranzen oppen Rugg æwert Mark na't Presterhus gung, to Stunn bi den Propsten? Wa flog er jümmer dat wille Haar umme Rack!“

„Jüs besülwige,“ så Friß as en Kenner. „Harrst di domals al seggn kunnt, dat de wat Besunners warrn muß, de gung je oppe Knorn —“

„As en Habbar,“ seggt de Anner.

„Ne, as en Gems, war de Sweizer seggn. Un, nu se kunfermeert un en junge Dam, is en Meh man en schlechten Bergliß,“ seggt Friß.

„Ja, Dgen,“ så de Anner, mit en Blick na den Garn, „so watt heff it min Leben nich sehn!“

So un ähnli gung dat Snacken den lewen langn Sünndag Namiddag los, un man kunn noch vun Bewunnern un Misgunst en ganzen Deel hörn, wenn man Lust harr to töben. Wer Reinhold Nissen kenn un liben much, de læv em. Wo dat nich so weer, dar hör man, as vun Krein un Uln slimm Wedder un Unglück verkündn, un Jedermann harr dat wichti, as weer he de Mann, de dat makt un beraden harr,

liker wit: gleich weit. Norden de Heid: im Norden von Heide. Steenkæl: Steinkohlen. Ul: Eule. min Leben: in meinem Leben. rop: hinauf. kann angan: ist möglich. kort: kurz. staki: wie ein Staken, auch Stange. Böker: Bücher. dat Mark: der Markt. Prester: Pastor, Pfarrer. Propst: Superintendent, Dekan. umme: um de jüs: gerade. Knorn: Knöchel. Habbar: Storch. war seggn: würt sagen. töben: warten. læv: lobte. Krein: Krähen.

oder he weer de Unglücklige, op den mal de Stücken tohopen fulln. Am meisten natürlich harrn de to læben oder to lastern, de nich blot an sin Geweß' vœrœwer spazeern, sundern de mit dat Hus, mit den Mann to don harrn, mit em in Geschäften oder bi em in Deensten stunn. Wer wull de dat of verdenken, wenn se mit dachten un mit snaden, wo er eegen Wull un Weh vun afhangn de.

* * *

De Rutscher Jan Willem fahr mit sin Wagen na de Hoffstell ant Markt rop, keem awer bald wedder torügg na dat lütt Hus, wo bi Klein Anna ern Nam na wist warn weer, un dat dur ni lang, so stunn he vœr sin Dœr, Rutscherhot noch op, un Stulpensteweln an, awer Rod ut un hemdsmaun, as harr he wat Wichtigs vœr, wat grote Knœv kost. Eigentli awer wicks he blot sin Pitschenstœl un bunn mit Zähn un Fingern en nie Blattsch anne Swep, de he denn kunstgerecht probeer, as schull he dar mit in en Concert op spel'n oder vellicht Bageln darmit haun, denn he seeg plitsch achter dat Eunn her, as en Jäger achter sin Schuß.

Kum harr he enigemal Klattsch, so keel œwer de anner Dœr — denn dat lütt Hus harr twee Wohnungen — en Kopp vun en lüttje Fru mit robe Baden, de apenbar op en swadligen, tosam sunken Körper seet, un mit en helle Stimm, awer wenig Athen, as solke Lüd dat hebbt, reep se:

„Schall't al wedder los gan, Jan Willem?“

„Jawul, Klein Anna!“ weer de Antwort, un de Swep Klattsch as en Trumppf op dat Wort.

„Wohin denn?“ frag de lüttje Fru nieschiri.

„Weet ik ni,“ sa de Rutscher glickgülti. „Dat weet ik ni,“ sett he hinto un beton gewichti mit en Klattsch. „Ik frig min Befehl antospann, un denn geit't los. Dat Elimmste sünd bi Nacht de verfluchten Weg, Schoßeen giff't hier je nich.“

tohopen: zusammen. lastern: tadeln. lütt: klein. wist: gezeigt. dur: dauerte. hemdsmaun: in Hemdsärmeln. Knœv: Kräfte. Pitschenstœl: Pitschenstiel. bunn: band. Zähn: Zähne. Blattsch: Schnur. Swep: Weitsche. plitsch: schlau. apenbar: offenbar. tosam: zusammen. Athen: Atem. los gan: vorwärts gehn. weet: weiß.

He sprok darbi en beten utlandisch inn Ton, as een de, wenn nich wit her, doch wit weg wesen is, besunnerz in Wör as dat Wort Schosee. He weer awer eben so gut en Heider Kind as Klein Anna.

Rissen harr frilich sunst en ganze Colonie vun Fremden hertrocken. Wo he sin Lüd funn, de em gefulln oder de vör em passen, dar neem he se mit, un se keem geern un bleben all as't schin. To sin Maelenbu und Olslägeri harr he meist Holländer oder Lüd vun de Gränz her, natürli, denn dat Geschäft weer hier fröher nich bedreben. Unse Marschburn harrn er Rapp- un Einsaat na England oder Holland verkofft un sik nich darum kummert, woto de Fremden dat bruken mughten. Gerade dardær harr Rissen sik tum Deel sin Vermögen erworben. Wat sunst as Korn billig inne Fremdnung un as Ol dör wedder keem, dat leet he nu dær sin Maelen gan, un de Bordeel weer vör em un Alle, de em arbeiten hölpen, denn he betal unerhört.

„Weest ni, wo dat hingeit?“ frag Fru Anna.

„Ne“, seggt Rutscher Willem, „ik spann an, hol vör de Dær, oft en Stunn lank, de Ol löppt noch in un ut 't Kantor un de Stuben, dar ward inpackt, dar ward torecht leggt, am Ende sett he sin lüttje Reis'müg op un stappt innen Wagen, as stapp he int Bett, snappt de Dær to un seggt: Na Kiel, Jan Willem, beten rasch to! Un denn sitt he, un slöppt, un lest Böker un Zeitungen, smitt Papierstücken uten Rutschensflagg, un wenn em de Tid lank ward, makt he vör dat Fenster apen, ik læhn mi half torügg, un he klænt mit mi. Güt abend geit't Klock ölbn los, wahrschinli wedder na Kiel. Lekmals, vergangen Wek, gung't of de Nacht dær. Bi Verfahr grau jüs de Morgen. Dar muß he wol Jemand drapen un spraken hebbn. He sett sik naher vergnügt in sin Küssens un mak dat Fenster apen un seggt: Dat man sachen angan, Jan Willem, hebbt keen Z! Wi hebbt sik vörgrüßern a Stunn dusend Daler verbeent! Un darbi rev he sin Hann, as harrn de dat dan. Dusend Daler de Stunn? segg ik un ref na, also en söbzig dusend, Herr? Kann wol so hindrapen, seggt he. De Rappsatpriesen weern mægli so stegen.“

Wör: Worte. as 't: wie es. Rappsat: Rapps zur Ölgewinnung. Einsaat: Leinsaat z. gl. Zuede. stappt: steigt. snappt: schlägt zu. læhn: lehne. klænt: schwagt. Klock ölbn: um 11 Uhr. Z!: Eile. rev: rieb. ref: rechnete. mægli: möglicherweise. stegen: gestiegen

„A, Quickensted, wat Du seggst!“ sä Klein Anna un war lant, „föfbig dusend in drie Dag? Ja frili,“ sett se hinto, „min Mann hett of öfter seggt, as he noch lev, un den Værslagg oppe Grotmæl harr, jede Stunn en Daler, dat muß se inbringn, sunst kunn se nich bestan, un min Thieß weet wul noch neger Bescheed. Schall he mit?“

„Weet nich,“ sä Jan Willem, de nich mal dörch sin Geburtsnam Quickenstedt, den he selten to hörn kreeg, sit dat Geheemnis utwringn leet, wenn he vellicht een harr. Denn he spel allerdings jümmer, as weern he un de Herr, oder de Herr un he doch Twee wat Besunners.

Ob dat nu vun de lütt Fru blot Rieschir weer oder noch sunst wat: se keenin ditmal nich wider, denn de Dgen in Quickensted sin Vorstörper Appelgesicht warn op eenmal grot, se richtten sit ewer de Dann weg na dat Gerüst vun de niebu'te Mæl, de eben richt war, un wovun de Topp hoch deræwer weg keel, un of Klein Anna er groten Dgen, de al jümmer wegen er Athemnoth ängstli utseegen, warn noch gröter as gewöhnli un leepen, as warn se hintwi't, den sülwigen Weg.

Dar harrn hüt al Bøle hinsehn, un fast keen Minsch weer um de Heid gan, de ni mit Dof oder Tadel sin Wort afgeben harr ewer den Bu. Twee grote Richtböim reden æwer Krüz wul en hundert Fot inne Lust, gewaltige Fangtaun weern an de Siden mithin utspannt un mit Gerdwinn un alle Gewalt fastmakt. Twischen de Böim hungn de Hevblöck un Gewinn, un sit güstern de ganze Dag gungn de Balken un Stücken, gungn de Welln un Räder inne Höch un an ern Plaz.

Weer dat nu to lat inne Wøl anfungn oder weer't sunst ni recht bedacht, genug den ganzen Sünndag gung de Arbeit stüddi værwarts un weder an Mark noch an Karf weer ber dacht. WENNIG een gefüll dat nich, de eerst inne Karf de Predigt un naher oppen Weg de Klingerfloß hört harr un nu bedach un utsproß, „dat uns Herrgott doch of sin Dag hör oder wenigstens sin Stunn, un dat keen Segen sin kunn mit en Warf, wat sin nicht acht.“ Natürlich full dat all op

utwringn: abnötigen. twee: zwei. Topp: höchste Spitze, bes. eines Schiffsmaistes. reden: reichten. wit: weit. Gerdwinn: Erdschraube. Hevblöck: Zugwerk zum Heben von Lasten. Gewinn: Gewinde. lat: spät. stüddi: unausgesetzt. Karf: Kirche.

Reinhold Nissen sin Schullern, un war vun mennig een, de sik fromm nöm, ahn vel Christenlev in sin Schuldbot schreben. Wenn em't mal slecht geit, so ward man dat all op sin Passiva tohopen abdeern!

* * *

Dat gift gewöhnli in en grötern stillen Ort en ganzen Stand, de sik inbildt, dat se besunners begnadigt sünd un æwer Annerlud affpreken künnt, as uns Herrgott sin afgesandte Richter; dat is, as hör dat to't Geschäft un war lehrt un inövt mit dat Handwerk. Bi uns weern dat de Wittgarwers. De reden æwer de Bibel un de Offenbarung Johannis lud oppe Spaazertweg; un as Wittgarwer Löhnert æwern Lüttjenheid keem un seeg, dat man oppen Schibenwall an dat Maelengerüst ann Sünndagnamiddag arbei, do hev he sin Stod, dat de gollne Knop inne Sünne blenker, un jä: „Großer Gott, wat en Sabbathschänderi!“

Un wull dat nu de Tosall, as he so inne Reegde vun Klein Anna er Hus lud sik Lust mak, un of Rutscher Willem deshalb hinfieel, oder weer dat wat anners: genug in den Ogenblick seeg he, un seeg klein Anna, dat de groten Nichtbööm anfangn lisen to wegen, un ehr se noch recht ton Befehn oder Bedenken keemn, neem dat Swunken to, bögen de Bööm sik æwer, gungn se to Sit, seegen se Balken un Stüden sik tohöch wülnern un umdreihn — denn folg en fürchterliches Krachen — un achter de Bööm un de Lun verschwunn dat grote Bugeripp, un leet de lerrige Lust, de dat eben noch verdeckt harr, un inne Angst seeg man blot noch den Minschen, den man eben sehn harr, an en unendlich lant Lau, as in en Schaukel sweben, dat de Müß darvun un dat Haar em wild flog, un vun en annern, as gung he twee-, dreemal koppheister mant en Gerassel vun Bred un Balken, un denn weer allens weg un still. Blot dat de Spaazergänger oppen Zümfernstig de Hann tosam slogen oder opschregen, oder hin- oder weglepen, oder of umfulln vør Schrecken pall oppe Sted.

„Dat weer min Thieß!“ reep klein Anna, mit en Stimm,

nöm: nannte. hör: gehöre. inövt: eingeübt. Wittgarwers: Weißgerber. hev: hob. gollne: golden. to wegen: sich zu wiegen. wülnern: wälzen. Bugeripp: Baugerippe. koppheister: kopfüber. Bred: Bretter. pall: „fest“, gerade vor.

so lud un kloedenrein, as se wull in er Jugend much hatt hebbn, un rich ern tosam huckten Rugg so hoch inne Höch, dat se vœr en vullwuffen Fru harr gelln kunnt.

Rutscher Willem seeg sit mit Verwunnern na er um un sâ, indem he sit erst lanf utreck, as hung he mit de Hann an en Tau, denn en Bewegung ma, as schot he koppheister: „de — oder de?“ Worop Fru Anna awer blœt antwor, indem se al en Koppdot um- un de ol dâgliche Schœrrt asbunn: „Dœ gewis de haben, denn he mutt darbi sin optopassen, un he is waghalsi!“ Un darmit leep se achter all de Lœd, de an de Dornhed vun den Garn lanf in den Schibenwall rinstœrrten, so gau er Athen dat toleet, achteran, un Rutscher Jan Willem folg er, un harr er bald mit sin groten Hann fat, un stœtt er, as se an de Unglœcksstell ankeem.

Dar seeg dat denn oppen eersten Anblick fœrchterlich nog ut. Allens tobraken un toreten! En Supen verwirrt Holt un Holtstœden, wo eben en schœn Gebœd lusti un licht, dœrsichti gegen den Hœben opredt harr! En Krink vun Minschen, meistens in Sœndtagsstaat, stunn dar herum, un leet kum dœrkam un dœrkifen. Wenige kunn wat hœlpen, un de Meisten vergeten, dat dit keen Schuspill weer, un smœken er Pipen un Cigarren fort, as seegen se Hartwig Goldkette blœt Seilbângen to.

De sit dœrbrângen, de seegen denn hier en Mann mit en blœdigen Kopp, de sit wusch, dar Gen, de de Stœweln uttrock, um to sehn, ob de Fot wat kœgen harr. Gen harrn se in en groten Lœgforf packt, dat weer de Mann, de mehrmals mant all de Trumms un Stubbens koppheister œwer gan weer. He weer ohnmâchti, doch keem he mit en bœten Water un Brannwin bald wedder to sit, un sâ, em feil nœ. Un as man so de Doden telln wull, do kunn man Gott ni genug danken, dat't so gnâdig aslophen weer. Kœgen harr egenlich keen Minsch wat, un de Jungen, de derbi west weern, harrn binah al Lust, en grot Gelâchter antoslan.

Awer klein Anna er Angst war nu eerst lud, se sach doden-

huckt: gehœdt. al: schon. Do!: Tuch. haben: oben. rinstœrrten: hœneinstœrzten. gau: schnell. harr fat: hatte gefasst. stœtt: stœgte. nog: genug. tobraken: zerbrochen. toreten: zerrissen. Hœben: Himmel. Krink: Kreis. smœken: rauchten. blœdig: blœtig. kœgen: abbekommen. Lœgforf: Zeugforb. Trumms: Trœmmer. Stubbens: Stœmpse, Enden. seil: sehlte. telln: zâhlen. sach: saht.

blaß tosam, un fast ahn en Ton inne Stimm un doch so indringli, dat alle dat hörn kunn, of de wit afftunn, reep se: „Min Søn, is he dot? Wo is min Thieß?“

Ja, de weer allerdings vun de höchste Mast an en Tau hendalkam; „de harr de grötste Reif' makt,“ sä en lustigen Zimmerjung, de of mit fulln weer un den de Näs' blött. He harr sit an dat Tau holn, weer daran hendalrutsch, un hoch ævern Tun un æwer de neegsten Böm in den Lustgarn to Ger kam. Besinnung, hör he man, harr he nich hatt, awer warum schull he alleen wat fregen hebbn? Se harrn em in de Herrschaften er Lusthus dragen.

Dar il se denn hin, mit Rutscher Willem sin Hölp, so gau er swaden Kräften dat toleten. Awer dat gung nich so gau mehr as vørhin. Weder de Furcht noch de Hoffnung weern noch ganz, un er arm ol swaden Körper weer nu of man wedder half. So kräpel se hin, de ol Trümmergestalt, Angst un Sorg mak er ehrwürdig. Alle wiken ut un bleben torügg, wat se frili doch of harrn don mußt, so sehr de Rieschir se driben much; denn man kunn doch nich gut in den Garn rindrängn, wenn man ni ropen war. Un so verschwunn denn de Weiden Arm in Arm in de Sidenport, de vun den Schibenwall of na den Garn rinföhr.

Allerdings harr Thieß Thieffen de grötste Reif' bi den Fall makt. Als Schriwer harr he hier op den Duplaß nich jüs wat to don, he wuß awer, dat sin Herr em geern allerwärts seeg, uterdem weer't Sünndag, he much wull mal klattern un æverall sehn, in en eben Gegend, as de Heid, en Vergnügen, wat man nich hebbn kann, as wenn man mal oppen Thorn mank de Klocken oder inne Kapp op en Mael stigt, un Wunner meent, wa man de Lüd inne Schösteens sehn kann. Darto weer de junge Bumeister — denn de ol Johannis weer dot — en ünnernehmen jungn Minschen, sin Fründ, un he seeg of doch geern op alle Art vun Arbeit to sin egen Vergnügen.

So weer he an Treppstöcker haben na de Richtböm klattert, un harr sit nich daran lehrt, as en ol Timmergefell em seggt harr: wer dar niz verlarn harr, schull dar

Zimmerjung: Zimmerlehrling. blött: blutete. il: erste. tolaten: zuließen. kräpel: ging langsam und mit Anstrengung wie ein Krüppel. wiken: wichen. Sidenport: Seitenpforte. en eben Gegend: eine ebene Gegend. Schösteens: Schornsteine. ünnernehmen: unternehmend.

weg bliiben, Gefahr weer dar jümmer, im Grunde weern twee Böm nich nog, dat weer en Wermoth vun en jungn Meister, dat een Fangtau harr al mehrmals knadt un dampft. Awer daran harr Thieß sit ni lehrt. Doch harr dat, as he sit haben ruhig æwerall um seeg, mit een mal en Ruck geben, dat Tau weer sprungn, as en Seil an en Flißbagen, so dat de Enn bet to em inne Höch flogen, un, langsam eerst, un denn jümmer gauer harrn sit de Böm to Sit læhnt. He harr Besinnung genug hatt, dat Enn vun de asreßen Fanglinjen antofaten un to denken: so wit weg as mögli, dat der nig op di fallt! Un so harr he en Fahrt maht, as an en Hüschartau vun hunnert Fot lang, weer awer doch toleß hittli warn, harr anfangn to gliden, dat Tau weer em hitt mant de Hann warn, un he wuß blot, dat em Wüsch mit Blæd umt Gesicht haut harrn un he weer deep in en wecke Eer fulln, de na Maas oder Grönigkeiten rüht harr. Denn weer dat roth, grön, swart um em warn, un he wuß nig mehr vun sit.

De beiden Dams weern inn Garn spazeeren gan, as he æwer Tun un Böm weg to se herinslegen keem. Se harrn natürlích en fürchterligen Schreck kregen un eerst nich wußt, wat anfangn, bet de ol Garner seut se to Hölz kam weer, de harr em beföhlt un se beruhigt un mit en Jung em int Garnhus brocht, wo se em inn Saal op en Sopha leggt un mit Eau de Cologne un scharpen Etig bald wedder to sit brocht harrn.

Dar leeg he! Ja, wo leeg he? Erst wuß he dat gar ni. Dat weer en licht lusti Sommergebüß. Wer't nich anners kenn, as Finstern rut, wo en Strat oder Gang is, Stuben, wo en Platz darto — dær den kunn't wen as en Zelt, wat man apen deit, wo de Sünne her kumt. Gegen Süden apen sit de groten Flügeldærn bet op den Grund, de Grund, de man seeg, weer luter grön Gras bet an den Drüßel, de Maziembom red bet ant Finster mit sin Twigen, int Gebüsch dicht to Sit zwitscher en Bagel, as harr he sin Nest keen dree Schritt af, Blöm rüken in de apen Dær, un de ganze Gegenb

asreßen: abgerissen. Fanglinjen = Fangtauen. Hüschartau: Schaufel. hittli: übereilig, unsicher. mant de Hann: zwischen den Händen. Wüsch: Wische. Blæd: Blätter. Maas: Moos. rüht: gerochen. Garner: Gärtner. Etig: Essig. wen = wejen: sein. Zelt: Zelt. apen: öffnen, offen. æpen: öffnenen. Drüßel: Schwelle. red: reichte.

seeg man in den groten Spegel æwer't Sopha. Man mutt weten, wat Ruh vær en Minschenseel is, de jümmer denkt, wöhlst, arbeit, sorgt, sit afängst, um to weten, wa dissen jungn Minschen to Muth is, de hier nu her leggt ward, un em ward prædigt: Ruh, Ruh! as sin eenzi Plicht, en Plicht, de der schöner vær em vær treckt as irgend en Stärkung, de man em harr reden kunnt ober red, de he smeck ober rüt, ja as vellicht en Musil, de he hör, ober en Drom, de vær em her ober æwer em hin spel. Ruh? Hör he denn wat? As de Fritsch inn Busch, de em dat dülli maß, dat dit hier still sin heet. Hör he nich ropen inne Feern? Dat weer jüs wit nog af, dat he sit seker föhl: neeger war dat nich kam. Slog de Klock oppen Thorn? Wa flüggt de Ton vær de Luft, as schull he noch wit! Un anne Del speln enige Fleege, un as en Schatten husch en Fleeerlink an de apen Dærn værbi. He maß ni mehr Larm as de Lebtojen, de ern Geruch herinschißt — och, wa schön still! He weer eben eerst to Besinnung kam, un Ruh harr eben de ol Garner Heuß em prædigt. Do husch dar wat anne groten Schiben værbi, husch herin in de groten Flügelbærn; dat weer as war de Blomgeruch lebndig ober wat Aehnlichs rüt dermanf. Denn weih wat lisen æwer sin Gesicht, un blev æwer em bestan, un twee grote swarte Ogen seegen op em mit en stillen Freuden, he harr sin am leeffsten to maßt un gar nig hört, denn he wuß, wat se seggn war; disse roden Lippen weern so frißch, se warn nig anners seggn, as wat se ol sän: „Gottlos, he kumt wedder to sit!“ Fründli klung dat, och ja! Awer he harr en Klang inne Seel, de so to de depen Ogen pass, as klung de Klang noch vun den Thorn, as klung dat wit inne wide Feern, as drop dat wat binn in sin inwendig Hart, wat denn mit klung — och, de Ton weer dat nich! — Un he wenn' sit um, un maß de Ogen to, un maß se apen un ween, as sin ol Mober mit Jan Willem herin keem. De wenigstens gung dat bet an't Hart, un wenn se ol nich mehr den Athen harr, recht wat to seggn, so maß em al er ol ängstli Gesicht weel, dat he wenigstens den Druck los war un sit utween kunn. Denn keem en Mann mit en lütt rund Gesicht un en golln Uhr,

weten: wissen. wöhlst: wüßst. afängst: abhängigste. eenzi: einzig. Fritsch: Hänfling. ropen: rufen. Del: Decke. Fleeerlink: Schmetterling. dermanf: dazwischen. depen: tiefen. wenn': wandte. ween: weinte.

de he herutfreeg, as he Thieß an den Puls föhl. Dat weer de Docter. De beföhl em of Rippen, Rüggem un alle Glieder, un frog bi jeden Druck, ob em dat weh de, worop he jümmer antwor: gar nich! Endli seeg de Docter of Thieß sin Hann, de vun de Fahrt ganz verschunn, as verbrennt un mit Blot ünnerlopen weern, deelwis ahn Hut. „De müssen em doch fürchterlich weh don,“ meen de gutmödige lüttje Mann. „En beten,“ sä Thieß, un war dat nu eerst sülvn wahr, he harr meent, blot dat Hart de em so weh, un jüs dat harr he ni seggn mußt.

Darop trę der en raschen setern Schritt inne Flügelbærn un op dat Sopha to. Man hör un seeg, de weer hier to Hus un nich tum eersten Mal dar. Dat weer en mager slanken Mann mit en scharp Gesicht un graue kruse Haar. He weer glatt barbeert, un de Mund un de Näs' harrn noch mehr Ähnlichkeit mit sine schöne Dochter as de Dgen. He much wul al vun de Unglücksstell kamm sin un much dat dar beter sunn hebln, as he fürchten muß, denn he trę of hier ant Lager, as war he blot gude Naricht krigen, un as he de Dgen æwer Thieß harr rasch hinscheten lasen, frog he: „Wa steit hier, Docter?“

„Nix Wichtigs lädeert,“ weer de Docter sin Antwort, indem he nochmal sin lüttje dicke Hand lisen op Thieß sin Bost, Ropp un Glieder le, as kunn he dat vœrwisen, wat he seggn de; „en beten Erschütterung, eenige Dag' Ruh, will sik wul geben! En beten Is vœr de Hann, wenn wat to krigen weer. He ward en Tidlang nich schriben künn. Kann en beten Kamellenthee drinken.“ Darbi strakel he Thieß noch mal æwer de Back, as harr he blot to em spraken, un wenn' sik to'n Gan, seeg sik awer doch noch mal wedder na em um un lingelant em lant, as man na en Bild oder Statu süht.

Dat weer allerdings en Art Bild. Schön weer de Ropp jüs nich, awer bodenblaß, un Bœrtopp un Dünfen mit de groten helln Dgen harrn wat an sik, wat man ni all Dag' süht. So much wul en jung Prestier utsehn künn oder sunst wat Hülligs, de Athen bewęg man lisen de Bost un de smallen Schullern.

„Mal di keen Sorg,“ sä Reinhold Nissen mit sin rasche

verschunn: geschunden. ahn Hut: ohne Haut. trę: trat. hinscheten: hinschießen, hingeleiten. Is: Eis: strakel: streichelte. Dünfen: Schläfe. Hülligs: Heiliges. Bost: Brust.

Stimm un Wort, „hol di man eenige Dag' ruhig, se künnt di hier en Bett maken. It warr wul fertig. Dat Unglück harr arger sin künnt, keen Minsch is derbi to schann kam, un dat Holt lett sik niet maken. Wenn du wedder inne Been büßt, seeg mal na, it mutt hüt abend op en ganze Wef na Kiel. Awer dat ilt nich, lat di Tid, un gähn di Ruh, Reihilde kann mal na sehn.“ Un darmit weer he ute Dær verschwunn, as he kam weer.

Also nu kunn he liggn un sik süßn betrachten un de Saken um em rum: en paar Willer anne Wand, en Uhr dar-twischen. In Winter war de na't Bahnhüs ant Markt brocht, un he wuß of dar, wo se denn hung. De Stöhl bleben hier; dat weern all lichte Rohrstöhl blot vør den Summer as dat Wörige. Wa licht un lustig un duftig! Wa paß dat all tosam! De Gardin as Spinnwibb! De Wulken troden der achter ni lichter. — Un de Minschen all so gut gegen em! Keen hart Wort, keen Schelln un keen Klagen. Zümmer maneerlich un fein. Un doch doch he an sin Moder, de still un demödig glik wedder wegkräpelt weer, as se em an Leben un ahn Gefahr meen, doch an ır lütt rökerige Stuv, mit Sand oppen Fotbornn un en brun Waschdoek æwern Disch, wo de Kaffeetel op stunn un Swartbrot op leeg, mit en paar isern Messen un en beten Botter. He doch an Kummer un Jammer, de he dar belebt harr, an Scheltwör un Strit, de he hört harr, an sware smutzige Arbeit Dag an Dag. Un denn de em dat Hart noch eenmal so weh as vørher, he heel sin twein Hann vørt Gesicht un süß herin: „Ach, nimm mi weg! lat uns wegtreden! Kunn it mi verkrupen mit di! Gist't nich en Plaz, wo wi alleen sin künnt, dat it allens verget? Se sünd alle so gut, awer it hör der nich to, ne, it hör der nich to, un se weet dat nich mal! Dar denkt nich Een vun se daran, dat't mægli weer!“ Un de Thran lepen em æwer de Waden, un in striken Strom warm æwer de Vost dal, denn he kunn se nich mal afwischen, so weh den em de Hann. Awer dat weer, as wenn en Feuer sik oplöst. Stille Behmoth trock æwer em hin. He hör inne Feern en Pump, de in en langsamen Slagg lisen-janken de. Dat weer em, as stunn he dar to pumpen as en starken groten Brenner-

to schann kam: umgekommen. Spinnwibb: Spinngewebe. Schelln: Schelten. rökerig: räucherig. Meß: Messer. twein: (entzwei) zerrissenen. striken Strom: (streichendem) fließendem Strome. janken: knarren.

knecht, dat Hart war em gesund, de Arms möb, un ruhig kunn he sik dal leggn to slapen. Dat de he denn.

As he wedder opwat, schin de Morgen em int Finster. He leeg op en fein Bett in en isern Gestell, fast op de sülwige Plaz, un harr de ganze Nacht ni wakt. Dat trock köhli un frisch in de groten Flügelbærn, de al wedder half apen makt weern. De Fritsch jung sin Fröchstüdsleed un de Levkojen rüken as Hönnig. Em weer ganz anners un kräftiger to Moth, un he kunn der wedder ruhiger an denken, wo he jümmer an dach. —

* * *

Wenn vun Standsünnerscheed de Red is, so denkt man jümmer an Adlige un Fürsten, as hörn nothwendig de derto. Man kann dat lächerli finn, wenn en Burmäden sik in en König verleeft, den se ünnerwegens mal en Glas Water inn Rutschenlagg langt hett, oder en Groffmid in en Gräfin, de he mal dat Pferd beslan. In unsen Lann, int lütt ditmarscher Land, schint dat, sünd wi all liker Herr un liker hoch. Adlige kennt wi gar ni un denkt uns, so Een muß man wisen künn na de Näs oder de Rath ann Noß, na de Been oder den Rügg, as man je en Kammerherrn opwist an den Stætel achter: so wat, meent man, muß he dregen vun Natura.

En König hett en jeder vellicht eenmal in sin Leben sehn, un vellicht heel he noch den Trumpeter, de op en Schimmel værut ree, vær den richtigen Mann. Bi uns is keen Ünnerscheed, lett dat, un wat Een is, kaun de Anner warrn. Rich einmal Rickdom hebbt wi egentlich, wenn man't na Hamborger Maat met; Lüd, de er Vermögen mit drie Ruklen bereßt, mag dat noch mennig een geben, awer mit twee Tallen dervær al Wenige, un denn sünd dat toles doch noch jümmer Mark, rich einmal Banko, vun Dalers gar rich to spreken. Dat leet sik also am Ende bedwingn. Kennt wi doch menni rike Bur, de int Armhus in Wesselsburn oder Wörn storben is, un menni Butknecht, de mit Sæns un Döchder op sin Herrn sin Stell sitt, Fortepiano inne Stuv. Also is dat wul natürli, wenn Jedereen hier Jedereen inne

Hönnig: Honig. liker: gleich. Stætel: Schlüssel. ree: ritt. lett dat: scheint es. met: mißt. mennig een: mancher. Tallen: Zahlen. eine Mark Banko: etwa 1,50 Reichsmark. Wesselsburn: Kirchdorf in der Marsch 11 km westl. v. Heide. Wörn = Währden. Butknecht: Oberknecht.

Ogen süht; un weer't Arbeitsmanns Sæn, so weet he vellicht recht gut, wa dat as en sin Dun um de Mund vun en Avlaten Dochder spelt, oder dat der Hann as Waß rutkamm künnt ut en Paar Kopenhagener leddern Hannschen, wenn se se blot uttreden wüllt.

Awer de Tuns sünd doch hoch un vull Dorn, de Lüttmanns Garn vun Rikmanns trennt, un menni Hand un Hart ritt sik twei daran un blött; ward tolez still oppen Karthoff begraben, un de em inklei't, denkt nich, dat dat dar eben so lut un warm slagen hett, as mal bi en Gräfin oder en Graf.

Thieß Thieffen much dar en Bispil to sin, dat keen der vellicht blot op an, wa vel sin Natur dregen un utholn kunn. Wærlöpi leeg he dar, muß dar liggn, un much denken so vel he Lust oder Kraft harr. Un wat bedach he nich op sin Lager! He dach an Vergangenheit un Tokunft. Wat ut em warrn schull, dat wuß he nich. Awer rüggwärts leeg sin ganz Leben apen vœr em as en Bot, wo he in blæder, un vun sin Kindheit an trock dat an em vœrœwer, as weern dat lose Willer, un he seeg blot to; se keen un se gungn, se trocken in in de Rahms anne Wand, an beide Siden de Wanduhr, un fülln se ut, wenn he de Ogen dar hinrich, much he se sehn mögen oder nich.

Armoth, Elend un Krankheit stunn dar links — rund herum gung de Goldlist. — He much der kum an denken, wa sin Vatter slavt harr, wa dat sold west weer in er lüttje Stuv, wo se Kantüffeln mit Solt eten harrn, wa sin Moder sik krumm arbeit anne Waschballje un dat sware Plättisen. He seeg weg vun den Rahm un op de anner Sit de Wanduhr.

He gung to Schol mit Böker un Tafel. Dar seeg he noch den Lehrer achtet Pult oppen Stohl, as weer he't wirklich. Wat weer't an häßligen Mann! Mit Podenaaren int Gesicht, as harr de Düwel der Arsen op dösch — so sän de Lüd — awer wa weer't allens schön un merkwürdig, wat de Mann sa! So wat harr sin junge Kinnerseel bet darhin

Dun: Daune. Avlaten: Advokaten. Hann as Waß: Hände wie Wasch. Hannschen: Handschuhe. treden: ziehen. Tuns: Bäume. Lüttmann: der kleine Mann. inklei't: eingräbt. blæder: blätterte. slavt: wie ein Sklave gearbeitet. Kantüffeln: Kartoffeln. Ballje: Kübel. Rahm: Rahmen. Poden: Blättern. Arsen dösch: Erbsen gedroschen.

nich röhr! Wat muß de to vertellen! Wa schön muß de Welt sin, wo dat all darin weer! Wo harr he dat allens her? Un he sä dat: ute Böker! He wiß em, dar weer'n Schätze darin! Un de weern vör Jedereen, de de Wögd ni spar! De kunn Jedereen reden, Arm un Rik, he schull blot tolangn. Ei, wa lehr nu Thieß, dat dat gung as en Spillwart, reden un schriben un lesen un all wat de ol pockenarige Mann verlangn much. Wa war he em leef, mit allens wat to em hör. De dumpige Scholgeruch rük em fast schöner, as de Blomgeruch in Garn. He blev oft alleen ewer Middag sitten, wenn he wuß, dat't to Hus nix lohn as solten Hering un Kantüffeln. He leb as in en Welt en paar Fot hoch weg ewer disse mit Dreck un Steenplaster. Bald keem de Ehrigiz darto. Lehrer un Pastor læben em. He hör, wa man sä, dat dar wat Besunners ut em warrn kunn, he seeg, wa man op em wiß, wenn Besöl vun Herren inne Schol keem, he dach an Prester oder Lehrer warrn, Abkat oder fins Liken. Oh, wat en schöne Tid! He spel mit Landvagts Döchber un Koopmanns Sæns alle Dag', un weer sogar de Ansführer bi't Spill, wil he de Erste war inne Klatz. Wa dabem se opt Markt herum! Wa lepen se in alle Schüns un Garns bi er Spill, as weer de halwe Heib er Egendom, denn fast all wullhebbn Lüd Kinner weern darbi tosam. — Weer't lusti hier, so weer't fierlich inne Kart. Vör uns Herrgott, föhl he düttlich, weer der al ganz keen Ünnerscheed. Ja, de Herr Pastor re em inne Lehr noch oft besunners an. So much man wul Hunger un Kummer to Hus vergeten. Un doch keem em al domals oft de Angst un he reß na, wa vel Weten dat schöne Leben noch durn kunn, wa vele noch na weern to de Confirmaptschon un wat denn wul ut em warrn schull! Ob't denn noch vörheel? Ja, he ahn, dat dat rechte Unglück denn eerst lözung.

Harr he man op Scholen gan kunn na Melborp! Harr he man sunst wat warrn kunn, wat sit bi Landvagts un Docters Sæns vunt sübn verstunn, wenn se blot nich gar to trag un ful weern! Oh, he muß mit anne Arbeit, de vör sin Olen doch nich as en Freud weer, sunnern as en Last, un de bittere Ernst leeg al op de junge Steern,

Lehr: Iernte. Spillwart: Spielerei. pockenarig: pockenartig. solten: gefallen. læben: lobten. fins Liken: seinesgleichen. dabem: tobten. Schülns: Schuunen. op Scholen: auf die höhere Schule.

as de Kopp noch op en slanken Körper seet, de lang ni utwussen weer.

So muß he't as en Glück ansehn, dat Reinhold Nissen em wiß war. He neem em as en lütt Schriwer in sin Hus, un nu muß he sin swade Moder mit ernährn, as se Batter herut dragen harrn na't Korn, na den Karthof.

Also Schriwer! Awer wat denn? En Tid lang weer't em frilich vör sin Ehrgiz genug, wenn sin ol Moder keen sware Arbeit to don nödig harr, wenn se sit mit en beten Feinwäscherie behölps, wenn se erno tosamfunken swaden Körper an em umme Höch rich, um em bi'n Kopp to faten, dat se em Haar un Baden mit krumme Fingern strafel un em erno eens un Allens nöms; wenn he mit en Zucker inne Hand umme Heid spazeern gan kunn, un hörn, wa Lüds sän: is dat ni Thiesß Thiesßen, de lütt Dösläger sin? Ober wenn sin Herr sin Handschrift læb, de jümmer slanker un sauberer war, ober em in sin Böker sehn leet un mit em Geschäften bera', ober wenn jeden Wihnachten de Stapel Drüttels as Geschenk gröter war, un ol Permarkt twee mal int Jahr de blanken Stücken op sin Tisch ni fehltn. Awer denn war't em doch wedder drücken, denn full em't op't Hart, dat de Garn- un Schindbärn um't Markt to gan weern un de Husbärn nich apen, dat de Spelkamraden fremd warn weern un keener vun de Herren em nu sä, wat to don un antofangn, de em bewunnert harrn un verspraken, dar schull mal wat besunnerts ut em warnn, neß, dat weer oft as weer em to Moth as een vun de olen Ber, de in de Stampmæl ünner Nach un Dag de Maschin' dreben, Schullappen vör, un de Pittsch leeg jümmer bi den Marktföhrer.

Wohinut? He arbei as en Berd. He lehr, wat he lehrn kunn, ob't vellicht en Mal to brufen weer as en Stätel vör en unbekannt Slött. He picd sit vun fremde Sprachen op, vun Engelsch un Französch, wo en Korn darvun verstreit leeg, un he acht keen Mög, sit dör Böker dör to arbeiden bargenwiß, dör alle, de em inne Hann keem.

Dat weer ol wul All gut gan, Reinhold Nissen kunn

wiß war: beachtete. umme Höch: in die Höhe. Zucker: dünnes Spazierstöckchen. bera': beriet. Stapel: Haufen. Drüttel: 2,80 Reichsmark (1/2 alte Thaler). Permarkt: Hauptvolksfest in Heide. to gan: geschlossen. ünner: unten. Schullappen: Scheuklappen. Slött: Schloß. picd op: griff auf. Bargen: Haufen.

tolekt licht vør Een sorgen, so dat Sorg em nich drop. Kunn he nich en lütt Stell oder Amt vør em apen holn mit sin Macht? Stür- oder Innehmerposten? Oder of en Hæleri oder Zwischenhandel vør em inrichten, wo al hin un wedder Een vun sin Lüd wullhebbnd un ansehnli darbi warn weer? Gewiß weer't fründli un behagli, wenn he sit utdach, dat he em mal mit sin ol Moder na Holtenau hinsett, na Bahlhub, oder em en lütt Handel in St. Margarethen oder Brunsbüttel anne Elf inrich: — — weern man nich disse twee Dgen opgan in dat dunkle Hus ant Markt! Twee Dgen as twee Sünn! Un wen de nich beschin, de much ünner de Eer krupen bi de Kapell bi Blauroth sin Mael, wo sin Vater leeg, oder in een vun de Dæpels, so deep as se weern op den Scheeringsmoor!

Ja, do weer't to Eenn west! He harr sunst noch jümmer mal Nacht un Dag arbeit mit den Gedanken, he wull mir nix dir nix na Kiel gan, Docter warrn oder deslikten. Dat muß je mit den Bösen togan, harr he dacht, wenn he nich mehr wuß un lehrn kunn, as all de dumm' Jungs, de nix den; denn he stunn mit Väter Bland sin Lüd op, un lehrn weer em egentli gar nix. Aber nu much he nich enmal weggan. Wul wuß, wat der denn passeern kunn! He much nich enmal anfangn. Wul wuß, wa lang dat burn kunn, un längst weer se verswunn, wovær alleen he't de Mög weerth heel!

Wat he de, weer nu blot vør er, un he de Sinn un Unsin mank enanner. Musik lehr he, Klavier speln, blot wil he wuß, dat er dat gesull. Seildanzen harr he lehrn kunn, as he bemark, wa de groten swarten Dgen mit Bewunnerung tosehn, wa Hartwi Goldkette opt Markt sin Kunst ma. Weer der of to vel verstännig Blot in em to en echten Blödsinn, so red dat doch ni wit genug, dat he nich wenigstens öfter dach: wenn he blot en smucken Minschen weer! un bald en Ladendeener sin brennten Locken, bald en Tanzmeister sin Föt misgünn, un op Rock, Mütz un Steweln heel, as weer't

Holtenau, an der Mündung des Eiderkanals bei Kiel. Bahlhub an der Eider. St. Margarethen a. Elbe, Kirchdorf mit Lotsenstation an der Mündung der Burger Aue mit Torfschifferei. Brunsbüttel an der Elbe, südlich von Marne, nicht weit davon die Westmündung des Nordostseekanals. Sünn: Sonnen. Dæpel: mit Gras überwachsene Wasserlöcher und -Räuse im Moor. Scheeringsmoor, zwischen Heide und Melbörf. deslikten: desgleichen. Wul: wer.

wat Wichtig's. Denn he wanner tolesh, as de Maan um de Sün'n beit, Lü'd op Eern mä'gt sehn, wa vef se em beschint. Awer he wannert alleen manf de Steern, un Müms hört op em, wenn he of en Stimm harr. — Ja, wat schull ut em war'n?

So leeg he un gruwel, un eenmal um't anner füll sit een vun de Rahms op't nie mit en Bild. In den een seeg he wü'rtlich grote Bö'm, hoch in Lof æwer Wischen un Water. Awer se verwandeln sit vœr em. Se seeg se blant beript, de Sün'n leeg derop, se beschin de Allee vun dat Heider Markt, de ganz leet as bezuckert, un dat Blihen weer kum inne Dgen uttoholn. Do seeg he er to'n eersten Mal, dat heet, do war he er to'n eersten Mal wis, denn sehn harr he er all Dag' as all de Annern, un mit er spelt, do seeg he to'n eersten Mal, dat se dat weer! Se leem langs de Allee, wo't of ünner glattis't harr; in en witten Muff heel se de Hann, in en Rapp mit witt Belzward steel de swarte Ropp; dar leet dat Gesicht mit de roten Badden herut, un all de Sünnglanz full op er un schin vun er. Awer much se to gau un unberichtig lopen: se full un vergnickel den Fot, oder binah doch, wenn nich Thief sit en Hart grepen un er opfungn harr. Do trock he er to Hus, un half muß he er dregen, un enige Thran wisch se vœr Smarten oder ut Dankbarkeit vun de deeproden Badden. — Oh, dat harr he geern jümmer vœr Dgen beholn! Awer he much se to oder apen maken, so seeg he en anneres Bild un de Rahm füll sit ut, he much't wülln oder nich.

Inne Pingstweel stunn en grot Telt ut Linn oppe Bagelwisch int Gröne. Dat wink wit hin mit robe un gröne Fahns, denn de Papagojengill fier er Scheten; dat schin Een lang witt entgegen manf de grön Büscher un Bö'm. Stig' gungn der ni rin as dat Patt, wat der int Gras treben weer, un dar wanner en vergnügten Minschenstrom jümmer af un to. Fierli weer man uttrocken, tweeten Pingstidag Krod veer. De ganze Heid weer to Been un seeg to. Ol Danzmeister Schulz, de to glifer Tid of Stadtmusikus weer, harr alle Blasers to Gang' kregen, de man Wind harrn un irgend en

nüms: niemand. Lof: Laub. beript: bereift. leet: schien. vergnickel: verrenkte. opfungn: ausgefangen. Smarten: Schmerzen. Bagelwisch: Vogelwiese. Papagojengill: Schilpengilde. fier: feierte. Patt: Pfad. man: nur.

Art vun Luthorn regeern kunn. Se harr mit se twee Märsche instudeert, de man nu inne Pingstweel so lang hörn much, afwesselnd, bet man der krank vun war, un en Jahr lank, bet tokum Pingsten muß man se hörn vun jeden Scholung, de en Stück darvun richti oder falsch mit de Mund pipen kunn. Awer bi den Uttog maken se en fierlichen Indruck. Die Fruns gungn bi an un wischen sit de Röhrung mit de Schörrt vunne Backen, de am gröttsten war, wenn se Herr Schulz anseegen, wa he de Föt na den Takt utwärts sett, wa he op en Dings blas' — he ganz alleen — wat utseeg as en grote Wurst, eenmal umbögt. Dar steek en lütt Papier an, as en lütt Balbeerspiegel, un sin Ogen gungn dær de Brill inwig darop hin, as he blas', dat em de Backen barsten schulln. Op Nafrag' heet dat Dings Jagott, wat al so gefährlig nog klung, dat en ol Fru wul tweemaal anfragen much, un dat paß darto, dat op dat lütt Papier de Noten stan schulln. Se harr sin Noth, dat seeg man, de ol Schulz, de Got wadel noch, wenn man den lütten Mann mank all de Minschen nich mehr seeg, un he kreeg tolek doch alle richti in Gang, dat de Föt ebenso na'n Takt gungn, as sin, un alle Minschenköpp opt Markt tolek op un dal maken, as de Per vør en Frachtwagen, as de Gös, de lank den Dit wannert, oder de Waggn op See.

Dar neem Andeel an, wat en Herr weer, un Herr weer meistens, de so vel Dalers opdriben kunn, dat he sit en lütt füllwern Papagoje int Knoploch hung un de Bech betal. Nachwächters schoten jüs ni mit, awer de den dat Laden, so dat ni lich wul uten Ort fehl oder to klagen bruk; un wenn't of ni angenehm weer, dat de lüttje Barbeer Kaiser einmal König war — tomal, he weer en Oberbütschen; Barbeer, Kaseer un Länbreker broch unse Land nich herbær — so leet sit't ni afwenn', he kreeg doch de grote vergoldte Bagel um, de mal en König vun Dänemark gnädi schenkt harr, un trod darmit umt Markt, Landvagt an een Sit un Raspelvagt anner, he kreeg doch de Privelegen dit Jahr, weer stüerfri an Landesanlagen un Raspelsutgiften, un wenn he bi't Umreden den Landvagt vertell, wa he dat Gewehr en Ruck geben harr, damit dat umme Eck schot, as he dat Königs-

Luthorn: Blasinstrument. tokum: künftig. bi an: nebenher. inwig: eifrig. Gös: Gänse. betal: bezahlt. wul: jemand. Länbreker: Bahnarzt. Landesanlagen: Landessteuern.

gewinn henbalhal, un dit op hochdütsch: „Sehen Sie, so, wohlgeborner Herr Landvogt,“ so muß de doch tohöörn!

So vel Dalers as nödig harr Thieß of wull hatt, un so vel Anstand nagrad ebenfals, dat he harr mitgan kunnt. Awer dat war sit doch ni schickt hebbn, wenn de Opröperjung, as't Rob war domals, half hochdütsch ropen harr: Herr Landvogt schießt los, Herr Rissen macht fertig, Thieß Thießen achterna! Doch am Ende, mit oder nich, dat weer tolek nich vel an verlarn; wenn se der man nich kam weer, un he harr achter de Regen stan un tosehn muß! Awer dar seeg he er, abends in en witt Kleed to Danz, un de witten Schullern quolln herut, in de swarten Haar schin en rode Ros', un de Ogen weern noch swarter un de Lippen noch roder. Dar muß he inne Feern stan un tosehn, denn he weer Reinhold Rissen sin Schriwer. Dat weer't! So füll sit de Rahm ut, un dat stunn darin tosam as hell Licht un düstre Nacht, en Goldbrahm um en Carl!

He maß de Ogen trurig to un söch de Gedanken los to warnn. Do keem se herin inne Flügelbærn, lisen, in en witt Summerkleed keem se, en Ros' inne Haar. Se keem sachen heran, se seeg so gütig op em. Ja, se weer gut! He wuß dat wol! Se frag em, op he en Erquickung wünsch, de se em bringn kunnt, ob he en Verlangn na wat harr, irgend wat to drinken, irgend wat em Freud maß! Se harr em geern wat vœrlest, wenn he't wünsch. Awer he wünsch nix! Un he wuß of wol warnn, he wußt't! He harr of de langn Lucken vun Landschriwers Dochter dær de Schiben sehn, de sit lankwilig inn Garn vertrocken. Dat weer tolek doch er Gesellschaft, he hör der nich to. Ach, he weer verlaten un elennig!

* * *

Doch na eenige Dag stunn he wedder op de Been. Un so lang man stan kann un junk is, süht de Welt jümmer glit wedder anners ut. Mit verbunn Hann gung he inn Garn. He sproß wedder mit Reinhilde as in sunst gesunne Tiden, un wenn se nich mit Landschriwers Dochter weer, so harrn se of genug mit enanner to spreken. Denn dat söhl un seeg man bald, dat he wat lehrt un dacht harr, un all wat he

achter de Regen: hinter den Reihen. Carl: Sarg.

sa, dat harr Hand un Fot. Ja, dar leem jümmer mal wat mit twischen in, wat ni gewöhnli weer, un wenn dat, so fullu em de Wör, as harr he reden lehrt. Denn all wat nu dägli Brot is, weer domals wat Nies, vun Schiller un Goethe leem't man stückweis' mank Lüden, in ganz Ditmarschen geef't velliicht een Shakespeare; wat man les', weern an vele Stellen jümmer wedder de ol Krönk vun Biethen oder Volten, wobun de Plätz un Stellen um Een rum legen un oft vun't Volk am besten to wisen un to beteken, un so kunn of en Schriwer wul mal en Entdeckung maken, wa gelehrtere Lüd nig vun wüssen.

Menni Rapselbagt oder Pennmeister stree sit mit sin lütten Schriwerjung, den he ut't Armhuus oder en Arbeitskath halt un rantrocken harr, awer Schillers Räuber, Vossens Luise, awer en Obe vun Klopstock an die Freundschaft oder awer Adelung un Gottsched sin dütsche Sprachlehrböcker. Weer doch of al ut menni Schriwer en Postmeister oder Innehmer warn. Dennoch slegen de arm Schelms meistens ünner de Trepp oder op en Affsit un eten un brunken mit Rutscher, Knechts un Deenstmädens. So hett't noch Friedrich Hebbel gan. Dar weer de Lun, de Rikmanns Garn vun Lüttmanns trennt! So weer de Gewohnheit.

Thieß harr dat sogar beter als vele vun fins Liten. Sin lütt Stuv in Nissens Hus ann Markt weer fründli un warm. He eet Sündags dann un wann mit de Herrschaft ann Disch. He weer deshalb of ni blöd warn, un de Umgang mit de Dochder vunn Hus' harr noch jümmer en lütten Anstrich vun Spelkameradschaft.

Sobald he nu wedder op de Been weer un de Docter dat togev, gung he ant Geschäft as gewöhnlich. Schriben kunn he nich, awer dar weer genug Opflicht to föhrn un Anweisung to geben. Dat Geripp vun de Mael stieg al wedder inne Höch, nu seterer as dat eerste Mal an drie Böm, as he al vunn Garn ut sehn harr. Dar harr natürlich de Pennmeister vör to don un to sorgen. Dat gev awer of hier noch vör Thieß wat af, wo he mit denken un hölpen muß. Dar

manck Lüden: unter die Leute. Krönk vun Biethen un Volten: die beiden gelesenen Chroniken der alten Ditmarscher. wisen: zeigen. beteken: bezeichnen. Pennmeister: Rentmeister. stree: stritt. Kath: Häuschen ohne Grundbesitz. rantrocken: herangezogen. Affsit: Holzverschlagen unter dem Dach. togev: erlaubte.

schulln twee grote Maelnsteen, nich Rhinsche, as de Mähl-
möllers se brukt, sundern echte Grausteen ut Frankrit, vun
en unnof' Gewicht bet to vele dusend Pund, de to Schep na
Brunsbüttel kamm un dar landt weern, na de Heid un de
Schibenwall rop brocht warrn. Son Steen deent as Löpers.
Se lopt inne Mael an en Gerüst rund um inne Kant, op en
annern as platte Ünnerlag', un quetscht de hitte Rapsaat
entwei, ehr de ünner de Stampers un Vær- un Raslag kumt.
Dat geb en grēfi Halso un Dprohr, de Dinger her to trigen.
Wagen un Gerüsten weern ni stark nog, de Weg' to los'.
Man stell se inne Kant mit en Valken dær, sülbn as Ræd,
un en ganze Snor Pær vun en twintig un mehr Stüd trocken
de groten Schiben langsam dær de Marsch bet na Hogenheid
herop. Denn müssen se quer dær æwer de Koppeln, Walln
mussen dalsmeten warrn, Korn meiht, wat inne Weg stunn.
Un so föhr denn op enmal en nien unbekannten Weg vun
den Schibenwall na de Möldorper Landstrat herut. De muß
Allemann passeern un mal besehn, un allmähli heran trod
dat Wunner mit twintig Pær un keen Wagen. Thieß Thieffen
gung darbi anne Sit. Dat harr Dag' durt. Se harr alle
Arten Lehm ünnerwegens mit sin Steweln dærpett un de
Müz seet em oft wunnerli scheef, denn he harr noch beide Hann
bebündelt as en paar Waschhölter in Linttüch. Natürli keem
de halwe Heid' se inne Möt. Dar weern of Dams un Herrn
darbi, un richtig keem of Reinhilde in Snaden un Sachen
darher. Landschriwers Dochder fulln de Juden länger vær
dal as gewöhnli, se seeg gar ni, wo se hintre, sundern jümmer
daræwer værbi na de nien Secretair sin Snurrbart, de gr
ann Arm harr un mit Reinhilde un er spaß, dat dat man
een Gelächter geb. Se warn kum mal de Steen wiß, de
langsam heran wülpten, noch weniger Thieß, de mit sin Hann
de Müz nich afnehm kunn, un de Secretair nüd deshalb of
man sparsam an sin Hot. Gröt Reinhilde em ober de se dat
nich? Toles weer of dat em nu eenerlei! Un as de drie
wider gungn, um in den Möldorper Weg torügg to lehrn,

Rhinsche Steen: rheinische Mühlsteine aus Lava von Laach und
Bacharach. Grausteen: Granit. unnof': fabelhaft. Löpers: Läufer.
hitt: heiß. Stampers: Stampfer. grēfi: grauſig, fürchtbar. Dprohr:
Ausruhr. inne Kant: auf den Rand. Ræd: Räder. Snor Pær: an
einer Schnur, an einem Stricke aneinander gereichte Pferde. Koppeln:
Äder und Weiden. Walln: Wälle. dærpett: durchgetreten. bebündelt:
verbunden. inne Möt: entgegen (to meet). wülpten: wälzten.

do leet he se ingrimmi gan un harr geern mit an den swaren Steen as en Pferd trocken, harrn em de Hann nich so weh dan.

* * *

In de Noßmæl ant Markt ünnert Daß vun de grote Schün versammeln siß geern abends vun Reinhold Nissen sin Lüð, vun er Frünn un de derto hörn. Dat weer dar jümmer nett hell vun Lampen, so wit as man't hell hebbn mutt bi en Pip Toback, denn dat Öl derto war dar slagen. Dat weer dar jümmer warm vun dat FÜR ünner de Warmpanns, inn Harst un Winter also besunners nett un hægli. Man seet der oft lat bet deep inne Nacht, denn dar war Dag un Nacht arbeit, stüddi los. Nissen sin ölsten Lüð un de em am längsten deent, harrn dar er regelmåßig Dagwerk un Daglohn. Se harrn't nich sur un doch en seker Berdeenst. Dat weer en Art vun Olndeel int Geschäft. Wil't Dag un Nacht gung, wesseln se af un harrn dat inricht na Stunn, etwa as de Maan, jümmer een later, dat't am Ende wedder mit de Sün un den Dag tosam un int Lile keem. So seeg man mitünner een vun disse Lüð en tidlang so wenig as en Nachtul, bet he denn wedder ant Dagelicht keem as anner Lüð un Bageln. Dat gung hier ni so hilt her un of ni so lut, as mennimal inne grote Windmæl, wo bi en harren Wind kum en Junckerl in sin besten Jahrn siß gau genug wenn kunn, keen Tid harr, den Sweet aftowischen, de em inn Strom æwert Hemd leep, keen Tid, en Drunk to nehm twischen't Umsetten. Denn rassel dat ol grot Gebüð, dat dat as Storm ævern Ort schall, dat Kranke un Swade siß ünner de Bettel verstenen, un wer Bull verwandts op See harr, um Genad un Hölp vun haben be. Inne Noßmæl gung de Bær- un Naslagg, as de Per, jümmer in'n Takt, un nich to snell, dat man nich jümmer twischen den Schlag sin Wort maken oder hörn kunn. Dat weer recht en Plaß um to kæn, un wer der lang genug kam weer, kreeg en ganz egen Art de Welt antosehn, etwa as Nachtwächters dat hebbt, de jeden

derto: dazu. Warmpanns: Wärmpannen, auf denen die Rapps- und Leinsaat erhitzt wird, ehe sie unter die Schläger zur Presse kommt. Harst: Herbst. hægli: erfreulich. stüddi: ständig. Olndeel: Altenteil. Maan: Mond. int Lile: ins Gleichgewicht. hilt: geschäftig. siß gau genug wenn: sich schnell genug wenden. Sweet: Schweiß. Bull verwandts: irgend einen Verwandten. kæn: 'schwägen.

Abend in er lütt Wachtstuv dat Geschied vun den Ort dærsprekt.

Wenn man de sware Dær apen maʼ, so keem Een en Geruch vun frisch Öl entgegen, mit allerlei anner Geruch dermant, un man muß dat Hart eerst an eenige sware Slåg gewöhn', de de Stampers maken, as de grot Parpentiʼ dat maʼt oppen Thorn in de Rarkenuhr. Öl muß man ni bang warrn vær den Löper, den Lopsteen, de op sin platte Ünnerlag' lit op Een to kumt, denn he dreiht siʼ sin gewöhnlichen Weg rundum. Op sin Gerüst, wo he in hangt, op de veer Ecken hett Jan Baas veer Mælen int Kleene anbrocht, de vær den Logg siʼ langsam umbreihet. He süßn steit bi den Wærslag rechts, en annern bi den Naslag links, un twischen in bruddelt de Warmpann, wo en stahlern Stang de Rappsaat in umröhr't. Dar kann man siʼ rum lagern, un de Hann warm', wenn't kolt buten is, awer smerri ward man, all wat Holt heet is blank un kann drippen vun Öl, un de Arbeiders sünd gelgrön bestaben vun Rappsaat- un Linsaatmehl.

Dar sitt Rutscher Jan Willem geern, wenn he wedder torügg kam is vun irgend en grote Fahrt; wat em as Öl anne Hand kumt, dat wischt he ahn Schaden an sin blanken Rutscherhot oder an sin Stulpensteweln as. He sitt geern lat, Slap deit em nig besunners ut. Wenn't na Merrnnacht un de Aflösen kumt, ward mitünner de Warmpann besunners utwischt, vun't frische Öl kumt mit Brotrinn hinin. Wenn't darmit rein lakt is as Bomöl un smölten Botter, so kann man Kantüffeln un Klümp darin braden. Wa schön rät mennimal de Rosmæl na Merrnnacht! Un denn seet, wat bleben weer, um de hitte Bratpann, un Jeder fisch siʼ mit sin Taschenmeß, wat he krigen kunn. Dat much Jan Willem! Dar leet he den Slap vær gan. En Drunk kunn man darto nehmn.

Thieß sin Vader harr dar in lehten Jahrn sin Sted hatt, un Klein Anna blev noch mitünner mal mit sitten un gung eerst inne Nacht mit Rutscher Willem to Hus. De Erinne- rung keem er. Wer is nich mal jünger wen?

swar: schwer. Parpentiʼ: Perpendikel. Logg: Zug. bruddelt: brodelst. smerri: schmierig. drippen: tropfen. gel: gelb. bestaben: bestäubt. Merrnnacht: Witternacht. Bomöl: Baumöl. smölten: geschmolzen. Klümp: Klöße, Knödel. Pann: Pfanne. Maß: Messer. leet gan: ließ schleichen.

Bunabend seten dar of Wülfe: Geert, Jan Baas un de Bekannten. De Stampers gungn ern gewöhnlichen Gang.

„Wedder kam?“ frag Geert twischen twee Släg.

„Jawul,“ seggt Rutscher Willem, un söch sit sin gewöhnlichen Plaz ut.

„Bun Riel?“ seggt Jan Baas.

„Jawul,“ seggt Rutscher Willem.

„Weer der wat los?“ gung wedder de Frag inne Paus’.

„As jümmer,“ seggt Rutscher Willem.

„Awer as he sit nu recht fast sett harr, sä he op eenmal twischen twee Släg, indem he de Dgen in dat Gebäud rum gan leet: „Dit Dings ward umbu’t!“

„Wat værn Dings?“ frag jeder Arbeider.

„Dit Dings hier,“ seggt Rutscher Willem, un wiß mit de Hand herum, „de Roskmæl.“

„Büßt je wul ni klof,“ seggt een vun de Arbeiders, de nu al sit Jahren dat nich anwers kennt harr, un sit so weni denken kunu, dat dat anners war, as dat de Sünn un Maan en anner Weg neemn.

„Klof nog!“ seggt Rutscher Willem. „Wat krigt Ji to sehn?“ Nix as de ol Stampmæl un de Brun un de Schimmel, de se trecht, un de Schimmel is sogar blind. Schulln mal na Riel kam! Dar is wat los! De Ol trecht am Ende noch ganz ræwer un ritt dat hier all dal. Oder he bu’t dat um. Dat geit nu mit Damp! He hett in Riel en Mæl mit Damp inrichten laten. Dat’s en anner Dings! Jf heff’t jülbn mit min Dgen sehn. Awer beschriben kann ik’t nich.“

Dat sett denn Alle in Verwunnern, awer Alle löben doch fast dat Unmæglische vun den „Herrn“, un blot de Olste, Jan Baas, den he ut Holland mitbrocht harr, sä: „Wenn’t man all gut geit!“

Darvun wulln nu de Annern gar nix hörn, un Rutscher Willem kunu ruhig wider vertelln.

„Wi hebbt of en jungn Herrn mitbrocht,“ seggt he, „de den ganzen Weg bi de Ol inne Rutsch seten un råsonneert hett. En scharmanten Pærl! He is, hör ik man, as Secretair bi den Landbagt. Jf meen eerst, dat weer wul en Brüdigam

Bunabend: heut abend. Wülfe: einige. weer wat los? gab’s zu thun? Büßt ni klof: bißt von Sinnen. nog: genug. krigt Ji: bekommt ihr. Ji schulln: ihr solltet. ræwer: hinüber. ritt: reißt. löben: glaubten.

vær Ramsell Reinhilde, un de Weerth in dat Hotel så mi of so wat."

Dat weer natürlig wat vær klein Anna, de in Gedanken al grote Hochtide un schöne Geschenken seeg, wovun ærn Thieff un er of wat affull, un mit so'n schöne Gedanken brot se dunabend op to Hus, un harr nix anners to denken, as dat se dat ærn Thieff as schöne Naricht, sobald se em seeg, verklünden wull, damit de arm Jung mal de twei'n Hann un dat Maleur vergeet!

Wenn se ahnt harr, wa se em eerst weß de! Se keem je of richti darmit to Gang! He så ni ne un ni ja, he war ni roth un ni bleef, awer he söhl, wa em all dat Blot as en Klumpen int Hart tosam leep, he söhl in sin Seel, dar hung sin Seligkeit oder Verdamnis an, vun Laten un Verlaten, vun Gönn un Könn weer gar de Gedanke nich. Dat handel sit. blot darum, ob he noch leben kunn, wenn't wahr weer, un dat bedach he sit, as he meen, ganz soldblödig. Ob dar wat an den Snack weer oder nich, ob't en Klæneri weer, de man in de Kofsmal utdacht harr, wo menni Dings torecht makt war un Weses würklich, wat annertwärts kum mal möglichen, oder ob't vun de richtige Stell un ut de richtige Quell keem: dar dach he nich wieder æwer na. Gar am Ende to töben un to lurn un sit süßn to æwertügen, darto weer in sin Gemöth weder Ruh noch Besinnung genug. In en Ogenblick weer he mit sit un sin Schicksal int Klare. Denn tolesch weer't eenerlei, ob't wahr weer oder nich. Vær em been of en Gerücht as en Licht, dat em mal recht in de Düsternis wiß, wo he sunst jümmer blind an værbi lopen weer; dat wiß em de Ufgrund, wo he eenmal herin stürten muß, keem't nu oder later, keem't mit dissen oder en annern, mit en Secretair oder en Bagt, mit en Doctor oder en Advat. Vær em weer de Appel nich, vær em heet dat tosehn oder wegsehn, vær em weer't, as wull he mit de Arms na den Heider Klostenthorn roplangen un de gollne Kugel hindalhaln, vær em weer se to hoch, un dat weer op jeden Fall dat Enn vun de Geschichte. Weirigens sehn harr he nog, düch em: dat de Mann fast Arm in Arm mit Hilda op Strat un Wegen gung, dat red vær em ut, um to weten, warum man ant Markt bi Beamten, Pastoren un

affull: abfiel. laten: lassen. Klæneri: Geschwätz. æwertügen: überzeugen. weer int Klare: war im Reinen. been:iente. later: später. roplangen: hinaufreichen. Enn: Ende. red ut: reichte aus, hin.

Doctoren nu jüs een Gesellschaft na de anner geb, of bi sin Herschaft, un Reinhilde allerwärts darbi weer.

Dat full em awer un so swarer opt Hart, as he sit in de Krankentid int Garnhus doch in en Art Dusel rin leyt harr, twischen Drom un Waken. Muchen de Biller noch so düster laten, de he sit vun't Bett un Sopha ut vormal, am Ende un tolez weer der doch en hellen golln Rahm um, un Biller weern se man alltofsam. He leeg un dach nu doch eenmal dar wirklich oppen Sopha un seet op desülwigen Stöhl mit Reinhilde, he athen desülmwige Luft mit er, söt vun Levkojengeruch, söter vun er sübn, un de Fritsch sung of so gut vör em, as vör Annere, de dar weern. He föhl sit, as hör he mehr derto as sunst; wa kunn he anners!

Reinhilde weer herlich! Dat weer dat wenigste, dat se dann un wann kam weer un harr em fragt, ob se em en Taz Supp schiden schull, ob en beten Quittensast, ob en Gluck Win? Ne, as he wedder op weer un nu mitünner buten, wa se mit em snact harr, mit em op un dal spazeert, em tohört, em fragt harr, dat weer't! Wa vertrut harrn se mit enanner snact. Se frag geern, se harr dat, as junge Mädens besunners dat hebbn künnt: se keem vun't Lüttste op't Gröttste, vun en Katt op en Löw, vun en Bump, de jant, oppe Musil, vun en doden Bagel op de ewige Seligkeit. Thieß sin Weisheit weer dar natürlich bald to Enn, awer dar keem't je of nich op an, dat keem op den Ton an, op den Sinn, op ernalt Utdruck, op ernalt Dgen. He neem dat jümmer ernsthafti, un se gungn mennimal tein Mal den Stig op un dal, bet an de Bank, de awer't Moor na de Melbörper Karl süht, ehr se mit en sware Parti fertig weern. Mädens lehrn domals noch gar nix anners, as wat de Schol mit sit broch un etwa de Moder kunn, nich einmal en beten Französch oder Geschichte, un keen Bol war der eigentlich leyt, as Bibel un Gesangbol. Reinhilde harr frili en beten Privatstunn mit Landschriwers Dochder bi'n Propsten hatt, un vun darher stamm recht ernalt Bekanntschaft; awer de ol Mann les' Klopstocks Messias mit se, un misch ehr mal en Brocken Ebräisch dartiwschen (Reinhilde lach mitünner darawer un reep: Bereschit barahim!

Dusel: Halbschlaf. laten: scheinen. desülmwigen: denselben. söt: süß. buten: draußen. snact: gesprochen. Katt: Kaze. jant: snarrte. süht: sieht. mitünner: mitunter, zuweisen. reep: rief. Bereschit barahim: mißverstanden für Bereschit bara Elohim, im Anfang schuf Gott, 1. Mos. 1, 1.

wenn er de Geschichten insulln, ahn dat se wul muß, wat't bebliden de, dat klung er gar to drulli), ehr as Französch oder Engelsch, wo he eben so wenig wat vun heel, as he der wat vun verstunn. Nu muß se sik mit dat behölpen, wat er Batter er in seltene Tiden, denn he harr to vel vœr, bibroch, un se weer op en Art sowit darin as Thieß, so dat se, na dat deepsinnige Schur, mennimal en drulli Art Unnerredung harrn mit bon jour, yes sir un annere solke wichtige Wahrheiten.

Im Ganzen weern se sunst beide ernsthaft vun Natur, un wenn se nich sik jüs besproken æwer Gedichte vun Matthisson oder Claudius, so annern se wul in Gedanken Stig un Beeten inn Garn um, un dar weern Thieß sin Ansichten nich blot geschickt un paflich, em weer of jüs dar bi to Moth, as weer he nich blot en Stück Möbel in de Familie, sundern een vun de Wenigen, de dat Recht harrn, sik darop to raun un se umtostelln na er Gefalln oder Insichten.

Ja, in so'n Dufel harr he sik rinset in de Tid, wo he twischen Leven un Dod merrn in hungn harr. Un nu he wedder recht seker stunn op sin Leven un Gelenken, nu hör un seeg he, wat em dærtroch, dat he dach, dat Beste inne Welt weer of man Lægen, keen Verlaten weer op nix, as dat Allens en Enn neem.

* * *

So wit em dat angung, wull he darmit ernsthaft den Anfang maken. As he to Hus un in sin lütt Stuv keem, kram he ut en Schuf enige Papiern un Saken tosam. He harr sik doch al enige lütt Andenten an Reinhilde sammelt un opbewahrt. Dar weern en paar lütt Zetteln, en Inladung to Disch, un en Bed um en lütt Besorgung, de een noch fast mit en kindlige Scholhand, wul ut de Tid, as se den Got verrenkt harr un jülbn nich kam oder gan kunn. En lütt Teknung vun en Blom, de se em mal schenkt harr, as he in er Telenbot keek; se Lehr dat bi en ol Mamsell,

heel: hielt. bibroch: beibrachte. Schur: Anfall. raun: ruhen, ausruhen. rinset: hineingeseht. merrn in: mitten darin. Leden: Glieder. Lægen: Lügen. Schuf: Schieblade. Bed: Bitte. Teknung: Zeichnung.

de in Ropenhagen harr Maler warrn wullt un nu hier her verslagen, na enige Børlegeblæd so vel Rinner quål, as se mægli tosam beteln kunn. Ramsell Meinung heet se, wat inne ganze Heid vun Jedereen gewalti düttlich utspraken war. Uterdem weer noch en würlige verbrögte Blom mit en roth Band darbi, as't leet de grötste vun disse Schätze. Denn Thieß le de Blom am vœrsichtigsten bi de annern Saken in en schün groeten witten Vagen, maß dar en Breesgestalt ut, siegel dat to, un schreb darop: Ungeöffnet zu verbrennen! Denn le he't wedder deep achter inne Schußlad.

Un nu weer't to Ginn! Föhl he sit ni lich, so föhl he sit doch seler, un he dach gar nich daran, dat twee Dœrn wider vellicht de een sit apen don kunn, un de Stimm, de denn langs de Del triller, war all't Bœrnehm to Water maken, dat nu fast un seler weer, as Januarsis oppen Notpohl.

To don weer je vœr em niz anners, un he muß sehn, alleen mit sit klar to warrn. En junge Natur hett jümmer Hölpsmittel in sit, sowul in't Unglück as in Krankheit. Wenn't man so wit kam is, dat man wat fast int Og fat, so is darin al jümmer wat, dat hölpt. Thieß harr sit bi sin Digg noch en Art Plan matt. Weer't keen Lebens-, so weer't eerst mal en Arbeitsplan, wo vellicht dat Leben, oder wat ton Leben hört, nasolgen muß. Se neem regelrechten Ünnericht int Engelsche bi en oln engelschen Kopmann, de int Unglück hier behangn blēben weer un sit kümmerli mit Stunden geben dærslag. De Mann weer en ol düster Gemöth, wahn in en ol düster Kabüß', weer awer en Mann, de wat lehrt un vel dacht harr. De les' allerlei düstere Schriften: Youngs Nachgedanken, un wat he Philosophie nöm, dat nöm he of de Wahrheit inne Welt, un dat paß Thieß Thießen wul, de of de Wahrheit söch.

Dar arbei he sit rin, studeer binah Nacht un Dag, funn awer doch ni de Wahrheit, ehr allerlei Zwisel un Gedanken, de nich to lösen weern. Un wenn sin Herr of mit Vergnügen seeg, dat de engelschen Brev em licht vun de Hand gungn un

Børlegeblæd: Borlageblätter. beteln: betteln. le: legte. Vagen: Vogen Papier. Bœrnehm: Vorsatz. Is: Eis. Notpohl: Pfuhl mit Wasser zum Löschen bei Feuersgefahr. Klar warrn: fertig werden. behangen: hängen. Kabüß': Häuschen, Stübchen. nöm: nannte. söch: suchte. Brev: Briefe.

em nagrad de Correspondenz anvertrut warn kunn: so vermahn he em doch, nich to vel nachts to arbeiden un as sin Bestes jümmer sin Gesundheit to schon'n. Ja, Gesundheit! wat schull he darmit?

Dar keem öfters Besöt vun Schollkameraden op Thieß sin lütt Stuv. Sin Herr seeg dat geern, sitdem he ernsthafter un stiller warn weer as sunst, bleef utseeg un nich anners rutkeem, as wenn dat Geschäft em rutdrev. Junge Lüd markt dat licht, ob se in en Hus willkommen sünd, wenn de Herr se of blot mal tonücht bi't kam oder gan. Man brukt sit nich jüs luter Næswaters to denken, de an so'n Ort tosam lopt. Verstand un Vernunft is allenthalben to Hus. Dar hört keen grote Lehr- noch Bökeranstalten darto, dat oprecht to erholn. Dar keem en Farwers Sæn bi em, de Holtsniden lehrt harr, um sin Forms to'n Rattundruck sülst to maken. Dar keem en Dischers Sæn, de na Hamborg west weer, blot um en nie Art vun Fourneararbeit kenn to lehren, beide wussen en beten vun Chemie, wo se mit Vergnügen vun snacken, un berühmte Rams warn of hier mit Ehrfurcht utspraken, wenn of ni jümmer richti. Dar keem en jungu Musiker. He spel frili to Danz de tweete Vigelin, un muß mit herum to jede Jahrmarkt un Burnhochtid, um vör smerleddern Steweln Guppsa to kraken: awer he vertell Thieß Thieffen mit Begeisterung vun Musiik. Wat se ni hörn, dar lesen se vun in en Musiikzeitung, un weern de Jahrgäng of nich de lekten: man leb doch in en grote schöne Welt, much se buten wen oder vöræwer.

Mank de jungu Lüd bi Thieß Thieffen keem dar sit enige Tid een, de gegen de annern en beten verschüchtert leet. He weer Gefell bi en Wittgartwer, heel sit awer en beten beter as sunst Handwerksgefelln, gung ni to Danz un Gelagg un söch sit of en beter Gesellschaft. So harr he sit mit een vunn de Börgerkskinner bi Thieß insunn oder so to seggn inföhrn laten. He keem ni anners as smuck nett in Sünndags-tüg, wat em frili jümmer wat sünndägli unbequem seet. He weer vunn Dann, recht vunn Dörpen, un dat war em fur, un he bemöh sit angelegentlich, finere Stadtmaneern to sehn un antonehm. Lehrt harr he wul heel wenig, apenbar weer en

rutdrev: hinaustrieb. tonücht: zuniicht. Næswaters: altkluge Schwäher. sülst: selbst. Discher: Tischler. smerleddern: schmierlederne. Manck: zwischen, unter. vunn Dörpen: vom Dorf. heel: sehr.

Mundvull nothdresti Lesen all, wat he kunn. Awer he söch bi Thieß, wenn se alleen weern, vun't Reken inne veer Speetschen wenigstens natohaln. Dat drück em awer of op alle Ranten as sin Rock un Westen, he weer swigsam un as mit Angst opmarksam op jede Bewegung vun de Annern. Wenn se æwer en Gegenstand, de dat mit sik broch, int Hochbütsch spreken keemn, so sweeg he ganz still. Doch harr sin Stimm so wat Indringligs as sin Ogen, un darbi weer he en smucken jungn Minschen. Wenn he mit Thieß alleen weer, wenn he int Spreken keem, wenn he vertell, so gung dat, as weer Für darünner bött, dat keem em deep uten Harten un he drung dat Thieß op un in. Thieß harr egentli niims, de he sin Geheemnis anvertru. He harr wol Frünn genug un se heeln alle vel op em, he weer, ahn dat he daran dach, de Mittelpunkt vun en ganzen lütten Kreis. Awer gewisse Dingen lett man sik blot asdwingen; so gung em dat mit sin Lev. Un jüs de linksche junge Minsch vunn Lann harr em dat binah asdwingen. De gung jümmer op Een in, as bahr he Een an, de fram jümmer int Depe in Hart un Gefühl herum, harr jümmer wat to openbarn, un Offenbarung antotappen.

He seet herum, as deß he de Böcker to, wo de Jung vunn Dörpen gar to nakelt darschin, un he harr en Geschicklichkeit, de Böcker inn Annerlud er Hart oder Kopp op- tosin un optodecken. Thieß harr nog to don, dat he nich Nam un Datum darbi angev, æwrigens harr de Anner al lang Allens herut, wat em quäl.

Un darbi harr he Hölpsmittel dargegen un Trost dar- voer. Wenn de Noth am grötsten, weer de Hölp am neegsten. Man muß se frili annehm wüßn, man muß se nich vun sik holn, man muß sik ni verblendn. Dat Wort war egentli nie utspraken: as weer't en Medizin mit en geheemnisvullen Nam. Awer Thieß mark recht gut, warum dat sik handel. Se keemn regelmäsig tosam, vertell de Wittgarwer, as hier of bi Thieß, junge Lüd un ole, un sproken sik ut, en Jeder sin Erfahrung.

Nu harr Thieß sik so fast lest in sin Nachtgedanken un

nothdresti: notdürftig. Reken inne veer Speetschen: die vier Speziess, Grundrechnungsarten. natoholn: nachzuholen. bött: geheizt. niims: niemand. heeln vel op em: gaben viel auf ihn. bahr an: bohrie an. zappen: zapfen. nakelt: nackt. Nachtgedanken von Young S. 302.

annere düstere Böter, un sit so fast snacht mit sin Mister Cole æwer Wahrheit un Philosophie, he weer so verlaten un toslagen un innerlich toschann, dat he binah vun Jedereen sit harr anne Hand nehm'n laten, de em Rath oder Trost versprok. Bun de Lüd kenn he, kennt man doch egentlich Jedermann in son Ort. Wittgarwer Wulf un sin ol Süster weern en paar vun de Hauptlüd. He weer en Lamm, so sa man, un wenn de boschaste Slachter Klas Iwen of tosett, dat de Süster en Schap weer, so wuß Thieß recht gut, dat so'n Lüd, de Stillen, as se geern heet, vør Spott ni to sorgen hebbt. Wulf weer würkli as en Lamm, en Gesicht mehr gutmödi leet sit ni denken, dat lach vun Tosfredenheit. Thieß harr em öfter sehn, wenn he Fridags fröh na't Mölborper Wefenmarkt uttrock. Wenn he na Hogenheid heropkeem, wo man æwer Moor un Marsch weg süht as vun en Barg, un de Sün'n opgung, so sung de ol dicke Mann mit den Hot inne Hand as en Lurk dargegen an, within schall sin Psalm: Erheb ihn, meine Seele!

Warum schull he nich einmal hingan? Se keemn gewöhnli oppe Gastwurth tosam, wo se in en warme Warfstied en paßligen Platz harrn. Dat weer dar ganz nett un gung würdig nog her, blot full dat Thieß glit op, wa stramm se all seten, wa dat Hannsoln un Koppnücken, wa fast jede Min' un Geber nich rein vun Natur so, sundern mit Absicht meer, blot Harm Wulf seeg eenfach un harmlos ut. Ot de Wör un Nedensarten wedderheln sit, as dat Hannsoln un Koppnücken, warn utspraken, as harrn se ævernatürlige Bedübung, as weer dat Wort al Medizin un nich dat Recept darto. Thieß weer as in en fremde Welt, un em war eerst ganz wunnerlich. Wittgarwer Löhnert seet dermant as de Hauptperson mit sin gewaltsam Gesicht un gewaltige Ned. He le Gewicht un Bivagg op jede vun de Wör, de hier de Luft swar maken. He stütt sit op sin Stoc mit den gollen Knop, un keem bald op de Hoffahrt to spreken, „as welke Christendemoth ni opkamm leet.“ Dat schin sin Hauptkapitel, dat stot as en Strom æwer en bekannten Grund, dat keem de Mael of jümmer neeger, wo dat dat Rad driben schull, dat gung

toslagen: zerschlagen. toschann: vernichtet. tosett: hinzusetzte.
Süster: Schwester. tofreden: zufrieden. Lurk: Leiche. Hannsoln:
Händesalten. dermant: dazwischen. Bivagg: Beigewicht an Knochen
seitens der Schlachter.

in Winten mit den Tumpahl un in de Ellerbeler Blom æwer op „Epitelanten“ un „Sabbathshänder“, un harr tolesh blot tofigelt warra schüllt mit de Opschrift: An Dissen un Jen', in firma Reinhold Nissen. Thieß war unheemli darbi, egentli verstunn he't gar nich, denn dat Schelln, so gewalti dat klung, weer em doch vun de Art, as wenn man dat vør sin egen Gesundheit bedrifft: um de Gall en beten dør to schütteln, un as he wul junge Studenten harr mit den Handstod inne Luft fechten sehn: se zielt jümmer op Een, de nich dar is, un he wunner sit, dat man em mit Andacht tohör. Dar seten en paar Schollehrersböcker vun neegbi ut Rittershof dartwischen mit so'n rode gesunne Waden un so'n dærfsichtige kloke Ogen: dar weer't gewis keen Heucheli un Verstellung, de müssen hier je doch wat söken un finnn. Wer kunn't weten? Dar seet de Dochter vun'n Hus' dartwischen, wullhebbn Meisters Kind, de de Wartsted hör, en bleek blaß Wäden mit brune Ogen as en Reh. Wenn't vør de wat weer, düch em, so much't vør em je noch wat warra, nödig harr he't. Dat much sit torecht finnn. As he Algebra bi den oln Rekenmeister Simon Bader lehrt harr, weern em ol eerst de Vokstaben blot Tekens wen, eerst allmählig harrn se em wat bedüdt. Dat much hier ol so lam. He meen't je ernst un ehrli. Denn much em so to seggn de Geruch ol en anner warra, de em noch jümmer weer, as in Friedrichstadt inne katholsche Karl.

Dar war in de Versammlung vel vun Erweckung un Erleuchtung spraken. Dat gev noch mehr solke Wör, de behandelt warn as en Teken. Fast Jeder harr irgend een Kapitel, as weer't sin egen Pachtung. Sub, un so to seggn öffentlich to Alle, sprok atwer blot Wittgarwer Löhnert, un meistens blev he bi sin bekannt Thema. Dat günn man em, as de Annern dat ere. Man sä vun em, he weer sülbn en leidenschaftlige Natur, he lee vun de Leidenschaften, de he in Annern mit dat Wort mächtig straf. Wat harr wul ut so'n Minschennatur warra schüllt ahn Religion? Dar kunn man er Wirkung sehn! An ihren Früchten werdet Ihr sie

Tumpahl: Baumfahl. Ellerbeler Blom: verblühte Medensart, die aber eine Grobheit sagt. neegbi: nahebei. Rittershof: Dorf bei Heide. Wartsted: Werkstätte. Karl: Kirche. Tekens: Zeichen. ern: ihrige. lee: litt. bg: betete.

erkennen. De Mann stunn nachts op un bē gegen Stolz un Hochmoth. Thieß wuß süßn derbun, denn vun so wat vertell sit de ganze Heid. Löhnert harr en small lank Hoffstell na de Westerweid rut. Dar gung he oft Wintermorgens in Düstern op un af, lud to beden. De Fohrmann Krüschan Nehm, de jeden Sünnaabend fröh morgens mit den Mendzborger Frachtwagen afgang un jümmer ünnerwegens Schelmstücken vertell, um sin Passascheers warm to holn, bet se in Vinnern dat eerste hitte Eierbeer kregen, harr em dar mal drapen, vertell he, as he jüs ünner anne Port stan un lud ropen harr: „Herr, soll ich umkehren?“ „Do't man!“ harr Krüschan Nehm seggt, „ga to Hus un to Bett, dat's kost. Awer vergitt morgen din Handstod mit den Knop nich, wenn du umme Heid spaazerst!“

So muchen Annere æwer Erweckung un Erleuchtung spreken, velliht de't of nödig harrn. Sogar vun de öllern Fruns snaden daræwer mit, frili man int Gespräch. Thieß full dat op, wa de Erweckung un Erleuchtung jümmer as wat beschreiben war, wat den Minschen so to seggn æwerfull. He kunn dar nig vær, dat keem em, dat weer de Gnab! Awer he kunn dar doch wat vær, denn wenn se nich keem, so weer't sin Schuld. Dat weer de Sün, de egentlige Sün, de wider den heiligen Geist. Don kunn he dar nig bi, he muß still holn. Awer don muß he doch sin Deel. So weer't. Dat weer jüs en Wunner unbegriplich, of vær de Vinnern. Dat weer gerade dat Herlige darin. Dat keem op einmal un unbedacht, gung awer ni af ahn vel Gefühl. Gerade dat war geern un umständli beschreiben, dat schin en egen Freud un en egen Geschicklichkeit, alle Umstänn darbi genau to beholdn un vær de Zohörer uttomalen. Se wusten Tid un Stunn op't genauste, dat keem bi Dag oder bi Nacht.

Gen oldbelli Mäden weer besunners stark darin. Se alleen of stunn op in de Versammlung un sprok to Alle. Se beschrieb dat mehr int Fürchterlige, se beschrieb de Erweckung, as wenn en Tiger weckt ward un em ward sin Blot aflaten, awer Lammzblot wedder intappt un nu is he verwandelt. Darbi seeg un re se utdrückli Thieß an, as wull se Telen sehn, ob bi em de Aenderung intrę. Thieß kenn dat Mäden

Vinnern: Dorf Vinden. æwerfull: überfiel. he kunn dar nig vær: er hatte daran keine Schuld. oldbelli: altlich. intappt: eingezapft. intrę: einträte.

vun't Ansehn. Se lahm en beten op een Fot, wat ern Gang wat Fierliges gev. Dat Gesicht weer hübsch, wenn of streng. Se goll vœr ungeheuer rit; jedenfalls harr se en Gewes' vun ẽr Batter arst, wo se nu eenjam as ol Jümfer hud un dat verwalkt. Dar seeg man ẽr op den Schohmaкерort belmals achter ẽr Stratendœr stan un mant de mischen Dweerstück ut de Ruten oppe Strat liken. Man sä, se paß dar op gegen de Arm', darmit de gar ni eerst rin keemn. Se goll vœr noch mehr gizi as rit. Harr se doch mal so ute Dœrfinstern tosehn, as en arm Kind inn Regen vœrbigung un en Schilling verlor. Den söch dat arm Gœr vergebens, Jümfer Timmsen seeg to. Awer statt rut to gan un dat Kind den Schilling to geben, töv se, bet't weg weer, un nadem söch se dat Geldstück mit en Knüttwir uten Rünnssteen: darmit Gotts Gav ni umkeem! So vertell man.

Thieß sin Fründ hier, de Wittgarwer vunn Lann, sprok, as't schin, gar ni mit. He harr dat aver hilt, Stöhl un Eizen torecht to stelln, wobi he dat jümmer so inricht, dat he neeg bi de Meistersdochter to sitten keem un Thieß bi Jümfer Timmsen. Uterdem verdeel he de lütten Böker, wovun jümmer nie dar weern, de man Tractätlein nöm, wobi Thieß toerst jümmer an de Apthet dach, alle in desülwige Art vun Sprak, de hier redt war as en egen Mundart. En Missionsblatt keem of regelmäsig dœr de Wittgarwer sin Hand. Ebenso sammel he in en flaten Büß de Gelbbidräg in, wobi he jedesmal mit de Büß klæter un bi't Hinholn wegseeg. He harr sik æwerhaupt in de Versammlung as de Rükter Klas Habener inne Karl.

Worigens fülln disse Dingen nich jümmer ganz de Tid ut. Denn warn of weltlige Saken beredt. Se müssen hier genauer Bescheed, as Thieß dat jemals dacht harr, æwer Vermögen, Innahm un Utgav vun en ganze Reeg vun Lüd inn Ort un int Land. Dat dur man enige Mal, so leet sik Wittgarwer Löhnert hendal un frag Thieß ut æwer Reinhold Rissen, æwer sin Gewes', sin Handel, sin Umsatz, of æwer sin egen Stellung un Innahm, un wat he sunst so antordörn

lahm: hinkte. Schohmaкерort: eine der Hauptstraßen von Seide. mant de mischen Dweerstück: zwischen den messingnen Querstäben. Ruten: Fenstercheiben. Gœr: Kind. töv: wartete. Knüttwir: Strickstücken. Rünnssteen: Gasse. harr hilt: hatte es eilig. Apthet: Apotheke. flaten Büß: geschlossene Büchse. klæter: rasselte.

verstunn, ahn dat man jüs seggn kunn: Thieß much em dar Handslag op geben, he wull dat brufen. Doch so vel vun de Genfolt vun en Dub of noch in Thieß steken much: dar weer he doch al to vel Kopmann un to „gerieben“ darto, as dat he nich utwit un achtern Barg heel. Wulf sin harmlose Süster, dat Schap, as de Slachter Iwen sä, weer in all er Unschuld Bermedersch vör junge Lüd, besunners Deenstmädens. Inne Heid weer dat domals en Geschäft, wat man mit slimme Rams nöm, un mennig Een sä wol vun er, se weer en Seelenverköpersch. Se harr of een un anner Deensten in Nissen sin grot Gewes Iwert, wo bi de Köh un in Hus un Garn en ganze Reeg Mädens brukt war. Dat gev vör er allerlei an Thieß to fragen. Un so maken sit Mehr mit em to don, Jümfer Timmsen nich am wenigsten, de sit ewrigens fründli na sin ol Moder erkundig un de sin Badder recht gut kennt harr, un darbi sin Hart wunn.

Besunners genau un streng, as en italiensche Bokhaltung, war awer dat Sündenregister ewer den Ort föhrt. Dat weer tum Berwunnern, wa genau man in fast jede Hus un Familie ewer dat Heemlichste Bescheed wuß. Thieß war fast gruli darbi, he harr keen Ahnung darvun un lehr nu eerst, wa vel in so'n Flecken verrött un anrött is, wa wenig ganz heel un gesund ünner Minschen. Jüs oft un meist in de eersten Familien inn Ort, in Hüß', wo he so to seggn mit Ehrfurcht rop un inne Finstern sehn harr, dar weer't am wenigsten geheuer. Bi Advokaten, bi Pastorn, bi de eersten Beamten, de öllsten Kopmannshüser, dar weer irgend wat verstecken, verdeckt un verborgen, wat Dags Licht schu'n muß. Wo de Öllern rechtli weern, dar harrn oft de Veröllern dat op en Art erworben, dat wol de Rinner dat harrn wegsmiten mucht, wenn se't genau bedachten. Ober de Rinner arten ut, un en heemlige Schann war mit Glanz oder inne Fremdn todeckt.

Of op Reinhold Nissen fulln allerlei Schatten, Wittgartwer Böhnert wuß vun sin Batter her, Jümfer Timmsen vun sin verstorben Fru. De Schatten harrn binah ewer se weg op Reinhilde fallen kunnt, harr Thieß sin Geföhl sit nich bargegen wehrt.

Am schlimmsten gung't ewer arme Mädens her, de en Un-

Genfolt: Einsalt. Dub: Taube. Bermedersch: Vermieterin. Iwert: geliefert. wunn: gewann. Bokhaltung: Buchhaltung. verrött: versaut. verstecken: versteckt.

glück hatt harrn. Un dit Kapitel war so utföhrli behandelt, as dat vun de Erweckung, un de Fruns weern darbi nich de Swigamsten, un wo de Wör noch nich ann Platz weern, dar redt dat Winken ut, um Allens apenbar un dütkli to maken, dat Süßzen, um de Sünn to beteken.

So gung't her. Doch kunn Thieß nich seggn, dat de Lüd dat nich ehrli un in ern Sinnu gut meen. Blot, he harr nig darvun oder paß dar ni mank. Vun Erweckung weer der in em nich de Red, obglif dat darop recht affehn weer, un man siß Mög um em geb. Denn he weer vellicht de Eenzigste, de ol Matthias Claudius hier mögli en Butenminsch nömt harr. Sin Fründ vunn Dörpen, schin dat, harr em ganz besunners in sin Schuß, as söch he dat Verdeenst, sin Seel to erobern oder to retten, vellicht mit em den ganzen Kreis vun junge Lüd ut de beste Börgeri, de bi em lepen. So schin em, un he harr of nig dargegen. Sogar de Meistersdöcker wenn' er Nehogen oft in Swärmeri op em un harr en Wort besunners vær em, wat em klung as Fründlichkeit un Mitliden.

Dat neem em doch sunnerbar hin. Oft brochen se abends de beiden nüdigen frischen Schollehrersdöcker na Rittershof rut. War dat Gespräch denn ünnerwegens of nich jüs fortsett, de Ton darvun wenigstens dur an un klung as en Melodie mank Allens vær. Se weern't alle gewohnt uttospreken, dat in Wör to bringn, wa se to Moth weer, wat se söhln un dachten. Man kram jümmer int Hart un de Bost herum un ut dat Innere herut; nich Unwahrheiten un nig Slechts, jo nicht! Awer in unsen Lann is dat so wenig de Art un de Bruck, dat dat Thieß as wat ganz Fremdes verkam muß. Hier buten, alleen mank de jungn Mädens, keem of de Wittgartwer to Wort. He wiß na de Steern un den Maan un sprok æwer den schön Himmel, nich blot den, den man süht, of æwer den, den man hæpt un de Fromme al op Eern findt. Sin indringlige Stimm klung fierlich, man kenn den Mann nich wedder, dat keem deep ute Bost, un de Wör funn siß em so egen darto, man kunn siß en Mann darbi denken, as man se ut't ole Testament kennt. He sprok vun sin verkümmerte Kindheit. Ja, de weer erst verkümmert! Dargegen weer

beteken: bezeichnen. mögli: möglicherweise. Butenminsch: einer der nicht zur Gesellschaft gehört, Nichtbürger. wenn': wandte. Nehogen: Nehaugen. hæpt: hofft.

Thieß en Glückskind west. Oppen Krumpstöder Fierth oppe Heiloh in en Hütt half ut Soden, dar harr he hungert un drömt binn de Dær oder buten. Sin Olen weern op Törfgraben west, wenn he de ganzen Dag' alleen seten un na'n Himmel sehn harr, un keen Minsch harr em wul en Frag' beantwört, wenn he harr fragen kunnt. Doch of darto harr he't nich brocht, to Wör' harr sik't nich opklärt in em bi al sin Gruweln. Un doch weer em en Stimm kam vun baben in de Dunkelheit, as Samuel se kam weer, un he harr se verstan. Dat weer de Berop. He weer nasolgt un toerst na Elmsborn kam, dar harr he de Wittgarweri lehr. Awer nu harr em de Berop na de Heid föhrt, un dar weer em eerst dat Licht opgan, dat himmlische Licht, dat de Ger to en Garn ma' un em den Engel sehn leet, de em nich ut Eden rutwiß ut't Paradies, sunnern hinin. Wen dat goll, dat weer je dülli genug, un de blasse Meistersdochter seeg swärmerisch umhöch. Denn fung he Leeder an to singn un alle sungn halflud mit. Se sungn Leeder ut't Gesangbok, de wi hier sunst blot inne Karl hört mit de Orgel darbi un in Gedanken de Predig un de Sünndag. Doch hör Thieß se geern vun de sanften Mädestimm, se maken en egen fierlichen Indruck op em un he sung allmähli sachten mit. Doch sungn se of Volkslieder, de vun Leb, vun Glück un Unglück sprekt. De Wittgarweer steek vull darvun un Thieß hör menni schön Ton as ut sin egen Seel' herut tum eersten Mal. En ganz egen Schlag Minschen un ganz egen Art Verkehr ünner junge Lüß! Wenn se so in de stille Nacht langs den eenfamen Fotstig na de Marsch to gungn, twee junge slanke Gestalten dær em, eenfach in Kleidung, awer sauber un drepli, æwereens as en Paar Tweschens, de Köpp ünner en paar lütt witte Taschendöcker, de sit dann un wann na em umsehn, um en Wort mit to spreken; de biblische Gestalt un Ton vun den jungen Mann, de sit anne Sit vun de Meistersdochter heel un mit er wul noch en heemli Wort flüster, de swärmerischen Mehogen vun de, wenn se Thieß mit en Art Mitliben betrach; darto Maan un Steern baben se, de hendalblinkern: dat röhr em mitünner al dat Blot op. Seler wussen de jungn Mädens vun sin Liden un Miden, so wit de Wittgarwer dat wuß. Dat harr de gewis in sin

Krumpstöder Fierth: Heidestrich bei Krumpsted, östl. von Melbors.
Soden: Torfstüde. binn de Dær: innerhalb des Hauses. Gruweln:
Grübeln. Berop: Beruf. drepli: treffend, einfach. Tweschens: Zwillinge.

biblische Maneer apenbart un wenn he of man Bers' ut dat Hohelied Salomonis op em antweunt harr. Daræwer weern de Mädens um so mehr mitlibi un vertrut mit Thies, un oft full en Wort as schull't en Trost sin. Thies harr eigentlich Umgang mit junge Mädens gar nich kennt. Mit Reinhilfe weer de Berkehr je ganz anners. Dit Vertrun de em gut. Dat der seggt un utspraken war, wenn of ut en anner Mund, wat em dump un swar opt Hart leeg, löf em dat op, un geb em Trost.

De Lev weer nämli en Kapitel, de in dissen Kreis vel bespraken war, ja se weer een vun de Hauptthemas. Jede Art keem hier to Wort, vun de an, de man gegen den Höchsten hebbn mutt, vun de Christen- un Kindeslev an, bet to de, de twischen Leeffte un Leefften dat Band afgift, twischen Brut un Brüdigam, Mann un Fru, in alle Gestalten, un of dat Gefährliche war utspraken oder doch andüdt. Unnerwegens reet of disse Faden nich ganz af. Man sprok vun dat Glück un dat Unglück inne Lev, vun de rechte un de unrichtige; un harr of de Wittgarwer hier dat Hauptwort, un wenn' dat tolek jümmer an de richtige Person, so snaden doch of Schol- lehrers Döchter in alle Unschuld mit daræwer. Spreken mutt de Minsch æwer dat, wat em drückt oder quält, man seggt je, wenn he keen Ohr findt, mutt he sik en Kul graben, wo he't hinin röppt, un wenn he man daræwer spreken hört, so tröst't al, wenn he of süßn swigen mutt. So sunn denn Thies mank disse guden Lüde, wat em sunst ganz feil. Denn mit sin ol Moder weer nich to spreken, un de jungen Frün, de em op sin Stuv besöchten, harrn ganz anner Geschichten vær. Weer em nich jümmer wedder unsæker darbi to Sinn warn, as weer doch wat darbi, wat sik nich hör, as weer he vellicht en Heuchler, wenn de Annern dat nich weern, as heel em ganz wat anners, as wovun eigentlich de Red weer: dat harr em wat andon kunn. He keem mitünner mit en Gefühl bi den Schollehrer an, dat he sik freu un seter föhl, dat se dar weern, so harr em de Weg umwöhlt, benebelt, he much seggn, dun makt. En Mäden keem em begehrli vær, he seeg schöne Glieder, nackten Hals un Schullern vær de Kleeder hindær. Dat weih em an as en warni söten Athen.

De Lehrer weer en ganz ol nüchtern, mager Mann

de: that. andüdt: angedeutet. Kul: Grube. röppt: ruft. dun makt: trunken gemacht. söten Athen: süßer Atem.

mit kloke Ogen. Welc to old, so schin't, vær disse hübschen jungn Döchter. So häßli he weer, un hellgrau vun Gesicht, so harrn sin Ogen wat vun Reinhilbe er. Thieß seeg em nich an, ahn dat all sin nüchtern Verstand un fromme Lev vær dat herlige Mäden wedder lebennig war, all sin Liden frili of. De Schollehrer hölp awer of mit sin Wör mit derto. He seet jümmer noch op, of wenn't lat weer, op sin Döchter to töben. He seet bi en lange Pip, wo he wenig ut rol, un studeer geistlige Schriften. He weer of en religiösen Mann, awer, as he süßn sä, Rationalist. He weer ganz dat Gegen-deel vun en Erwärmer. He seeg jümmer mit en Art Smustern, as man op Kinneri süht, na den Wittgarwer op. Doch gynn he Jeden sin Wertüung, sä he, wenn se ehrlich weer. Darum leet he sin Döchter of ganz ahn Mistrun na de Heid to de Versammlung gan. Se weern annern Sinns as he, sä he. He kunn sit op se verlaten. — Gegen den Wittgarwer harr he apenbar nich ganz dat Vertrun. De awer söhl sit hier as to Hus, un bi den bescheiden Mann as en æwerlegen Held, spar he of de Wör nich, keem awer mitünner flech darbi weg, denn de Ol harr vel mehr dacht un lehrt, as man em anseeg, un vel mehr egentlige Religion, as he süßn togev. — Thieß stell he vær, as sin Fründ. Un Thieß kunn bemarken, dat he dar allerwärts wichti mit de. He verdeck den Burjung mit sin Stadtumgang. Wahrscheinlich vertell he vun Börger's Sæns alfer Art, de bi Thieß in un ut gungn. Wellicht de't of al wat, dat Thieß bi Reinhold Nissen in Gunst un Ansehn stunn.

Of bi Meisters wuß he Thieß hintosnaden, un harr't dar natürlig eben so værbrocht. Dat weern ganz ol simple Börgerklüd. De Moder lach jümmer æwer jedes Wort. De Meister weer en ol æwerglövschen Mann, de jümmer Alls værut seh. He harr na sin Meenung dat tweite Gesicht. He harr vele Kinner hatt un verlarn, un man disse een Döchter na beholn. Dat harr he alls værut sehn, un sin Fru bekräftig dat, indem se ja sä un lach. He seeg værher dat Sark oder de Drägers oder de Per oder den Küster, un dat drop jedesmal in. „Ja,“ sä sin Fru un lach, „dat drop jedesmal in.“ Awer he apenbar dat nie Jemand værher. „Ne,“ sä de Fru, „dat de he nich.“

So weer Thieß na un na vun Wunner umgeben, un

keem ut't Berwunnern gar ni rut. Bald weer't de Globen, be't mak, bald de Hönergloben, oder, as he mal vun en ol Paster hört harr: bald dat grote Loth, dat dat Uhrward inn Gang hollt, bald dat lüttje, denn sunst war menni Menschen-seel ganz still stan. Wat anners noch heemli mit berachter steek, dat weer, wat man op Hochdütsch Triebfebern nöm.

Bi Thieß sin biblischen Fründ weer disse Fedder nich verborgen. Ob de Ol dat ditmal varutseeg oder de Moder, dat kunn man vellicht daran weten, dat bi en lütt Thee-gesellschaft, wo of Thieß un de neegsten Fründ, Schollehrers Döchter un Jümfer Timmsen inladen weern, nadem Punsch bru't war, den de Ol geern drunk. Un as de Ol wul ungefehr dat twete Gesicht seeg, do war de Moder noch mal gewaltig küßt, un denn vun de Batter dat Jawort geben.

Nadem gev dat vel Fröhlichkeit, un of de Punsch gung ni ut, wo de Wittgarwer vær sorg. Lud war man nich, awer innig. Dat gev vel Küssen un Rosen, wat of de Olen nich versmah'n. Dar war en Bandspill inricht. De junge Brut küß Thieß bi de Gelegenheit, dat he kum wuß, ob dat de Brüdigam weer, de toseeg, oder he sübn. Awer he war doch am meisten verfehrt, as he mark, dat Jümfer Timmsen er Gefühl op em hintwendt harr, un dat sin Fründ so gut, as vele vun de Annern dat geern sehn un dat andüden: dar weer noch vellicht en Paar in de Gesellschaft, wo de Harten sik in Lev still to enanner funn harrn. Dat fehr sik in em um. He war nüchtern, as harr he Scholmeister sin Kloten Ogen sehn. Oder velmehr, he seeg Reinilde er leibhaftig vær sik, as sä se em: „Un wenn du niz to hæpen hest, bewahr bi din Engel un Heiligdom, un wenn't niz, as Truer un Entfagen gev, din Himmel is't dennoch!“

To de Bernüchterung gev't vær Thieß den annern Morgen noch en argerlige Geschichte. Dar keem mitünner fremdn Besöt in de Versammlung oder to een un anner Familie, un dat broch denn jedesmal vel Bewegung mit sik. Dat weern Lüd, de so to seggn opt Geschäft reisen, oft mit en apen oder verflaten Breef vun Bröder un Swestern ute Fremdn, de

Hönergloben: Aberglauben. vun en ol Paster: Claus Harns (geb. 1778 in Fahrstedt bei Marne, war anfangs Müller, studierte von 1799—1802 Theologie, 1806—16 Prediger in Lunden, 15 km nördl. von Heide, 1816—49 in Kiel, † 1855). bru't: gebraut. ver-sehrt: erschrocken.

mehr oder weniger fierlich oder still opnahm warn, un op eben so'n Wis' wider förbert. Dar keemn Lüð, de der sammeln vœr irgend een Sat, Brœders in Noth warn stütt, dat seil enerwegens an en Schol- oder Bethus. Dat weern meistens gude un Nothsaken, warum se keem. Thieß full blot op, dat der jümmer am meisten Iwer un Mitliden weer, je wider weg dat Unglück; en Juden in Friedrichstadt to bekehrn, darvœr harr ni licht een en Drüttel œwer hatt, wul awer vœr de Swarten „ünner de Vinje“ un darœwer hinut. Towilen blev't of rein Geheemnis vœr de Inwiheten, wat en Mann vœr harr, warum he dar weer. De Lüð harrn meistens vel dœrmakt, de so keemn un gungn, inne grote Welt oder in er egen Seel. Dar keemn Missionäre, de den ganzen Erdkreis kenn, sit rumslagen harrn mit wille Minschen un wille Thiern, ünner Pitten un Küll, ünner Hunger un Kummer. Man hör mit Verwunderung an, wat Lüð don un utholu künnt in Begeisterung. Dar keemn Lüð, de alle Leidenschaften dœrmakt harrn, un dat to beschriben verstunn, wa de Minsch umsmeten ward, bet he Ruh findt. Mehrmals keemn der, de mit Bibeln un heilige Böker handeln, de vun Hütt to Hütt oppen Lann wannern, vun Hus to Palast inne groten Dr. De kenn' un vertelln, wa't innerli utseeg, wat buten Gold schin, oder wa innerlich rit, wat buten Armseligkeit. Dat weer merkwürdig. Thieß hör nich licht to, ahn ganz vull derbun to Hus to kam. Een un Anner keem em frili of wul mal verdächti vœr, de Iwer to gewaltig, de Ruh ni echt. Man kenn vun de Lüð of man annere inne Heid, de nich in de Versammlung hörn, un sprok dar ganz anners œwer se, as Harm Wulf oder Wittgartwer Löhnert. He wuß seker nog vun Een, de mit Bibeln handel un sanft demödig in jede Dœr tre, dat he of wul Londersche fine Spizen ut en achter Rostsch rut kreeg oder Pilsn un Pulver vœr een un anner Krankheit, wenn de Handel bœter paß. Sin Frünn hier vertuschen dat geern, sproken höchstens vun räudige Schap un vun Rüggsfall un so wat, of wul mal selten vun de Wulf in Schapskleider, awer darmit war dat dot swegen. Im Ganzen awer un wenn he sit mal darœwer besunn, keem dat Thieß vœr, as weer de Welt in twee Deel deelt, de Minschen in twee Arten, jede harr ganz er egen Gesicht un Ansicht,

stütt: unterstützt. Inwiheten: Eingeweihten. Pitten un Küll: Hitze und Kälte. umsmeten: umhergeworfen. Dr: Orte.

un keener kenn un verstunn siß vun de een Deel hinæwer na de anner. He sülbn kunn noch jümmer sin old Gesicht nich los warrn un seeg nu so to seggn duppelt.

Darum blev he un enige Annere of jümmer noch buten, wenn wat ganz Besunners leem. Man heel denn en Versammlung to en anner Tid oder an en annern Platz. Harm Wulf un sin Süster Greten harrn er Wohnung ganz oppen Enn vun de Lüttwesterstrat. Se wahn dar in en groten Keller in Slachter Iwen sin Nebenhüs. Klas Iwen de Ol un Klas Iwen sin Sæn weern beid en paar lusti æwer-möbige Geselln. Se scheeln all beid op een Dog, un seegen deshalb jümmer ut, as maß de Een dat de Anner na, as weern se verdweer mit Willn, as lach dat robe Gesicht spöttisch inne Welt hinin. Se lurn jümmer beid berop, wenn Greten Wulf mit en verdeckten Armkorf inne Schummern to lopen harr. Denn weer der wat los. Denn maß Batter oder Sæn siß in Keller to don, un wenn Greten en lütt Disch mit en rein witt Dischdoß deckt harr un op en annern Theegeschirr un Gläs' stunn, so frogten se er ut, bet Greten, nadem se siß lang wunn, endli de Fingern verlegen inne Rakenshört afwisch un mitdeel, all wat er Hart derbun wuß, meistens wenig nog, awer genug bær Iwen Batter un Iwen Sæn, de neegsten Sünnabend opt Markt vertellen: „Bi Greten Wulffsch weer wedder en Heiligen weßt, dat harr en Theedrinken un Ræden geben, en Punschen un noch wat,“ wat se mit en söten Mund dülli makten. Dat geb denn inne Slachterboden en Heiden-gelächter, dat dat na de christligen Wittgarverboden höhnsch heræwer schall.

Thieß weer bi so'n Gelegenheit nie tolaten oder inladen weßt, war nu awer mal vun Böhnert süßst opfördert: dar weer en ganz besuntern Mann to erwarten! — He funn dat denn so, as he un de ganze Heid dat ut Iwen sin lächerlige Beschreibung kenn. Man seet fierliger as gewöhnli herum, un en Mann stell siß achter den witten Reihbüsch un re. De Mann frili gefull em gar nich. Dar hör alle Unschuld vun Harm Wulf to, oder en guden Globen, de de Ogen to maßt, um to den Mann Totrun to faten. Dar stunn nix Gudeß in sin Gesicht mit gele Fohn, un dat weer Thieß gradto häßli,

verdweer: schiese. Schummern: Dämmerung. siß wunn: sich gewunden, geneigt. Rakenshört: Ruchenschürze. tolaten: zugelassen. Reihbüsch: Nähbüsch. gele Fohn: gelbe Falten.

dat he sin paar Spirn Haar inne Merrn oppen Ropp utscheitelt harr, dat se as Heed æwer beide Ohrn fulln. Wærgung der sunst nix, as dat man sprok, nadem he redt harr, man weer still un as't schin ångstlich. Dat keem denn rut, dat de Heilige en verfolgten weer, dat man vør sin Selerheit Sorg harr, un am Ende war Thieß angan, em en Gelegenheit op Nissen sin Schipp to geben, dat jüs vun Linn mit Rappstoken asgan schull, damit he seler na England keem. Dat weer also de Grund west, weshalb man em inladen harr, darto schull he brukt warrn! Thieß kunn der doch nich gut umhin. He schrev em also glit en Breef op an Wäfler un Roptein, den de Mann dankbar vergnögt instek, Thieß sin Segen geb — un verschwunn weer he. Dat war awer keen Sünnaabend, so vertelln al Klas Iwen un Sæn mit de Slachtermull Hus bi Hus: „Bi Greten Wulffsch weer bitmal en Heiligen west, de der echt weer, den harrn se in Tønning as en bekanten groten Spizbov opgrepen un insteken.“ So weer't, un war bekannt inn ganzen Lann.

Thieß muß jüs de Naricht krigen, as he al so ann annern Morgen vernüchtert an dat Berlöfniß vun sin biblischen Frönn, an Jümfer Timmsen un anner Wærfäll torügg dach. Em kunn nix Besunners darut entstan. Awer he muß doch mit sin Herrn daræwer spræken un den mehr vertelln, as em jüs angenehm weer. De så nich vel darto, verwarn' em awer doch: he harr't al bet darhin nich geern sehn, wa Thieß mennig Abend tobroch, awer dacht, dat muß Jeder vør sik dærmaken. He kenn de Lüd recht gut, he wuß, dat se't nich schlecht meen', awer se warn in ęrn Iwer blind, så he, maken sik un annere wunnerlich, un ungerecht gegen anner Lüd un anner Meenung, Secten gung't jümmer so, Thieß much künstlig vørsichtiger sin.

Dat harr he sik allerdings al sülbn seggt. Wat he söch, funn he doch nich, unheemli weer em't jümmer blesen. Wat man to dregen harr, muß man doch alleen dregen, wat man dærtomaken harr, mit sin Gott alleen dærmaken. Ultreeden kunn sik keen Minsch den Minschen, un de sik inbill, he harr't utföhrt, bi den lur vun achtern doch en „Zriebfeder“, as bi

paar Spirn Haar: paar einzelne Haare. inne Merrt: in der Mitte. Linn: Lønning an der Eidermündung. Rappstoken: Stücken aus Rappß. Slachtermull: Schlachtermulde. opgrepen: ausgegriffen. Berlöfniß: Verlobung. inbill: einbildete.

fin Fründ un bi Jümfer Timmsen. Bul weet awer, ob he ni doch wedder inn Dag hinin levt harr un velleicht troß Lev un Kummer mal an en Paar Rehogen oder en Paar robe Lippen oder en warm süten Athen weer behangn bleben, wenn he nich unsanfter as dörch sin Prinzipal un sin egen Gedanken, lud un utdrücklich, ut sin Drom vun Unglück un Frömmigkeit, wa he in los swimel, weer opweckt wärn.

* * *

Man vertellt sik vun Rom — wat wi æwrigens sülbn ol wul harrn lehrn kunn, denn in uns ol ditmarscher Krönt wärn wi jümmer as en Art Römer betracht, — also in Rom weern in urolen Tiden ordentlich en paar Büd anstellt, de jeder een man in dat Hus rintreden oder oppe Strat angan, mintwegen en fein Juntherrn bi den gollen Knop fastholn un em seggn kunn: Hör, vun wegen de Snörn an din Rock, wull ik man blot seggn, dar hangt sik de Eitelkeit in op, awer de Fedderbusch anne Müh, de is to grot un schint to dull, ik be di, lat em lütter maken; wenn't ol nich vør din Oln sin Gelbbütel is, de't mægli utholn kann, so is't vør Annerlud er Ogen! Oder he trock en lütt Mamsel vør dat Dos awer den witten Boffen tosam un seggt: Verköl di nich, min Dochder, du wißt jüs en gefährliche Sted! un se müssen dat hinnehm un sik dat gefallen laten.

En Anstellung vun de Art harrn wi jüs nich bi uns inne Heid un de annern lütt Fleckens in Ditmarschen, awer dat Amt weer doch jümmer freiwillig besett un war ahn Salarium richti vørstan. Bald weer dat mal en würdigen Bullmacht, de dat mit Anstand verwalten be, de mit Inbrud stan blev, as wenn en Tunn bestan blifft, un Mabrud gev sin spansch Rohr, wenn he dar wat mit reden kunn. Jedereen schu em, un de Jungs maken sik bi't Fleutensniden un bi't Appelnstehl hang mit den Kop: de Bullmacht kumt! — Bald weer dat en magern oln wittharigen Amtsmeister, de sin Geschäft anne Rinner astreden harr, un innen Ort nu dat Lopen be um Kunnt tosam oder Fründschop oprecht to holn, den man denn morgens un abends, un wo man gung un stunn, ünner de Ogen leep, un he harr jümmer wat to be-

Bul: wer. swimel: taumelte. Krönt: Chronik. Snörn: Schnüren. to dull: zu arg. vør: vorne. verköl: erfüllte. Salarium: Gehalt. schu em: schaute ihn. Fleuten: Flöten.

marken, as en echte Husmamsell æwer Sæn, Dochder, Herr un Madam, un weer't man en Faden astopußen.

Licht weer dat Amt jüs nich, un angenehm nich jümmer. Denn wenn de Fohrmann Hans Surbeer mit sin magern Per langs den Büttjenheid int Sand knoje, un de Been un de Arms un de Pittsch röhr as en Seildanzer, denn sta mal Gener still un segg em: de Hawersack her, Hans Surbeer, un de Pittschenstael weg! — Mægli man kriggt en Drach Schell, de arger is as en Drach Släg'. Denn so'n Fohrmann is groß. Oder wenn de Landvagt langs den Fottstig na de Schanz ritt, wo he süßn ant Brett hett anslagen laten: Das Reiten und Fahren auf diesem Fußsteige ist bei fünf Thaler Brüche verboten: wer mag jüs op em togan un sit mit de Müß inne Hand hößlig de fíf Daler vær de Armbüß utbeden? Wer weet, wat dar nasolgt, wenn he ok mit Sacken inne Tasch grippt? Denn so'n Landvagt is mächtig.

Daher reet man sit eben nich um dat Amt, un wenn Een dat man ævernahm harr, so dräng keen anner sit hinto. Ja, inne letzte Tid, da de Wahrheit jümmer unbrukbarer ward un de Höflichkeit jümmer billiger, do hör dar all Een to, de en lütt beten en Schruv los harr oder irgendwo en lütten Worm, denn dat Amt war binah gefährli, un de't richti utfülln wull, de muß en beten wat den Baijaz maken künn, dat he wegtospringn verstunn, wenn't em mal to neeg keem, un dat Amt war mehr, wat man en Fleckensnarren nöm kunn as en Fleckensopseher oder Schaumann. Dar sunn sit doch noch jümmer Een wedder vær dat lerrige Amt, un de Stohl blev selten lang unbesett.

To Thieß sin Tiden weer dat en Mann, de Jedereen Onkel nöm un he nöm Jedereen Du. He heet bi'n Bærnarn Gustabus, sin Familjennam schin ganz vergeten, ob he glit ut een stamm, de nich ahn Ansehn west weer. Doch much he de Letzte sin, un drew sit nu rum bi Sidenverwandten, bald vun een Nam, bald vun en annern. Man så gewöhnli Onkel Justus, awer je na Gelegenheit alle Berännerungn, de man twischen Gustabus, Stabus un Onkel Just opfinn kunn. He weer en Art Quartaldrinker, oder as he så: He harr den Quatemberdürst. Dat Quartal keem öfter, de Quatember full

astopußen: abzublasen. knoje: knetete, watete. en Drach Schell: eine Tracht Schelte. fíf: fünf. Armbüß: Armenbüchse. en Schruv los harr: etwas verschoben war.

jümmer op en Mandag. De ganze Wet æwer weer he en ganz annern Minschen: still, as weer he stumm, ordentlich, arbeitſam, maſ ſit nütſli bi de Einigen. Sünndags gung he to Karſ. Awer wenn ſin blaue Mandag keem, ſo harr he den Hot ſchreeg, den Rod wit apen, dat man ſin brede Poſt un witte Weſt ſeeg, un denn gung he, as wull he op Jedereen los, un föhr ſin Amt ahn Raſicht. Wat harr man en Angst vær em, wo he op en Huſ loſſtür! Dar weer gewiſ en grot Kaffeſlampamp den Sünndag weſt, wo de Manu nig vun wuß, un nu keem't all to Dag'. Ober de Dochder harr güſternabend mit de Innehmer ſin Schriwer ſpažeern gan, ober wat dar of los wen much: los weer dar wat, ſefer, un de Strafreß folg, ober de Stichelreß, de noch arger weer.

Of to Thieß keem Onkel Juſtus. „Wat, ſeggt he, if meen, du wullſt mal wat warn! Un huckſt di nu manſ de Bälammer oppe Gaſtwurth? Meenſt, du ſittſt inne Wull un kannſt di de Keems ſniden ut nie Ledder vun de Wittgarwerß? Scham di wat, Thieß Thieffen! Dat's keen Religion, wat di dar hollt, dat is ganz wat anners. Erſt is't ſöt, denn ward man dun, ut Roſin' ward Brannwin diſtelleert, un toleß ward't Etig. Dat's nig vær di! Wullt du Religion ſöken, ga to Karſ, wull't Vergnügen ſöken, ga na't Landſchopshuſ, wo ordentliche Lüð ſamt, wull't Glüd ſöken, Junge! Kerl! denn ſit ni na'n ünneren, ſunner na'n haben. Di hangt noch keen Appel to hoch, wenn du man klattern wullt. Ja, weer if noch ſo junk as du! Mi gung't ebenſo, if kann mißſpreken. Weeſt, wo man hinkumt, wenn man ni ſtiggt? Wo if nu bün! Mit Emrimanuel un Jan Piter bi Greten Gevſch achtern holten Diſch; grot Mat darop. Schenk in, Greten Gevſch! Dat is dat Enn! Dar kann if oppen Diſch haun, un wenn if will, ſpuð if ſe oppen Kopp, all mit enanner. Dat is dat Enn!“ Darbi ſett he ſik dal, ſett eerſt den Hot ſcheef opp, ſett em denn af un lē den griſen Kopp op den ſtarcken Racken trurig inne Hann. — „If wull di man ſeggn,“ ſeggt he denn in en ruhigen Ton un hev ſik op: „Hö di! Lat di ni fangn! Du warſt mi dat Wort danken. Du kannſt

keem to Dag: kam an den Tag. Gaſtwurth: Straße in Heide. Keems: Riemen. Etig: Eſſig. Landſchopshuſ: das landſchaftliche Hauſ, wo die Landesgevollmächtigten ihre Verſammlungen hielten, zugleich Wirtshauſ und Hotel. achtern holten Diſch: hinter dem hölzernen Tiſch, dem Schanktiſch. Hö di: hüte dich.

mehr, as een vun de dumm Jungs, de vun Mölborp mit robe Müzen wedder kamt! Dat sünd nu bunte Tiden: Paß op! Grip to! Grip to!" Un darmit wanner he rut, den Hot wedder scheef inne Blau-Mandags-Stellung.

Bunter war allerdings dat Leben. Harrn wi keen Krieg, so harrn wi doch Kriegsgeschrei, de Welt weer ute Fogen, de Tid gung en verkehrten Loh, alle Ordnung gung to nichten. Früher, wenn Abends de Klock negen slog, denn stunn de veer Hauptwächters as en Kiewerbeer vör de Wachtstuv vör Dær, un lurn op den Schlag, jedereen na sin Himmelsgegend. Man kunn se vör ole Ritters holn, de to irgend een fierlige Handlung parat stunn. De Kül, de se drogen, heet de Morgensteern, dat Dings, wat se dreihn, de Kätel; wat se an harrn, weer in Düstern swar to seggn, harr of keen Berschrift un much mægli en Ünnerroß liker sehn, as en Rüstung. Un wenn de Rarkentklock utslagen harr, so gung jedereen op sin Strat los: de op de Österstrat, de op de Wester, jeder na sin Himmelsgegend, de Kätel klung fürchterlich, un se repen jeder in sin Gegend de Lüd to, dat nu de Klock negen weer.

Dar harrn de Kopmannsjungs un Ladendeners al lang slapri op lurt, al mennimal japt un toleß Hus an Hus vör Dær stan, un sik tofragt, ob't bald so wit sin much?

Op den Schlag mit de Klock, un mit de Wächters toglik, hör man denn de Finsterluten ballern um't ganze Markt rum, un in de Stratenenns herin, een Dærklock na de anner klingel, as de Dær tomakt war, un de Lichten verswunn in de Häuser een na't anner. In't Landschopsshus lüch de Weerth de lekten Gäst ute Dær, denn wenn man de Wächters hör, war de lekte Robber spelt, oder dar war opdeelt, un wenn nu noch irgendwo en Licht blev, kunn man seker wen, dat brenn vör en Kranken, un Frag un Antwort, wa't em wul gan much, weer de lekte Ton, den man vun Minschen hör bet morgen fröh. Bloß vun Rissen sin Stampmæl hör man, as vun den Perpentikel inne Thorklock, de Berslag un Maslag lisen ævern Ort hin.

Dat war nu all anners. Wie geseggt, Krieg harrn wi nich, awer wi hörn doch dat Kriegsgeschrei, un dat maß uns

Kiewerbeer: vierblättriges Kleeblatt. Kül: Keule. Kätel: Schnarre. liker: ähnlicher. Kopmannsjungs: Kaufmannslehrlinge. slapri: schläfrig. Finsterluten: Fensterläden. ballern: lärmern, schlagen. Dærklock: Thürklocke. Robber im Whist.

alle unruhig. Wi hörn dar na hin as na en grote Brüggeli, de wi je noch kenn' un dann un wann, sogar int Landschops-hus, befehen, un wo of jede ordentliche Kerl Parti nimmt, wenn he nich gar to koldblödig is, un denn weckt em säch en Ramraden. As wi uns je denn vun een vun de groten Kolfs Jungens vertellen, de en Slägeri tosiht un smökt.

„Wat,“ seggt Karstenohm Karstens, „Krüschan, schamst di ni, smökt hier un letts din Ramraden rutsmiten?“

„Ja,“ seggt Krüschan Kolfs nn lacht, „il kann je man ni dull warrn, giff mi een ant Gesicht!“

„Dar kann il mit been,“ seggt Karstenohm Karstens, un giff em, wat de Hamborger Väders en „Mulschell“ nömt, „nich vun güstern.“

Un Krüschan deit em sin Pip hin un seggt:

„Hol mal en beten an, dat hett hölpen.“ Un rut smitt he, all wat em entgegen kumt.

Wi weern meist vör den Franzosen, as de Kerl, de der am dullsten „op dal“ gung. Dat unse dütschen Bröder darbi dat Blot laten müssen, dat neemn wie as en Schicksal, bi'n Krieg sett dat Blot, wi harrn em nich ansungn. Unse Regeern, dat heet de Dän, heel dat mit Napoleon. Dat wi darbi am besten wegkeem, weer unse Glück un nich unse Verdeenst. Wi, de Nakam' vun de Römer in Ditmarschen, wi freun uns, dat dat mal wedder en ordentlichen Kaiser geb, en Kerl, de de Thronz umstött, as wi gelegentlich Dischen un Stöhl, un dat dat en Mann weer, de fröher mal Corporal speelt harr! Dat weer unse Mann. Wi kossen uns sin Bild, am leefften merrn inn Pulverdamp, un hungn dat bi Friedrich den Groten op, wo dat behangn bleben is, so lang de oln Rahms heeln.

Dar war nu doch æwer spraken un darbi oft Nachwächters un Wörger-Bett-Kloß æwerhört. De Tiden weern unruhi.

Oppe Gastwourth seet Wittgartwer Löhnert mank sin Vä-lammer, as Onkel Justus sä, he heel den Stod faster as

tosiht: zusieht. Karsten = Christian. Karstenohm = Oheim Karsten, Kosenname. Krüschan: Christian. rutsmiten: hinauswerfen. been: dienen. Mulschell: Maultschelle, Backpfeife. nich vun güstern: nicht von gestern d. h. recht derbe. deit hin: reicht hin. am dullsten: am ärgsten. op dal: drauf los. Regeern: Regierung. Nakam': Nachkommen. Välammer: kleine Kammer (nach dem Ton „Vä" ihres Blöfens).

gewöhnli, he seeg gewaltsamer as sunst ut de Ogen, un sin Wör fulln mit duppelt Gewicht, as he re vun dat Thier mit sæben Röpp, un denn op de Hoffährtigen keem, de Spifelanten un de Sabbathschänder, un he seeg sit um, ob Thieß Thieffen noch dar weer.

Bet na de Noßmæl drungn de Awise, as man de Zeitungen domals nöm. Wer am besten de Kunst verstunn, de harr dat Værlesen, bi jeden Slag vun de Stamp kunn he de Tid ton Votstabeern benußen, denn dat geb vel gefährliche Nams, wo of en gewandte Tung æwer stültern kunn. Sogar Landkarten funn sit bet in Rutscher Willem sin Hann. He, as de, de am meisten oppe Landstrat leeg, schull billig of Weg un Steg wæten, un dat „Hauptquartier“, wobun jümmer de Red weer. Awer meistens muß ol Jan Baas em söken hølpen, sin smerrige Finger leet bi jede Hauptquarteer en Fettplacken ton Webberfinn.

Int Landschopshus, wo alle Beamten keem, war natürlich würtlk kanngeteret, dar fung man of an von Ratschon to spreken, dat klung as en Fremdwort, un Bataillon ganz ähnlich, un wi weern natürlk buten alle Ratschon. Glücklich Wif weern wi of ahn Bataillon.

De grote Minnschenslot blev meistens achter de Elf. Doch smeet se uns mitiinner wat annen Strand, oft vun allerlei Nations un allerlei Gestalten. Dat weern ole Tiden, wobun Dntel Justus seggt harr, se warn bunt; Thieß dach oft an dat Wort, un of an dat anner, dat weer em deep int Hart fulln: he schull togripen. Wohin man? He harr egentlick keen Lebensmoth, dat weer em egentli allens eenerlei.

Awer dat keem an em, un so wit muß he wul, much he mægen oder nich. Al dat he en beten vun anner Sprachen verstunn, broch Lüd to em. Wul wuß denn mennimal, wat inner so'n Gestalten versteken weer, Prinzen un Fürstinner mitinner. Wat muß he sehn un lehren, wa't inne Welt hergung!

Bi Reinhold Nissen weer't bald as in en Dubenslagg, dat slog man jümmer in un ut, un wenn de Herr ni dar weer, muß Thieß Thieffen uthölpen, of op Gefahr hin.

Tung: Zunge. stültern: stolpern. Placken: Flecken. kanngeteret: gefannegiebert, weise politisiert. (Der Ausdruck von Dethardings 1742 in Altona erschienenem Lustspiel „der Politische Kanngieher“ [der politisierende Zingieher]). buten alle Ratschon: außerhalb aller Nation. al: schon. Wul: wer.

Dar war mennimal en ganzen Stwarm bi uns oppen Strand smeten. Landvagt un anner Vægt wüssen denn meistens ni ut noch in un lepen bi Reinhold Nissen um Rath un Hölp.

Wær den weer dit recht as sin Wedder. He weer as en Art Stormvægél, de de ruhige Luft as Sticlust ansüht. He fahr dermank rum recht as ton Vergnögen. Hölp wuß he jümmer, verlegen um wat weer he nie.

Wi müssen doch of wat don, dat Vaderland to vertheidigen, so meen de Herr Landvagt. Dat keem de Heider Jungs natürli unbanni lächerli wær. Haut harrn wi uns wol nog, awer meistens mit de Dän, dar lesen wi noch all Dag' inne Krönl darvun, un wisen uns de Stelln, wo dat Blot slaten harr. Nu vært Vaderland? Wokeen? Un gegen wen? Dat schull sik sinn, wenn he keem, meen de Herr Landvagt, man eerst vertheidigen! En Nam weer of inne Landvægdi utdacht, Landstorm schull dat heten, dat paß uns wol, Storm kenn' wi, to Land un to See, blot Lüd harr man noch nich un an Gewehr un Flinten wær se war natürlich gar ni dacht.

Reinhold Nissen muß wedder raden un hølpen. He schick sin egen Lüd hin, un dat gev denn al en ordentlichen Hüpen un en Stamm, de tosam heel. Wær allen awer snack he mit Thieß un schick den in de Versammlung, un so keem de, wo Onkel Justus em hin hebbn wull, of int Landschopshus, ahn dat he't bedacht harr. Dar heel de Secretair ut de Landvægdi de Versammlung af, un mehre „Herren“ uten Ort reden mal en Wort vun haben dermank. Doch dat weer dörschul ni gan, un dat weer gewis all in en Ruddledmuddel ut enanner lopen, denn keen Minsch verstunn den Ton to drepen, harr nich Thieß sik of hier dermank mischt, un gegen sin schüchtern Gefühl, lud dermank spraken. Dat weern meistens sin Bekannte un vele sin Frünn, de hier tosam kam weern, dar fehl nich Färwers un Dischers Sæn, dar fehl nich junge Lüd vun de Wittgarweri un wat darmit tohop hung, op Thieß sin Wort hörn se all, un so kreeg he richtig to Gang, wat sik æwerhaupt utföhrn leet, de „Herren“ un de Secretair sproken bald gar fründlich un bekannt mit em,

fahr dermank rum: fuhr dazwischen herum. unbanni: unbändig, übermäßig. Wokeen? Welch' einer? wer? Ruddledmuddel: buntes Durcheinander. drepen: treffen. tohop: zusammen.

un dat Dings kunn los gan, de Landstorm. De Groffsmid Stömer mit sin veer groten Jungs harr en Monat to don, un vel Brantwein un Sped to vertilgen, bet de Peken utsmedt weern, wovun Jeder een inne Hand kreeg. Mit en grot Gelächter lepen denn de Heider Jungs op den groten Heider Marktplatz tosam, de Dinger as Mistforken inne Hand ton Exerceern, as fröher ton Speln. Jeder wuß wul, wo he dat Dings hinsmiten wull, wenn ut den Spaß mal Ernst warrn schull, dar weer nix mit to don, as sit daran opspießen to laten oder dar wärkli en Fork ut to smeden. Awer værlöpi weer't en Spaß in en lankwillige Tid, un Thieß harr en Art vun Commando æwer de frischen jungn Lüð, un dat de em wenigstens gut, oft merrn dervant to sin.

In Reinhold Nissen sin Hus un Kantor gungn awer of noch anner Dingen væ, wo Thieß Thieffen mit darbi sin muß. Wenn de Herr of rum slog as en Stormvigel, de Wind sin Vergnügen, so vergeet he doch nich, dat he en Nest harr, un dat man dat warm holn much gegen kole Tiden. „Allerwärts deen,“ weer sin Grundsatz, „un allerwärts verdeen.“ Dar keem ni licht en Emigranten in sin Hus, en Flüchtigen ut Hamborg oder wider her, so hölp he em æwer de Eider oder wo't hin weer. Oft harr Thieß dat heimliche un gefährliche Amt, muß mit so'n Mann bi Nacht un Newel, dat gung still un stumm æwer't Lindner Moor, op Nebenweg na de Au, dat gung æwer de Tieler Marsch, in lütt Böð gung dat twischen de Fährn æwer de Eider, un oft warn em denn mit Danken oder Süßzen de Hann drückt, wenn he torügg lehr: dat weer de Lohn.

Awer wenn der Tropps vun Soldaten keem, so harr Reinhold Nissen de Geweranz. Denn muß Thieß los ævern ganzen Lann, Hawer to kopen, Korn, Schinken un anner Etwaar um jeden Preis. He kreeg Bullmacht æwer Gelsummen, dat em mitünner gruli weer, un he seeg denn naher inne Böter, wa sit Daler op Daler summeer, oft tein op een, un an sin Principal, wa vergnügt he sit sin sin mageren Hann rev. Natürlich full em darvun of sin Deel mit to, un he

Peken: Piken. utsmedt: fertig geschmiedet. Mistforken: Dinger-gabeln. merrn dervant: mitten dazwischen. Tieler Marsch, nordöstl. von Heide an der Eider, wo die alte Tielenburg gestanden hatte. Böð: Böte. Geweranz: Lieferung. Etwaar: Etware. gruli: graulich, angst. tein op een: zehn für einen. rev: rieb.

kunn nagrah seggn, dat he en lütt Raptal achter de Hann harr. Sin ol Moder leb in Werslot vun Kaffe un Stuten, un vertunner sik oft, warum he nich en Fru neem? Se wuß so menni smucke Deern vör em.

So leep vör em buten dat Leven. Ol Reinhilde seeg he natürlich öfter. Dat gew fast jede Wok inn Huf Gesellschasten vör allerlei fremd Volk, un Thies muß meistens derbi sin. Wa weer se jümmer schön! Wa weer se jümmer anners! Wa weer se jümmer, dat em dat ant Hart wedder en weke Sted drop, so fast he sik of maken de! Wenn se eenmal de groten Ogen fründli op em richt, so weer em vör en Tidlang to Moth as en Swaden, den de Sünne beschint hett; sproß se enige Wör mit em, so leeg vör em jümmer noch wat Besunners darin, wat öwer un ünner de Wör, wat ut en annern Mund gar ni kam kunn. Mit de Wör int Ohr sleep he in, darmit wat he op, un oft harr sik nachts darut in sin Drom en ganze glückselige Welt tosamsett, wovun he den ganzen Dag of noch Lust un Matlang darsöhl. He wuß seker nog, dat he vör er ni gut nog weer, he harr of natürlich egentli nie daran dacht, dat he er heirathen kunn oder wull, blot he wuß nich to leben ahn er. Nu harr he't, as he meen, so wit brocht, dat he't ruhig ansehn kunn, wenn en annere er kreeg; wenn se blot dann un wann de groten Ogen fründlich op em richtern wull, wenn he blot nich er ut de Neegde verlör, wenn se blot wuß, wa grenzenlos vel he vun er holn harr, un dat he harr vör er don kunnt, all wat en Mann mögli. Sogar den Secretair wull he nich böß wen, wenn de de Glückliche weer. So wit harr he't brocht. Dennoch weer jümmer na een vun sin Reisen, de nu hüfiger warn, de eerste Frag', de he sin ol Moder in allerlei nie Formeln bibroch, dat eerste wat öwer sin Lippen keem: ob Ramsell Reinhilde noch nich verspraken weer? ob de Secretair noch nich glückliche Bräutigam? un desgliken, un dat full em jedesmal as en Steen vun de Bost, em war jedesmal to Moth, as weer em wat Besunners schenkt warn, wat em fröhlich ma, wat em de Mund to'n Singen oder to'n Lachen stell, wenn klein Anna em jümmer noch nich dat Glück mitdeeln kunn, wona se so lenger un hunger.

Stuten: Weißbrot. weke Sted: weiche Stelle. öwer un ünner de Wör: über und unter d. h. in den Worten. ut de Neegde: aus der Nähe. bibroch: beibrachte, stellte. lenger: verlangte.

Bi en Gelegenhheit, as wedder fremde Herrn un Ofzeers den Ort æwerlepen, muß vør de Herren int Landschopshus en Ball geben warrn. Dar kunn Thieß nich sehln, al wegen sin Engelsch un Französch, wat he in disse bunte Tid mit fremde Lüd so vel òvt harr, dat em't licht vun Mund gung. He muß sogar Ramsell Reinhilde inn Wagen hølpen. Se seet as in en Wulf vun Spißen un mitten Moflin. So muß en Engel uten Himmel herut sehn! Er Farben weern all noch deeper as sunst, de so al vun't deepste weern: de Haar, de Ogen, dat Roth oppe Backen; de fremden Herrn reten sit um er ton Danz un Spreken. Un as se doch of vør em einmal en Danz æwer harr, as he er mit den Arm umfaten döß, as er warme Athen em anweih, as se mit em sprok, gar ni in den luden Ballton as mit de Annern, sunnern in den däglichen Huston, enige vertrute Wör æwer Husangelenheiten, do weer he binah dun warn vør Glückseligkeit; he wanner so seker ünner de groten Kronlichters rum, as harr sin Weeg dar mal stan, un sprok mit fremde Herrn un Heiders, as kenn he man! Lüden keen Ünnerscheed mehr, denn em harr en Wesen uten Himmel anlacht. Den Secretair war he kum wis.

Frili heel so'n Glücksal jüs nich jümmer lang vør. Reinhilde harr em doch ganz anners utteken muß, wenn dat wat mehr bedüden schull as Fründlichkeit. Se neem sit sogar in Acht, so schin em, dat he er nich to vel Gefälligkeit wisen kunn, kum mal, dat he er en paar Noten affschreb oder oppaß er de Feddern to sniden. Of war dat Geschäft so grot, dat he genug to denken un to don harr, um man hindær to finnn un den Kopp nich of noch to verlearn — um vun't Hart nich to spreken, wat doch al weg weer.

De Franzos wull in sin Wuth den Engländer — wo he mit sin Kanon' ni ræwer reden kunn — ersticken, wull em den Handel affsniden, em so to seggn, as bi en Minschen de Pulsadern ünnerbinn'. Dat gung nu man nich, as he sit dat dacht harr. Vellicht weer't gan, wenn he den Engländer alleen hatt harr. Awer wi weern all mit derbi, un, Fründ oder Fiend, dar hølpen wi all mit: de lüttjen Avern wenigstens apen to holn. Denn he much recht gut en groten Kaiser sin, wo wi in Ditmarschen unse Freud an harrn, awer dat uns dat Bund Toback nu en Daler kosten schull, un dat Bund

reten sit: rissen sich. döß: durfte. dun: trunken. Weeg: Wiege. war wis: beachtete. utteken: auszeichnen. oppaß: auspaßte, acht gab. ræwer: herüber.

Raffe en Speetschen, blot sintwegen, dat weer ni to verlangen, Rassebrinken un Smöken kunn man nich wegen en Kaiser opgeben. Un sunst, muchen wi em of bewunnern op de Biller, wo inner stunn: Napoleon auf der Brücke von Lodi, oder Bonaparte in der Schlacht von Marengo, un inn Dampf en lütten Mann mit en groten Riter; dat wußten wi recht gut: alles sehn kunn he doch nich, un wat smuggeln heet, kenn wi al ut fröhern Tiden. Dar keem bi uns keen lütt Doch int Land as en Pütt oder en Priel, so leep der en Smaack rin oder en Slup, en Boot oder en Rahn, un all keemn se vun en engelschen Haben oder en engelsch Schipp, un harrn jümmer Toback un Raffe laden, um vun't Wrigge nich to seggn. De Eider un de Treen weern natürlig de Hauptweg, Tönn' leeg vull vun all de Minschen, de wat wagen. Dar war Ranten speelt un Bank opleggat, dar weer all, wat Utschott weer mank ordentliche Lüden. Dar wanner awer of menni klot ruhi Gesicht umher, de man't ni ansehn kunn, dat he de Hauptmann weer vun de Bann'. Dar warn bi düster Nacht Wagens vull lad, de keem' as harr de Wind se tohopen blas't, dar seet mitünner en Ditmarscher vun dree hundert Bund, un drunk dree Controleurs dun, dat se Hörn un Sehn vergeten. Un denn gung't op de Per, na alle Ranten stoben de Wagens ut enanner, wülke Norn de Eider langs na Hohn un't Holsten to, op Umwegen æwer Niemünster oder Seebarg weg, oder Süden æwer Lunden un de ditmarscher Geest, na Hohnwestedt rop oder sunst wo lant: de Afnehmern lurn al as Pack- un Sackträger, dat gung in Sigbrød in Wagenlastens, inner Hei un Strei rop na Hamborg, un weg weer't troch de Grenzsperr.

Reinhold Nissen weer nich de Letzte, de de Slißweg' kenn un gung. Krieg gegen Krieg. Wie du mir, so ich dir. He

Daler: dänischer Riksthaler = 2,35 M. Speetschen: Spezies-thaler = 4,50 M. Riter: Fernrohr. lütt Doch: kleines Loch, nämlich Wasserweg. Pütt, Priel: kleine Wasserläufe zwischen den großen Schläd (Schlamm)- und Sandbänken des Wattenmeeres an der Rüste. Smaack (Schmack), Slup (Schaluppe): Namen verschiedener Rüstensfahrzeuge. Treen: Nebenfluß der Eider, an der Friedrichstadt liegt. Utschott: Ausschuß. drunk dree Controleurs dun: zechte mit 3 Kontrollleuren, bis sie trunken waren. wülke Norn to: manche nach Norden. Hohn (westl.) und Holsten (östl.) die Gegend zwischen der Sorge, Eider und Rendsburg. Seebarg: Segeberg. Hohnwestedt: 22 km westl. von Neumünster. Sigbrød: Sigbretter. Hei: Heu. Strei (Streu): Stroh. Slißweg': Schleichwege.

weer æwerhaupt keen vun de, de den lütten Korporal bewunnern. He doch ganz anners æwer em. Bi em keem mank de Flüchtigen of anner Lüð, as de französch sproken. Weer dar doch mal en lütten ijern Mann kam, den se Ernst Moriz nöm', de fürchterlich op den Disch haut un op den Röwer un Mörder schulln harr. De weer heemli na Sweden verschwunn. Awer Böker legen der vun em un Annere, de versteken holn warn, un of Thieß les' den Geist der Zeit un de Reden an die deutsche Nation.

Dær Reinhold Nissen harr de Saß noch en besunnern Saken, de em, as man wul seggt, dær de Gut int Fleisch gan much. He harr sin Handel mit England, he harr sin Affaß darhin. Sin ganze grote Wirthschaft weer darop bu't, dat dat Water twischen hier un dar ni togung un ni topannt warrn kunn. Kum mal dat Öl weer binn Lands los to warrn un harr wenigstens, as de Kopmann seggt, keen Preis. Ordentliche Lampen brenn wi noch nich, un „Straßen-Erleuchtung“ harrn wi nich. Wi brenn Talglichter oppen Disch, wi gungn mit Stocklantern to Strat, wenn't düster weer. Wo noch en Lamp ansteken war, dar weer dat en echte Thranlamp, de vun Bæn hendal mit en Red, an en Arm as en groten Wiser hung, un bet merrn ævern Disch stellt un regeert warrn kunn. De gev jüs so vel Licht, dat Moder darbi spunn, Vader darbi en holten Loppel snee, un Dochder darbi de Strümp ævern Avensteen stopp. Wer achtert to seet, war ni sehn, un harr nix to sehn, dat weer höchstens en swigsam Kaver, mit de Pip inn Mund. — Also dar verkop Gener Öl! Reinhold Nissen wuß doch sin Weg. Wenn he dat Öl mit Roggenbrotsrinden harr utfaken laten, so heet dat raffineert, un darbun got menni lütte Herzog in Thüringen un dar herum ut en fein lütten Buttell dat Bravanzöl op sin Salat, un leet sin Gäst rülen, wa echt dat weer. Salat eten wi bi uns of ni. Dat Gras æwerlaten wi de Röh. Wi

E. M. Arndt, von dessen „Geist der Zeit“ der I. Band 1806, der II. 1809 erschienen, floh 1806 nach Schweden. Röwer: Räuber. Reden an die deutsche Nation, von Fichte erschienen 1808. topannt: schließen. Bæn: Boden, d. h. Zimmerdecke. Wiser: Zeiger. holten Loppel: hölzerner Löffel. snee: schnitt. Avensteen: Ofenstein, plattrunder Stein aus gegossenem Glase. achtert to: dahinter. utfaken: austochen. Buttell: Flasche. Bravanzöl: Provence-Öl. eten: aßen.

eten dat lewer nàher as Botter to't Brot, oder eten Brot to de Botter, un Ol bruken wi also tweemal nich.

Doch, as ik seggt heff, darmit harr't tolek wul gan, un Reinhold Nissen harr Mittel un Weg' funn: slimmer weer't mit de Olofen, de Rest, de der nabliift vun de utprekte Saat, de as bacht in Forms tolek ut de Naslag herutkamt. Dat is je meist so in Fabriken, dat in den Affall eerst de rechte Verdeenst sticht. De legen nu rum in Stapeln opschicht as Tegelssteen, un keen Minsch kunn se bruken. De gungn fröher as dat beste Behfoder na England ræwer, wenigstens ünner den Nam — kunn sin, dat man dar noch en Rest vun Ol ruttokrigen verstunn, un dat se't man kossen ünner dissen Titel, as se je Oli kossen wegen en Beten Sülwel darin: genug, hin gungn se dar in ganze Schepsladen un betalt warn se, as keen Behfoder sunst pris't. Hier kunn se nümms bruken, un en ganz Capital leeg tolek inne Schüns ünner de Föt rum.

Dat Hauptgeschäft keem deshalb na un na int Stodden un de groten Mælen int Stahn. Dat weer mehr vært Ansehn inn Ort, de dat ganze Jahr æwerhin Nissens Stamper's hör, dat man inne Hofmæl regelmäsig fort arbeit'. Dar war en beten Linöl slagen, wat vunne Malers un Anstrikers inne Heid un Umgegend sit Jahrn ute Fabrik afhalt war. Sunst weer Allens still, de Markt- un Schibenwallsmæl stunn in Scheern. Geert un de Baas pusseln dar wat an binn un buten rum, um dat en beten ünner Farv to holn.

Inne Hofmæl war banni de Kopp schüttelt. De Lütt Korporal un sin Hauptquarteer keem jümmer mehr in Miscredit. Vunn Generalsstab war mit Verachtung spraken, de verdammte Franzos kreeg vun Allens de Schuld. Wenn de Herr mitünner mal dær de Schüns un de Mæl schot un mit sin scharpen Ogen hier un dar keek — he weer jüs ni dreetli un jüs ni slagen, atwer he reb fik of ni jüs hüpi de magern Hann — so dach jümmer en Feder: nu war't losgan! He war se nu alle an er Postens stellen! Denn se heeln em alle dær en Art vun Napoleon, dat weer dar eenmal Ned un

nabliift: nachbleibt. as bacht: wie gebacht. Naslag: Nachschlag. Tegelssteen: Riegelsteine. Behfoder: Viehfutter. kossen: kauften. Oli: Oel. Schepsladen: Schiffsladungen. pris't: bezahlt wird, wert ist. nümms: niemand. stunn in Scheern: standen in Scheren, d. h. in Gestalt des Andreaskreuzes, feierten also. pusseln: machten sich allerlei zu schaffen. banni: gewaltig. slagen: niedergeschlagen.

Gedanke warn. Doch he bestell weder Generalstab noch Hauptquarteer, un gung jedesmal, nadem he hier wat ordent un dar wat torech stellt, lævt oder tadelst harr as sunst, mit sin raschen Schritt ut de Sidenbær, un man seeg sin grauen krusen Haar verschwinn as gewöhnli: Krieg geb't noch jümmer nich twischen Napoleon un Reinhold Nissen.

„Wenn man wenigstens en lütt Scharmüzel,“ sä bi so'n Gelegenheit Rutscher Jan Willem, „en lütt Bærpostengefecht,“ seggt he, un slecht an sin Swep, as wenn en Artillerist sin Kanon asprukt. „De verdammte Franzos! Dær schull he egentli nich darmit, hebbn schull he der wat vær!“ Un he probeer sin Pittsch, as kunn he em darmit affstrafen.

Ditmal schull he ehr Recht krigen, as he't binah sülbn dacht harr, un ut de Spas schull en halwen Gernst warren. Thieß Thieffen keem achter de Herr na un bestell Jan Willem, he much alle Wagens bereit holn, de los oder los to krigen weern, he much se bestelln, dat se ahn Opsehn rund de Heid un dweer dær, all as't paß, op verscheeden Wegen sit Merrn-nacht bi'n Galgenbarg Norn de Heid infunn. Dat klung denn allerding's gefährli nog! „Spanngrund un Grimslit“ weern dar neeg bi, wo sit al mal de Ditmarschers haut harrn, Mann gegen Mann, denn Jan Ranzau harr seggt to sin Lüd: „Scheet ni ehr, as bet jü se dat Witt in Dgen sehn künnt, de en Ditmarscher sleit, sleit en Kerl.“ Dat wi Ditmarschers weern, wulln wi de Matschon doch mal wisen!

So snad un dach Rutscher Willem sit ganz in den kriegerrischen Moth rin, sammel awer sin säben Saten vun Pittschen un Blattschen tosam, un weer richti mit en Keeg Wagens to rechter Tid ann Plaz: dat Scharmüzel kunn losgan. Dar gung awer nir wider los, as dat se eben so heemli een bi een æwern Aufrog na Heisteb fahrn un sit æwer Linn' un Hennsteb verstrein un inne Morgenschummern bi de Lönninger Fähr wedder tosam dropen. Thieß weer mit un blev bi Rutscher Willem. Bi Lönngung he int Fährboot in den Morgennebel na de Stadt ræwer un Jan Willem wiß' em

lævt: gelobt. Swep: Peitsche. dweer: quer. Norn: nördlich von. Spanngrund un Grimslit im Dittroher Moore, nördl. von Heide, nach der Überlieferung ein altes Schlachtfeld. Jan Ranzau: zur Zeit der Eroberung Ditmarschens 1550. Blattschén: die Schnüre am Ende der Peitschen. Aufrog (3 km), Heisteb (6 km), Linn' (Lüner 7 1/2 km), Hennsteb (11 km) nordöstl. von Heide. Schummern: Dämmerung. Lönng oder Lünng: Lönning.

mit de Pitschenstael achterna un sä: „Dat ward enmaal en Mürat, en Hauptkerl! Wer schull dat dacht hebbn vun Klein Anna er lütt Flakfopp!“ Denn keem der Böb an ünnerscheedlige Stellen ant Land, de Wagens warn ili vull pacht, un weg gung dat op de sülbige Wis', as se kann weern, op verscheeden Weg' na'n Osten to.

Dat weer recht Rutscher Willem sin Wedder. Dat weer ni blot dit un eenmaal, dat gung bald Nacht un Dag regelmässig los. Jümmer anner Weg' un Straten, jümmer anner Tid un Kurs. Bald mal æwer de Eider bi Hohner- un Lefzfähr, bald mal wedder Süden weg; hin jümmer de Wagens vull Del un Koken, torügg wat se krigen kunn, meist Taback un Kaffee. Ünnerwegens jümmer bi Nacht un Newel, en Halteplatz to'n Bespreken in irgend en afgelegenen Weerthskath bi warm Gedränk un Stuten: en rechtes Köwer- un Smugglerleben, Controleurs achter un vør, jümmer alle be- dragen, dun makt oder dæsig. Towilen all wat de Per lopen kunn, boots! in en Nebenweg rin un still holn, bet se vørbi Klabastern, denn wedder umwendt un dweer æwer de Landstrat weg, um se den Wind aftosniden. Schulln all de Taun riten, snee man de Streng' af, leet den Wagen stan un jag' mit de Per dweer int Land rin æwer Heid un Weid. Un dat much den Controleur nich gut gan sin, de dar vellicht ünner Jan Willem sin Pitschenstael kam weer, dat harr seker en lütt Scharmsüzel geben, en Wærpostengefecht! So gung't her.

Thieß muß't leiden un lenken. He leeg bald in Lönn un bald inne Heid. Geweten mak he sik of nich darut, weer em dat Geschäft of wat spitzbubenmässig. Denn wat maken? Se maken't all so. Wer nich ünnergang wull, de muß wul. Frilich, menni rechtliche Mann gung darbi innerlich to Grunn un menni Schelm keem haben. Dat gung ni anners. Dunkel Justus sogar kunn't ni laten, weer of bald hier oppe Landstrat, bald dar, de hot nu jümmer inne Blau-Mandags-Stellung, doch weniger dun as sunst. Wær em weer't vellicht

keem der Böb: kamen da Böte. ünnerscheedlig: verschieden. Hohnerfähr: über die Eider, südl. von der Sorgemündung. Lefzfähr: über die Eider, 10 km östl. von Tellingstedt. Weerthskath: kleines Wirtshaus. Stuten: Weißbrot. dæsig: betäubt. boots (= poß in postausend): plötzlich. Taun: Taus. leiden: leiten. Geweten: Gewissen. keem haben: stieg empor.

de letzte Haken, wo he noch mal webber an heropkeem. Un wenn he mal Thieß Thießen drop, so müß he em mit Wolgefalln to un sä, as verstunn se sit: „So recht! togripen! Östereggjungenes haben!“ un gung sin Weg. Ja, Thieß muß wul, denn Reinhold Nissen muß. De sä frili anner Lüd nix, un slog as jümmer in Ort un Lann herum as en Stormvogel. Awer Thieß muß genauer Bescheid. Se müssen Geld maken. Wat se na England schiden, tuschen se vør Smuggelwaar in, de se in Hamborg baar betalt kregen. So gefährli dat Geschäft weer, dat muß wagt warnn. Un doch red of dat nich recht ut. Reinhold Nissen harr mehre Schepsladen Kappsaat na Holland schidt, nm to Hus nix mehr in Öl un Koken to verarbeiten. Se harrn en Kopmann funn un legen in Amsterdam anne Brügg. Awer de slaue Wynheer, de se koft harr, maß de Waar slecht, um se billiger to kigen, un dat gev nu en argerligen Proceß statt Geld, un to de Unruh, de al jümmer dat grot Bedriv umbrev — früher doch mit Lust — gev dat nu of noch Sorg, de sit as en Schatten un en Netwel jümmer dichter daræwer lē. Reinhold Nissen weer all jülbn mal deshalb na Holland west. He harr dat awer nich to Enn brocht, ehr slimmer maßt un mehr vertişt. To so wat paß he nich. He kunn wol wat anröhrn, un dat weer jümmer geschidt, awer vør en Geduldsprob weer he to ungedüllli. Darbi war sin rasche Natur stump un dump, un he obsternatsch un hartnacki; denn gung he blind un störrig op Allens los, schull he sit of den Kopp darbi inrenn'. Thieß paß sit darto vel beter. De weer't ni wenn't warn to don, wat em gesull, un dør to brēken, wo em wat gegen stunn. De harr't in Nummer un Elend lehrt, sin Natur inn Tægel to holn, dat se mit em ni dærgung. Un allerwärts, wo Heemlichkeit, Ruh un Sekerheit nödig weer, dar weer de „Berwalter“, as man em na un na nöm, beter as de Herr jülbn. Dat muß de Herr so gut as sin Arbeiters. Wenn mal Thieß sin junk ernsthafti Gesicht inne Rokmæl keet, so dach Jeder een, dar weer wat Besunners to Wegg', Jan Willem sä een mal æwert anner: he weer en wahren Mürat, un he un sin Zuhörer dachten darbi mehr an Mürn, un Een, de der dør-

tuschen: tauschten. mehr vertişt: mehr Verwirrung hineingebracht. obsternatsch = hartnäckig. wenn't: gewohnt. Tægel: Bügel. Mürn: Mauern.

gung, as an Napoleon sin Swager: dat klung wenigstens heldenmäßig, un dat weer ernsthafti nog meent.

Dat is bi so'n Bedriv, as bi Reinhold Nissen, as in en Jmsdod: keen Arbeider so lütt, dat he ni weet, wa den Wiser to Noth is. Wat man vun de Herr nich hör, dat söch man an den Verwalter sin ruhi Gesicht to lesen. He keem ni lich in sin Mober er lütt Stuv, ahn dat se sik an em inne Höch hev, em deep inne Ogen to lisen, ob dar of wat Gefährligs værgung. Denn fragen döß em al lang keen Minsch mehr. Dar keem nich de arm Rohjung Abends mit de Welt op den Esel to Hus, dat he ni glif de sware Dær na de Kofmæl apen trock, um to sehn, ob't noch All op sin Placken stunn un Allens richti weer.

Jnn Ort war man dar nich wider um wis, as dat de Mælen still stunn. De Verwalter sorg noch darvæ, dat jümmer wat an Rapp un Roden to slieden oder antofstriefen weer, darmit Jedermann sehn kunn: dar war repareert. Wewigens, de Börgerlud harrn mit er lütt Geschäften to don un verstunn vun so'n Bedriv as Nissen sin, gar nix, de meer de Einzigte in sin Art inn ganzen Lann. Dat seeg man mehr an as en Wunder, wo man of nich fragt, wa't togeit oder wa't mægli is. De „Herren“ int Landschopshus speln dar Abends er l'Hombre un heeln jeden Monat Clubabend as gewöhnli. So lang se dat ni stört war, dachten de nich an anner Lud, as de to se keemn, denn de Herrn weern meistens Beamte, de er seker Innahm harrn, oder so'n, de dar as seker op lurn, denn en Beamtenßen arf irgendwo wedder en Stell, dat hör sik eenmal so: wenn en Paulsen Landschriwer weer, so heet gewis de Rapselschriwer Paulsen.

To een vun de Art Lud hör of de Secretär inne Landvægdi. He keem noch jümmer, as weer't de sülwige Rod, mit dat sülwige Gesicht of bi Reinhold Nissen to Disch oder to Abend. He de jümmer, as weer dat sin Hauptpflicht, recht vergnügt uttofehn, as de Maan je blank utsehn mutt un de Sün warm, un he rüd an sin Brill un seeg dar eerst hindær mit en Mien', as war he nu noch vergnögter æwer Allens, wat he wis war, un dar weer jedesmal wat, wat he noch gar ni sehn harr un wat em nu in Verwunnern sett un em

Jmsdod: Bienenstod. döß: durste. Roden: Ruten, Mühlenflügel. togett: vor sich geht. arf: erbte. Landschriwer: Beamter der Landschaft. Rapselschriwer: Sekretär des Kirchspielvogts.

en vergnögten Schrecken mak. Dat vertell he denn as en Entdeckung. Fast jümmer entdeck he wat an Reinhilde, an er Drach, an Hand oder Fot, an Krus' oder Kragen, un dat broch he denn so nett vær, dat se dar nüdli op antwor, un so weern de Beiden jümmer glif, as hörn se tosam, un Snacken un Lachen reet ni af ünner de Beiden.

Thieß war denn um so stummer. Wenn't of nix bedü, wat de Minsch sä, so muß he sit doch seggn, he kunn so wat nich, he kunn gar dat eerste Wort nich fin, un wenn he't funn harr, so weer't em as en Frechheit værkam, wenn he vellicht seggt harr: Mamsell Reinhilde, wat hebbt se dar værn schön Nelt ann Vossen, oder: de langn Snörsteweln paßt vel beter vær ernal Fot, Mamsell Hilde, as de niedrigen Schoh mit Krüzband, de se legmals anharrn. Am Ende weer't je wul en egen Kunst, verglikn nüdli værtobringn. He muß gestan, de Secretair verstunn se. Blot he bedur, dat man jüs mit en solke Kunst vellicht den grötsten Schatz winn kunn. Ja, dat Lachen un Bräden mak em oft so trurig, dat he sit man wedder weg wünsch int getöfige Geschäft hinin. Doch meistens denn mal sprok Reinhilde mit em en paar Wör in en ganz annern Ton, un as weer he verzaubert, blev he, un tekr nadem mank wekenlange Unruh daran.

Ob Reinhilde egentlick wuß, wa er Batters Saken stunn, kreeg he nich to weten. Allens wuß se gewiß nich, Reinhold Nissen verbo' em æwrigens nix un besohl em nix. Awer he neem sit natürlicherwis' in Acht; wat kunn dat nützen, wenn dat arm Mäden mit in Schrecken keem, de vellicht ni mal nödig weer. Dennoch schin em towilen, as wull of se em wat anne Dgen aflesen oder Fragen don, vær de se vellicht so wenig dat rechte Wort finn kunn, as he vær Smeichelreden. Blot as he nu of weg na Holland muß, do rē se em mal plögli op de Del inne Hast an un sä: „Steit't slim, Thieß?“ Un darbi lē se em er lichte witte Hand oppen Arm, un seeg em mit en paar Dgen an, dat em voort's dat Blot vunn Kopp hendal in en hitten Strom na't Hart tosam leep; he seeg, se harr Vertru'n to em. „Dat ward noch all gut, Mamsell Hilda,“ sä he, un de Ton war em swar, dat he bēwer. Awer gerade keem Nissen ut sin Stuv, se kunn blot

Drach: Tracht, Kleidung. Krus': Halskrause. Vossen: Busen, Brust. Bräden: Nocken. getöfig: lärmend. tekr: zehnte. verbo': verbotten, rē: redete. lē: legte. voort's: sofort. bēwer: bebte.

adäls un glückliche Reif' seggn, un dat letzte, wat he vun er seeg, weer, dat de düstre Kopp inne Stubendør verswunn.

Wa hell dat binn in dissen lütten düstern Kopp utseeg, dar harr frilich weder Thieß noch er Batter, noch sunst Jemand eigentlich en Ahnung vun. Thieß dach sit allerdings vun er all dat Schönste un Beste, un wenn man irgend wat rühm, wat en Mäden smück oder Werth geb, so wuß he seker, dat dat Reinilde nich fehl. He seeg er't anne Ogen an, he hör er't ut de Stimm herut, dat se ahn ers Lifen weer. Dat se Clavier spel un sung, as man domals ni licht an en lütten Ort hör, schin em vør er blot natürlich, un dat verwunner em kum, dat ol Danzmeister Schulz, er Lehrer, sä, sie könnt's öffentlich, in Hamburg könnt' sie's, sie wär ne Firtuosen, sie wär' ne Pasti, sie müßt italienisches Blut an sich haben, sie hätte den „Kehlkopf“! Bekannt weer se vør er Fründlichkeit, Jedermann much er liden. Dar weer wul ni licht Een inne Heid, de er ni kenn' un sehn harr — un de er sehn harr vergeet er ni licht, awer ol wul Keen, de nich vun er hört harr, wa klof, wa geschickt un wa gut se weer. De Armn harrn er op Hann dregen mucht, drogen er seker inn Garten. Dat weer nich blot, wat se geb, ol de Art derbun. Besunners awer alle Arbeiders, Mädens un Kinner op dat grot Nissensche Gewes betrachten er as den guden Engel mank de Plag' un dat dägliche Elend, wat nümmer fehlt. So weer se — wenn man mit stille Tugend en Ruf krigen kann — op en Art berühmt inn Lann', un as er Batters Nam nennt war mit Respect, so klung de Nam Reinilde, de domals in Ditmarschen selten weer, as leeg in de Nam al Goldseligkeit un Reinheit.

De Ol wuß vun sin Dochter nich vel mehr, as klein Anna vun ern Thieß, se weer „sin einzigt Kind, sin Schatz, sin Alles“, wenn he Tid harr mit er to spreken; se kunn don, wat se much, krigen, wat se hebbn wull. Dat se schön weer, san Annerlud em mehr as nödig, dat se klof un geschickt weer, vel Verstand harr, Allens licht opfat, funn he wedder ganz natürlich; he freu sit besunners, dat se so heiter un fröhlich weer, em besunners tröstli in sware Tiden un en Erinnerung an fröhre. He war kum derum wiß, dat se en

ers Lifen: ihresgleichen. Pasti: Giubitta Pasta, geb. 1798 in Como, seit 1822 berühmte Sängerin, † 1865 (anachronistisches Versehen). opfat: auffasste.

grotesz Huswesen mit vel Getös' un Gesellschaften fast alleen regeer, denn er ol Fru Meddern, Tante vun sin Sit, weer noch ut en annern Stand, un harr de Kummertiden noch ni affschütt. De harr höchstens sparn kunnt. Dat Uhrwart gung, dar weer he mit tofreden, denn he harr to vel um de Ohn, um to sehn, wo de Fedder seet, de't in Gang' heel. He harr der am Ende of nig. op reft, wo't hauptsächlich op Geld ankeem, na sin Meenung, un dat weer vellicht de beste Sit in sin Dochter, dat se still de un nich mal daran dach, sit to wisen.

In so'n Maturu sitt gewöhnli mehr, as sit vör gewöhnlig wisen kann, wo se eben gat, as hör sit dat so. Grot ward so'n Maturu in grote Tiden, tomal int Unglück. Man meent, dat war se bögen, war se dalbrücken, war se knicken, man meent, dar hör Übung to, dat to dregen, man muß't wenn't warrn as Spadenarbeit, man meent, dat kunn blot de af, de't Glück gar ni sehn hebbt, den Werkslot ni kennt: all ni wahr, Stahl rußt ni innen Sünnschin. Probeer em nu man, wenn de Fedder spannt warrn mutt. Reinhold seeg de Wulken so gut kam as Vatter un Verwalter, blot dat se nich genau um't Handels-geschäft Bescheed wuß. Awer dit Stocken un Stoppen vun de Maeln un Fabriken, dit gefährliche Fahren un Wirthschaften bi Nacht un Newel weer genug vör so'n klaren Kopp, dat se nich er Gedanken harr. Un de drog se ganz still alleen. Se blev gegen den Vatter jümmer as en fröhlich Kind, wat em opheiter, se sung vör em, se spel vör em, se glänz in Gesellschaften vör em. Nebenbi awer heel se tosam, mött bi, seeg sit um na de Lüd un er Schicksal un Bedriben, un harr in Gedanken so gut ern Plan, wenn Allens scheef gung, as man Reinhold Nissen een hebbn much. Se harr daröver am leefften mal mit Thieß sit utspraken. Awer de weer vör Bewunderung ni licht to Wort to krigen, as wenn man em gradto angung, un dat harr doch of vör er wat Bedenkligs. Darto weer he so vel umher oppe Landstrat, in Tönning, in Riel, dat dat so to seggn keen Gelegenheit vör er gev. Endli harr se't doch vun Tun breken wullt, as he na Holland gung, wo se domals dach, dat stunn darhin, dat man den Din insteek un dat Vermögen wegneem: unglücklichertwi' keem

Fru Meddern: Frau Muhme. reft: gerechnet. muß't wenn't warrn: mußte es gewohnt werden. rußt: rostet. mött bi: gebot halt. insteek: einsteckte.

er Batter dartwischen. Un so gung Thieß finer Weg' in sin Gedanken un se blev noch mal wedder alleen un drog't mit sit un den lewen Gott.

Thieß muß richti wegen de Kappsaatladungen na Amsterdam. De Prinzpal gev em Instrukschon un Bullmacht, Reinhold Nissen wuß recht gut, wat he in sin Hand le. Bun disse Reis' hung't af, ob dat Hus bestan blev oder umsmiten muß. Dærspraken harr he't mit Thieß natürlí sit lang, verborgen weer den Verwalter uig, un de Verwalter weer of de Genzigste, de Allens wuß.

Thieß bruk sit also nich to verwunnern, wenn Reinhold em Totrun wiß'; denn wat de Batter em anvertru, weer ahn Grenzen. Awer Thieß weer een vun disse wunnerligen Naturen, as wi se hier hebbt, de so to seggn op een Sit hell waken sünd, un op de anner Sit drömt. Un disse Naturen sünd hier unse besten. He dach gar nich daran, dat he wat anners weer as Reinhold Nissen sin lütten Schriwer. Dar dröm he. He seeg an sin Herrn op as na den Klosthorn, un na de Dochter as na den Himmel. Awer he besorg er Geschäften, as weer he de Prinzpal süßn, un he kenn de Sag' un de Welt genauer as de Herr. — Nu besorg he sit en beten Reis'geschirr, denn domals gevt keen Eisenbahn un kum Posten. Ob man jüs Abends en Weerthshus drop, weer fragli. En Reis' na Holland domals weer wítlöstiger as nu een na China. So wit mægli, fahr man mit egen Per un Wag'; wenn't ni gar to ili weer, leet man se nich vun sit. Rutscher Jan Willen muß ditmal vœr en Reis' anspann, Bitschen un Blattchen vœrbinn, de wenigstens œver Hamborg hinutgung.

He weer gerade inne Kosmœl an't Vertelln, as Thieß keem, em den Befehl to bringn. He vertell vun en lütt Scharmûzel mit en paar Controleurs op de lehte Smugglerfahrt. „Keem wi mit min Wagen,“ vertell he, „oppe Rendsborger Landstrat na den Swarten Bud to un dachten dar uns Holt to maken un en warm Rasse to frigen, denn dat weer en banni kold-düstre Nacht. Jüm weet, de Swarte Bud liggt der moderseeln oppe Heid alleen, ol Jakob Schütt hett dar de Weerthshop. De kennt den Rummel, de hett al menni Fahrt mit de Controleurs hatt, al as se noch vun Ditmarschen rœwer de Eider smuggeln un an de Sperre ni

umsmiten: umwerfen, Bankerott machen. Totrun: Zutrauen. Klosthorn: Glodenturm. ili: eilig. Jüm weet: ihr wißt. rœwer: hinüber.

dacht war. Reem wi also langs de Landstrat, wo de Wind told achter uns anpust un man nig sehn kann as hin un wedder en witten Pahl anne Sit, dat man den Weg ni verlüst, bet an den Wis'pahl, den ik kenn, dar steit so'n beten Buschwart bi rum, un de een Arm hangt dal, de Weg geit dar af na Hohn lant: do segg ik to min Nebenmann: „Anton Peters,“ segg ik, „wi kinnt ni wit vun den Swarten Buct af sin,“ segg ik, „dar is, löv ik, de Wis'pahl na de Hohner Landstrat.“ „Jawul,“ seggt he, „mi dünkt, ik kann al de grote Sotswang schimmern sehn.“ Denn ol Schütt hett dar en fürchterlig groten Sotswang, achter mit en paar Steen in isern Bann, bi Dag' kann man em op en Milwegs æwer de Heiloh sehn. Ol Schütt seggt, dat is sin Weerth'schild, gude Frünne kennt em daran inne Feern. So weer't ditmal. Ik segg to Anton Peters: „En Laß warm Kaffe schall uns wol smecken, un wenn't of en half Duzend is.“ „Ja,“ seggt Anton, un haut sit de kolden Hann vergnügt um de Rippen, „wenn Trina man op is un den Kaffe warm hett.“ „Gewis,“ segg ik, un tipp en beten op de Brun', Schütt is fülbn op un lurt seker op uns, dar will ich Döwel op seggn.“ Un so lat wi denn de Brun' en beten antreden. Awer mi is noch jümmer, as hau Anton Peters sit de Hann umme Rippen un wol mi mal umsehn — he seet achter mank de Waar, dat nig rassull — un em seggn, he schull de Rippen schon' — as ik markt, dat dat ute Feern kumt, un of Anton spitt al beide Ohren un seggt: „Hisch! dar kamt se.“ He meen de Controleurs, de Per weern to hörn. „Zwee Mann jünd't man,“ seggt he, „wüllt wi holn un se aftloppen?“ Awer ik harr en annern Plan. Ik segg: „Spring af un lop værut, segg ol Schütt Bescheed; wenn he dar is, so holt de vær Dær inne Dærfahrt apen, ik jag rin, un ut de anner rut. Dar kinnt jüm se fangn as in en Fall, wi hebbt ehr so Huslünken fungn. Man jül!“ Un so nei he ut. De Sat war spaki. Also ik paß op, un richti, ehr se kamt, bün ik so wit, dat ik jüs eben vær se inne Dærfahrt kam. Se achter in, se ropt in Königsnam: „Dær to“, ik in Döwels Nam: „Dær apen“, un rut bün ik, un

anpust: heranblies. verlüst: verliert. Wis'pahl: Wegweiser. na Hohn lant: nach Hohn zu über die Eider (S. 328.) löv: glaube. Sotswang: Brunnenschwengel. isern Bann: eiserne Bande. op en Milwegs: auf eine Meile. Heiloh: Heide. tipp: rührte sanft mit der Fingerspitze. rassull: hinabfiel. spitt: spitzte. Huslünken: Sperlinge. nei ut: lief davon.

binn sitt se, denn Anton un ol Schütt holt op jeder Sit de grot Dærn to. — Wat schulln se maken? Befehln? — De Weiden weern buten, un hörn nich. Affstigen? — To Fot hal mi nümms in, denn ik harr de beiden groten Brun vør. Un weer ik eerst æwer de Brigg vun de lütt Au, de bi'n Swarten Bud vørbi löppt, so kunn ik inne Heid rin fahrn, keen Spörhund schull mi finn. Also den se am besten, mit Anton un Schütt Kaffe to drinken. — Wat se of dan hebbt. Ol Schütt harr sin dicke Trina binah an Anton weggeben, as he de Controleurs eernsthafte vertell: wa disse junge Minsch en Reif to Fot drum mak, um sin Trina mal to besöken! — Wi dropen uns eerst wedder inne Heid, un hebbt unbanni lacht.“ — Dat den of de Zuhörers vun Jan Willem, as Thies noch eernsthafter as gewöhnli inne Kosmæl rintre un Rutscher Willem op morgen vør em süllst bestell, vellicht op en dree, veer Dag'.

„Nu geit't los!“ sä Rutscher Willem, un greep na de Pitsch, de em selten verleet, un of de Annern inne Kosmæl weer dat as en Ahnung, dat wat Besunners værgung.

* * *

De Ahnung weer richti, dar weer allerdings wat los, mehr as de Verwalter dach, do he den Rutscher bestell, Jan Willem harr sogar seggn kunn: de Krieg gung nu an twischen Reinhold Rissen un Napoleon, se harrn bet to man dat Værpostengefecht hatt. Leider kunn man denn of weten, wer de Sieger blev, troghem dat de ganze Kosmæl ern Herrn vør en lütten Napoleon heel. De grote weer he doch jedensfalls nich, un de Art Krieg as twischen Goliath un David, wovun wol menni Een in dat Mælen-Concilium dat Bispil her neem, weer of al domals ute Rod kam.

Genog, bi dat Scharmüzeln un de Værpostengefecht weer man na un na gar to drist warn. As Jan Willem geern dat Wort bruk, wenn he en Smugglergeschichte vertell: de Sak war spaßhaft. So seegen de Holstener dat an, un bedreben dat darna, un de Ditmarschers weern vun alle Holsteners noch am aller spaßigsten, oder as Jan Willem dat nöm: de Pettligsten bi de Sak; to'n Deel, wil se't Smuggeln wenn't

inne Heid: ins Heidefeld. den: thaten. rintre: hereintrat. bet to: bisher. fettlig: fiplich, lächerlich.

weern, to'n Deel, wil se jünmer, sit se de Friheit verlarn, geern den lütten Krieg föhrn, mit wem't of weer, un schulln se sit ünner enanner prügeln, oder Norderditmarschers gegen Süderditmarschers opstan, oder Marschlüd gegen Geestlüd, oder Ostereggjüngens gegen Südereggns. Ganz, as al er ol Geschichtschriwer Neocorus sä: se weern en wrevelich halsstarrig Volk. Mit de Controleurs un Gendarmen gungn se um, as weern de Lüüd egens darvør bestell't, sit brüden to laten, un de Geschichten reiten gar ni af, in Krög un Weerthshüs' war fast nix anners vertell't, un gewis war æwer nix fürchterlicher lacht, as wa man hier en Controleur bi de Mäp' hatt harr, dar em een andreit, de Knep weern oft as vun de Slausten lang vørher utstudeert un utföhr't na en Plan, as man en Krieg föhrt warrn kann mit „Taktik“.

„Daræwer war de Kaiser argerlich un gev sin Befehl, dat anner Maßregeln brukt warrn schulln.“ So dach man s. k. dat ünner't Volk, wat sit eigentlich vun süllst verstunn, denn as de Smugglers to drist un to frech warn, weer't natürli, dat se anlepen un dat dat Gesez of wider lang. Awer man meen domals, Napoleon weer allerwärts persönlich darachter, ja man harr em oft bi en Smuggelfahrt anne Elb oder de Eider süllst inne Schummern sehn in sin lütten Hot un sin graun Rod. De ol Bootsführer Friedrich Holm, de lang as Stürmann fahrt harr, de allerwärts mit darbi west weer un de noch lange Jahren bi en Glas Grogg, „orri stark un nich to seut,“ sin Geschichten vertell, wuß of so een vun Napoleon, wenn he fragt war, ob he den Kaiser kennt harr: „Dummbart,“ seggt Holm to den Frager, „wat schull ik ni! Ik keem mal vun Altona æwert Heiligengeistfeld mit en lütten Sack Kaffe oppe Schullern un föhl mi al ganz seker, as ik na de nie Drögen to keem: do begegnet mi jüs op dat lütt Siet dar vør de eerste Tobacksladen linker Hand en lütten Mann, den ik al seeg, as he dar int Licht tre un sit de Tobackstuten anseeg, wil wegen Smuggelwaar, ob dar wat mant weer, un as he mi jüs vørbi geit, do seeg ik inne Schummern den lütten Hot un den graun Rod un frig en fürchterligen

opstan: sich erheben. wrevelich: vgl. Neocorus (ed. Dahlmann) I, 228. Quidd. S. 27. Krög: Schenken, em een andreit (Nase nämlich): ihn angeführt. wider lang: weiter reichte. orri: recht, sehr. de nie Drögen: Wirtschaft in Hamburg an der Kieperbahn in St. Pauli, wo de Dröge, das Trockenhaus, stand, in dem Seile, Taue geteert und getrocknet wurden.

Schreckschuß, dat dat mi man inne Been fahrt, un ik harr dalsacken kunnt, obglif min Rassesack nich æwern hunnert Pund wog. Dat weer richti de Ol, de banni argerli weer op dat Smuggeln vun wegen de Sperre, denn wat hølpt dat, wenn de nich holn war? Wat denn? Also ik wull mi schreeg æwer ant Hus drücken, wo't noch mehr in Schatten weer, denn wat schull ik don? værbi muß he. Awer he weer mi al wiß warn. Doch gung't datmal gut. He drau mi blot mitten Finger un sä: „Friedri Holm, lat mi dat na!“ Un do wiß' he mit de Hand achter æwer de Schuller, dat heet, ik schull man maken. Also leep ik wat ik kunn. Awer ik heff mi nös banni in Acht nahm. Ja, so weer he.“

So ungefehr dach man in Ditmarschen, as nu op eenmal hin un wedder Smugglers opgrepen un insteken warn, un as de Gerichten æwer de Köpp vun Knechts, Kutschers un Fohrlüd weg na de Köpp vun de Herrn langn, de mit darachter stelen.

De værsichtige Thieß Thieffen weer vær so wat al jümmer bang west. So lang he de Fahrten lent un lei, un Kutscher Willem, de alle Weg' un Elifweg' kenn, se utföhr, weer dat jümmer gut gan. Wenn mal irgendwo Gefahr drau, so harr he to rechter Tid mit Ruh un Rath, mit Geld un Geldswertß Allens wedder applant. Awer kum weer he weg op sin Reis' un Jan Willem mit em, so muß kam, wat to fürchten weer: dar legen Waarn in Tönning, Schep legen der buten un töben, wagt muß der wat warrn, Geduld harr de Herr gar ni, un so lepen richti Reinhold Nissen sin Lüd an, Reinhold Nissen sin Wagens warn anholn, de Waarn warn weg-nahm, un wat folg, weer slimmer, as wat verlarn gung.

Inne Heid geb dat en Flüstern un Pisseln, denn dat drop ditmal mehr as Een. Dar weern Herrn, de op er Knechten lurn, de länger as gewöhnlich mit Per un Wagen utbleben, dar weern Fruns, de op er Manns töben un en Pas' voll Bohn — as man den Rasse nöm — oder sunst en Affall vun de Smuggeli: so weer't al Gewohnheit warn. Se lepen, as se Dag un Stunn æwer de Tid gedüllti utdurt harrn, allmähli na Naversch un Annere, warn ängstli un maken sik so, un man kunn bald en dree, veer Lüd vær en Perstall, bi en Schün, bi en Wagenschur tosam stan sehn un

dalsacken: niederstinken. nös: später. lei: leitete. töben: warteten. Pisseln: Flüstern. Pas': Sack, Beutel.

heemli verkehrn, iwri vertellen un ängstli tohöörn. Dat Gerücht is je noch jümmer arger as dat Unglück süßn. Dar war vertellt vun Bataillons, de Napoleon bi't Lindener Moor harr opstellen laten, um de Smugglers to fangn. De harrn de arm Lüd ruhi bet op Schußweit heran kann laten, de harrn denn darman't haut as man't Möben, un Allens massacreert, den Rest harrn se inne Moorkulen jagt, de Per harrn se slacht, dat Fleesch harrn se eten, un wat ni all mehr seggt war. Genog, dat harr inne Heid en „Heulen un Zähnklappern“ geben kunnt, wenn nich süßst dat Huln gefährlich weest, un wenn nich of weniger schlimme Berichten kann weern, vernünftige Lüd to Ruh ermahnt harrn, un man op jeden Fall swigen muß, so lang't angan kann, um nich schlimm to maken, wat vellicht noch gut to maken weer.

Reinhold Nissen harr natürlich glik den eersten Morgen genaue un bestimmte Naricht. He weer fürchterli verdreetsli, fahr sit een Mal æwert anner mit de mageren Fingern vør sin grauen krusen Haar un scholl op dat dumme Volk, dat sit ni in Acht nehm kann. Blote Unversicht! Bloten Uwer-moth! Ahn sin Thieß gung nagraß Allens scheef! Mit den weer't gewis nich passeert!

Doch hier nüz keen Schelln un keen Arger. So hart de Schlag wen much: dat heet den Popp nich verleern, richtig handeln un dat gau. Denn I! weer nödig. De Folgen seeg Nissen. Man war so gut na em süßn langn, as na sin Vermögen, wenn man wat darvun faten kann: dat weer em klar. Wenn he sit of nich vør en lütten Grafen heel oder en groten Volthandler, wona de Korporal in Paris mit egen Fingern greep, so geeft Franzosenfrünn genug, de't an sin Statt don muchen, un he wuß wul, dat he sit lang nich mehr vør „gut gefinnt“ goll, he harr to wenig swögen, un to mennig Een æwer de Eider hölpen, as dat't verborgen bliben kann. Awer he harr of al so menni gefährli Sat dærmakt in disse gefährliche Tiden, dat he indvt weer as en Feldherr: Slacht verlarn, is nich Popp verlarn! Wærldpig op en geschickten Rücktog denken! Un dat ahn Tid to verleern!

Dat dur man Stunn na de eerste Schreck: do weer Reinhold Nissen mit sin Hauptgläubiger inne Pennmeisteri

Moorkulen: Moorslöcher. Huln: Heulen. gau: schnell. muchen: machen. indvt: geißt. Pennmeister: Pfenningmeister, Obersteuereinehmer, der zugleich das Schuld- und Pfandprotokoll führte,

west, harr sin ganz Gewes' op den sin Nam schriben laten, harr sin Werthpapiern inne sekere Tasc, harr an Thieß Thieffen na Holland schreben, he much jeden Vergliß ingan, blot haar Geld maken un dat in Seterheit setten, un sin Wagen stunn bereit, em ünner de Föt ut to bringn.

Blot sin arm Kind mak em noch Sorg un Zweifel. Schull he er mitnehm? Awer wohin kunn't ni gan? Wellicht æwer de russche Grenz. Un wat schull se bi em? Oder schull he er na Kiel schiden, wo he bi sin lütt Gewes' sekere Lüd harr — Verwandte weern der nich uter de ol Meddersch inn Hus'.

To sin Bertunnern wiß' em awer Reinhilde, dat se keen Kind weer, sunnern Helben-Dochter. Se hölp em uten Zweifel, ehr he er em utspraken harr. Se wiß' em, dat se em mit wat Anners Trost bringn kunn, as dat se em wat varsung oder danz, dat se mehr weer, as en fröhliche Unschuld. Se sa em rasch, dat se Allens wuß un nig fürch. Blieden muß Wer. Dar muß na de Saken sehn warrn un vör de Lüd sorgt. Se dräng em na den Wagen. Do umarm he er mit Thran' inne Ogen, en glückseligen Vatter, un as he er noch uten Schlag herut darmit tröst, dat Thieß bald ut Holland torügg kamm un er bistan war: do seeg he mit Freuden, wa er bi den Nam dat Roth inne bleken Baden torügg steeg. So jag he dervun na Lübeck to un de preußische Grenz, un leet Reinhilde in dat grote Bedriv mit de ol Meddersch alleen.

Ja ganz alleen! Dat weer se, un se wuß dat of. Dat weer se al lang west, so to seggn jümmer, sit se de Rinner-schoh uttrocken. Wat se inne Heid an Umgang harr, weer blot Umgang, nig Anneres. Mit Landschriwers Tochter un ers Lifen leet sit wul nett to Ball un spazeern gan, æwer en Hot oder en Kleed spreken, en Beed singn oder tosam Klavier speln: awer dar weer't of all. So'n Lüd wat anto-vertrun, vun so'n Lüd Trost un Hölp erwarten? Eben so wenig as vun Tanzmeister Schulz oder Klein Anna. Dat harr se lang inseh'n, dat weer Dorheit. Frünn in Gefahr — de sünd ni dar, dat harr se in dissen Tiden begripen lehr't, wenn se't fröhler Meddersch of ni löbt harr un er dat sur full, nich beter æwer Menschen to denken. Awer de Herrn

sekere Lüd: sichere Leute. Wer: jemand. uten Schlag: aus dem Wagenschlag. bistan: beistehen. Bedriv: Betrieb, Gewese. ers Lifen: ihresgleichen. löbt: geglaubt.

vun de anner Sit dat Markt, ute Landbvæghi un dat Landschopshus harrn Amt un Stand, er Batter harr blot dat Geld, wat he sik erworben. So lang man gut un seker bi em to Middag oder to Abend eet, leet man sik dat fründli gefallen. Nagrah war't unseker. De Mann war gefährli. Nu leet sik nich mal de Husfründ hüpiger sehn, as't dörchut nödig weer, he, de sunst mit tehrt harr bi't vulle Fatt un de vulle Flasch Middag un Abend jede Wet. Dat kunn em en künftige Anstellung kosten; so vel seet vør em nich darop. He drück sik um dat Hus Süden ant Markt, un blev of int Morn as de Annern, wo he bi Landschriwers Dochder eben so fründli verwunnert spel, as fröher bi Reinhilde.

So vel Fründschop harr indes Reinhold Nissen noch op de anner Sit mank de „Herren“, dat se em inner de Hand en Andübung maken leten, de Sak stunn gefährli. De Secretär kunn nich umhin, de Sendung to ævernehm. As he bi Reinhilde versichti intrę, do æverkeem er binah de Lust, den armseligen Minschen to quälen. Awer se broch dat nich wider, as dat se em dat sur ma, to Wort to kam. Se harr em in den bekannten spaßigen Gesellschaftston, worin se in schöne Verwunderung mit enanner verkehn, jümmer noch wat to wisen oder vortobringen, ehr he endlı mit de Sak herut kam kunn: dat't mit Reinhold Nissen sin Sekerheit gefährli stunn, un dat he as Fründ vunn Hus' nich innerlaten wull, em to raden —. Do sa Reinhilde em stolt: er Batter weer en beten na Preußen in Geschäften verreist, harr er al schreben vun Lübek ut, war sik gewis hartli bedanken, war awer wul in enige Tid nich wedder kam. Se dank of den Herrn Secretär un wünsch em vel Vergnügen oppen Ball. Un darmit leet se em rüggwärts ut de Dør rutschen mit en Gesicht, mehr in Verwunderung as gewöhnli.

* * *

Awer Ditmarschen weer dat Fröhjahr kam. Dat kunt lat, denn dat hett en wide Reis', ehr dat vunt Süden rop to uns bringt. Dat hett tolek jümmer noch en Sprunk æwer de Elf to maken, dat steit un lurt op günd Sit, as wull dat eerst en Tolop nehmen. Man hört vertellen vun Böm, de dar grönt, un Kirschen, de dar blöht, un bi uns is noch Allens

hüpiger: häufiger. tehrt: gezehrt. Fatt: Faß. op günd Sit: jenseits. Tolop: Bulauf,

bodensstill. Awer wenn't denn kumt, so kumt't of in en Sprunk. Denn süht man't anne Wullen, denn hört man't annen Wind, denn markt man't annen Gerdgeruch: dat Fröhjahr is dar, dat kumt mit Macht! Un mit kamt de Summergäst in ganzen Schaaren, in ganzen Familjen, se kamt bi Nacht un bi Dag, se kamt in Fl, as weer de Tid knapp, er Nest to buden. Kum sett de Gadbar sit opt Dad un hett kum sin Willkam klappert, so driggt he al mit Busch un Stroh. All uten Süden, as de Wullen, as de Wind. Oppe Groten brukt man nich to achten: dat ropt de Kinner inne Dörper Een to. De bi Dag' kamt, süht Jedereen; de groten Weißen, de noch wider na'n Korn jagt, de Bruchhöner, de Kivitt, de æwer de Wischen schellt. Doch wer darop achten deit, de hört se of inne Schummeru un bi Nacht. Dat snacht un pipst, dat flüstert un flattert vœræwer, dat huscht un fluscht, un fleut eenzeln hell darmant. Dat sünd de Stimm, de de Summernächten lebndi makt, dat sünd de Lütten vun de Sängers, de na enige Dag' in jede Heed un Tun er Kopp wißt, de dar hüppt un wüppt so vertrut, as weern se to Fuß un nich verreisst west, un bald mit ernen Gesang de Luft opfüllt so fröhlich, as weer't alle Dag' Hochtid un de Jugend weer ewig.

Wo is't denn nich schön? Wer de Elf hindalkumt, etwa vun Hamborg, domals mit en Ewer, langsam, as de Flot astreckt, de rüt dat ævern Dit, de hör de Lurken singn in ganzen Schaaren vun Ditmarschen ræwer. Un wer bi Brunsbüttel ant Land steeg, de harr dat vœr sit un um sit an de langn geln Rappsackoppeln, an de Krög' in Klee, an de Wischen in Gras; un mank de Saat, mank Weten un Roggen dar reep al de lekte vun alle Summergäst, de kamt, de of Maivagel, de Kukuk reep sin sunnerbarn Krop. Wenn he of Mai ni röppt, seggt man, so röppt he dat Jahr gar nich. Awer wenn he denn röppt, to tellt man geern, to wo vel mal he den Athen hett, un leggt noch mehr as sunst en Bedübung hinin.

Gerd: Erde. buden: bauen. Gadbar: Storch. grote Weiß: *Strigiceps cyaneus*. Kivitt: Kiebitz. Wischen: Wiesen. fleut: flötet. wißt: zeigen. Ewer: Flußschiff. rüt: roch. Dit: Deich, Erdwall zum Schutz gegen die Fluten. Lurken: Lerchen. gel: gelb. Krög: Akerstüd. Klee: Klee. ol Mai: am alten Maitag (1. Mai) d. h. nach dem alten Julianischen Kalender, nach unserm am 15. Mai.

Vær de grot Dær buten de Dærfahrt vun dat Weerthshus to Brunsbüttel stunn en netten jungu Minschen, de half lud, as wenn he man half waß un mehr dröm, na en Kukuk hör un so to seggn mit Andacht tell: een, twee, drie — un so wider, un darbi sit mit en Gesicht umseeg, as weer he in Gedanken ganz annerwärts, awer doch keem em hier de Gedauken. He weer en beten verbrennt oder verreist antosehn. Darna seeg of sin Kledung ut. En lütten Reißack beheel he, of as in Gedanken, inne Hand. He weer mit de lechte Ebb mit en Ewer hindalkam, un töv blot bet sin grötere Reißtuffer op en Stohlwagen packt weer, den he sit hier bestellt harr. As de Husknecht den Kuffer oppackt harr un de Rutscher mit de Sweep klattsch, do sohr he as ut en Drom op, sett sit lichtfarrig torecht, un sohr den Weg na de Heid to.

Thieß Thießen weer dat. — He keem vun sin Reiß na Holland torügg. He keem tum eersten Mal torügg vun en längere Reiß. Dat deit wat an en Minschennatur, tomal an en junge. He harr sit Weten laut mit fremde Minschen herum slagen, meistens nich mit fründlige, he harr sware Geschäfte afwickelt, he harr nu Getös' un Allens achter sit. As he vun den Ewer stegen weer, as he den eersten Fot op Ditmarscher Grund un Dornn sett, do gungn op eenmal sin Gedanken vörwärts un rüggwärts æwer disse Tid weg, de der twischen leeg, he weer würkli as in en Drom, de der söcht wedder antofaten, wo he ophört: wa weer't man noch? Un wa schallt warrn? Disse Rutscher sohr em nu bet to Hus; wenn he afsteeg vun dissen Wagen, so weer he — — Ja, wo weer he denn? Ewer en lütt braken Dær heb sit en swacken, tosamsunken Körper inne Höch un en paar bleke, ole, blaue, glückselige Ogen sehn ræwer, un herut lepen striken Strom as Parlen de blanken Thran, denn er Sæn weer wedder dar, er Thieß, er Alles! — So stell he sit't vör op sin een-samen Wagenstisch, un sin Ogen gungn æwer dat grüne Land: min Baderland! doch he, min Moderland! Em full en Veed darbi in, wat he as Kind inne Schol tum ohne Thran' harr singn kunnt, an de wehmöbige Melodie len sit de Wör as

Sweep: Peitsche. lichtfarrig: behende. lütt braken Dær: kleine Thür aus zwei Hälften über einander, wie sie die kleineren Häuser früher alle hatten. ræwer: herüber. striken Strom: in streichendem, d. h. starkem Strome. len: legten.

weern't Drapens ut sin Moder er bleen Ogen — „füllen sie mit Erde ihre Hand, und küssen sie, das sei der Dank für deine Sorgfalt, Speis' un Trank, du liebes Vaterland!“ — Un indem he dat schöne Leed, wat mal de arm Süd bi'n Affscheed sungn harrn, de na Afrika verkofft weern, bl't Wedderkam half lud sung oder mummel, steeg vœr em en Garnhus op mit blau Schieferdach, dat eenzigste inn Ort, en Akazienbom hung æwer de Flügelbœrn, en Vogel sung to Sit. Un en Mæden tre in den Sünnschein, en paar Ogen seegen em an: kunn man Nacht un Fûr toglik denken — dar weer't tosam! Awer wat he sik nich vœrstelln kunn, dat weer, wodenni de Ogen em ansehn. Se wulln nich ween' un nich lachen in sin Gedanken, un en anner Melodie summ em dœr den Kopp: „Ach Gott, wie weh thut scheiden, hat mir mein Herz verwundet!“ Weddersehn kunn he gar ni utdenken. Vaterland dach he blot as dat, wobun man Affscheed nimmt. Sin Ogen gungn æwer de Grenzen vun ganz Ditmarschen, de man hier sik teken kann, un he dach se sik blot as de Lun um en Garn, wo he nu bald herut muß. Unse oln Geschichtsschriwers vertellt uns, vun Johann Adolfs an, jedereen mit nie Wôr un Begeisterung, so de ol Biethen un Volken, Jan Ruffe un Hans Detlef, un de lehte, Jan Mohr ni am wenigsten: wa vun Möldorp an bet na Tielenbrügg an de Eider en grot Holt red, Bom an Bom, æwer de ganze Grenz, dat en Katteler much vun Twig to Twig springn tein dütsche Milen lanf. Dit Holt weer lang verschwunn, awer den Som seeg man noch un süht man noch, wo't stan hett, un inn Fröhjahr tekt sik de ganze „Höchde“ grün, denn noch menni Eel un Bôf is stan bleen. Dar gungn Thieß Thieffen sin Ogen æwerhin mit en ähnli Gefühl, as de oln Herrn dat beschribt: dat alle Herrlichkeit vun Vergang is. So harr he stunnlanf mit sin Gedanken to don, bet he endli æwer de flade Gegend toerst de Mæln vun Heide wis war, de within um den spizen dünn Thorn er Krüzen gegen den Heben streckt. De wecken em nochmals ut sin Drömeri, un he muß sik dülli seggn, wa't in en gude Stunn um em utseeg.

He harr dat Geschäft in Holland na Nissen sin Wunsch to Enn brocht, de Saat weer to en mäßigen Pris verkofft, dat Geld in Sækerheit bi en Hamborger Hus. Wa't mit dat

wodenni: wie. teken: zeichnen. Katteler: Eichhörnchen. much: konnte. Som: Saum. Bôf: Buche. fr Krüzen: Andreaskreuz, S. 330.

Gewes' inne Heid stunn, dat wuß he, so dat't em dar kum wat to verwunnern geb. He wuß, dat de Prinzpal na Preußen gan weer, vellicht na Königsberg, vellicht æwer de russche Grenz, wo domals so vele hincæwerflüchten. Vellicht kunn man op beter Tiden hæpen un dat Geschäft wedder anfangn. Gegen Noth weer eerstmal de Familje in Sæterheit, so vel weer der rett'. Dat Unglück leet sit am Ende dregen, man drog dat in de Tid sogar lichter, denn unsæter weer Allens, dat Op un Dal gung æwer Land un Lüd hin, „Kopmann en Lopmann“ dat ol Sprekwort muß domals Mennigeen as Trost been', de der gar nix na beholn harr, un noch vergnügt weer mit de Friheit un sin gesunden Glieder. Dat weer nich so selten, dat en Prinz eenerwegens oppen Dörpen Scholmeister spel, un en Schlachtergesell Generalfeldmarschall war. Thieß harr uterdem buten Lands, bi en rit Handelsvolf, noch mehr sehn un lehrt, dat man dat Gligewicht nich to verleern bruk, wenn mal en Dings schew hung. Dat Olgeschäft inne Heid harr doch al lang stoßt; wenn de Handel ni wedder flott un apen war, gung dat æwerhaupt ni mehr. He wuß, dat Reinhold Nissen de Mann weer, dar wat anners ut to maken, wenn't angung, Mæln leten sit umbuden, man kunn Mehrl un Voh stats Ol un Koken maken. Dat harr tolek all nix, wat ni mægli weer. To Noth kunn Thieß sogar op sin egen Hand wat darvun ansaten, so vel harr he nagrað verbeent, lehrt un an Totrun erworben.

Thieß wuß blot een Deel nich: Reinhilde weer inne Heid torüggbleben. Wat schull se ol mit Vatter oppe Flucht? Awer Thieß dach herum, bi wem se bleben sin much, ne, he stell sit eigentlich de Frag': wær wem se wol bleben weer? Dar harr he natürlu nich na fragt, dar harr man em nix vun schreben, dar wuß he sit keen Antwort darop ober he wull se nich weten. Am Ende, ob se bi Landschriwers wahn ober bi sunst wem, un ob se wær den bleben weer, den he meen ober wær sunst Jemand: jede Antwort så em egentli datfüllwe, dat eenzige, wat he nich to dregen wuß: wær em weer se nu ut de Welt, wær em alleen heet dat nich: Got verlarn, sunbern Noth verlarn, un dat is: Allens verlarn.

Mit so'n Gedanken keem he de Heid neger. Oppen Møldorper Landstrat süht man se liggn, wit utbreedt, to Osten un

oppen Dörpen: auf dem Dorfe. schew: schief. Loh: Gerberlohe zu Lohfuchsen. utbreedt: ausgebreitet.

Westen rut en lange Allee vun Linnböm. Wertweg, op de Hauptstrecken vunn Rumpah, domals acht Windmæln. Thieff weer Möller genug, um al op en Mil Weggs an disse half lebennigen Gebäuden to sehn, wat darin værgung, man much seggn, wa se to Noth weer. En half Duz dreihn lisen vær den Südwind um, so lisen, as weert blot en Teken, dat se noch leben den. He kunn sit denken, wa Möller un Möllerknecht oppen Mælnbarg rum fulenzen, inne Feern æwert ganze Land Ditmarschen teken un vun Mæl un Möllers sproken, meistens nich dat Beste, atwer mit vel Behagen, vun de Büsumer an, am widsten na't Westen un gegen de See hinut, bet an de Grenz oppe Geest na Tellingsted un Dörpeln int Osten: gewiß snaden se of æwer Wind un Wedder, dat se wit hin kunn andüdt sehn an er Collegen, meist na de Richtung vun de Roden, oder na de Segeln un er Gestalt, na't Linntüg, as de Möllers seggt. De Heider Mæln teken alle, as harrn se Thieff de Gesichter tokehrt. He weer je of bekannt genug in sin lütten Heimathsort un mant de Möllers tomal, dat gewiß op jeden Mælnbarg uter dat Gebäud noch een ober en paar Minschengesichter sit em towendt harrn, harrn se em sehn kunnt. Blot de beiden Mæln mit Zwickstelln, wo jede vun mit Gesichter harr as beplant sin kunnt, de æwert Geländer teken, wenn jedes dar weer, wat em leef harr — se weern vær en Mölleroog as en Bagel, de flüntenlahm is, as en Rattul inn Winterslap, as en Snidenhus, wo keen veer siv Fingern utsteken ward, man mag of noch so zärtlich ropen. Se stunn inn Scheern gegen de Stormsit na't Nordwesten, as jede Möller se stellt, wenn se länger ut Arbeit sett ward.

As he de grot Mæl ant Mark rut kenn, de grötste vunn Ort, do war em ordentli truri umt Hart. So mag en Schipper to Noth sin, de sin Schipp as Brack liggn süht. He seeg an de groten Flänken hendal, æwer de Kapp, de so zierli op dat Gebäud seet as en wahre Huv — so seggt de Zimmerlud — op en flanke Gestalt. Sin Ogen lepen daran hendal, un in Gedanken hinin in dat blanke Gebäud, wo so lang hitte flittige Gesichter mant den Larm vun de Stampers em tonickt harrn. He dach an de dämmerige Moshæl un de

Linnböm: Lindenbäume. Roden: Mühlenflügel. Dörpeln, 6 km nordöstl. von Tellingsted. flüntenlahm: flügelahm. Rattul: Eule. Snidenhus: Schnedenhaus. Huv: Haube.

oln inrußten Gefelln, de dar so lang arbeit harrn Dag un Nacht. Wo se nu wul weern, wat se nu wul bedreben? Ob Rutscher Willem wul mit de Herr gan weer? Den war dat sunst am swarsten drapen. Wa schull de hin ahn „sin Herr?“ De Oßlägers kunn to'n Deel in Kiel un Flensborg sacht er Brot finn.

Doch vør allen lepen sin Gedanken na dat Hus neeg an, as gung he dar in de Husdør langs de Del mit Flisen bet in en lütt Stuv, wo he so menni Dag harr ut Finster sehn. He seeg dar op en groten Wallnætsbom, de in Nawers Garn stunn, em full op eenmal de Ram vun de ol Jümfer in, de de Bom un de Garn tohör. Anne anner Sit weer en swarte antheerde Plant, un he wuß, achter de Plant gung en ganz lütt enge Strat, en Twiet, de den wunnerligen Ram Himmelrit föhr. De gung na't Markt un achter na de Jümfernstig. Doch ehr se dar utgung, leep se in en Gank ut, de vun Eenige de Höll nömt war. Oppen Enn daran leeg dat lütt Gebäud, wo Rutscher Willem un sin Moder in wahn. Wern Weg weer de grote isern Port, de in Nissens Garn ann Schibenwall föhr. Dat muß he sik all uit Gewalt eenzeln dülli vørstelln un utmaln, denn de wunnerligen beiden Stratennams klungn em, as harrn se vør em wat to bedüden.

He dach daræwer na, ob de Wallnætsbom wul al grön weer. He kunn sik genau vørstelln, wa junge Wallnætsblæd rüft, dat weer, as troch em de würzige Geruch inne Näs', un he wuß op eenmal, dat he dar ünnern Bom al mal as en ganz lütt Kind Reinhilde sehn un mit er speelt harr. Se rüfen anne Blæd, se harr na sin Meenung domals egentli gar keen Näs' un he rev er mit de Blæd, darmit se't of doch rüft, bet de lütt Stummel gelgrön war. Denn schin em, as trocken se mit en Pinnerwagen, wo he mit anfat, langs dat Himmelrit un de Höll, un oppen Schibenwall sprung dat Kind mit en Ramm inne swarten Haar, de sik opböm un vøræwer fulln, achter Fleerlinken her. He seeg er dar in Gedanken tosam mit en wunnerlig Thier, wat he un de ganze Heid domals of noch nich sehn harr, dat weer de eerste Zieg, de na Heide keem, un de Reinhold Nissen, eben so as de eerste Melkesel herbrocht harr; so hör he man nadem. He dach dat Kind domals darto etwa as he sik nu wul en Prin-

Wallnæt: Wallnuß. antheer: angeteert. Stummel: Stumpf, die Nase. Fleerlinken: Schmetterlinge.

zessin to en Rameel denken much: wat vun en Prinzessin ut' Osten harr Reinhilde.

He harr se mal sehn, dat weer nich gar lang vør sin Reij', do weer se, noch nich vull antrocken, æwer de Del slücht — as dat in jede Hus wul mal angeit, wo man seker meent, man is alleen — mit lose Haar un blote Schullern, de Kleider ent um de Gestalt, se heel se mit de Hann æwern Vossen. He harr sit so verfehrt as se sülbn un sit eben so gau torüggetroden. Dat kunn he gar nich vergeten. Weer he Maler west, he harr er malen mußt, un he harr er malt as en Prinzessin, wul weet ob ut Indien oder Persien: as wi dar nüllich vun wussen ut Earsten Niebuhr sin Reisen.

So seeg he er nu ok in Gedanken, as he den Ort neeg keem. Un wenn he sit dach, dat vellicht Reinhilde bi den Landschritwer torügg laten weer, vellicht um den Secretär sin Willen; wenn he sit dach, dat de vellicht mal dat Recht hebbn war, er dāgli so to sehn, un er sin vergnögte Verwunnerung uttospreken, so war em to Moth, as kunn he krank warrn oder rebellisch, oder wat don, wat em sülst leed weer, blot um dat ni ruhi denken to mæn.

Dat weer en Art Trost, dat de Wagen op de flechte Steenbrügg vun de Gastwurth rinrassel. Dat schüttel em torecht, he muß sit nu tosam holn, denn he begegn Gesicht, de der sproken, ok wenn se nig sän, un de Allns sehn, wat he ni deep versteek. Vør de Wittgarweri stunn al de nie Meister mit en fromm fröhli Gesicht, as harr he em rükt, un nüdt un reep em Gotts Segen to. Dar leeg doch en beten in Ton un Ansehn, as wenn en Kind Gottes op en Weltkind süht, jüs wenn dat Weltkind uten Himmel smeten ward. — Un mit so'n Gedanken steeg he bald vun den Wagen, leet den Fohrmann langs de Süderstrat to Markt un to Weerthshus fahrn un gung op den Jümfernstig achterum na'n Schibentwall to, noch in Twifel, ob he toerst na sin Moder er Hüschen infehrn un erfahrn wull, ob de Secretär nu Brüdigam weer, oder noch eenmal eerst den Garn un dat Lusthus befehn, wat doch gewis lerri un verlaten stunn, un vør em nu bald verslaten weer vør jümmer. He kunn't ni laten, dat trodt em as mit Gewalt na den Garn, de Föt gungn as vun sülben den Weg rechtsaf vun den Jümfernstig na den Schibentwall. De hoge smalle Port weer man anlæhnt.

mæn: müßten. rükt: gerochen. nüdt: nidte.

As Jung harr he jümmer eerst dær de Trallen list, ehr he rintre. Dat de he hüt of, he harr of desülwige Art vun Angst oder Ehrfurcht, de em domals jedesmal æwerfull, wenn he mit en Geschäft dar rinschickt weer. De Port harr noch densülvigen Ton: as en Stück vun en lustige Melodie, wenn se apen trocken war, un se full nadem swar int Slott torügg, wenn se togung. So leet se Een in Schrecken dar alleen achter den hogen Dorntun, wo man ni dærkfen kunn, un inner de dichten Dann op beide Siden vun den krumm Stig. Um jede Ed kunn de Herr kam op sin lisen raschen Schritt, oder ol Garner Heut oder en seine Dam, oder wat ni all. Weer't buten al still, hier weer't musstill, bomstill, de Brummers rasseln ut de Dannnateln, de inne hitte Sün braden un rüfen, hat man mug dun warrn. — Thieß gung Schritt dær Schritt, leet alle Erinnerung dær sit dær treden as dissen Geruch, seeg noch mal op jeden Plaats, wo he wat belevt oder bedacht harr, as weer dat dat lehte, wat he nu mitneem, un dar weer fast keen Schritt, wo nich dergliken opdu. De Bærhälste vun den groten Garn weer mehr en Art Holt oder Bomgang, Allens weer dicht beplant un bewussen, mit Stigen dartwischen, de hin un her un herum föhrn. Grote Böm vun fröher harr man stan laten, junge vun alle Arten darum herum sett, un dar weer keen, de Thieß ni kenn, kum en Art, wobun he ni wuß, wa se rük, wa se smed un utseeg. He weer hier so to seggn mit de Pflanzen tosam wurzelt un opwussen, as annere Jungs mit er Hunn un Kaninken. As de Barken dær em en witt Kleed harrn un Röpp mit lange Haar, so harrn annere Böm dær em en Gestalt un Ansehn, so dat se mit em sproken un he mit se föhl. As sin ol Scholmeister Trede enmal Liebe un Ehrfurcht inne Schol erklär, do dach Thieß Thiesen an Wicheln un Pappeln un wuß genau, wat he mit de Wör meen. Int fröhste Fröhjahr fung dit Leben an, wo man toerst noch mit stiwe Fingern, wenn man de Hann vullsammelt harr, to Hus flüchten muß un Rähchen un Danntwigen int Sandloß bi'n Fäherheerd implant. Aber bald keem denn de Tid, wo't warm war, wo

apen trocken: geöffnet. musstill: mausstill. bomstill: baumstill, ganz still. Brummers: die Schmeißfliege, musca vomitoria, die sich durch ihr schnurrendes Gesumme kennzeichnet. dun: betäubt. Dannnateln: Tannennadeln. opdu: auftauchte. wa se rük: wie sie roch. Barken: Birken. Wicheln: Weiden. Danntwigen: Tannenzweige.

man ganz ünner de Büsch besitten blev, wo man Fleuten un Sprütten maß un darbi genau utprobeer, wa jede Art Busch smeck, den man bi de Gelegenheit dær den Mund trecken muß.

Un all dit dach Thieß, half mit en Smustern, half wehmödig, as he Schritt vær Schritt wider slunter. He dach of noch an de wilben Tiden, de vær keen echten Jung ganz fehl. Vun de grötste Dann, de neeg bi den Fischbit stunn un mit de Twigen bet na Eer reck, harr he mit en paar anner Vengels oft rasrutscht, jedesmal in Gefahr, den Hals to breken. Dar harr he haben in seten, æwer de Gegend sehn un drömt. Dar harr he of mal en Tidlang abends in Schummern as en Nachdgal fleut, bet de Heiders in ganzen Tropps langs den Fümfernstig spazeern, um den selten Vogel to hörn.

He harr sit binah ganz in disse Gedanken vergeten, weer he nich tofälli den oln Garner Heuf wis warn, de op de anner Eit vun den Dil to graben stunn. De ol Mann weer gar old un gris warn, Thieß seeg gar dütkli an em, wa lange un sware Tiden verlopen weern, un as de Ol opkeek un mit en Gesicht, as seeg he en Geist, sit opricht un anne Mäh greep, do dreb em dat rasch værwarts ut de Tiden, de nich mehr weern, un ut de Gedanken, de em as in Slap harrn inweegt.

He keem rasch op dat Garnhus to. Ja, noch stunn dar de Quittenbom, de op en Wittborn ris't weer, de bæwer Stamm armsdiß, ünner as en Handstoc, en Naturwunner vær Jeden, de't sehn harr. Un de Alazienbom harr eben junge Blæder. Dat weern of in er Art de eersten inn Ort. Rissen harr allerlei Wunner, de Böm harr he meistens ut Möldorps vun Landvagt Voie un Carsten Niebuhr, de grote Reisende, de dar Landschriwer weer, un de beide ute Fremden allerlei mitbrocht un ansiedelt harrn.

Thieß dach of hüt an de beiden Herrn, op de ganz Ditmarschen stolt weer, as he so oft an de sülmige Stell dan harr, un dar seeg man bi't Hus weg de brede Möldorper Thorn inne Dämmern opduken as jümmer. Ja, dat weer

besitten: siken. Fleuten un Sprütten: Flöten und Spritzen, Spielzeug aus dem jungen Holze, so lange sich im Frühjahr noch das Holz aus der Rinde ziehen läßt. Smustern: Schmunzeln. slunter: schlenderte. Fischbit: Fischteich. rasrutscht: hinabgeglitten. gris: grau. inweegt: eingewiegt. Wittborn: Weißdorn. ris't: gepfropft (von Ris: Pfropfreis). bæwer: obere. Vole un Niebuhr: S. Trina S. 282.

noch Allens ebenso. De Mür vun't Hus düstergrau, een lütt Finsten haben keet na't Westen. Wenn he um de Eck tre, so weer't en Schritt bet in de groten Flögelbærn. Dat Gras grön as jümmer vør Dær, de Lebkojenplanten in't Beet darin weern noch man eben eerst sett. Un as he sik umdreih, do stunn de Dær apen, de Sünne schin hell herin, un inne Dær stunn, de he gar nich vermoeth' un an de he nich wagt harr to denken, un keet inne Feern — ja, dat Hart stunn em stupp still!

Se stunn ganz ruhig oprecht inne Dær, de groten swarten Degen gungn inne Feern, se harr en lütt Bok inne Hand un een vun er witten Fingern man! de Blod, he kenn dat Bok recht gut, as he Allens kenn, wat se um un bi sik drog: dat weern Gellerts geistliche Lieder un Gedichte, wo se mitünnern in to lesen plegg. Se seeg inne Feern, as verhör se sik, wat se leet harr, ob se't noch wuß, oder as doch se deræwer na, ob se't of löv. Langsam gungn er Degen herum un op em to, as he um de Eck treden weer — as man op en Stod oder Steen süht, so schin em. Erst allmähli richten se sik würtlk op em, un eben so allmähli gung er dat Roth ute Backen, bet se op eenmal ganz bleet utreep: „Thieß Thieffen!“

Thieß Thieffen weer vellicht noch bleter, un stamer un sä: „He wull blot noch mal dær den Garn gan, noch mal dat Hus ansehen, noch mal —“

„Awer mein Gott, wat denn?“ seggt se.

„Ach,“ sä he, „he muß je nu doch Allens verlaten.“

„Leider,“ sä se, „gewis, Hus un Garn,“ un se seeg æwer den Plaats herum, „Mael un Geschäft. Awer dat mæt wi je all, un dar komt je wul noch mal wedder betere Tiden, um torügg to lehrn, Batter is nich ahn Hofnung weg gan, un wi —“

„Wi?“ frog Thieß, un war noch bedrückt vun en Wort, wat leet, as hör he mit derto, un he wuß je man to gut, dat he nu sin Blichten dan harr un gan muß, as all de annern Lüd int Geschäft.

Darop sä se, „Batter harr er seggt, wat to don weer, wenn Thieß vun Holland torügg keem. Nu leet sik't denn doch je bereden. He weer doch am Ende de eenzigste Fründ,

stupp: urplöpflich (engl. stop: halt!) drog: trug. löv: glaubte. utreep: ausrief. stamer: stammelte, stotterte. mæt: müssen. leet: sich so verstehen ließ.

he war doch nich den Gedanken hebbn, er un ern Batter of to verlaten."

"Gewis ni," sä Thieß, „so lang he been' un wat hölpen kunn. Doch de Geschäft weern je egentli afwidelt, un Frünn harr se je de Meng', de ganze Ort weer so to nömn. Also dar brukt vun em nich mehr de Red to sin."

"Doh," sä Reinhilde, un schüttel truri den Kopp, „Frünn int Glück; wenn't Unglück kumt, sünd se nich dar, dat mæt wi of erleben."

"Awer mein Gott," meen Thieß Thieffen, „ob Ramsfell Hilba denn nich bi Landschriwers wahn?"

"Ne, gewis nich! Se weer mit en Mäden ganz alleen, un wahn noch int Hus ant Markt bi de Saten."

"Doch keem de Ramsfell je wul dägli dar ober hier to er?"

"Keen Minsch vun de Darn," sä Reinhilde, un de Stimm feil er binah.

"Awer gewis keem He doch," sä Thieß indringli un as mit Angst, dat nu de Entscheidung keem, „he, de dat Glück nu je mit beide Hann gripen kunn: denn of noch Trost to bringn to de Leb, dat weer je duppelt Glück un rein as vunn Himmel."

"Awer, mein Gott, wer denn?" frag Reinhilde ganz verwunnert, as harr se gar keen Ahnung darvun, wo Thieß hindüden wull.

Doch as de nu den Nam vun de Secretär al oppe Lippen harr, un noch man half mit dat Wort herut weer, do gung dat so sunnerbar æwer dat schöne Gesicht hin, as kunn Lachen un Been' sit aflösen inn Ogenblick, doch of en lisen Spott wull sit wisen, vertrodt awer eben so rasch, as en lütt Wull ann warm Morgenhimmel, un mit en Ton, womit en verständnig Schwester wull ern eenfoltigen Broder torecht wißt, — un de Ogen fungn an to lachen darbi — sä se:

"Also dat heft du lövt, Thieß Thieffen? Lövt vun Batter un vun mi? den Mann? it will nix anners seggn!"

Awer Thieß hör egentli nix mehr. Em weer ungefehr, as fungn de Klocken an to lüden, vun de man seggt, dat se Ostern un Pingsten toglikt inklingt. Jedes Wort drop em,

nömn: nennen. de Darn: „die dortigen“, jene. feil: „fehlte“, ging aus.

aß stunn he dicht darünner, aß he wul ehr dan harr op den Thorn dar ant Markt, un denn weer't em, aß war he allmählig ut en Binn rutwickelt, de em de Ogen toholn un dat Hart bedrängt harr, dat he weder recht mehr harr sehn noch athen kunnt. Un aß se noch mal na en lang Bedenken nich ahn en Bærwurf sä: „Bi so vel Totrun vun Vatter un mi, heft du dat löben kunnt?“ do kregen de Klocken em ünner, do greep he er Hann un sä:

„Inne Angst vun min Seel, Reinhilde, un inne Demoth vun min Harten, och! ik heff nix lövt un wag' nu noch weniger to löben, denn wenn ik mi nu irr un seiln de, so gebt vær mi keen Weg, aß . . .“

Doch he harr noch nich utrëdt, so föhl he al den Druck vun er Hann, de he fast holn harr, de eenzige Druck, de em sä, dat he't wagen kunn to löben un dat he sit nich irr. Do trocken de Wullen em vun sin Ogen, de em sit Jahren de Welt verdüstert, de em nu den ganzen Weg inhüllt harrn in sware Dröm un Gedanken, un aß he sit opricht un glückseli er de Hand un de Mund küß, do bruf se em dat nich mehr mit utdrücklige Wör to verssekern, do wuß he't in un ut sit süßn al gewis, dat se em leef hatt harr al lang, dat se gebüllig tövt, bet em de Ogen opgunn. Do warn alle Klenigkeiten vun fröher grot vær em, un æwer en lange Tid rüggwärts harrn Teken en Bedüdung, de he blot ni waght harr uttodüden. —

De Fritsch jung sin Leed un de Alazienbom weeg sin junge Blæd, aß de Weiden stunn Hand in Hand, un nu tosam nochmal de Tiden glückseli æwerdachten, de he sit hüt morgen al mal bærbacht harr alleen, un æwerlen, wat inne neegste Tokunft to don weer. —

To æwerleggn weer nich vel, denn dat gev nich vel verscheeden Weg'. Als Thieß man wuß, dat Reinhold Nissen nix gegen em hebbn war, aß he hör, wat værn Bertrun he gegen sin Dochder æwer em utspraken harr, do weer't bald beraten. Se müssen eerst mal op un darvun; ob se mal wedder kam' un wat vun dat Getwef' hier ansaten kunn', muß de Tid wisen. Thieß muß vær Allen eerst den Olen achterna. He muß Reinhilde irgendwo ünnerbringn. Em schin Kiel am besten vær er. Sunnerbarer Wis' weer de Familie ganz ahn

seiln: fehlen. tövt: gewartet. Teken: Zeichen. uttodüden: zuden.
Fritsch: Hänfling. æwerlen: überlegten.

Verwandten. In Kiel harr Nissen awer nochümmer en Stück Gewes' an en lütt Dampmæl. Dar dach Thieß dat Geschäft antofaten.

So beraden se herum, bet Stunn verlopen weern, ahn dat se in er Glück darum wis warn. Denn all't Düster vør de Tokunft weer hell Sünnschin vør en junge Kraft as Thieß, un Reinilde harr in dis sware Tid genug Kummer leden, weer so demödiget un drückt warn, dat se geern mit hœp un mit opbu vør en betere Tokunft, un sit mit dregen leet vun en nie Hofnung.

Thieß sin ol Moder wuß al lang, as de ganze Ort, dat er Søn wedder to Hus kam weer, un wat noch vun Nissen sin Wartlud, Handwarkers un Arbeiders nableben, dat hœp op em, as de Mann, de en groten hollandschen Geldsack mit un Allens wedder to Gang broch. De Beiden dachten natürlich gar nich daran, dat Minschen op se töben un lurn un Annerlud of en Recht harrn op Thieß. Se keem' eerst to sit süln un to so'n Gedanken, as en lütt krumme Gestalt, nu an en Stock, sit langs de Stigen sleek un mit grote ängstlige Ogen am Ende an se Beide behangn blev, as seeg se en Unglück ober en Wunder. Se stunn en Ogenblick still, denn war se lant as en vullwussen Fru, un mit de Stimm ut er Jugendtid, de er wedder vørswæben much, reep se: „Min Søn! min Rinner! Gotts Segen un min!“ un denn huch se wedder tohopen, so kleen, as se je west weer. —

Dat gev vør enige Tid noch genug vør Thieß to don: mit dat Lager, mit de Böker, mit Gläubigers un Schuldners, mit Möbeln un Werthsaken, de man beholdn wull ober muß. Dar hör en geschickte un gedüllige Hand to, dat harr nig as Truer un Verdruß geben, harr em nich dat heemlige Glück æwer Allns wegdragen. Heemli blev dat. Keen Minsch weer't vellicht opfulln, wenn Thieß un Ramsel Nissen as en Brutpaar optreden weer, man reken den Verwalter al lang as en halben Herrn un as Een uten Hus' un de Firma. Keen Minsch dach awer of jüs daran, wenn de Beiden vel tosam sehn warn, man wuß je recht gut, wat se tosam to don un to frigen harrn. Dat grot Gewes' stunn je dar as en utpust Eischell. Dat harr wul en Egendömer an Nissen sin

all't Düster: all die dunkle Ahnung. leden: gelitten. hœp: hoffte. Wartlud: Werkleute. langs de Stigen: auf den Steigen entlang. behangen: hängen. vullwussen: ausgewachsen. reken: rechnete. utpust Eischell: ausgeblasene Eierchale.

Hauptgläubiger, de kunn der man nix in opstellen un nix ut maken. He leet vœrlœpi Allns tosluten, as man en Dodenskapell tomaft, wenn't Allns vœrbi is. Natûrlîch en beten Opseher un Inwahrner blev an jeden Placken, un de Mîsten vun de Arbeiders funn dar so er Gnadenbrotsstell, se bleben as dat Braç vun en grot Fâhrtûg, wat so gallant harr See holn in Storm un Wedder menni Dag. Un dit keem of endli mit Thieû sin Hûlp allens torecht. Baas huc op een Mael, Geert op de anner, klein Anna wull nich ute Heid, un wenn man er in Gold harr faten un ûnner Glas harr setten wullt. Se blev in er Hûschen, wat Thieû vœr er alleen torecht maken leet, denn Jan Willem weer richti mit de Herr gan, he un de Herr tosam — op Vœrposten. Se blev un heel en beten mit Opficht op Hus un Garn.

As Thieû un Hilda tum lekten Mal ut de grot isern Port gungn un de swar achter se int Slœtt full: do seegen se sîk noch mal wehmœdig awer glûcklich inne Ogen. Se ahn', dat se nich wedder keem'. Se verleten de Heimath, um sîk en annere nie to sœken. As se nochmal, to'n lekten Mal, umme Heid spaœern gungn, um noch eenmal jeden Plaz un Placken to besehn, do dropen se of noch op Onkel Justus, de in disse Tid na un na fast en annern Mînschen warn weer. He harr sîk bi de Smuggeli un Handel en beten erworben, dat war em en Stûtt, wo he sîk eerst an heel un denn an opricht. He fœhl sîk fri, he hung vun keen Mînsch, vun keen sin Gnab un keen sin Lun mehr af. Leet he of dat Swarmn ni ganz na, so war't do „nobler“, as he sâ, he seet ni mehr bi Greten Gevsch, grot Mat oppen Disch, he drunk sîk en „Lûtten“ ordentlich ut en Glas mank ordentliche Lûb. Dat kreeg so to seggn en „Form“ mit em, un sin Amt as „Schau-mann“ inn Ort verlor mehr vun den Bajaz un kreeg mehr vun den Bullmacht. He weer keen gewœhnlichen Mînschen, daræwer paû he mehr in de ungewœhnliche Tid. He seeg mit Bullgefalln op Thieû un Reinilde, seeg of glîk, wa't um de Beiden stunn. He schoof den Hot en beten scheef, um sîk mit de Hann en beten ant Ohr to kraun, un sâ: „So recht, Thieû Thieffen! dat heff ik mi jûmmer dacht. Du kunnst mehr, as

tosluten: zuschließen. Seeholn: dem Seegang stand gehalten.
huc: hœtte, blieb wohnen. Stûtt: Stûtze. opricht: aufrichtete. keen
sin Gnab: niemandes Gnade. Lun: Laune. Swarmn: Schwârmen,
unruhiges, unregelmâssiges Leben. kraun: kragen.

